











Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAAGL 1.7.292/a





Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.292/a





CASPARI  
HOFMANNI,  
DE  
CALIDO INNATO  
ET  
SPIRITIBUS,  
SYNTAGMA  
in duos Libros tributum, cum præfatione  
De  
SECTIS PHILOSOPHORUM.



FRANCOFURTI AD MOENUM,  
Apud THOMAM MATTHIAM GÖTZIUM.  
M DC LXVII.



rum historia liquet. Ab his transivisse ad Ægyptios putem. Non tantum enim Moysen in horum Philosophia institutum esse scimus, sed & philosophandi rationem habemus ex scriptis Mercurii Trismegisti, qui non longè abfuit à temporibus Moysis. Ab alterutris ad vicinos Indos Æthiopesque venisse persuadent Gymnosophistæ, sive omneis unâ voce ita dicere velis, sive dividere in Brachmanas & Germanos, seu ut alii, Sermanos, Hylobiosque. Ab his ad Maurifos seu Mauritianos (cum quibus Libycos jungo, & Atlanticos) derivatam fuisse verisimile est. Fortassis ab his transfretavit ad Hispanos, deinde Gallos, qui Druidas vocabant Philosophos suos, tandemque Scythas quoque nostros. Neque verò dici potest, seriùs hoc contigisse. Orpheus enim qui natione Thrax fuit, longè ante Romam conditam (annis quingentis, & amplius) vixit. Hujus autem vel filius, vel discipulus Museus fuit, à quo Hesiodus habuit sua. Iisdem penè temporibus Linus vixit: sed longissimè post Homerus, si Cornelio Nepoti credimus, annis 160. ante conditam Romam. Toto hoc tempore, annis ter mille & amplius, imò ad Thaletem usque, seu Anaximandrum, qui vixere circa annum mundi 3370. aut si mavis, Olympiada 46. non fuit Philosophia sub ullius sectæ nomine. Nempe enim vetustissimi philosophantium (verba sunt Clementis Alexand. 7. Strom.) minimè ad contendendum vel differendum ferebantur. Magni viri tribuunt in Barbaricam & Poëticam: à quibus si leviter dissentiam, non ferent illi molestè. Licet enim ex ejusdem Clementis 1. Strom. distinctio peti possit Philosophorum in Barbaros & Gracos: non licet tamen Philosophiam ipsam Barbaricam vocare, quòd Graci plurimi eam sectarentur. Licet Graci iidem ferè Poëta fuerint: omnes tamen fuisse, cupio mihi demonstrari. Cùm igitur reliqui idem philosophandi genus (patebit id ex dicendis) sectarentur: à genere orationis quæ peti potest firmum discrimen? Quamobrem ego quidem, hoc dimisso, illud accepto, vocoque Barbaricam Philosophiam, omnem illam quæ ad Thaletem usque fuit: cui, ut & reliquis, si non nocet quod è Barbarica pullulârint, quin autores habuerint Barbaros; utique nec Barbarica nocebit, si pauci Graci fuerint illi permisti. Circa igitur annum dictum quum Thales è Phœnicia profugus, Miletum Ioniæ venisset cum Neleo quodam, seri cœpit secta Ionica, sive ab ipso, sive ab Anaximandro discipulo. Incidit hoc in tempora Nabuchodonosoris, qui & Nebucadnezar, & illum ferè articulum quo mente captus in sylvis errabat. Si aliquid ex profana quoque historiâ desideras in regnum Tarquinii Prisci. Hic Thales non Barbarus tantum fuit, sed & ab Ægyptiis Barbaris didicit Philosophiam. Vt etiam hinc dignitatem Barbaricæ agnoscas! Duravit hac annis non multis, nisi Socratem jungere ei velis, Plato-

nem.



nem, Aristotelem, alios, quod neutiquam fieri potest. Quomodo enim Socratem possis, qui

— de Naturæ pondere migrans,

Ad mores hominum limandos transtulit usum?

Quomodo reliquos duos, qui sectas peculiares constituerunt? Tanto minus, quod intersit inter has & Ionicam Italica? Et hac quidem quâ fronte anteponitur Ionica, nisi temporum rationem omnem confundere volumus? Italica hac dicta fuit, quod in illa Italia ora, quæ Græcia magna vocabatur, erigeretur à Pythagora. Et vixit is, non temporibus Numæ, ut quidam nimis quàm licentiosè nugantur: sed Tarquinii Superbi. Sub hoc enim in Italiam venisse, autor est Gellius lib. 17. cap. ult. nec alienus est Cicero, qui 4. Tuscul. iis temporibus in Italia fuisse ait, quibus L. Brutus patriam liberavit. Cum quo planè est D. Augustinus, qui 18. Civit. Dei, 37. capisse ait excellere & nosci, quo tempore soluta est captivitas Babylonica. Id verò accidit circa Olymp. 50. quam ipsam nominat Dionysius Halicarnassæus 2. Antiq. Putaverim igitur rescribendum apud Plin. lib. 2. c. 8. Olympiade circiter quinquagesimâ, qui fuit Urbis Romæ annus centesimus septuagesimus secundus. Duravit hæc secta non diu, si modò verum est, Thelaugen, filium Pythagoræ, fuisse autorem Eleaticæ. At si, quod verius est, Xenophanes Colophonius, duravit ad annos quinquaginta. Hunc enim circa Olympiadem 60. vixisse Laërtius refert. Caterùm quò nobilior fuit Italica secta, eò obscurior hæc Eleatica est. Vt enim Pythagoras suam Philosophiam debet Aegyptiis, Chaldeis & Indis, atque ita sapit aliquid Barbarica, si modò non ipse Pythagoras fuit Barbarus: ita Xenophanes fuit non autò id autò tantum, sed & irrisor multò præstantiorum se, Homeri, Thaletis, Pythagoræ, aliorum, ut est apud eundem Laërtium. Dicta fuit à duobus, ut Cicero ait, discipulis ejus, Parmenide & Zenone, qui Eleâ in Lucanis ortierant. Non diu duravit, nec celebres habuit viros. Nam qui Democritum Abderitam illi dant, videntur falli. Qui enim præceptores habuit Magos & Gymnosophistas, caperetur ille talibus nugis? Et Pythagoricum fuisse, haud obscure docet Laërtius. Quod si in atomis, in aliis quibusdam ab illo discessit, non debet id esse mirum, quando plerique liberè tum agebant. Vixit circa Olympiadem 80. ut Herodotus rectè videtur statuere. Circa Olymp. 88. natus est Plato. Is post varias peregrinationes Academiam instituit veterem: (fuerunt enim qui & Novam & Mediam, & nescio quas alias introduxerunt) licet in plerisque omnibus Pythagoram secutus sit, ut ex Arist. novimus. Hic cum natus esset Olymp. 99. quadraginta plus minus annis post Platonem sectam Peri-



pateticam instituit. Instituit autem longè aliam ob causam, quàm vulgo creditur. Neque enim vel sedendi vel inambulandi inter docendum consuetudo quidquam mutat in Philosophia: mutat autem ipsa philosophandi ratio, quæ ὁλὴ τῶ πάντων, ut Græci loquuntur, differt à Platonica. Circa Olymp. 126. Zeno Citticius Stoicam nobis dedit Philosophiam, à porticu, in qua versabatur, dictam. Hic cum origine Barbarus esset, (Pænulum enim per jocum vocat Cicero) mirum etiam non est, quòd in plerisque Punicam sectatus sit philosophandi rationem. Secutæ hanc sunt aliæ, præcesserunt plures, sed ferè minutiores, quam ut debeat heic fieri illarum mentio. Qui velit, videat Justum Lipsium τὸν πᾶν, 1. Manud. Stoic. 5. & seq. & Pererium lib. 4. qui est de antiquis Philosophis, apud nos pleraque omnia leget, quæ eo faciunt. Mihi enim incumbit necessitas docendi, quid Barbarica illa Philosophia de primis rerum initiis statuerit, quoque modo fierent rerum generationes? Vbi ante omnia sciendum est, ex jam aliquoties laudato Clemente 1. Strom. τὸν τῶ πᾶν κατὰ τὰς ἀρχὰς φιλοσοφίας, ὡς ἐστὶν ἐν αἰνιγματώδῃ. Quæ ita intelligo, Philosophandi rationem apud veteres fuisse fere talem, qualis apud primos Philosophos Ebræos frequentabatur, per æigmata videlicet, seu signa. Interim apud plerosque fuisse satis perspicuam. Deinde & hoc, priscos illos, & origini suæ viciniores, rectè procul dubio de Deo sensisse, non fecisse, inquam, (quod Lactantium reprehendere audiemus) Deum creaturarum partem, neque fatali necessitati inclusisse: posteriores autem & in his, & in aliis forte, graviter deliquisse. Fuit igitur plerorumque, à primæ ingenuitate deflectentium sententia, duo esse rerum principia, Deum & Materiam, siue Agens & Patiens. Et quemadmodum Materiam, non secus ac Peripatetici, duplicem constituebant, Primam seu omnium, & secundam seu singulorum: ita in Deo duo constituebant, Essentiam ipsam divinam quæ & intellectum divinum vocabant, & Rationem quandam divinam. Ab intellectu divino procedere seu fluere aiebant corpus quoddam ætherium, lucidum & perspicuum, quod ab octava usque sphaera ad centrum mundi effusum, ante quidem rerum constitutionem, seorsim ab aliis corporibus esset, in ipsa autem constitutione, seu mixtione seu generatione, corpora ingrederetur, eademq; animaret, quod est, vivifico calore perfunderet, perfusa in eo statu servaret, contineretque, ne diffuant. Hoc corpus vocabant illi, modo eodem cum Deo ipso nomine, Deum, Mentem, Naturam & essentiam communem, causam; modo proprio, Animam seu Spiritum mundi. Hac confirmare oportet auctoritatibus quibusdam. Adam duo significare tradunt quidam ex Chaldaeorum, puto, doctrinâ, & Philone, Mentem, terræ applicatam.

Quis



Quis enim heic non videt duo illa principia? Eadem exsculpunt è diversis in Genesi de creatione verbis, quorum hoc quidem ad corpus pertinet, illud autem ad animam. Eadem qui non agnoscunt in primo statim vestibulo Mercurii Trismegisti, sed temerè convolant ad unam in tribus personis distinctam essentiam divinam, quam è Sacro codice habemus: nimis ij faciles sunt. Si enim Mercurium, non cum Moysse conferas, quod quidam magno studio faciunt, sed cum iis, cum quibus debes, cum paganis, inquam: videbis ovum ovo tam simile esse non posse. Reverà enim Mens illa divinæ potentie nihil aliud est, quàm Deus rerum omnium efficiens, quod tota illa oratio nimis quam clarè docet. Ratio autem, quæ in mente est, ut postea se explicat, est vis illa divina, est spiritus ille sacer, qui constituit in nobis id, quod videt & audit, ut loquitur. Et hæc Ratio, quia à Deo manat, dicitur Filius Dei, quemadmodum Deus ipse, pater. Quæ Ratio, unita Materia, quam vocat Naturam humidam, quæ etiam antiquiorem se esse affirmat Deus, facit vitam. Facit autem mediante Spiritu, ut se explicat, qui Spiritus corpus est reliqua corpora penetrans, in iis discurrens, ea replens. Hic Spiritus est in corpore, in Spiritu est Anima, in Anima Ratio, in Ratione Mens quam scalam post pauca instituit. Hæc ita esse, (Physica, inquam, tradi à Mercurio, non Theologica) probo duobus modis, altero, ex anigmatibus & fabulis desumpto, altero ex doctrina Stoicorum, qui & propinquiore nobis sunt, & verò satis luculenta testimonia reliquerunt in scriptis, quæ supersunt. Orpheus cum fingit Protea (significat hic vel ipso nomine principatum) *πῶς αὖτε φέρει δὲ γὰρ οὐκ οἶδ' ἔτι* Quivert,

*ἢ τὸν αἰθέρα ἢ τὸν ἰσθμὸν ἢ τὸν ὠκεανόν* id est, quomodo?

— omnis Naturæ primordia exhibere, alterando molem materiæ in formas multiplices:

Annon dicit mutationem illam formæ, de qua Mercurius statim in frontispicio? Hunc cum imitatur Homerus, eique filiam tribuit *εἰδοθεῖαν*, hoc est, essentiam quæ in species vertitur: quid aliud vult? Certè hinc fit, ut primum fiat generosus leo, deinde draco, &c. Rursus, cum Orpheus ait, interprete Natali Comite in Mytholog.

Juppiter est fundamen humi, & stellantis Olympi,

Juppiter & mas est & fœmina, nescia mortis,

Spiritus è cunctis, validi vis Juppiter ignis:

Dicine potest aliud inter alia discrimen, quàm nominum? Debet autem vicinitas tantò acceptior esse, quò certius est, Mercurium etiam agnovisse divisionem Dei in marem & fœminam. Quid enim, inquit Comes, potest esse idem mas & fœmina



immortalis, nisi Anima mundi, qua habeat in se omnia hac producendi facultatem! Debet verò & idè non contemni, quòd Jupiter non minores subiit mutationes propter generationem, quàm ipse Proteus! Et prima ejus uxor, μῆτις, Prudentia; prima ejus filia, ex eodem conjugio monstrosè nata, Pallas: quorsum it, si huc non it? ad animam mundi, inquam, cujus interventu omnia gubernantur? Et vulgaris est sententia, Jovem nihil aliud esse, quàm Æthera, seu Aërem, cujus ad generationem quanta sit necessitas, omnes norunt. Scilicet, hujus in primis beneficio fit ἰερός ille γάμος, sacræ illæ nuptiæ, quas Veteres dicebant institui tempore verno, cùm Sole ad nos redeunte omnia revirescunt. De his est coitus Jovis cum Junone apud Orphea, Homerum, Lucretium, Virgilium, è quo omnis generis flores enati sunt. Hic est magnus ille Jupiter, qui apud Platonem volucrum in cælo impellens currum, omnia ordinat disponitque, ut cogantur sequi illum Dii & Damones, &c. Hic est ille, qui apud Homerum cælo demittit catenam auream, à quâ omnia sunt apta. E quâ confectam esse à Platone Deam necessitatis, qua cuncta devinciat divinâ quadam lege, deducatque in actum, planè mihi persuadeo. Huic sedem fingit in centro mundi, quippe quòd sciebat Pythagoreos facere οὐρανὸς πύργον ἢ φουλακίον, Jovis arcem seu domum, ut inde quaqua versum sese extendere possit. Facit autem hoc ope οὐρανόμετρον quarundam φερεγγητικῶν, quas Anaxagoras vocabat, facultatum quarundam præsidiarum, quæ sunt naturæ illæ ætheriæ, aqueæ, aliæ, quas Plato in Phædone sugillat. Sunt autem, meâ opinione, nihil aliud, quàm Anima mundi, secta (ut ita dicam) in animas multas particulares, unicuique speciei familiares. Ut vel hinc possit aliquis, Anaxagoræ defensionem suscipere, & dicere, non omnia illum retulisse ad Mentem, sed ad Animam mundi, Menti illi succenturiatam, ne Deum nimis oneraret. Meminit hujus rei Galenus quoque 6. V. s. part. 12. ubi vide commentaria, si lubet. Nisi fallor, ad hanc rerum vicissitudinem Atlas quoque respicit, de quo Homerus ait, columnas habere longas,

— αἱ γὰρ αἰὶν τε καὶ ὑπερὸν ἀμφὶς ἔχουσι,

— qua terram cælo jungunt.

Præterquàm enim quod ad catenam auream proximè accedit, Atlas ille non minores subiit mutationes, quàm vel Proteus vel Jupiter: quin Atlanti, detruso ab imperio, successit Jupiter. Hac in re consensum habeo eorum, qui ex Arist quoque probant, Atlantem mythologicè esse Animam mundi. Nimirum huc denique tendunt omnia, Deum esse verissimum rerum omnium principium, à quo procedens virtus substantialis constituat omnia. Verba in hanc rem sunt Macrobbi 1. in

10mn.



somn. Scip. 14. *vel idèd huc afferenda, ut cerò constet, Mercurii illa merè Physica esse.* Deus, inquit, qui prima causa & est, & vocatur, unus omnium, quæque sunt, quæque videntur esse, Princeps & origo est. Hic, superabundanti maiestatis fecunditate, de se mentem creavit. Hæc mens, quæ vocatur, quâ patrem inspicit, plenam similitudinem servat auctoris. Animam verò de se creat, posteriora respiciens. Rursus, anima patrem, quâ intuetur, induitur, ac paulatim regrediente respectu in fabricam corporum, in corporea ipsa degenerat, &c. *qua vide.* *Is enim omnibus quia explicat Ciceronis illud, Hominibus datum esse animum ex illis sempiternis ignibus, quæ sidera & stellæ vocamus, & verò ex eodem Cic. ostendi potest, in singulis mundi partibus inesse quiddam, quod est quasi Spiritus ac proprius calor, qui viventibus convenire conspicitur: jam hinc intelligi potest, Quæ fuerit priscorum de rerum generatione sententia? præcipuè, unde singulis rebus sit id, per quod sunt, quod sunt? Hoc ipso quia sensim defluximus ab enigmati ad doctrinam Stoicam: age videamus rem distinctius.* Hic ab initio illud sciendum est, quod è Laërtio, Stobæo, Plutarcho deduci poterat, si opus esset, Distinxisse illos Principia ab Elementis, quippe quæ ex principiis orta sint. Principia autem non statuisse alia, quam quæ dixi, Deum & Materiam; principia verò eadem Platonis fuisse, & Pythagoræ: tam certis documentis probat: *ἡ ἀρχὴ καὶ ἡ ὕλη* Lipsius I. Phyl. Stoic. c. 4. *ut hominis temerarij sit dubitare velle.* Siquis de Trismegisto ambigeret, ab illo ego cupiam intelligere, Quis sit ille Pimander, qui seipsum appellat Mentem divinæ potentie? Quæ sit item Natura illa humida, quam Ratio (ita enim vertere oportet) fovebat? Nimis igitur hac quàm clara sunt! Fortassis non ita clarum est, An scriptum ipsum tam sit antiquum, ut vulgò creditur! Ego valde quam suspicor & argumenta afferre possum non levia, quibus convincam, Stoicæ potius cujusdam esse. Quod quia operosius futurum erat, quàm utilius, accingar ad id probandum, quod loci huius proprium est, Stoicorum doctrinam tam vetustam esse, quàm ipsa Barbarica Philosophia est. Hac in parte utar statim Piccolomini in lib. de Cælo & Mundo, autoritate. Contendit enim is & verè, Orphea, Theologosque Phæniceos docuisse, Animam mundi, è divino intellectu ortam, & ab eadem redditam secundam, continuo spirare communem illum, vitalem, lucidum & perspicuum Spiritum, qui ad centrum usque terræ effusus, omnibus & singulis dat portionem caloris illius, per quem sunt, quod sunt. Hinc adeo Aristot. scribere, Animam hominum, de sententia Orphei, ingredi, dum spirant. Idem statuere Pythagoreos quosdam, necnon Stoicos, quàmvis plerique à

Deo



Deo non secernant, ait ille. Cui si quis rusticior fidem deroget, ei non difficile esset testimonia ob oculos ponere, quibus in sententiam hanc ire cogatur. Quid enim est Spiritus ille Orphei, de quo nuper? Et quia Poëta de Poëtis mutuo accipere solent, quid est illud Virgilianum,

Spiritus intus alit, totamque infusa per artus  
Mens agitat molem, & magno se corpore miscet?

Atque ut videas, non solitos fuisse semper distinguere Deum ab Anima mundi, accipe sis hoc alterum ex eodem fonte.

Deum namque ire per omnes  
Terrasque, tractusque maris, cælumque profundum.

Quid tertium ejusdem, — Jovis omnia plena?

Planè Catonis illud, renuentis ad Ammonem progredi,

Nam Deus est (inquit) quodcunque vides, quocunque moveris.

Nec aliò eunt, Ciceronis illa in Consulatu suo,

Principio, ætherio flammatus Juppiter igni  
Vertitur, & totum collustrat lumine mundum,  
Menteque divinâ cælum, terrasque petessit.

Illa item Manilii — — — — — cùm Spiritus unus

Per cunctas habitet partes, atque irriget orbem,  
Omnia pervolitans, corpusque animale figuret.

Tandem illa Arati quoque, — — — — — Μὴ σὰν ὁ δῖος πᾶσαι μὲν ἀνθρώποις,

Πᾶσαι δὲ ἀνθρώπων ἀγοραί, μέσῃ δὲ θαλάσῃ,  
καὶ λιμένες, παντὶ δὲ δῖος κεχρημένα πάντες.

— — — — — Plena Jovis sunt omnia compita,

Omnes hominum conventus pleni sunt, plenum est mare,  
Portusque, ubique locorum omnes Jove opus habemus.

Quæ si fastidis, ut Poëtica: non argues tamen (spero) mendacii illos, qui agnoscunt hæc talia pro genuina Philosophia Pythagoræ, Platonis, aliorum. Quin Thaletis est illud apud Aristotelem, πάντα πλήρη θεῶν εἶναι, Deorum omnia esse plena.

Quod totidem verbis sed sine autore, apud Platonem legeris, 10. de Leg. Et apud eundem Heraclitus, in taberna furnaria sedens, jubet ingredi eos, qui allocutum illum volebant, εἶναι θεοὺς ἐν ταῦθα θεοί, esse enim ibi quoque Deos, dicens.

Quibus è verbis cùm pariter elucescat confusio illa, de qua loquebar; & verò illa parum sit amica distinctæ cognitioni: operæ fuerit pretium conquirere distinctas super ea re locutiones, licet ipsi (Stoici) in rei veritate non distinxerint Deum ab Ani-

Ani-



*Anima mundi.* Laërtii in Zenone ista sunt: φύσιν μὲν ποτὲ δοκοῦνται πλεονεχέ-  
σαν τὸν κόσμον ποτὲ δὲ τὴν φύσιν τὰ ἐπὶ γῆς: Naturam (sic Lipsius) modo dicunt eam,  
quæ Mundum continet: modo illam, quæ gignit, producitq; super terram. Priori igitur  
loquendi modo Creatorem cum creaturis confundunt: Posteriori distinguunt  
à Deo id, quod à Deo fluit, & ad constitutionem particularium concurrat. Hæc ipsa  
pulchrè distincta sunt à Chrysippo iis, quæ Plutarchus affert, ὅτι ἡ κοινὴ φύσις, καὶ ὁ κοιν-  
ὸς δὲ φύσιος λόγος, & δὲ τὰς ἀντιποδὰς λέγειν. Quasi diceret, Quod sit Natura quedam  
communis (sic etiam Seneca appellat Deum) quæ mundum continet omnem, eumq;  
tuetur, ut Ciceronis verba habent; quod etiam præter communem Naturam, sit  
communis quedam ejus virtus seu Ratio: ne Antipodibus quidem obscurū est. Hinc  
intelligitur quia Animam mundi vocat Rationem: non velle illum, esse hanc Ani-  
mam sine sensu & ratione. Quæ in opinione cum essent quidam ex Veteribus, ipseq;  
adèò Hippocr. à quo non dissentit Gal. de vi plastica loquens: acerbè eos taxat Plato.  
Ego verò assero, inquit, quòd omnia cum ratione fiant, & divinā scientiā, ab i-  
pso Deo. Hactenus ergo bene Stoici, cum non Deum tantum, sed & animam mundi  
faciunt rationalem. Ita Cicero, in Natura sentiēte Ratio perfecta inest, quam vim  
Animum dicunt esse mundi. Et caute! Si enim Anima mundi, nihil aliud est quàm  
Deus, in res has sublunares expansus, quæ possit aliter esse? Ita Posidonius apud Sto-  
beum: Θεὸς ἐστὶ πνεῦμα, οὐκ ὄν ἢ πυρρὸν ἢ ὕδωρ, ὅτι ἔχον μορφῶν, μέλας δὲ ἄλλων δὲ εἰς αὐτὸ βούλεται, καὶ  
παντομοιοῦμενοι πάνσι, Deus est Spiritus intelligens & igneus, ex se quidem  
informis, induens verò se in formas, in quas vult, ipsisq; se similē faciens.  
Quæ aliis tantum literis scripsisse videri potest Trismegistus: Μίαν μὲν ἦν ἰδέαν ἔχοντα  
θεὸς, ἡ δὲ ἐστὶν ἰδίᾳ αὐτῆς, ἡ δὲ τὰς αὐτῆς οὐκ ἔχοντα αἰνῶμα δὲ, καὶ πᾶσαι αἱ δημιουργῶν δει-  
κνυσιν. Deus non nisi unam formā habet, quæq; illius propria est, & in oculo  
nō incurrit, incorporeā: qui tamen omnes formas, per assumpta cor-  
pora, exhibet. Ex quib; intelligitur affinitas aperta hujus Philosophiæ cum recta  
illa seu Mythologica. Intelligitur verò imprimis, quo modo accipiēda sint illa Zeno-  
nis apud Laërtiū, θεὸν εἶναι πνεῦμα, διήκον δι' ὅλην τὴν οὐρανὴν. Item illa in l. de Mundo, quem  
Aristotelis non esse, sed Stoici cujusdā vel inde patere possit, πνεῦμα λέγειν ὅτι αἰετὶς ἐμψυ-  
χῶς τε καὶ γινώσκων, ἡ δὲ ἐν φύσει καὶ ζώῃς καὶ ἐν παντί διήκει. Rectè enim ibi Lipsius, Cicero-  
nis autoritate, Deus est Spiritus, pertinet per totum mundum. Rectè heic  
quoq; Budæus, Spiritus aliquando dicitur substantia animata & genitalis,  
in stirpibus & animalibus existens, per omniaq; pertinēs. An melius in his  
posterioribus dicere poterat, Per stirpes & animalia, adeoq; per omnia pertinēs? Est  
enim διήκων heic, non pervadere, transire, transmeare: sed continuū esse, & ut alibi



Cicero vertit, intentum esse. Hoc manifestum sit ex illis Laërtii: Volebant Stoici, εἰς ἅπαν ἡσόμεθα & διήκειν τὸν νῦν, καὶ πάντες ἐφ' ἡμῖν τὸ πνεῦμα. Quasi hoc vellent, Quemadmodum in nobis anima non est in certa aliqua parte (effectivè) sed in omnibus: ita Deus, qui est anima Mundi, est in omnibus mundi partibus. Unde obiter intelligitur, Stoicum esse dogma illud, quod vulgò pro Aristotelico vendunt, Animam totam esse in toto, & totam in qualibet parte. Manifestissimum evadit ex Alexand. Aphrodis. l. de Mitione, ubi Chrysippi de eà sententiam fuisse ait, ἡνὶ δὲ τὸ πνεῦμα ἅπαν ἐστὶν ἄλλοι πνεύματα & ἕνός, ἄλλοι πάντες αὐτῆς διήκοντες, Omnem corporum mitionem fieri beneficio spiritus cujusdam, qui per totum mistum pertineat. Hoc explicat mox, & repetit in sequentibus, cum docet, Stoicos voluisse, ratione spiritus illius, *ὧν ἐξ ἑκάστου τε καὶ συμπέρεται τὸ πᾶν, καὶ συμπάδες εἶναι αὐτῶν*, Omnia, quæ sunt, contineri & conservari in suo esse, sibi que compati. Et hac est Causa continens Stoicorum, qua non in Philosophia tantum, sed & in Medicina gravissimas peperit lites. Atque utinam aliquis ex Leonicensi bibliotheca promat nobis Galeni super hoc negotio laborem! Fortassis carere poteramus iis omnibus, qua Bettus, Pellegrinus, Pacinus, Montisianus, Ingrassias, Schegkiius, Fuchsius, Erastus, Valleriola, alii de illa commentati sunt! Fortassis carere quoque poteramus his tam longis ambagibus, quibus usi fuimus, ut tandem huc perveniremus! Scilicet, qui de Calido innato, ejusq. sobole, Spiritu, agere vult, necessario incurrit in hos scopulos, quos nisi maturè removerit, lectorem perpetuò harere necesse sit. Hoc tantò magis urget, quòd plures sunt inter nostros quoque homines, qui de Calido hoc agentes planissime agunt Stoicos. Reverà enim jam non amplius bene Stoici: sed tam malè, ut & Theologos & Philosophos omnes jure merito inimicos habere debeant. Vt de utrisq. strictè agam. Hoc est illud, quod Lactantius l. 7. c. 3. rectè incescit, Intolerabile dictu esse, Deum per mundum ita diffusum esse, ut Mundus veluti ejus pars sit. Deus, inquit, est divina & æterna mens, corpore soluta & libera: cujus vim, majestatemq. cum intelligere nō possent, miscuerunt cum Mundo, hoc est, operi suo. Nec excusat, quod dici possit, Mundum, & res in mundo, non nisi velut ἰσοδοκίον, quia communicant & participant Deum, Deum dici. Rectè enim idem Lactantius post pauca: Divinum quidem spiritum esse ubique diffusum, eòq. omnia contineri, nec tamen ita, ut Deus ipse, qui est incorruptus, gravibus & corruptibilibus misceatur elementis. Sic Joannes Damascenus, Deus ipse omnia pervadit, sed sine mixtione, & omnibus vim, efficaciamque suam participat, sed pro cujusque aptitudine & captu. Quin ne saniores quidem Ethnici pro sana habuerunt hanc sententiam. Hujus generis est illud, quod

Phu-



Plutarchus is objicit, Facere Deum, qui principium est, corpus in materie immer-  
sum, atq. ita non purum, neq. simplicem, neq. incompositum, sed ex alio & per aliud  
constituere. Multò minùs excusat, quod ex Trismegisto afferri potest, Deum qui-  
dem esse principem omnium Deorum, aeternum, ingenitum, omnium conditorem  
& opificem: Mundum autem alterum Deum, animal scilicet immortale. Inducit  
enim in easdem difficultates, cum Deum mundo permixtum esse statuit & ὁμοῦς,  
substantificet, adeoq. includit illum sordibus his elementaribus. A Theologis ad Phi-  
losophos ubi i veris, cautione opus est, ne corpora mista cum animatis confundas.  
Inter hos Alexander, quem dixi, contra corporum, quà mista duntaxat sunt, cau-  
sam continentem ita agit, si rectè assequor mentem ipsius. Corpus aliquod, quale  
est divinum illud, quod Stoici urgent, per alterum corpus ferri, totum toti atten-  
sum, non modò pugnat cum communibus notionibus, sed & incomprehensibile est.  
Physica notio est, Quod solidum & plenum jam est, non posse aliquid amplius in se  
recipere. Si enim recipere potest solidum neutiquam est. Incomprehensibile est,  
corpus aliquod solidum, quodque spatium inane in se nullum habet, recipere in se a-  
liud corpus, quod similiter solidum sit. Fortassis dicent, Corpora sibi invicem sub-  
ingredi per poros quosdā? A quibus cupias intelligere, Poros ne illos vacuos velint  
dicere, an plenos? Si vacuos, erudiendi erunt, corpus, quà corpus, nihil habere va-  
cui. Si plenos, iterum interrogandi fuerint, Velint ne corpus illud cedere alteri, an  
potius manere? Si cedit, jam prius illud recrudescit incommodum. Si manet, ad-  
sensum ducendi erunt, qui ait, Vel minimos corporis poros, ubi semel facti sunt, non  
posse suscipere aliud corpus. Quòd si corpus per plenos corporis alterius poros ingredi  
potest, adeoq. jam datur corporum mutua penetratio: ne opus quidem est poris. Sed  
sit tantum spatii, ut recipi aliud corpus possit: non est hæc mistio, sed juxta-positio,  
ut in granis tritici sit. Fortassis alii dicent, Corpus totū nihil aliud esse, quàm poros?  
Qui monendi erūt, poros esse alicujus poros. Vt necesse sit duo esse, quorum alterū sit  
porus, alterū id, in quo porus est. Quòd si totū corpus sit porus, ne corpus quidē erit.  
Quod verò non est, non potest misceri. Fortassis iterum alii, abdicatis poris, dicent,  
corpora ipsa solida sese invicem penetrare! Hi docebunt nos, An velint, quodvis à  
quorvis fieri majus, accessione similis? an potius, Certa à certis fieri, vel minora, vel  
certè non majora, quàm antea erant? Si illud, jam corpus non habet easdem dimen-  
siones. Si hoc, tollit ipsum corpus, dum tollit, quod maxime proprium ipsius est. Sed  
& ignorant hi proprietatem loci. Si enim nihil addit ad magnitudinem corporis,  
ne in loco quidem fuit antea. At quiare verà fuit in loco, & quidem distinctum ab  
eo, cum quo jam coivit, oportet hoc unum occupet tantum spatii, quantum antea



utrumque. Neque verò fieri ullâ ratione potest, ut corpus cum corpore mixtum, non exhibeat majus aliquod, quàm erat alterutrum ante mixturem. Et quomodo non dictu ineptum est, etiam minimum corpus additum majori, non augere molem majoris? Usque adeò commentitia est ista corporis per corpus itio. & quæ pugnât, tam contra communes omnium hominum opiniones, quàm contra Physicâ, ab ipsismet concessâ, κατ' ἐλαττόν! Hæc ferè ille: qui mox fusè ostendit, Quomodo Spiritus ille continens evertat propriam de mixture sententiam, quæ erat, Elementa servari integra? Quod quia hujus loci non est; interest verò omnino scire, Quo modo fiat mixtio apud Aristot. absq. hoc spiritu? Audiamus Alexandrum, eruditè id explicantē. Η κυριωτάτη τῆς τῆς παντὸς ἐν αἰσέσεως αἰτία ἐστίν, ἡ τῶν στοιχείων, καὶ κυριοφρονητικῆς, καὶ αἰσθητικῆς, καὶ λογικῆς φύσις, ἥ τις περὶ ἑκάστης παρὰ τὸν ἐνυλόντι καὶ παθόντι ἐμείσθηται ἐστὶν, ἡ συνειρητικὴ καὶ διηγετική κίνησις, καὶ ἄλλω τε ἀλλοίᾳ χέρι, περὶ αὐτὰς τὰς εἰς ἀπὸ τῶν ἐν γενέσει σωμάτων μεταβολὰς, ἐν ὧσι μέν τ' ἀξίᾳ ποιούμενη, σωέχῃ καὶ σώζῃ τὸ πᾶν ταύτων. Quæ hunc mihi pariunt sensum. Principalis causa, cur omnia in his sublunariis servant suam naturam absque ope alterius, est Natura corporis illius divini, circulariter latè & atherii. Hæc enim, quatenus continuo & jugi motu continet & amplectitur omnem substantiam materiata, patibilem, mutabilem, & quidem aliam in alia atque alia habitudine: eatenus facit, ut quodlibet servet suam naturam, continendo & servando singula in ordine quodam definito, tum, cum corpora in generatione in se invicem mutantur. Atque hæc, ut dixi, (monetque insuper Piccolhomini in libello ejusdem argumenti) pertinent ad mixta, quæ mixta sunt, inquam, de inanimis, hoc est, de primâ rerum compositione, quæ fit ex elementis, quæ σύμφοιν peculiari nomine vocant Philosophi, & respicit illa tantum, quæ ἐμεισθηται vocant iidem. Animatorum enim, præcipuè sexu distinctorum, quia, præter similiarium compositionem, habent aliam quoque, fortè præter hanc, etiam tertiam: longè alia est ratio. Atque hoc jam est alterum, in quo causa Continens quaeritur, in corporibus animatis seu organicis, quod præcipuè hujus loci est. De his igitur si quaestio sit, Unde, & quæ sit causa illa quæ facit, ut sint, & permaneant? Respondent quidam planè Stoicè, nisi bonam consequentiam negare volent, Animam esse, quæ cælitus infundatur. Alii dicunt, & ad Aristotelis mentem, ut nobis persuadere volunt, Primo subiecto generabilium, seu materia primæ, perfectæ est in cælo Intelligentia, quam ubi comprehenderint animalia & plantæ, celeriter consistunt. Sed reverà non possunt, neque illi Stoicum dogma defendere, vel in Theologia, vel in Philosophia: neque hi obtinere vel Aristotelis vel Veritatis vocem esse. Non nescio, quot difficultatibus urgeatur sententia de traduce, ut vulgò loquimur: sed & hoc



& hoc scio, multò pluribus urgeri novam animarum generationem. Atque ut ad  
 priores facile invenit responsiones Doctor olim meus, D. Nicolaus Taurillus in ge-  
 minâ super istâ hac re disputatione: ita, qui in posterioribus paria illi fecerit, non-  
 dum videre potui. Non nego ego, Cælum esse animatum, si ve vis illa sit ζωοποι-  
 ον, ut Alexandrum ex Jamblichō loqui intelligo de Bonamico lib. de Motu; si-  
 ve nihil aliud sit, quàm Natura, quod Doctori item meo, D. Casari Cremonino in  
 Disputationib. de Cælo placere video; si ve illa vis & hæc natura sit re ipsâ  
 idem, in quod nunc non inquirō; si ve sit quodcūq; aliud, quod à proposito meo alie-  
 num est: Sed hoc nego, vel Aristotelem id voluisse, vel verum esse, Animam illam  
 cæli eo modo fecundam esse, quo Animam mundi Stoici dicebant esse, demissâ vide-  
 licet substantiâ aliqua ætheria, ut video illos loqui Neg. audio heic magnos alioquin  
 viros, qui dicunt, Animam mundi Stoicam non esse alienam à sensu Aristotelico, si  
 non distinguatur à Deo; esse autem, si distinguatur. Nimis enim quàm clara sunt  
 verba 1. Animâ 3. l. 49. *ἵππων εἶτα μὴ μίχθῃς, μὴ δώδῃς, οὐδὲ πάλιν ἴππων.* Licet enim  
 (quod dixi nuper) Stoici verbis aliquando distinguerent Deum ab Anima mundi:  
 esse tamen reapse Animam illam Dei partem, nimis quàm clarè docebant. Deum  
 igitur ita esse alligatum creaturis, quomodo nō miserum? Non audio etiam eosdem,  
 cum illa 3. Gen. ult. Generantur in terra, humoresq; animalia & planta, quoniam  
 humor in terra, spiritus in humore, calor animalis in universo inest, ita ut quodā-  
 modo plena sint anima omnia: ad eandem animam mundi trahūt. Loquitur enim  
 ibi Philosophus de generatione *ἐκ ζωοποιού*, quæ quantum differat à *ζωοποιῶντι*, verbis  
 non est opus. Quod si ad *ζωοποιόν* trahere voles, quo modo nō quodvis generabitur  
 ex quo vis? Multo minùs audio, cum illa ex 1. Part. ult. de Heraclito repetunt. Non  
 enim de generatione ibi agit, sed de contemplatione Natura, in qua nihil vile aut  
 sordidum. Et quæ dici possit, Animam mundi apud Aristot. esse Deum, cum Ani-  
 ma illa sit efficiens, Deus autem finis? Quo autem modo Cælum fecundet, & dictū  
 est ex Alexandro, & dicetur infra in expositione nobilis illius loci 2. Gen. 3. Inest  
 in omnium semine, quod facit, ut fecundum sit, & c. quæ nimis quàm promptè suis  
 rebus accommodant illi. Quod si igitur uno verbo audire velis, Quid sit illud in Phi-  
 losophia Peripatetica, quod olim in Barbarica, & postea Stoica faciebat, & specie-  
 rum continuationem, & individuorum conservationem? dicetur tibi, τὸ ἰμρτόν  
*Σιγῆς*, innatum calidum. Nempe enim è cælo petebāt illi perpetua rerum gene-  
 rationem, neque aliam perpetuitatis causam dare poterant, nisi Deum, quem per-  
 petuum esse sciebant, materia huic mundanæ, tanquam carceri, includerent.  
 Sæcūs Aristoteles, qui perfectioni mundi plurimum decedere arbitrabatur, si



ipse ex seipso perennare non posset. Quamobrem docebat, Omnia in hoc mundo tum debere perfecta dici, si possint sibi simile procudere. Ad hanc rem, non minus quam illi, duo causarum genera advocabat, Agens & Patiens, Formam & Materiam, Marem & feminam in iis, in quibus illa distinctio est. Et fieri generationem, cum Mas quidem seu Agens potest dare formale quid, semē: Femina autem seu Patiens, materiale quid, sanguinem menstruum dictum. Hæc duo principia postquam in agro Natura, utero, convenerunt, agit unumquodq; suas partes. Semen enim, tanquam opifex, non orditur tantum, sed & perficit opus generationis: sanguis, tanquam materia, ad omnia sequax, patitur ex se fingi statum illam Dadaleam, ex se mobilem. Atque ut semen non potest fingere, nisi ex sua materia, semen humanum ex sanguine humano: ita sanguis non patitur se duci, nisi à suo semine, sanguis humanus à semine humano, equinus ab equino semine, & sic de cæteris. Quo fit, ut quoties diversa principia concurrunt, aut nihil fiat, aut monstruosum quid. Rursus, ut sanguis est merè merissima materia, solusq; constituit omnes partes animalis: ita semē nullas. Ergone semen elabitur, aut in nihilum redigitur? Neutrū fit. Sed ut coagulum in caseum absimitur; ut fermentum in massam farinaceam ita absimitur, ut maneat, licet ad oculum ostendere non possis: ita semen in sanguinem ἀλὺται & πνευματίζται, inquit Aristoteles, hoc est, in tam minutas partes, adeoque in spiritum seu vaporem redigitur, ut vim quidem & efficaciam ejus (non minus quam coaguli & fermenti) negare non possis, substantiam autem ad sensum monstrare neutiquam possis. Cum igitur in animali sit; aspectabile non sit: quid est? Hoc est illud, quod latet penè omnes Medicos, qui multa quidem de ortu Calidi innati dicunt; at quis sit ille ortus juxta cum ignorantissimis sciunt. Ex semine & sanguine est (inquiunt) primordiis nativitas nostra. Rectè: sed non satis distinctè. Cupio enim scire, Ex utro sit? Ex utroq; enim si dicere volent, dicam ego nunc hoc tantum, Ergò sanguis quoq; est principium activum, quod ipsimet tamen negant. Ex semine masculo esse si affirmabunt: cupiam intelligere, Quomodo hoc admitti possit, cum præbeat materiam partibus spermaticis dictis? Vt igitur non dicam, quomodo tantillum semen satis esse possit, & partibus dictis constituen-dis, & calido innato: quomodo res eadem potest simul esse subjectum seu materia; & forma, subjectum informans? Quomodo unum & idem, ratione ejusdem, potest agere & pati? esse & non esse? Apud Gal. 1. Nat. hum. 5. ἡ ὑπόστασις ἡ αὐτὴ, firmissimum argumentum est illud Hippocr. Si homo esset unum, non doleret: non esset enim, à quo doleret. Hujus rei ratio est, ab ipsomet Hippocr. tacitè insinuata, Vbiunque actio est, oportet sit inter duo ad minimum, quæ ἀλλήλων, à se invicem, mutantur.

At



At semen, ut heic consideratur, non nisi unum est. Ergo, cum unum in alterum mutari non possit, um non sit, in quod mutetur, ut loquitur idem Gal. de Const. 8. quo modo semen abire possit in partes, cum non sit, à quo ita alteretur? Nimirum, τὸ μεταβάλλειν, ἢ μεταβάλλειν, τὴν μεταχωρεῖν δὲ εἰς τὸ ἄλλο, quod mutat, quatenus mutat, eatenus transire oportet in contrarium, quæ verba sunt ejusdem 1. Temp. 2. Semen igitur, quia mutat, oportet habeat aliud quid sibiq. contrarium, quod mutare possit, nisi si fortè sibi ipsi contrarium est. At vero, ποιεῖν εἰς αὐτὸ λέγειν δὲ τὸ αὐτὸ, ἢ ἐκπερθεῖν εἰς αὐτὸ, τὸ τὸ ἐννοεῖν εἶναι, dicere, aliquid agere aut operari in seipsum, præter rationem est, sunt iterum ejusdem verba, de Pleth. 3. Quod si verum est, quod Nemesius alicubi dicit, Gravia esse inimicorum testimonia, si à nobis sint, neq. contradici quidquam posse: jam vici. Quidquid sit de victoria: clarè & absq. circuitione cum Arist. dico, Calidum nativum in animali constituto, e' id, quod erat semen in animali constituendo. Et semen hoc est semen, hoc est, γονιμὸν, fecundum, prolificum, non quia aliquid illi accessit, vel à substantia divina, vel à substantia cæli, ut alii volebant: sed quia in homine, in equo, in cane, cooperantibus superioribus lationibus, ita est elaboratum, ut hominem, equum, canem producere possit. Eodem modo calidum hoc est calidum, datq. de se aliud semen prolificum, non ob permissionem corporis alicujus cælestis: sed quia est calidum humanum, equinum, caninum. Scio, quæ sit difficultas de Mente humana; scio etiam, quosdam planè Stoice explicare illud εὐεχθῆναι, Tum videlicet accedere, cum foetus in lucem editur: sed scio etiam, Aristotelem in iis, quæ supra sensum sunt fuisse timidiorē; scio quin etiam, si fiat animatum in generatione divisio, non posse nos consistere in unitate animæ, tantoperè ab omnibus asserta. Quare cum Præceptoribus dico, Homo generat totum hominem, quia deterioris conditionis non est, quàm equus vel canis. Quod si contra Arist. est, non refert. Neq. enim includimus nos in illas angustias, in quibus illi gemunt, qui ne latum quidem unguem (ita loquuntur) ab Arist. discedere volunt. Interim in iis, in quibus Aristoteles nobis præluxit, si ve ille primus omnium viderit, si ve ab aliis non rectè explicata depromserit, & scriptis mandavit: cur non sequamur vestigia ejus? Scio, Platoni quoque displicuisse conatus ipsius: Sed ita sit, ubi amantiores sumus nostri, quàm veritatis, quod ab Aristotele Platoni objici obferavit Μαχονίῳ 1. Prælucl. 14. Scio Strabonem Lampsacenum, aliosq. qui proximi ab illo fuerunt, multis modis contaminasse Philosophiam ipsius. Scio, tam sorduisse plerisq. omnibus, ut ad tempora usque L. Sylle cum tincis pugnarent libri ipsius. Sed ita est, ut ille inquit, Non tam bene agitur cum genere humano, ut verè bona multis placeant. Ausim affirmare, majorem Aristoteli calamitatem (in hac quidem Philosophiæ parte) non contigisse, quàm à Galeno. Is enim fiducia lingua eò progressus est, ut non tantum in iis, in quibus poterat & debebat, se opposuerit illi: sed in plerisq. aliis, quæ vel non intelligebat, vel intelligere nolebat. Ne longius abeam, Persuassissimus sum, illum libros de Semine scripsisse, (ut ipsemet de aliis quibusdā operibus suis fatetur) δὲ φιλοφύλακον ἐν τῷ τότε καί ποτε, ex ambitione juvenili, & ὅπως λυπῶσθαι, ut agere faceret Peripateticis ejus sæculi. Qui enim legerat, adeoq. verba ipsa Aristotelis de controversia, Quid fiat de ὄντι, seminis masculi, exscripserat: quæ dici potest, non intellexisse mentem ipsius? Si intellexit, cur dimisso toto contextu, & præcipuè simili de coagulo, carpit tantum: quid dico autem? malitiosè interpretatur duo illa verba, διὰ τὸ ἔχειν καὶ ποιοῦν αὐτὰ; Interim Aristotelem in clamant omnes, tanquam in judicio legitimo accusatum jam.



jam, convictum, damnatumq;. At, o vos tales, nisi præjudicium tolleret vobis iudiciũ, mitius ageretis, nec subito repudiaretis, quæ repudiare alios videtis. Quid enim? Certa per incerta infirmari debent, cum in toto mundo contrã fiat? Certum est, & ab ipsismet adversariis concessum, semen masculum habere vim activã, & quidem talem, quæ sufficere possit edendo effectui: cur igitur semini femineo quoq;, tribuitur illa? quod fortassis ne semẽ quidem dici mereatur? Non aliam ob causam, quàm quia vident, vasa spermatica in feminis quoq;, esse, feminasq;, quasdam habere semen. At illi cogitare debebat accuratius, quod ipsimet in hac disputatione pro principio habent, Feminas esse frigidiores, quàm ut eo usq;, excoquere possint semen. Quod quia certum est, debebant sinere certum, & cogitare de ~~quodlibet~~ aliqua, quæ leniretur alterum illud. Quam ~~quodlibet~~ quia dat ipsa Natura, Semini femineo nullatenus patet aditus in uterum: cur non admittimus? Cur contrã potius tot ferè mendacia fingimus, quot usus illius seminis comminiscimur? Hac ratione negotium de Calido innato fieret nobis expeditius, & abdicatis multis ambiosis questionibus, citius & brevius ad usum, qui in praxi consistit, deveniremus. Ita, certum est, & ab ipsismet cõfirmatum, sanguinem esse materiam omnium partũ, vel ideo, quia sanguine nutriuntur omnes partes: cur igitur corporaturã seminis masculi heic quoq;, intrudũ? Non aliam ob causam, quàm quia nescire volunt, quò vertatur corporatura illa. At verò si, quod nuper dixi, scire vellent, & quod Galenus ipse docere illos potuit, Unum, quã unũ, ratione ejusdem, non posse in se invicem agere & pati: non uterentur etiã ambagibus istis. Hoc igitur quia principũ est certum, verèq;, irrefutabile, cur negligimus, induimusq;, nos sine causa in laqueos incerti & falsi? Vel ideo, quia, hoc nõ admisso, originẽ calidi nativi dare nullã possumus? Et meræ sunt fabule, quoties semen masculũ dividitur vel in partẽ tenuẽ & crassam; vel in spiritum & crassamentũ; vel in corpus & animã; vel in spumam & spiritum; vel in nescio quæ alia. Est enim unum rōdũ, quod per rerũ naturam dividi non potest in agens & patiens, in actum & potentiã. Sed tempero mihi, tandemq;, cõcludo, Jure Aristoteles infregit causam illam continentẽ Stoicam, ut sic dicam, contentusq;, rerum à Deo generatarũ perfectione, quæ consistit in eo, quòd quelibet illarũ possit se augere, docuit, Formam substantiãlẽ cum materia ultima uniri, nullã aliã causã, quàm quia causã generans quæ formã infert, jungit se cũ materia. Actus enim & potentia sunt principia æqueorũ, inquit Schegkiius, nec medio quodam vinculo cõtinentẽ opus habent. Hac ego latius deducere volui, ne vetustas dogmatis cõtrarii præstruat oculis nostris. Jamq;, venio ad rem ipsam, in qua cupio dicere, quæ vera sunt, absq;, ullius injuria. Quod si nõn ubiq;, ex voto succedet, veniam mihi paratam esse apud bonos & candidos viros sperabo. Utar autẽ methodo Galenicã, in doctrina de pulsibus observatã, puta, ut ab initio dicam sententiã, cui subjungam ~~quædam~~ ~~quædam~~ aliorũ, sed & ~~quædam~~ ~~quædam~~ singulorũ afferam in mediũ, imitatus hac in parte Photium, qui indicem nobis reliquit eorum autorũ, quos legit. Hunc laborem cur subierim, causam nõrunt ij qui me nõrunt. Cũ enim, quod à laborib; officii, curaq;, valetudinis delicatæ, vacuũ mihi superest tempus, studiis solẽ impendere: si quando Veritatis arcem jubar perstringit oculos, non quiesco, usq;, dum videã, esse illud undiquaq;, diffusum. Nimirum, postquã è veris principiis res deducta est, falsa ultrò dilabuntur. Cujus rei specimen cũ mecũ consideras, Lector, cogita vetus illud, Oculos nostros ad Veritatis lumen se habere, ut nocturnũ ad Solis. Quamobrem, si ego, qui dissero, probabilia attulero, tu, qui legis, ultra probabilitatem nibũ desiderabis. Deus, qui est ipsissima Veritas, ducat nos Spiritus suo Sancto in omnem Veritatem! O fiat!

LIBER





# LIBER PRIMUS, DE CALIDO INNATO.

## CAPUT I.

*Explicatio nominum, eorumq; distinctio.*



In ullâ in re latissimâ sunt ambages, quæque nos in magnum errorum pelagus præcipitant, hîc esse docebit res ipsa: Ideo ut quantocyus enatemus, summa adhibenda diligentia est. Credo autem unumquemque intelligere ex se, agi hîc de Calido, quod sit substantia. Hanc si autores alicubi Calorem vocant, non magis id nocere debet Calido huic, quàm Elementis nocet, quæ Hippocr. ipse non tardè exprimit nomine Qualitatum suarum, ut Gal. monet i. de Elem. 8. Non minùs credo intelligi, non agi hîc de substantia simpliciter calida, qualia sunt vulgò vocata Elementa: sed de substantia per exsuperantiam tali. Hujus substantiæ pluscula sunt nomina: sed duo in primis opus habent distinctione, quia apud magni etiam nominis scriptores confunduntur. Cùm enim, quod alibi deducitur, duplex sit corporum viventium temperamentum, Commune & Proprium: modò utrumque dicitur *θερμὸν ἐμφυτὸν*, aut *κύμφον*, modò alterutrum nomen tribuitur alterutri. Ut certum, definitumque aliquid sit, dicamus, *θερμὸν ἐμφυτὸν* pertinere tantùm ad temperamentum commune: *κύμφον* ad proprium. Dico autem temperamentum commune, quod ex Corde, Cordisve analogo habent viventia, cujus etiam beneficio pleraque actû calent, quamdiu vivunt. Dico proprium, quod singulæ partes ex mistione Elementorum nactæ sunt. Quod ne videatur alicui novum, inspicere placet locum Gal. 5. de Loc. aff. 1. ubi expressè ait, Partes operari propriâ Cordis temperie, & pereunte Cordis temperie, perire quoque actiones partium. Ubi quis non videt duplicem temperiem, communem illam, propriam hanc, & consequenter duplex Calidum, commune illud, proprium hoc? Quare, ut redeam ad priora, illud quidem pertinet ad mista, quatenus animata sunt; hoc autem ad mista, quatenus mista. Et iterum: Illud quidem in sexu distincto à mare est: hoc autem à fœmina. Ut enim in lib. de Gener. hom. fusè docui, ut animans sit unumquodque, à patre est: ut mistum, à matre. Quare Arist. toties docet, à mare esse animam & formam: à fœmina corpus & materiam. Et cùm  
c  
opero-



operosius sit facere animal, quàm mistum, prius etiam definit esse animal quàm mistum. Mortuo enim animali durat aliquandiu mistum, usquedum superveniente putredine solvatur & ipsum. Appello, hoc quidem *σύμφυτον*, materiale; hoc autem *ἔμφυτον*, formale: quia τὸ *σύμφυτον* constituit primam illam compositionem, quæ *σύμφυσις* dicitur Philosophis: τὸ *ἔμφυτον* aliis à materia constituyente naturæ, vel in omnes partes, vel quod verius videtur esse in Cor solum *ἐμφύεται*, inseritur, implantatur, in minimas partes distributum, dispergitur per substantiam Cordis, eo modo, quo coagulum in caseum. Tribuo autem omnibus partibus calorem aliquem, eumque cognatum, *σύμφυτον*, non quia in Calido consistat omnium vita: sed quia non minùs de calidis quàm frigidis Elementis participat. Cæterùm, de hoc calido *συμφύτω* non mihi agendum est, quod cum negligent alii, incidunt in tot absurda, quot fortassis vix numerare licet: agendum autem mihi est de Calore *μύτῳ*, qui tantò majorem poscit diligentiam, quò nobilior est inter omnes compositas partes. Et ne tu frustra illud quæras inter eas, quas vulgò ex Fernelio definiunt plerique omnes, scire oportet, nò esse ullam illarum, sed esse & constituere tertium partium ordinem in divisione Hippocratis, εἰς ἄχοντα, ἰσχυρὰ, καὶ ἐνορμῶντα, in *Continentia*, *Contenta*, & *impetum facientia*. Nec verò mirari aliquis debet, quòd unam partem efferat in numero plurali, ut Grammatici loquuntur. Quod enim hîc per anticipationem dicendum est, tanta est cognatio inter Calidum innatum & Spiritus (habent enim se ut causa & effectus, quæ duo semper sunt simul) ut alterum sub alterius nomine sapissimè veniat. Hoc duobus exemplis demonstrasse sufficiat. Aristoteles 2. de Gener. 3. loquens de semine fœcundo maris, ait, τὸ καλὸν μὲν θερμὸν facere, ut sit tale. Subinde autem explicans, quid sit illud *θερμὸν*? negat, aut ignem esse, aut qualitatem aliquam igneam, sed *πνεῦμα*. Priore igitur voce notare illum Calidum nostrum, ut dubium non est: ita nescio an dubitare quis possit, posteriorem vocem (Spiritus) esse loco definitionis calidi istius. Definitum autem & definitio sunt idem. Galenus cùm 14. de Us. part. 3. dixisset, semen masculinum à Calido innato incitatum, incidere in tunicas uterî, statim dicit, spiritum seminis ad unguem retentum, ordiri opus generationis. Hîc quis non agnoscit æquipollentiam? Si quis tamen sit, qui agnoscere nolit, ille tertio loco capiat hæc. Idem Galenus 5. Simpl. 9. agens de iis medicamentis, quæ pus movent, expressè ait, ab Hippocr. 1. Aphor. 14. Calidum innatum dici, quod etiam spiritum in singulis animalibus vocamus, de quo (addit) spiritu Arist. etiam scripsit. Ut intelligas hinc, & Hippocr. & Arist. & Galen. hæc in re consentire sibi. Reverà autem, ut docet Conciliator diff. 59. si proprietatem sermonis sectaremur, Calidum debebat dici causa, id scilicet quod in Corde stabile est: Spiritus, effectus, id quod per corpus disjicitur. Interim quia apud priscos ita est, frustrà quærimus consilia. Quicquid sit, cùm Hippocrates modò simpliciter *θερμὸν*, ἢ *θερμὺν*, modò cum additione *θερμὸν ἔμφυτον* vocat; cùm Aristoteles itidem modò simpliciter, τὸ καλούμενον *θερμὸν*, modò addendo *φύσιν*; cùm Galenus sapissimè *θερμὸν ἔμφυτον*: debet id servire stabiliendæ sententiæ & distinctioni nostræ. Tamen, si etiam Aristoteles *σύμφυτον* vocavit, & Galenus extendit ad idem: non potest, aut debet



debet id nocere nobis. Cū enim Aristoteles de *Juvent. & senect.* 4. & 6. expresse dicat, de quo Calido loquatur: insipientis foret, verba captare velle. Cū Galenus ab Arist. secesserit, & ex corporatura seminis, non tantū fecerit Calidum hoc, sed & partes solidas: debuit aliquid audere, ὅπως ἀφ' οὗ ἀτὴ τῷ θεῶν, ut saluaret id, quod ab initio posuerat. Hac autem dere postea. Jam, ne à proposito dilabamur, quia tanta est similitudo inter Calidum & Spiritū, mirum esse non debet, si Hippocr. τὸ θεῖον vocavit εὐοσμῶν, cum impetuerens: hoc enim de natura spiritū est. Mirum etiam esse non debet, si, quod unum est, vocavit multa: Hoc enim differt Calidum à Spiritu, quod illud quidem sedem certam, fixamque in uno Corde habeat: hic autem (spiritus) ex Corde in omnes partes undique se diffundat. In quibus quia, ut dicitur, aliam atque aliam rationem habet, pro diversitate videlicet subjecti, in quo recipitur, non ineptè spiritū plures, non unus statuuntur. Vocavit idem Hippocr. hoc Calidum ἀρχήγον, aut, ut alii scribunt, ἀρχαίγον, ut author nobis est Galenus l. adv. Lycum, cap. 7. Ratio nominis est, quod ab initio animalis ad finem usque perennet, ut in sequentibus dicitur. Hinc πῦρ τοῦ dicitur Gal. l. de trem. & palst. c. 6. quod primò & per se caleat, reliquæ partes per aliud, calidum scilicet hoc. Aristoteles ut ostenderet nomenclaturam τὸ θεῖον esse veterem, addit ferè τὸ καλὸν, tu puta, à nobiliori suâ facultate, ut Pacius Comm. in Meth. 6. explicat. Fortassis is ex Gal. habet, qui Calidum, adv. Lycum loc. cit. dictum fuisse ait, ab alterâ, & aque acutissima, ut sic dicam, *Qualitate*. Item Aristoteles, de Part. 7. ignit abulum nature appellat. Vetus & mystica Philosophia vocabat ignem Promethei, quem ille è cœlo in cava ferula, ut Hesiodus canit, detulerit. Fertur enim cœlum ascendisse, adju-trice Minervâ, ferulaque Soli applicatâ, conceptum ignem ad nos tulisse. Quo quid aliud significarint quàm hoc, *Animam nostram esse particulam cœlestis corporis*? Plato in Timæo, laudante id Galeño quoque 8. de sent. Hippoc. 7. ignem animale vocavit. Zeno, Stoicorum pater, ignem artificiosum, ita quippe concinnatum ut non urat, aut absumat subjectum suum, sed servet. Posidonius, referente Gal. ejusdem operis l. 5. c. 6. vocat θαύματα quendam nobis congenitum, ejusdemque naturæ, cujus ille, qui totum mundum gubernat. Philosophis quibusdam & Medicis Arabibus vocatur Calidum *coessentialiale, consubstantialiale, complexionale, radicale*, quamvis ferè huic voci humidum potius præponi soleat, quàm calidum.

## C A P. II.

*Quid sit Calidum innatum, & quæ origo  
ejus.*

Cū circumspicio & considero librorum acervum fatis magnum, nullum ex omnibus video, in quo melius explicata sit origo hujus Calidi, quàm in Aristot. Ex quo cū id ipsum depromserim, lib. de Generat. hom. confirmârimq; autoritate paucorū quorundam, quibus meliore è luto finxit præcordia Titan: repetere hic debeo nō nisi pauca. Cur animalia quædam sint distincta in sexus? causam dat, ut hinc quidem talis facultas



in fœtum prodiret, hinc autem talis. Mas quia in toto genere animalium calidior & siccior est. utique potest etiam aliquid contribuere, quod activum potius sit quam passivum. Fœmina quia frigidior & humidior, passivum potius aliquid dat, quam activum. Et est ita docetque experientia seculorum omnium, inarem ad generationem conferre semen, quod habeat rationem formæ, sive efficientis; fœminam conferre ad eandem semen, quod habeat rationem materiæ. Hinc fit, ut tam in oviparo, quam in viviparo genere tum demum fiat generatio, cum utrumque principium, bene se habens, concurrerit. Recepto igitur, vel in ovo, vel in utero, semine masculo, formari incipit fœtus, primumque omnium Cor, deinde reliquæ partes. Et quia Cor statim pulsât, verisimile est, vel omne semen masculum, vel optimam ejus partem in constitutionem ejus absumi. Absumitur autem, ut eruditè se explicat Philosophus, & ego modò innui, non secus ac coagulum in caseum, & fermentum in massam farinaceam. Quemadmodum igitur è neutro horum fit aliquid, quod ad oculum ostendere possis; esse tamen aliquid ejus in caseo & pane, clarissimè demonstrat gustus: ita ex semine masculo, nec Cor fit, nec ulla alia pars, sed vel in Cor solum, vel in reliquas etiam partes ita absumitur, ut inesse manifestis argumentis docere possis. Quid enim est illud, quod causatur perpetuum Cordis motum, si non est illa substantia spiritiosa seminis? Esse porrò, probatur duabus rationibus, quarum *Prima* est, De essentia spiritûs est, non quiescere: *Alterâ*, Subitò atque semen receptum est in suam materiam, orditur hunc motum, nisi impediatur. His addere licet *tertiâ*: Nisi adsit hoc semen, nec motus ullus se exhibet, nec generatio ullatenus procedit. Atque hæc est explicatio genuina verborum Aristot. quæ nostri homines miserrimè raptant, aguntque, non ob aliam causam quam quia cum Galeno errare malint, quam cum Aristotele rectè sentire. Dico, cum Galeno in *libb. de Semin.* Nam 1. *Aphor. 14. D.* expressè cum Aristotele est. Et hæc vis Adraſtæas est! Indigent autem Aristotelis verba majori luce, quam afferam per partes.

## CAP. III.

*Quæ sit sedes hujus Calidi.*

**H**Oc in primis indiget declaratione propter locutionem alternativam, quæ usus sum. Ulus autem sum Aristotelis causâ, cujus hæc sunt verba, *l. de Juvent. & Senect. 4.* Omnes partes, totumque adeò animalium corpus, habet calorem quendam sibi cognatum, naturalem, cujus merito quamdiu vita durat, calent actu, mortua autem, vitaque privata, frigent. Hæc primo aspectu videntur velle, Calidi nativi sedem, non Cor tantum esse, sed reliquas partes omnes. Quo pacto non leviter stabilitur Galeni sententia, qui in omnibus spermaticis sibi dictis partibus quatit. Et licet de Galeni sententiâ partes sint ipsum calidum, ex semine quippe factæ; de Aristotelis, siquidem explicationem admittis, insit tantum partibus, ex sanguine factis: tamen accedit Galeno aliquid. Nec juvat *de Gen. & Corr. 1. 2.* in Corde quidem eminenter & in maxima copia esse, ut sensui sit manifestum: in reliquis autem partibus tantillum esse, quantum scilicet superat post constitutionem



nem puncti illius salientis, ut Plin. appellat primum Cordis in ayibus rudimentum Nam nec Arist. id voluit, nec veritas est. Aristotelem & explicabit, & excusabit tota oratio. Agit enim de principio animalis, ut constituitur per sensum, & ait, Cor esse: & quia sensitivum præsupponit vegetativum; oportet autem utriusque principium sit idem: addit, Cor & conficere sanguinem, (maximè τὸν κυριώτατον ipsi dictum) & suscipere, quod est, si non fastidis sensum, ex aliis locis erutum. Duplex cum sit in animalibus sanguis, utrumque quidem facit Cor, sed principalissimum tantum in se, minus principalem alibi factum, & ad se ablegatum, suscipit, ut fiat inde ὁ κυριώτατος, ille (inquam) quem ἡγεμονικὸν Hippocr. vocat. Nimirum, partes omnes quæ alimento serviunt, antequam ad Cor sanguis perveniat, præstant ministeria tantum ad sanguinis confectionem: Cor est princeps in hoc opere, quodque ultimam manum sanguini imponit, ut nutrire possit, veluti *cap. preced.* loquitur Philosophus. Hic igitur cum sit sensus loci, cumque & immediate ante producta verba, & immediate post eadem, Cor faciat principium Caloris nativi, admittenda potius fuerit ἡ διανοία, quam odiosè urgendum τὸ ἦτον. Διανοία illa fuerit, si dicamus, per Calorem cognatum, naturalem, intelligere Philosophum non calidum, quod substantia est, sed calorem à substantia illa tributum omnibus partibus, totique animali, spiritum (inquam) vulgò dictum. Ita τὸ σῶμα αὐτὸν ascribendum fuerit, non τοῖς μέλεσιν, quæ longiusculè præcedunt, sed παντὶ τῷ ἐν σώματι, quod immediate tangit illud. Et quid obstat, quominus aliquando toti tribuas, quod partis est proprium, maximè si lectorem non diu sinas suspensum? Necessarium hoc esse, patet ex ipsa ratione, quæ est, partes calere propter illum calorem, quibus si σῶμα αὐτὸν esset calor, utique calerent semper. At calent, quamdiu vita est; vita autem in Corde est. Quid si dicamus, τὸ σῶμα αὐτὸν esse transpositum, more Græcis valde usitato, & pertinere, vel ad anteriora, vel ad posteriora? Quicquid sit, constans est Aristotelis sententia, evidensque adeò, ut Galenus infinitis penè locis concedat, Cor & esse principium & fontem calidi nativi. Quod ut conveniat cum altero dogmate, Partes quasdam esse spermaticas, quod ex semine masculino sint factæ: videant illi, qui pro his rebus morosissimè pugnant. Videbimus autem & nos infra si Deus volet. Porro considerare oportet, an hic Aristotelis & Galeni consensus, quem commune omnium hominum suffragium confirmat, congruat cum veritate? Cum intueor, non Cor tantum, sed & thoracem cum circumjacentibus visceribus omnibus, videor mihi vocem naturæ exaudire, clarissimè id affirmantis. I. Non potuit ullo alio loco commodius figi hoc naturæ tentorium quam in thorace, qui ossibus, musculis, membranis, aliisque præfidiis ita est munitus, ut melius non possit. Non est autem, quod quis putet, tutius fuisse, si vallum habuisset totum osseum. Nescitenim qui hoc cogitat, debere hanc arcem mobilem esse, ne Calor sub cineribus suffocetur. Ita enim est, ut sæpe Gal. docet, non oportet fingere, quid natura vel potuisset, vel debuisset facere: sed videre, an ex iis quæ facta sunt, quicquam fieri potuerit melius. II. Non potuit Calor alio loco statui, quam ibi, ubi aër quasi in porticu quadam ultrò citroque commeari potest, & præstare refrigerationem illam, quæ omni igni necessaria est. Hanc porticum constituit aspera arteria cum pulmonibus, quibus intexti-



tur. III. Non potuit ideo etiam alio loco aptius poni, quam ibi ubi fomentum (*ἑρμα* vocant Græci) liberè affluit. Est enim ignis quidam, qui, ut dicitur, sine alimento durabilis non est. Alimentum autem hoc ex inferiore ventre affluit illi, quod perficit, itaque exornat ut alendis reliquis quoque partibus sufficiat. IV. Non potuit alio loco esse, quam unde pateret illi via in reliquum corpus. Viæ hæ sunt venæ, arteriæ, nervi, quibus quasi tubis utitur ad communicanda vitæ necessaria. Hic modus constituit mirabilem illum Calidi istius Euripum, de quo Gal. *de Trem. & palpit.* 6. tam multa differit. In eodem motu consistunt affectus seu perturbationes animi, quas ob id *παθήματα* calidi istius innati vocant, quæ de re videri potest Vallesius *Comm. in lib. de Aliment. Hippocr.* Ut pauca dicam, & quidem per simile, quo utitur Hippocr. *in lib. de Carn.* Si in accensum ignem feratur ventus, movetur ille, ampliorque fit: ita in nobis cum agitur ventis affectuum, calidum seu ignis noster impetuosè fertur. Atque hæc assertio collisionem seu contrusionem calidi illius, quod in Corde est. Nisi fallor, hæc eadem res facit τὸ θυμωδὲς Platonicum & Galenicum: quamvis Galenus videatur aliò deflexisse ad vitalem. Reverà non differunt aliter, quam quòd irascibilis præsupponat causam externam, à qua imaginatio mota, moveat spiritus, qui fluctus suos ad fontem usque porrigunt: vitalis non præsupponat, sed fiat semper, quamdiu natura non est impedita. Quod ipsum si sine glaucomate intuearis, nihil aliud sit quam ipsa facultas naturalis, Stoicorum more dicta, sed exaltata, ut alibi fusè docui. V. Non debuit in alio viscere esse, quam in Corde, quod omnium aliorum solidissimum & robustissimum est. Hinc est, quòd ferè immune sit à gravioribus morbis, nisi illi propius accedant ad animum. In talibus enim Cor pyro tosto simile fieri, docet nō tantum exemplum Casimiri, Marchionis Brandenburg. quod Melanchthon *in lib. de anima* habet: sed & Joh. Friderici, Electoris Saxonie, illius, inquam, qui ad Mülbergam luculentum vulnus in facie accepit, ut memini me audire à Præceptoribus. Hic mirificus & ferè stupendus apparatus, quem de fovendo & tutando summo hoc suo, & intimo amico Natura fecit, omninò mihi persuadet, non esse alibi quam in Corde.

## C A P. IV.

*Quod sit Temperamentum Calidi huius.*

SI quod tantum differt à semine masculo, quod rectè docet Bonamicus, 4. *de Alim.* 23. & 25. in constitutione scilicet semen, post constitutionem forma seu anima: fortassis non difficile erit iudicium. Verum enimverò quia temperamentum seminis est obscurissimum, fuerit procul dubio & calidi: interim maneo in hac sententia, quam 1. *de Gener. hom.* 9. & 10. professus sum. semen (& consequenter calidum) esse calidum & humidum, non minus quam sanguis est, in ulteriore tamen gradu, propter copiam admistorum spirituum. Hoc temperamentum cum sit ex mixtione quatuor Elementorum, jure quæro, quod ex illis dominari habeat? Mihi dubium non est, cum nullum illorum sit calidum & humidum præter aërem, aërem hic prædominari. Et quia Calor, ut in sanguine



sanguine quoque, κατὰ πᾶσι tantum est, per associationem, ut Interpretes loquuntur: mirum etiam non est, dici aliquando frigidum & terreum <sup>ἐποικιμένω</sup>, subiecto: quia humor, ut in oleosis quoque & pinguibus, ab aëre est, quo diffuso semen diffuit perinde ut aqua: mirum iterum non est, dici aliquando aqueum, ob commune illud omnium humorum πᾶσι, non contineri propriis terminis. Ita, quia aëris cum igne (ob communionem caloris) tanta est affinitas, ut aër in ignem transire possit: mirum pariter non est, dici aliquando igneum. Sed & ided dici meretur igneum, quia non secus ac ignis querit <sup>ἐπὶ ξηρύματι</sup>, in quo, & sine quo non consistit. Interim reverà nec igneum esse, nec aqueum persuadet, quod nec ignis sine siccitate, nec aqua sine frigiditate sit: sine autem utraq; sit semen. Hanc Calidi temperiem proficitur Gal 3. de fac. nat. 7. ubi contra Erasistratum disputans, scribit, Calorem nostrum esse humidum, quæque ab eo fit coctio, elixationi similem esse. In eundem sensum ait 2. Acut. 22. Coctionem in nobis elixationi similem esse, fierique à calore non sicco, & squalido, sed humido & vaporoso, qui animalibus secundum naturam est. Hanc ipsam temperiem, quia productis in medium Aristotelis locis fusè probavi libro præ alleg. non est nunc opus pluribus, nisi fortè, ut ostendam, Aristoteli in hac sententia fuisse constantem. Hoc facere nos cogunt illi, qui ex 2. de Gener. 3. probare volunt, Aristotelem quoque Stoicum fuisse, & accersisse Calidi istius ortum è cælo. Sunt autè duo in primis, quæ in horum argumentatione nunquā potui intelligere. Cum enim inquit Philosophus, Clarum esse, quod calor, qui in animalibus, nec ignis sit, nec ab igne originem habeat: colligunt ii, Ergo Corpus est cæleste. Unde verò vestrū illud, Ergo est. Ego enim video, Aristotelem disputasse contra Democritū, aliosque, qui animam volebant esse ignem. Hoc quæ ratione admitti potest, inquit 2. de Anim. 4. text. 40? cum ignei alimenti nullus sit terminus, adeoq; appositā materiā in infinitum crescat? Sed puta sit assertio, cum negat Philosophus, semen esse igneum, negatne simul aëreum esse? Nam verba illa, τὸ αἶμα δὲ ὕδωρ, non extendere se ad alia Elementa, argumento mihi est, quod in vestigio ad solū ignem astringit verbis illis, quæ attuli. Deinde, cum corpus istud divinius dicūt esse cæleste, cum Arist. ipse dicat, analogum esse elemento astrorum. Quod enim analogum est, quo modo est idem cum eo, cuius analogum est? Hoc cum cœperint agnoscere quidam, dixerintq; nec cælestis esse, nec elementaris materiæ, valde cupiam audire, quid tandem sit. Præter enim quatuor Elementa, & Cælum, quod pro quinto Elemento habent Philosophi, nihil est in rerum natura, nisi Deus ipse, à quo si petere volent, habebunt hostes Theologos quoque. Huic culpæ affines sunt illi quoque, qui modò elementare dicunt, modò cæleste, ut sub nube illa lateant. Interim loqui ita illum posse, qui cæteroquin bene sentiat, non nego Mercenario. Quod est igitur corpus illud (dicunt) divinius Elementis? Semen animale, quod differt quidem à seipso secundum differentiam animalium: convenit autem in eo, quod in omnibus animalibus bene sanis fecundum est. In hac fecunditate consistit & divinū, & analogum, quia perinde ut corpora cælestia generat, semen quidem in generatione συνωρύμω: cælum in ἰστανύμω. Quin nisi in συνωρύμω vis supera accedat, nihil sit. Est autem vis illa sine corpore, recipiturq; in singulis speciebus pro natura recepti, ut pronun-

ciatum



ciatum Physicum habet. Unde fit ut nomen etiam meritò accipiat à recepto, sitque adeò Elementare, non coeleste. Jam igitur Aristor. considerat non tantum naturam seminis, (quo in subterfugio quidam magnam spem habent) sed & usum, actionemque ipsius. Quid, inquam, faciat? Scio, quid coegerit illos operam divinam implorare, & ad virtutem coelestem confugere, ceu loquitur Bonamicus: sed scio quoque, illos ipsos non audere adimere Elementis omnes actiones, quæ Elementis nobiliores sunt. Si ergò tanti est illud Scaligeri: *Nihil esse in quapiam re, quod non actu fuerit in suis principiis*, quomodo jam *συμπάθεια* & *ἀντιπάθεια* rerum, *occulti rerum consensûs & dissensûs* possunt esse ab Elementis? Noverat Aristoteles, nobilitatem mentis nostræ, propterea ex Elementis deducere non audebat. At, ô vos, dicite mihi, an propterea inferiores quoque gradûs, sensitivum & vegetativum, aliunde quàm ex Elementis deduxit? Omnino, jugulant seipsos, cum concedunt, non solam caliditatem esse instrumentum animæ, sed totum hoc corpus calidum, his dotibus à Deo ter Opt. Max. in prima creatione donatum, pro varietate specierum continuandarum, varians & ipsum. Reverà, qui ista pro Aristotelicis haberi volant, non intelligunt principia Aristotelis.

## CAP. V.

*Quis sit usus Calidi hujus.*

Cum iterum circumspicio, non invenio quenquam, qui disertius exposuerit nostro Aristotele: ex quo cum docuerim *lib. 2. de Thorace, c. 16.* & verò res paucis sit cognita: licebit fortassis mihi inde spicilegium facere. Præter cæteros locos, egregie huc facit ille, qui ex *2. de Generat. 4.* ibidem adducitur, ubi docet Aristot. *κ'ημα*, hoc est, *primam illam ex utriusque parentis semine misturam*, esse tanquam filium familias, à patre emancipatum. Quemadmodum enim ille, qui propriam instituit domum, & quasi coloniam ducit, ipsemet præest rebus suis, non indigus auxilii paterni: ita semen masculinum in materia sua receptum, incipit sibi ipsi ædificare domum, eique præsidere. Domus hæc est animal: Dominus domûs est anima, cujus regia est Cor. Quamobrem Arist. *l. de Communi animal. motu*, dicere potest: membro genitali egressam seminis vim esse instar animalis cujusdam. Facit enim animal, quale erat id, unde egressum est, & ubi fecit, habitat ibi, regitque propriis rationibus. Quod ipsum habet membrum genitale non ex se, sed ex Corde patris, quod *ibidem* ait esse quasi animal quoddam, non quasi pars animalis. Primò enim omnium fabricat Cor, ut docuit experientia, ex ovis multipliciter habita: deinde ex Corde vim suam exferens, non perficit tantum reliqua omnia, sed & ubi perficit, degenerat in formam, quæ materiæ suæ præest, quamdiu potest. Hinc adeò Bonamicus, *3. de Motu, c. 36.* Semen paternum vocat, *Elementum*, à quo *motus in generato à generante.* Primò enim, inquit, idem generans, quatenus generans, transfert rem, quæ generatur ordine natura, è potentia prima, quam essentialem dicunt, ad actum primum, qui est ipsa forma de prædicam. Substantia. Atque id omnino facit per se & proximè, quoniam ejus natura talis est. Siquis verò hujus rei causam requirat, nescio quid



quid sit futurum de ipso, qui in re tam perspicua demonstrationes requirat. Deinde, cum forma sit tunc absoluta, quando muneribus suis fungitur, & ex iis quidem id, quod perfectissimum est, & maxime secundum naturam: ita per se generans efficit, ut eam quoque perfectionem largiatur, nisi quid obster. Et hæc ille. Tu verò, si otium tuum permittit, vide prorsus ea quoque, quæ sequuntur, ut intelligas, verè me dixisse, non esse hoc negotium melius explicatum, quàm ab Aristot. Huc igitur tandem tendit res omnis: Quem admodum semen facit animal: ita Calidum conservat animal factum. Et hoc est vulgatum illud: *Cor est primum vivens, & ultimum moriens*. Primum vivens, quia, ceu dixi, semen statim ab initio constituit sibi regiam, Cor: ultimum moriens, quia calidum ex Corde tamdiu succurrit aliis partibus, quamdiu potest. Incipit enim defectus sentiri, non in ipso Corde, quod quidam nimis quàm temerariè jactant, sed in partibus longinquis, in manibus, pedibus, &c. Ut enim candela tantilla nonnisi breve spatium illustrat: ita Calidum debile nonnisi vicinas partes. Est igitur Calidum hoc primo nativitatæ die fortissimum, 2. *Nat. hum. 12.* semperque decrescit, 1. *San. tu. 12.* usque dum extinguatur totum, nisi interveniat causa violenta. Decrementum illud naturale est à duabus causis, internâ alterâ, alterâ externâ. Interna est illa, quam Gal. 1. *de San. tu. 2.* multis explicat, si rectè intelligas. Cum enim ait: principia ortus nostri calida quidem & humida esse, sed quæ continuo progressu eant ad frigidius & siccus, hoc fine, ut animal fiat robustum, obeundisque functionibus suis aptum: non debet aut potest hoc accipi de ipsis principiis, quasi illa in se ipsa agant, sed potius de aptitudine ad patiendum majori minorive. Cum enim in principiis dictis, pro individuorum diversitate, sit latitudo quædam, contingit, ut quod in ulteriore caliditatis gradu est, & consequenter humiditatis inferiore, citius & facilius perveniat ad statum, quem *απλὴ* vocant Græci, & ab illa denique ad mortem. Pertinet etiam totum hoc principaliter ad Calorem *συμφύτον*, nonnisi accidentaliter ad *ἐμφύτον*. Siccatio enim illa est propria partium solidarum, in quibus consistit robur corporis. Quatenus igitur solidæ partes constant ex sanguine materno, & considerantur tantum ut mista, eatenus nativa caliditas, seu ignis, ut Arist. vocat 4. *Meteor. 1.* major potest esse aut minor, atque ut major facilius patitur à simili externo: ita minor difficilius. Hinc illa est varietas in robore animalium, pro ratione ætatis tardius & citius sese exhibens. Jam quia Cor habet peculiare aliquid præ omnibus aliis partibus, id est constitutum quidem & ipsum est ex sanguine materno, atque ita non destituitur calore quoque illo *συμφύτω*; fit, ut calore hoc eunte ad interitum, cogatur simul interire hospes illius Calor *ἐμφύτος*. Immediatè enim tangit illum. Hic, nisi fallor, fluor quoque substantiæ est, de quo Gal. loquitur, sed qui nec à calore *ἐμφύτω*, quod ipse putat, fit, nec à *συμφύτω*, quod alii. Est enim (quod ad hoc posterius) immotum principium illud, *Unum, quod unum, non agit in se*. Quare? quia Calor ille, seu ignis ille ita est unitus cum reliquis Elementis, ut constituent unum *τέλει*, quomodo possunt agere in se mutuo? Multo minùs hoc expectes à Calore *ἐμφύτω*. Cum enim, ut nuper dixi, sit humidus, quomodo siccare possit? quomodo agere in *σύνφυτον*, qui siccus est? Multo itidem minùs de Calore *ἐμφύτω* dicas, quòd agat in seipsum: Quomodo enim dici id possit,

d

possit,



possit, salvo principio illo? Atque hæc est interna causa decrementi Calidi huius: altera & externa est *πῦρ καυμῶν*, quod ex Hippocr. 1. Aphor. 14. vocant, quæ ut intelligatur, ita est habendum. Reverà Calidum hoc est æreum: interim cum igne non levem habet affinitatem. Quæ causa est, cur Arist. lib. de Juvent. & senect. 4. & 5. appellet animam non tantum quasi ignitam, sed & communem cum igne interitum ascribat. Quemadmodum enim omnis ignis, nisi habeat alimentum (& hoc est illud *πῦρ καυμῶν*) & in Quantitate & in Qualitate commodum, interit: ita Calidum hoc. Videtur autem Arist. 3. de Part. 10. vocare Caliditatem adventitiam. Omne enim alimentum forinsecus accedit. Intelligo autem per alimentum, non tantum cibum & potum, è quibus sanguis fit: sed omnes res non naturales Medicis sic dictas, à quibus sanguis, aut melior aut deterior fit. Si enim contingat, aut omnes res illas, aut plerasque conspirare cum cibo calido, sanguis fit calidior, itaque vim infert huic calido: sin contrà, sanguis fit frigidior, qui pariter vim illi infert. Hinc occasio sumi potest paulò aliter explicandi duos illos interitus modos, quorum Arist. meminit *dicto loco*. *Σέλις* enim est, quoties hic subito extinguitur, sive à nimio id fiat calore, sive à frigore: *Μάεγρος* est, cum sensim tabescit à quacunque causâ. Hinc quoque occasio sumi potest inquirendi in vulgatum dogma: An possit hic calor à seipso tabescere? Profectò, non solum Aristot. hoc dicit, ut in proptulo est, sed & Hippoc. quem laudat Gal. lib. de Marasm. 3. Calor, inquit, qui antor fuit corporum nostrorum, eadem interficit. Quin Gal. de Sanit. tu l. c. 7. Aphor. 59. disertè affirmat, & adherent his tanto numero Philosophi & Medici, ut inepti hominis videri possit opponere se velle toti exercitui! Sed ita est, ut alibi docui, non oportet videre multitudinem hominum, sed rationum momenta. Fortassis enim ibi quidem chorea est longior: hinc autem concinnior. Quia igitur ratio obstat maxima, quin principium Physicum, omni machinâ ab Arist. demonstratum, ut Bonannicus loquitur, quid cunctamut? Hoc verò est, *Unum, quâ unum, non agit in se*. Quod quia 3. de Gener. hom. 3. & 4. latè deduxi, non est pudoris mei hic repetere. Imò quia Schegkiius initio tract. de Caloris vi, planissimè demonstrat: alia causa est, cur actum agere non debeam. Ita enim se habet res: quia Calidum nativum, non minus quàm semen, est unum *τό δ' ἐν τῷ*, constans ex materia & forma, quomodo dici potest, aut materiam agere in formam, aut contrà? Et alioquin in tota Philosophia, actio non debetur, vel materiæ, vel formæ, sed toti composito. Nec me terret Aristotelis illud: *ἐφ' ἑαυτῷ*. Longè enim alium sensum habet, quàm vulgò putant, hunc scilicet. Quemadmodum ignis extinguitur spontè suâ, & nullâ adhibita vi, si alimentum desit: ita Calidum nativum. Hoc enim est *πῦρ καυμῶν* illud, de quo dictum. Et Gal. multis locis docuit, Calorem nostrum, si non inveniat pabulum, interire, ut imperiti hominis sit ambigere velle. Hunc interitum nisi huic referas, quorsum tandem referes? Multò minùs terret me Hippoc. illud, ex lib. de Nat. hum. Si homo esset unum quid, non doleret. Videtur enim hoc velle, dolorem esse à diversitate Elementorum, è quibus homo compositus est. Inquit enim: Fieri hoc, cum *ἐπ' ἀλλήλων*, à se mutuo calefiunt, refrigerantur, siccantur, humectantur quatuor corporis Elementa. Hoc non esse, nemo facilè persuaserit mihi. Ut enim jam hoc dem, Galenum hæc



hæc parum discussisse, ut quidam loquuntur: non intelligo vim illam grandem, quam dicit habere experimentum Hippoc. contra antiquos Philosophos. Sit ita: Unum illud Elementum, è quo constituebant corpus humanum, sit impatibile, quid concludit contra illos Hippoc.? Non est unum, quia dolemus. Dolor autem sit, cum Elementum ab Elemento patitur. Dico ego, Falsum hoc est, unum enim hoc per unionem Elementorum constitutum, pati à seipso potest, quod luculenter demonstrat Schegkius, *initio tractatus dicti*: Manet igitur hoc, quod quærebatur: Unde est dolor? non nisi ab alio, & eo quidem toto genere diverso ab Elementis, è quibus etiam constituitur homo. Non terret me etiam alterum, quod in *de Marasmo*. Galenum afferre dixi. Licet enim mihi uti scuto Galeni, qui negat ita esse, allatâ ratione illâ, quâ suprâ negavi, Calorem hunc verè esse igneum. *Oratio hæc*, inquit Gal. *Hippocratica, non est veritati consona, si quicquam iudico*, Quia, addit, ignis natus est consumere. At calor hic non consumit, sed constituit. Nec satis hoc fuit Galeno: Negavit enim Hippocraticum esse. Sed & si sit Hippocraticum, voluit sibi demonstrari: Ut enim alibi scribit: Ego huic viro, tamquam testi, non credo: sed quia fitmas habet dogmatum suorum demonstrationes.

## C A P. VI.

*Problemata quedam de Calido nativo.*

**I**N more positum habent magni viri, ut post explicatam *εἰς* rei alicujus subjungant *ἐπεὶ* quædam, quorum vestigia placuit hic sequi. Primo loco quærunt quidam, quando incipiat Calidum hoc declinare? Intelligitur hoc ex superioribus fieri tunc, cum accedunt causæ populabundæ. Id verò cum accidat statim à nativitate, non potest etiam obscurum esse, quando declinare incipiat. Differt enim ab aliis partibus omnibus, quod non ad materiam, sed ad formam pertineat: quare etiam non perficitur cum materialibus.

**II.** Quærunt alii, quando sit in *αὐτῷ*, *in statu*? Hoc pariter ex dictis intelligitur: statim in pueritia. Et hoc est Hippocratis illud, 1. *Aphor. 14. Qui crescunt, plurimum habent calidi innati*. Quare? quia plurimum alimenti conficiunt. Nam & plurimo indigent ad corporis augmentum. Nec impedit, quòd quidam in pueritia non crescant, crescant autem in adolescentia. In talibus enim non est proportio caloris ad assumptum alimentum: nimis enim voraces cum sint, obtundunt calorem viscerum. Fortè etiam obstructions causantur, quæ sanguinis boni generationem impediunt. Hinc quidam post febres, aut etiam in febribus subito se extendunt. Sunt qui dicant, Calidum superari ab humido. Sed hi nimis quàm facilè multiplicent entia. Ut enim Gal. docet 2. *de Nat. hum. 13.* & alibi, Calidum cum humido constituit unum *τὸ δεῦτερον*, quorum alterum habet rationem formæ, & erat in semine *ὁ λόγος ἀρρεματινός*, alterum materiæ, & erat *ὁ ἔκτος ἀρρεματινός*. Nomen autem habet à nobiliori Qualitate. Quid verò fiet de principio illo: *Unum, quia unum, non agit in se*, quod ipsimet tanto cum apparatu inducunt? Quamobrem ita applicare oportet: Calidum nativum, quod constat ex dua-

d 2

bus



bus illis partibus, superatur ab humido alimentari, ideò auctio non fit: fiet autem, ubi proportio constabit, & fiet tamdiu, quamdiu solidæ partes poterunt extendi, quod cum non ampliùs fit, est *summi* corporis. At calidum nativum, ob causam dictam, jam præterit scopum illum.

III. Cur pueri difficulter ferunt jejunium, senes facilè, nisi sint prorsus in extremo senio? Non, ut alii volunt, quia pueri ob habitus mollitiem, multum dissipant, senes, ob ejusdem densitatem, parum: sed quia illi quidem Calidum habent potentius, hi autem vietum. Et hoc est, quod Hippoc. indicat iis verbis: *Accidere ad maxime pueris agilibus, & alacrioribus*: nam & Gal. ait, illos esse tales, quibus est copia Calidi nativi.

IV. Quæ fieri potest, ut viri & senes sint prudentiores, siquidem Calidum in illis jam vergit deorsum? Non pendet prudentia à solo Calido hoc, quia plurimum corroboratur ab usu & experientia rerum. Sed & in pueris non potest esse, ob humiditatem corporis. Nam ut Heraclitus ait apud Gal. *Anima sicca est sapientior*.

V. Estne in omnibus ejusdem conditionis? Tam non est, ut vel hinc oriantur mirabiles illæ varietates, tardioris aut citioris, majoris aut minoris incrementi, felicitioris vitæ, seu sanitatis, aut infelicitioris, celerioris aut tardioris senectutis, adeoque mortis. Atque ut varietas hæc insignis est: ita insignior fit, pro ratione alimentis, quæ de re pulcher est locus apud Gal. *lib. de Curandi rat. per venas sect. c. 5.* Ubi omnia secundum naturam se habent, jure dicitur, Gaudeant bene nati. Mihi non minori jure dici videtur, Gaudeant bene instituti. Qui enim modum vitæ suæ habere possunt, ut plurimum sunt vitaliores. Vide Aristotelis verba pulcherrima, *19. Probl. 38.* Sunt autem illi bene nati, Calidi & humidi, quemadmodum malè nati, frigidi, vel cum humiditate, vel cum siccitate. Qui cum humiditate, sunt illi, de quibus Gal. ait *1. de San. tu. 12.* Ne quidem si Æsculapium illis præfeceris, produci posse ad annum 60. Qui cum siccitate, alioqui bene valent, sed citò decurrunt spatium suum. Consistit autem varietas hæc, non in gradu tantum caloris, sed & in modo substantiæ, ut Turnebus nos docet in *libello de Calido*. Hæc duo si exactè sciremus, tam in brutis, quàm in homine, liceret nobis causas reddere multorum mirabilium eventuum, quæ nunc nos latent. De homine aliquid ausus est Gal. *1. Simpl. 11.* Calidum nostrum, præter quàm quod est in substantia crassa & vaporosa, debile etiam est: ideoq; in confectione sanguinis infelicius est. Quod ad rem nostram, autor est idem Gal. *1. de San. tu. 5.* tot esse temperamentorum differentias, quot functionum. Functionum autem fundamentum cum sit Calidum hoc, utique tot erunt differentiæ Calidi, quot temperamenti. Quare *3. in 3. Epid. 20.* ait, Idem Calidum, ubi retinet temperiem suam, facit sanguinem: cum ignescit, bilem. Quod ita intelligo, simulque ad alia transfero: Calidum, quod est naturalissimum, hoc est, ærium, facit sanguinem laudabilem: quod leviter declinat, idque versùs caliditatem igneam, sanguinem biliosum: quod itidem declinat versùs humiditatem aqueam, facit sanguinem pituitosum: quod versùs siccitatē terream, melancholicum. Ex his causam reddere possumus, cur alii quidem ad hos morbos sunt procliviores, alii ad illos, prout excrementa abundans



undant hæc vel illa, ita fit hoc vel illud. Ubi robustissimus est calor, nulla fiunt, præterquam quæ ex alimenti necessitate quotidie fiunt. Illa verò propter eandem causam quotidie etiam evacuantur. Cæterum, accipit Calidum hoc varietatem, etiam à rebus tam naturalibus, quam præternaturalibus: quod docuisse sufficiat duobus exemplis. De Vere & de Hyeme ait Gal. 3. *de Caus. puls. 6.* in Vere quidem se habere hoc Calidum secundum naturam, in hyeme autem fieri ascititium. De Febribus tot locis Gal. docet, quot dici vix possunt, fieri mutationem Caloris nativi in igneum. Is autem idem est cum alcititio, quem etiam præternaturalem, non secundum naturam vocat Gal. Non est autem, ut quidam sibi imaginantur, alius numero Calor, sed est hic ipse nativus, in Corde sedem habens, sed in ignem conversus, ut Hippoc. loquitur 5. in 6. *Epid. 5.* Accidit id ipsum calori quoque *συμφορῶν* in inflammatione dicta sicca, quæ aliquatenus est febris partis, quam obledit, ut Gal. loquitur 2. ad *Glauco. 1.*

VI. Restituiturne per alimenta, ut reliquæ partes? Sunt qui penè impium dictum putant, negare. Quo enim modo, inquiunt, durat, si non restituitur? Cur alia ipsius conditio est, quam reliquarum partium omnium? Mihi invertendæ videtur hæc quæstiones, & primum omnium docendum, Aliam & peculiarem ipsius rationem esse: Deinde inferendum, non posse restitui. Probatio peti potest, debetque ex superioribus. Cum enim reliquæ partes sint ex sanguine materno, hæc sola ex semine paterno, ut clariùs loquar ex Bonamico, 1. *de Aliment. 6.* cum reliquæ omnes ad materiam pertineant, hæc ad formam: quomodo non alia & peculiaris ipsius ratio est? Illatio ex his non erit difficilis. Reliquæ omnes cum constent ex sanguine, sanguine ali mirum non est: hoc cum ex semine sit, & quidem alius Individui, unde potest ali? Hic illi subito: Nituntur hæc falsâ hypothesi, quæ est, Omnes partes esse ex sanguine & omnes nutriri sanguine. Gal. enim sufficienter probavit, quasdam tantum ex sanguine esse, easque nutriri etiam sanguine, quasdam ex semine, quæ etiam nutriantur semine. Quibus ego: Sit sanè nunc ita, sufficienter, inquam, probavit Gal. constitutionem quarundam partium ex semine, quomodo probavit earundem nutritionem ex semine? Ego profectò sine pudore meminisse non possum, probationem, imò demonstrationem dici, quæ sumpta est ex accidente communissimo, candore: Estne subito semen, quicquid est album: fitne sanguis, qui in partium albarum substantiam incipit facessere, semen? *Sanguis*, inquit Albertus Magnus, 9. *Animal. tract. 2. c. 3. est humor corpus nutriendus. sive sit rebus. sive ultimâ digestionem in partibus dealbatus.* Quod si omnino album id vis vocare semen, concedas oportet, non convenire illi appellationem eodem modo, quo semini masculo.

## C A P. VII.

*Quæ in hoc negotio dici possint contra Galenum,  
& pro Galeno.*

QVod Marsilius Cagnatus lib. de *Gymnast.* ait, Galenum Platonem esse interpretatum suo arbitrio, & verba ad suam sententiam accommodasse, nisi melius, inquit,  
d 3. dixit



dixerimus, detorſiſſe: id de Ariſtotele, in negotio de corporatura ſeminis, quamvis in alio ſenſu, multò meliore jure dixerimus. Cùm enim, ut ſuprà dixi, in oculis haberet totam illam diſputationem ex 2. de Generat. 3. exſcriberet verò etiam quædam, 1. de Semine, 2. quid cauſæ dicemus eſſe, cur tam longè ſeceſſerit à genuina Philoſophi ſententia? Ego hæcenus aliam indagare non potui ab illa, quam Capivaccius edit: *Noluit Ariſtotelem intelligere*. Hinc adeò factum eſt, ut vincendi ſtudio dementatus mirificè implicarit ſeipſum, dum à veris & ſufficienter probatis principiis deſlectens, modò ait, modò negat, modò inania effugia quærit: omnia, inquam, agit, ut jure ab Ariſtotele deſciviſſe videri poſſit. Quod ipſum quia ad Veritatis Majeſtatem tuendam vel in primis facit, age videamus quædam.

I. Cor principium & fontem Caloris nativi eſſe, cùm negare non poſſet, quia tribus locis, 5. de Uſ. part. 7. de Format. fœtus, 3. 4. in 6. Epid. 24. cùm uteretur eâ voce, quâ Ariſt. ipſe 3. de Part. 7. uſus fuerat, *ἑστία*, *focus*: quâ fronte alibi quæſivit alia principia, alios fontes, alios focos? vel ideò, quia 4. de Uſ. part. 6. Calorem illum cordis concedit eſſe primum naturæ inſtrumentum, quippe qui cauſa princeps ſit, non tantum omnium in corpore coſtitionum, 4. in 6. Epid. 14. ſed & omnium operum naturalium, 1. Aphor. 15. 8. de Sent. Hipp. 7. Hæres. Dicam igitur clariùs. Cùm triplicitatem animæ tanto cum ſupercilio jactarit, quid aliud fecit? Ut propiùs veniam, cùm hepar quoquo 2. Progn. 37. conſtituit focum, quid aliud fecit? Hoc falſum eſſe cùm ſciret ipſus, quoties in conſultò illi excidit aliud? Tale eſt illud 5. in 6. Epid. 5. In corde major eſt calor, quàm in hepate. Item illud, huic ſimile, de Uſ. pulſ. 3. In venis minùs eſt caloris quàm in arteriis. Debebat enim dixiſſe, In Corde & arteriis calorem eſſe primariò; in hepate & venis nonniſi quantum ex Corde & arteriis influit. Huic ſenſui vicina ſunt illa, eodem de Uſ. pulſ. c. 2. Cor ſemper fervere debere, reliquis ſatis eſſe ſi non ſint frigida. Item illa, de Format. fœtus. 3. ſine Corde tantum eſſe in corpore caloris, quantum æſtivo tempore à Sole eſt: cum Corde, non ſecus ac ignis ibi fuiſſet accenſus. Reverà dicere debebat, Cor calere propter caliditatem nativam, ideoque ex ſe: reliqua, quantum calidi illius participant. Res enim ipſa loquitur: quamprimum ignis ille in Corde extinctus eſt, totum corpus actu frigidum eſſe.

II. Cor ſolum calore inſito & motu nativo moveri, reliquas omnes partes quieſcere, cùm ſciat, quam cauſam ejus rei dabit? Equidem diligenter & diu quæſivi, ſicubi Gal. me docere vellet: ſed fruſtrà. Vocat quidem, lib. de Tremore & palp. 6. Calidum nativum ſubſtantiam per ſe & ſemper mobilem: Verum non dat ullam cauſam perpetui illius, & de propria rei natura motus. Eſt autem cauſa una & ſola, quia ſolum Cor eſt ſedes Calidi innati. Hoc autem movetur ad imitationem perpetuo mobilis ignis, ut Gregorius Nyſſenus loquitur: nimirum cùm ſemen ſit particula ignis paterni; is verò non quieſcat: nec calidum quidem nativum quieſcere poteſt. Quo ex loco ſtabiliveris fortassis interpretationem Ciceronianam ἐντελεχίας Ariſtotelicæ. Vide, ſi placet, concertantes inter ſe, Monſtorium l. de Entelechia. & Mazonium 1. Prælu. 28. Agit autem eo prorsus modo quo ille, tam in generatione, quàm poſt generationem. In generatione.



ratione, ut dixi, attrahit sibi materiam, è qua domum fabricat; post generationem gubernat domum suam. Hoc est, quod Arist. docet, semen non excidere. Quod dum trahit Gal. & immanere quidem ait, sed ita, ut constituantur ex illo partes quædam: non satis cautus est. Sin in partes absumitur, unde est Calidum innatum? Si dicere volent amici, partem ejus quandam in Corde facere motum illum; partem alteram, in partibus inde constitutis, quietam esse: cupiam audire rationem diversitatis. Cupiam verò & illud intelligere, quomodo in Corde quidem habeat rationem formæ; in reliquis autem partibus, materiæ? Hinc alterum exsurgit dubium, quomodo forma informis sit idem cum subiecta materia, & vicissim? Exieret se illud quoque, quomodo in generatione feminis pars altera habere potuerit rationem agentis, altera patientis? *Unum enim, quæ unum, non agit in se.* Cujus contrarium qui dicit, contra rationem loquitur, Gal. ipso iudice.

III. Calorem ex Corde, beneficio perpetui illius motus, in totum corpus dispergi, cum non ignoret Gal. mireris cur ignorare velit, pulsus longè majores esse usus, quam ipse dicit. Quantillum enim est ventilare partes, ne Calor illarum inflammetur? Hæc alibi ostendi, vix tertiam partem totius esse. Huic loco sufficere possunt illa, quæ in hoc ipso vestigio dixi, Calorem nativum esse maxime activum, non solum ad coctiones omnes, sed alia quoque opera naturalia. Quod si coacervare velim hæc loca, quibus calori huic Gal. ascribit sanguinis confectionem, non sufficeret integra pagina. Reverà Cor beneficio caloris, quem, mediante motu in universum corpus distribuit, & coquit alimentum, & aliis partibus coquendi facultatem tribuit, & ventilatione prohibet caloris interitum. Quid autem? Est illa caloris ex uno Corde in totum corpus distributio, tam confessa Medicis, ut nullam febrim accendi posse doceant, nisi succenso Corde. Quod si in hepate, v.g. etiam est focus quidam, cur ille pariter non facit febres?

IV. Ob hos tales tantosque Calidi hujus in Corde usus cum ab Hippoc. juxta & Gal. (Stoicis etiam, 5. *Simpl.* 9.) mereatur dici anima & natura, 5. in 6. *Epid.* 5. de Tremore & palp. 6. 1. *Aphor.* 14. & 15. 4. *Aphor.* 37. 5. *Aphor.* 22. 1. de Fac. nat. 1. substantia facultatis vitalis, 3. in 6. *Epid.* 18. causa nostri conditrix, & gubernatrix, 9. de Sent. Hipp. 8. de Format. foetus, 6. 3. de Cris. 8. aut, si hoc nimium sit, instrumentum proximum causæ seu substantiæ illius, quæ anima, & natura dicitur, 2. ad Glauco. 2. 14. de Us. part. 6. 5. in 6. *Epid.* 5. qui verisimile est, esse Calidum illud alibi, quam in uno loco? & eo quidem, unde imperium suum ostendit? Et quis imperium sine subiectione animo concipere potest? Nempe, si Calidum in omnibus est partibus, omnes imperabunt. Sed & sensus dicit, hoc esse falsum. Si enim perinde ut Cor habent calorem illum, cur actu & per se sine ope Cordis non calent?

V. Ex his locis qui intellexit, Calidum nativum esse causam nostri efficientem, esse substantiam facultatum, quibus animal regitur, esse animam, quæ sibi ipsi ædificat domum, non ab alio facta videtur: ille putet Galenum purum Peripateticum esse. Contrà, qui legerit illa, 2. de Temper. 6. Aristotelem dubitasse, numquid vis formatrix sit ex Elementis, & non potius diversum quid ab iis: rationabile videri, Elementa nihil aliud esse,



esse, quàm instrumenta, quibus formator, supernè originem habens (ut ex 1. de Temper. ult. explicare licet) utatur: ille videbit declinare illum ad spiritum Stoicum. Imò qui viderit illa, 17. de Us. part. 1. mentem quandam in universum extensam: ille intelliget, illum jam penè totum Stoicum esse. Imò qui consideràrit *παλινοδία* illam, 5. in 6. Epid. 5. Temerè sibi inclinasse animum, ut crederet, animam esse spiritum: is intelliget, minimum in juventute fuisse illum Stoicum. Rursus qui legerit librum, cuius inscriptio est, Quòd animi mores sequantur corporis temperamentum; vix poterit illum absolvere ab impietate. Animam enim facit temperamentum, & consequenter mortalem esse concedit. Id verò vel inprimis memorià dignum est, quod lib. cit. c. 3. et 5. urget, dicitque à Platone, si viveret, libenter se cogniturum, qui fiat, si quidem mens sit immortalis, nec utatur ad actiones instrumentis corporeis, cur læso cerebro lædatur mens? Certè affecto cerebro, non imaginatio tantum & memorià læditur, sed ipsa quoque ratio. Hac de re qui volent, legant Casalpinum 2. Peripat. quest. 7. de Damon. investigat. c. 2. Personam, comment. in dictum locum, Huarteri lib. de Ingeniorum examine, c. 7. Ego Galenum & à varietate, & ab impietate absolve. Ab illa, quia toties fatetur, se substantiam animæ ignorare, & esse totum id in Medicina Logicum. Quid absurdi igitur, si magnorum virorum placita attulit, rebusque suis accommodavit? Ab hac, quia ut Medicus loquitur. Is enim quia in corpore humano considerat ea tantum, quæ alterabilia sunt; ultra autem temperamentum nihil est alterabile: impunè ille temperamentum potest vocare animam. Servato enim temperamento servata animam. Hoc ita probàris. Si, quod Methodus jubet, excessus omnis contrario excessu corrigi debet; in animam autem excessus non cadit: patet, quod dico. Quin 2. Prasag. puls. 8. expressè dicit, se ausum non fuisse asserere, essentiam facultatum esse temperamentum, priusquàm animadvertit, Omnia, & in dignoscendo, & in præcognoscendo, & in curando convenire cum hoc dogmate. Est autem sermo de solis Intemperiebus, non etiam de aliis morbis.

VI. Ex his omnibus exstirrit tanta sententiarum de Calido innato apud Gal. varietas, ut quidam operæ pretium judicàrint colligere eas, & pro magno thesauro vendere. Mihi ut scelus est Veritatem prodere: ita impium est incessere bene meritos, sine sufficiente causa. Rectè igitur objiciuntur Galeno hæc. I. Si semen & sanguis simul sunt Calidum nativum, quomodo, quod 1. Aphor. 15. ait, Substantia calidi est aërea & aquea, ad instar seminis masculi tantum? Certè sanguis valde terrestris est. Quin, si ex semine masculo fierent partes terrestres, ut ossa, quomodo aëreum & aqueum est? Item: Si ex Corde influit in partes, quod multis ille locis docet, quomodo partibus nativum est? Nec me terret terculamentum illud, Calidum esse duplex, insitum & influens, quorum illud simile sit calori domus tempore æstivo, &c. Præterquàm enim ut distinctio ipsa inanis est, confusio est cum calore *συμφύτω*, omnino est hoc calidum ex solo semine masculo, & ita quidem ut non sit substantialiter mutatum in ullam partem solidam, sed in modum coaguli, seu fermenti, per solidam Cordis substantiam diffusum. II. Si ex semine & sanguine pariter hunc partes omnes, quomodo (quod Galenus objicit Lyco, cap. 7.) animo concipere possum corpus quoddam aliud, ita à partibus distinctum, ut partes



partes quidem dicantur corpora acquisititia, generata, non innata? corpus autem ipsum non generatum, ab initio generatis corporibus assistens, & illis copulatum? Quomodo, inquam, instituere possum comparationem inter duo hæc corpora si ex Corpore non generato extiterunt reliqua generata? Mihi planè incomprehensibile est: facilius enim comprehensum contrà est, quod dixi, ex semine masculino nullam partem constitui, præter Calidum nativum, & hoc comparari cum reliquis partibus omnibus ex sanguine constitutis. III. Si Calidi nativi tanta est præstantia, quanta dictum est, Si solum Cor est fons & principium Caloris illius, Si Calor Cordis est proximum instrumentum omnium actionum; quomodo idem Calidum potest esse in omnibus aliis partibus, etiam abjectissimis? Imò, si est in illis, cur à Corde petunt, cur Cor est primum vivens, & ultimum moriens? Unde intelligitur, quid prohibeat, quo minùs, præter semen acceptem sanguinem, 5. *Simpl.* 9. Nimirum, ita legendus est locus ille: *Nihil verò obstat, quo minùs cum sanguine pro Calido nativo accipiamus substantiam sanguineam.* Eandem medicinam si ex Th. à Veiga, *comment. in 1. de Differ. febr.* 1. adhibuerimus alteri loco, 8. *de Sent. Hippoc.* 7. & pro *φλέγμα* : legerimus *πνεύματι* : non opus erit stylo, quo conficiatur amplius is locus. Eadem, sed paulò graviore medicinà indiget alter, 1. *Aph.* 15. Cum enim *lib. adversus Lycum*, 7. expressè dicat, se præter semen & sanguinem, non novisse tertium, quod ad constitutionem Calidi nativi pertineat; in *comment. 1. Aph.* citra doceat constituere Calidum nativum: de leo omnia, quæ pertinent ad tertium illud. Nimirum, tota oratio absque his pulchrè cohæret: cum his sit hiulca. Sed & tertiam addere licet. Ineptum est dictum, ex Spiritu factas esse partes quasdam. Quòd si omnino hæc toleranda tibi videntur, loco (*tria*) legere oportet (*duo*) : & mox pro *πνεύματι* & *πρῶτα*. Utrum feceris, liberabis Galenum à calumnia. Nimirum jam hoc est alterum caput eorum, quæ Galeno non rectè obijciuntur, & in quibus candidum potius interpretè querit, quàm acutum censorem. Talia sunt hæc quoq; ab imperitis quibusdā jactata. I. Non constat sibi, quomodo modò Calidum vocat, modò Spiritum. Imò perbellè sibi constat: ut enim ab initio dixi, Vetustissima est consuetudo, quæ eidem rei utrumque nomen tribuitur, & acceptat consuetudinem hanc Monlorius etiam in *quest. de ἐνδεχέαι*. II. Pariter non constat sibi, cum modò in Corde locat, modò in sanguine. Constat sibi: Calidum enim, ut in foco, ponit in Corde; ut in vaporario, in sanguine. Ut clariùs dicam, Calidum seu substantiam fixam in Corde ponit: Spiritum, seu Calidi illius *πνεύμα*, ut loqui solent Philosophi, in sanguine. Duplex enim cum sit motus Calidi hujus, extrà & intrà, ut Gal. docet 1. *de Us. respir.* 3. *de Tremore & palp.* 6. cum intrà fertur, seu deorsum, ad alimentum, rectè dicitur Calidum: cum extrà, seu sursum, Spiritus. III. Neutri videtur convenire cum ait, Augeri per exercitia. Imò convenit Spiritibus, qui per motum extimulantur, ut alibi se explicat. Ut enim proverbio notum est, qui ignem fodit, facit illum majorem, motà materià, pulsisque excrementis. Eodem modo hic accidit. IV. Absurdè loquitur, cum in solis pueris agnoscit pro naturali: in reliquis vult præter naturam esse. Non diffiteor hic, sed cupio admitti commodam explicationem, eam videlicet, quæ debetur distinctioni caloris in proprium, na-

c

tura



turalem, ingetitum, domesticum; & alienum, ascititum, externum, præternaturalem, igneum, 3. in 3. Epid. 22. 4. in 6. Epid. 25. 3. de Cassi. puls. 6. 3. de diff. resp. 21. 2. de San. tu. 9. alibi. Nempe, distinctiones hæ sunt Medicæ, quæ ad usum potius pertinent, quam ad rem ipsam. Reverà unus & idem numero est calor, in singulis, à primo nativitatæ die usque ad mortem. At quia in solis pueris est *σύνμερος*, talis, inquam, qualem Individuum postulat, in reliquis, aut intenditur aut remittitur, prout quisque hanc vel istam vitæ rationem init: dicitur ille quidem solus naturalis, hic autem præternaturalis, intellige huic corpori. Et ita quidem in latitudine sanitatis. In morbis, præcipuè febribus, dicitur igneus, quia talis ad sensum apparet. Tum verò cum dicitur, Calorem nativum agere in Igneum, intelligere oportet sano modo. Non enim sunt duo subjecta, quæ in se invicem agere possint, agit autem nativus in igneum, cum redit ad naturam suam, adiutus ope medicamentorum. Quòd si *ἀκροπορία* vocare velis, non peccabis quidem, sed incurres in principia Medica. Usus enim hic est dicendi & faciendi magister. V. Temere seipsum confundit, præbetque aliis occasionem incessendi se, cum modò Calorem vocat seu Qualitatem, modò Calidum seu Substantiam. Hoc imperiti jactant. Cum enim, ut pridem dixi, Hippocrates ipsa Elementa, modò nomine substantivo, modò adjectivo, ut Grammatici loquuntur, appellet; Galenus verò non improbet, fortassis quia usum respiciebat: quid frustra facessimus negotium bonis viris? Imò cum hoc ipsum, de quo agimus, Calidum, modò substantivè, modò adjectivè describat; scimus autem, quid velit: quid festucas legimus? Hæc eadem libertate Galenus gaudet, ut ne verbis quidem aliis sit opus. Cum enim Hippoc. 1. Aph. 14. de Calido innato scripisset; Galenus ferè toties, quoties laudat Calidum nativum, assert, uti videre est 4. in 6. Epid. 14. 8. de Sent. Hippoc. 7. 5. Simpl. 9. Ex his jam intelliguntur quidam loquendi modi, v. g. Calorem in somno introrsum vergere. Reverà enim potius dicendum erat: Calorem in somno intus majorem esse, quòd occupatus sit in coquendo alimento. Item; Calorem in somno introrsum delatum, si non inveniat, quòd agat, languescere: Debebat enim dixisse, Calorem tum fieri debiliorem, ob defectum pabuli. Item; Cibos calorem augere, non in Qualitate tantum, sed & in Substantia. Non enim amplius auget, quàm intendit Calorem per corpus diffusum. Item; Calorem strangulari in venarum interceptionibus Hippocrati dictis, quòd aëri externo non pateat aditus. Fit enim ob longè aliam causam, ob impeditam, inquam, liberam perspirationem, seu, si ita vis, motum Caloris ad extra, ut loqui Galenum audivimus.

## CAP. VIII.

## Contra Bernardinum Telesum.

**H**ic homo cum ex propriis, ut loqui amat, principiis, propriam moliretur philosophiam: Chaos nobis dedit mirabile & miserabile, à quo tamen sunt, qui Telesiani dici volunt! Hanc gloriam ut nemini invideo: ita constare volo bonis, sapientibusque, quid in hoc negotio, quod præ manibus habemus, deliret Morosophia illa. Docet Telesius



leſius l. 5. § 6. de Rer. nat. itemque l. de Unica anima, contra Gal. In univerſo quidem animantium genere, animam vegetativam & ſenſitivam eſſe à ſemine: in homine autem peculiariter, perfectò jam in utero fœtu, ſuperaddi *Animam rationalem*, quæ ſit forma formarum illarum. Hinc fieri, ut una in homine ſit anima, non plures. Atque ut formas illas inferiores appellat aliquando ſimpliciter *Animam*, frequentius *Spiritum*: ita hanc ſuperiorem pariter vel *Animam rationalem*, vel *Spiritum*. Hujus ſedem ſtatuit quidem in genere nervoſo, hoc eſt, in partibus ſpermaticis Gal. ſed ita, ut princeps ejus portio, ac veluti univerſitas, ſit in *Ventriculis cerebri*. Quamobrem ſentire quidem & moveri ait partes omnes (exceptis offibus, & quæ offibus ſimiles) beneficio incluſi illius ſpiritus: ſed ita, ut arbitrium & imperium tandem referatur ad cerebrum. Cur cerebro, non cordi, offerat hoc laboris, cauſam dat, Quia craſſo aëre, cerebri ventriculos ſubeunte, aut alioquin inſignibus nervis offenſis, nihil corde ipſo, aut ullâ corporis parte læſa, mors ſtatim conſequitur. Hæc ferè ille. Ex quibus quis non agnoſcit, factum eſſe dogma ex *ſpiritu Stoico*, & *partibus Galeni ſpermaticis*? Quod ad *unicam animam*, rectè quidem Gal. accuſat: ſed perfectò rationes ſunt nullius momenti. Ut enim hoc tantum dicam, Adimit homini generationem ſubſtantificam, jubetque deterioris conditionis eſſe, quàm vel equus ſit, vel canis. Quàm in culpâ ſi maximè Ariſt. quoque ſit: non ob id tamen Teleſii cauſa ſit melior. Facit enim heic quoque Philoſophus, quod facit, ex timiditate, quâ uti ſolet in hujusmodi difficultatibus: Teleſius, ex captura gloriolæ ex nova, ſi Diis placet, ſecta. Quod ad *Spiritum*, mireris acriculum non diſtinguere miſtum ab animato! Si enim ſpiritus ille ingreditur conſtitutionem partium, meritò vapulat ab Alexandro, l. de *Miſtione*. Si, præter ſpiritum miſti, datur alius ſpiritus, qui animat miſtum, jam duo erunt ſpiritus, duæ animæ. Tum verò repetenda fuerint tela, in Gal. jacta de partibus ſpermaticis. Si enim ſpiritus ille habet rationem formatoris, quo modo ſimul eſſe poteſt materia, ſeu ſubjectum, è quo formantur partes? quo modo unum, quàm unum, ratione ejusdem, poteſt agere & pati ſimul? eſſe & non eſſe? Reverà, hoc principium urget & inſtat ubiq; quin fugientes quaquà verſum inimicè perſequitur. Age verò, ſi ſpiritus ille inhabitat partes ſolidas, ſive quàm miſta, ſive quàm animata: quo modo maxima ejus portio eſt in ventriculis cerebri? quæ ſimilitudo eſt inter partes & ventriculos hos? Sed ſit fanè: quis *Æolus* incluſit ſpiritum huic carceri? quis *Argus* obſervat illum, ne evolet? Sint verò hæc quoque: quo modo, quàm viâ, quàm ratione ſpiritus reliquarum partium omnium communicat cum hoc ſpiritu? Et quei intelligam, ſpiritus, partibus inſitos, agere quidem: ſed actionis arbitrium deferre in cerebrum? Scio, quid fiat in ſenſibus: in motibus planè nihil video ſimile. Quei item intelligam, Offa, offibusque affinia, facta quidem eſſe ex ſemine, adeoque habere ſpiritum illum, nec tamen ſentire? Pariter, quei intelligam, Reliquas partes non perinde moveri ac cor, ſiquidem ſimilitudo in eo eſt, quòd cordis motus ſit à ſpiritu, fibris inſito? Et quomodo naturalis ille cordis motus eſt idem cum voluntario reliquarum partium? Quàm egregia verò ſunt illa, quæ de motibus quibusdam blaterat? Talia, quale alterum illud, Corde vulnerato ſtatim animal interire, non quòd cor ipſum ſit vitæ fons, ſed quòd vulneretur ſpi-



## CAP. IX.

*Contra Augustinum Donium.*

**Q**uod in utroque mundo tentavit Consentinus ille: hoc in parvo hic, scriptis de  
*Natura hominis libris duobus*. Tanto verò studio celebrat spiritum suum, ut Ari-  
stotelem & Galeno non sine pipulo exprobrat ignorantiam substantiæ animæ. Contra  
Aristotelem ut multa dicit, variaque: ita hujus loci præcipuè sunt illa, quæ de ortu ani-  
mæ, & consequenter *Calidi* hujus, facit illi controversa. Primò odiosè urget illud, Ari-  
stotelem dicere, semen non esse nisi potentiâ animatum. Quid si ostendam illi loca,  
quibus actu animatum esse expressè dicit? Quia feci abundè 2. *Generat. hom. 2. & seq.*  
non libet nunc actum agere, præcipuè loco alieno. Tamen oportet inde petere hoc,  
tam pro explicando Aristotele, quàm erudiendo Donio. Cùm de potentiâ loquitur  
Philosophus, accipere oportet, non de materiali, sed formali, quæ cum actu primo ea-  
dem est. Secundo loco vult sibi dari ab Aristotele motorem & moderatorem in semine.  
Atat, sanè dedit illum, cùm actum primum hominis in semine humano collocauit. Hunc  
actum explicuit similitudine ab automatis sumtâ. Quam cùm disparem ait esse Donius,  
ostendit, se lusciosum esse, quique credit alios omnes laborare eodem vitio. Quo de ut  
certior sis, considerare tibi licet, quæ tertio loco (ut mihi quidem disponere libuit) in-  
culcat de disperditione & dissipatione corporis seminis. Item, quæ quarto, de simili à  
coagulo sumto. Profectò, si sanis oculis intuitus esset locum integrum, & quidem Græci  
potius codicis, quàm Latini, vidisset sine dubio, quod non vidit. Ejusdem generis est  
quintum de simili, quod à *filio emancipato* (sic Gaza) sumit Philosophus. Quia enim acce-  
ptat explicationem adulterinam celebratissimarum duarum vocum, *ἀνέταται καὶ πνεύ-  
ματῶται*: nimirum non est, raptâsse alia quoque aliò. Ejusdem valoris sextum quoque est,  
quod Aristot. 1. *Generat. 21.* semen faciat *Instrumentum*. Quàm enim pulcra est illatio,  
Ergò semen est inanimatum, perinde ac ascia & dolabra! Vidisset enim contigua tantum  
verba, καὶ ἔχουσαν αὐτὴν ἐνεργείαν, mitius egisset. In tot & tantis rebus, (imò, in non paucis  
aliis, quas huc pertrahere nolui) quia nimis quàm supinè egit: mireris animadvertisse il-  
lud Aristotelis, *Calidum hoc non divinum, sed elementare esse*: dici autem divinum, cælo-  
que analogum, quòd compositum quid sit, cujus par in generando potestas cum cælo.  
Contra Galenum latè agit, in quibusdam malè, in quibusdam benè. Malè, cùm ait,  
fecisse illum duo calida, æque efficacia, quorum alterum sit nativum & æræum, alterum  
adscititium & igneum. Ut enim nuper dixi, locutio hæc est Medica, quæ ad usum  
potius pertinet, quàm ad rei naturam. Malè, cùm tantopere illum exagitat, quòd  
*Temperamentum* aliquando dixerit *Animam*. Ut enim pariter dixi, Non est illi hoc  
vitio vertendum, qui loquitur ut Medicus. Vide hac de re, si placet, *Comm. in 7. Us.*  
*part. 10.* Malè: cùm animam rationalem ei extorquere vult. Qui enim tot locis (pro-  
duxi



duxi horum quosdam in *Comm. dictis* ingenuè fallus fuerat, se substantiam animæ humanæ ignorare, debebat immunis esse à talibus. Contrà, bene & eruditè impugnat animæ triplicitatem, triplicesque spiritus. Quorum illud cum prolixè egerim in *lib. de Thorace*; hoc explicaturus sum infra, quatenus spiritus vel unus, vel uno plures sint: tempus est, ut ad *spiritum Stoicum* veniamus. Ita loquor: quia certus sum, Donium non factis memorem fuisse principiorum *Telestianorum*, *Terra & Cæli, seu Ætheris*, cum docuit, Calorem nostrum esse elementarem. Expresè enim excipit *Telestius* spiritum seminis à generibus substantiarum, è quibus compositum est semen. Nempe enim substantiæ illæ constituunt tantum crassamentum seu crassitudines seminis, è quibus genus nervosum, hoc est, omnes partes, quotquot habent fibras seu villos albos, constitutæ sunt. Has fibras quia facit sedem spiritus sui, incurrit in illas difficultates, in quas *Telestium*, omnesque assèclas Galeni incurrere necesse est. Incurrit verò Donius tantò violentius, quòd cum populari suo supplementum spirituum suorum cogitur petere ex arteriis, & consequenter corde, quamvis id non nominet, fortassis quia videbat, quantum damni habitura sit thesis ipsius. Sed siue nominet, siue non nominet, ita est, adeoque per *Telestianos* quoque Cor est arx illa spirituum, universitas illa, in qua iudicium fit omne. Et scio, quid cautescent, *Arteriam cordis coronealem*: sed est id tam futile, ut verbo non sit opus. Quo ergò tandem modo caput est unicum illud & solum principium spiritus illius, qui solus & unicus sapit, iudicat, memorat, audit, videt, breviter est substantia animæ? Non alio certè, quàm quia ita placuit ponere aciculis illis, qui meras crepant subtilitates. Hoc tibi prædictum volui, mi Lector, ut cautior sis in erogando bono tempore. Ecce tibi autem aliud, ut facilius credas. Ait, Calorem nostrum quotidie fieri majorem, & hoc docuisse Hippoc. illis verbis, *Anima hominis generatur usque ad mortem*. Si discere cupias, Cur homo non sit immortalis? Quia, inquit, calor ita auctus exurit sanguinem in terram, quæ refrigerando interimit calorem, à quo sanguis ille. Et hoc iterum docuisse Hippoc. illis verbis illud, *Calor qui nos produxit, interficit*. Rides, an doles?

## C A P. X.

## Contra Adrianum Turnebum.

Hic quoniam in *libello de Calore nativo*, non tantum proximè accedit ad principia *Telestiana*, sed & spiritum Stoicum profitetur: fortassis debuit huc quoque accersiri. Quemadmodum autem examinari nec possunt, nec debent illa, quæ disputat, Calorem omnè è cælo esse; frigus omnè à terra esse; aërem esse *ἀπὸ τοῦ*; ignem non esse elementum, nec illum, inquam, quem supra spheram aëris collocant Philosophi, nec domesticum nostrum ministratorium seu culinarium; ignem hunc esse propaginem illius; non hunc tantum esse consumtorium, sed & illum; non illum tantum esse vitalem, sed & hunc; cælum non esse corpus simplex, sed ex quatuor elementis compositum, ut reliqua omnia, quæ sublunaria vocamus, & si quæ sunt alia fortassis: ita levi manu tangere oportet sequentia.



I. pertendit, Radios Solis, lumenque è cœlo dimissum esse corpora. Cui enim, inquit, calor ille inhæsurus sit, cum corpus nullum subiectum habeat? Cui, inquam ego, nisi aëri quem ob id tanto cum apparatu videri possis, ô vir magne! statuisse ἀποιον? Nec verendum esse ait, ne corpus penetrando, corporis alterius locum obsideat: sunt enim inanitates, &c. Quibus verbis manifestum est obviâ ire voluisse Alexandro Aphrod. de quo supra: at quàm infelicitè, non minùs manifestum est. Fit verò etiam manifestius, ex exemplo quod subjungit de aëre. Non possit enim esse ulla major disparitas, quàm inter aërem est, corporaque solida. II. affirmat, Corpora illa Solaria usque adeò esse genitalia, ut in conchis formas serpentum, in lapidibus piscium, in aliis alia effigient. Mihi planè ἀποιον videtur, corpora tam præstantia recipi in materias tam brutas! & quidem formas inducere emortuales! Non nego lusus istos Naturæ, ut Plinius vocat, fieri cooperantibus superioribus lationibus: sed recipi in illas aliquid corporis cœlestis, omni caret verisimilitudine. III. docet, Eadem corpora Solaria formas inducere concoctione materiæ. Atqui, dicam ego, concoctio est alteratio, quæ fit à calore: at tua ista, Turnebe, formarum è cœlo deliberatio & captio, ut ferè loqueris, augmentatio est, cum videlicet corpus additur corpori. Et profectò labascis, cum ais, Lumen & calorem devehere in terram, cæcam quandam & tacitam potestatem, tanquam rerum primigenia semina, formas rerum inducentia. Quo enim modo non diversa sunt, *Potestas*, quam Arist. agnoscit, & *Semina*, quæ Stoicum quid sapiunt? Quo minùs credibile est, Aristotelem quoque, vel sensisse ita, vel locutum esse. Hoc autem (à te ipso institutus) dicam voluisse Philosophum, Corpus illud genitale esse divinum, quia æstimat actionem ipsius, non ex primâ tantùm elementorum mistione, sed & secunda, tertia, & quarta mistione, temperatione. Et hinc esse gradus illos insignes, pro ratione crassitie aut tenuitatis materiæ, in qua fundatur. Hos ipsos gradus esse instrumenta cujuslibet formæ, sine quibus efficax esse non potest, εἰς τὸ quippe. Idem corpus esse analogum cœlo, quia diutinâ temperatione ad eam tenuitatem, atque, ut ita dicam, pelluciditatem pervenit, quâ gignere potest, non secus ac cœlum. Quemadmodum igitur (concludam) Solis radii in aëre, corpore tenuissimo, concepti pervadunt, & quasi terebrant solidissima quæque: ita semen est corpus tam tenui textu præditum, tam subtili filo ductum, ut in uterum receptum, & materiæ suæ conjunctum, possit illam quaquaversum pervadere & permanare, adeoque animal ex illa formare. Et hoc fuerit, quod Gal. 2. *Fac. nat.* 3 perquàm scitè docet, Naturam seminis Polycleto esse aut Phidiæ dissimilimam. Hi enim opifices exteriorem tantùm superficiem poliunt, & ornant: illa interiora omnia solertissimè perficit. Hæc solertia non in generatione tantùm conspicua est: sed postea in omni vita, in omnibus operibus, quæ ad conservationem animalis pertinent. In quodam animalium genere, in quibusdam individuis tales conficit cibos & tantos: quia semen, & hinc ortum *Calidum nativum*, est tale & tantum. Hæc illave certo animalium generi sunt cibi, sunt medicamenta, sunt venena: quia modus substantiæ vel ita habet, ut vinci possit ab hoc calore, vel ita, ut vinci non possit. Aurifex liquat aurum structo igne ex paleis, quod liquare non potest igne ex carbonibus, licet hic vehet.



vehementior sit; Struthiocamelus (loquor ex vulgi fide) ferrum concoquit, quod leo, qui calidior est, non concoquit: quæ causa est? Ignis palearis tam est subtilis, ut poros auri transire possit. Ita, calor Struthiocameli tam est tenuis, uti ferrum corrodere possit. Hæc, ô Turnebe, si est mens Aristotelis, ut valde puto, & quidem à te infcio prodita: quid frustra inhæres *spiritui Stoico*? Magnes (dicam ex his ipsis) trahit ferrum, non propter spiritum cœlestem: sed propter spiritum, quem habet à missione elementari. Succinum trahit paleas, alia agunt alia, non propter particulam aliquam cœli: sed quia congeries elementorum ita vel ita temperata est. Et quemadmodum non hæc tantum impediri possunt, ne agant, sed & ignis ipse, quod productis exemplis facile probatu erat: ita & in generatione, & in conservatione animalis, multa possunt obijci semini, calidoque nativo, quò minus possint, quod volunt, sed ea non cœlestia, verum elementaria. Æquum autem erat, siquidem è cœlo descendisset, id, quod in singulis rebus est efficax, ut liberum esset ab impuritate elementari. Quâ de re cum cogito, videor mihi additamentum insigne facere posse ad sententiam Cæsalpini, I. *Quest. Perip.* 3. Proprietatem Calidi nativi in unoquoque animali, indeque ortam in ventriculo certam pituitæ speciem, facere, ut hoc animal coquat ossa, hoc stramen, hoc carnes crudas, hoc pisces insolatos, hoc semina Cerealia, hoc nihil horum: imò, in certo genere, ut humano, hoc quidem individuum carnes bubulas salitas, infumatasve, panem furfuraceum, &c. hoc autem vix ova tremula, pisces minutos, panem similagineum, &c. Multo enim verisimilius sit hoc ex Turnebi dogmate.

## CAP. XI.

*Contra Philippum Paracelsum.*

**I**Ta voco cum Erasmo, siue nativum hoc illi fuerit nomen, siue adscititium, siue Theophrastus fuerit, siue Cacophrastus, siue albus, siue niger, siue cujusunque alius coloris. Non eram autem inentionem facturus ejus, nisi animadversione dignum judicasset, Pleraque dogmata non esse nova, sed ex *Barbarica philosophia* desumpta, unde unde etiam hauserit, licet suis quibusdam impietatibus conspurcârit. Cum enim docet, quæ facta sunt, facta esse non ex nihilo, sed ex *mysterio magno*, quod increatum esse vult, vocatque *Materiam verum*: quid aliud nobis dat, quàm *Chaos Ovidianum*? Cum negat, per creationem facta esse, sed per separationem, ope Deorum quorundam mortalium: quid à *παρασκευα* Anaxagoræ, Deunculisque Platoniciis diversum docet? Cum cœlum, seu quintum elementum includit in alia elementa omnia: quid aliud dicit quàm *spiritum Stoicum*? Nempe enim semina illa immortalia, quæ omnibus rebus tribuit, nihil aliud sunt quàm pars quinti elementi. Quamobrem cum Trismegisto vocat *Conspicuum* (ita enim explicant complices) *filium Dei*, & dicit, nihil aliud esse quàm *Spiritum mundi*, qui idem sit cum *spiritu & naturâ corporis nostri*. Vocat etiam cum Pythagora, Platone, aliis *Mentem primam*, *divinum intellectum*, *imaginem divine intelligentiæ*, *statuam Dei conspicuam*, *Jovem mundi Orphei*, & nescio quæ aliter. Huic spiritui tribuit omnes



omnes actiones, esuriendi, inquam, sitiendi, vigilandi, dormiendi, fortassis etiam. Hic spiritus constituit *quintam essentiam omnium rerum, balsamum vitæ, Elixir, Arcanum, Materiam perlatam, Archæum, Sulfur vitæ, Mumiam corporis & radicalem, Solem internum, &c.* Hunc ad imitationem Mœridis Virg. cœlo deducere nōrunt, & alembico includere, ut homines forment, non secus ac Natura. Hunc eundem indunt Theriacis suis cœlestibus, Mithridatis Olympicis, & nescio quibus aliis, quorum ope immortalitatem promittunt hominibus, &c. Paulò prudentiores qui sunt, distinguunt & dicunt, Calorem quidem cœlestem esse, nec debilitari posse, nec augeri: fieri autem morbos & mortem, quia impediatur. Rursus, ne parum periti videantur architecti immortalitatis, balsamum quidem seu quintam essentiam esse dicunt mortalem, ratione individuorum: quæ tamen supersit in cadaveribus, possitque alteri individuo plurimum prodesse ad vivacitatem. Hinc extrahunt essentias, quas propinant illis, qui Glauci esse cupiunt. Quod ipsum cum vident fallere, parant aurum potabile, parant hæc & illa, de quibus magnificè promittunt, ut aurum portatile à vivis extorqueant. Et quid ego plura? Horum quidam superioribus annis sub nomine *Fratrū Rosæ-crucis*, multos in vanam spem erexerunt immensarum divitiarum, & nescio cujus aurei sæculi. Sed evanuerunt & ipsi, & omnia illorum deliramenta.

## C A P. XII.

## Contra Johannem Fernelium.

Q Vando quidem hic inclytus *Stoici spiritus* patronus tam longam trahit Medicorum familiam, paulò diligentius cum illo agendum fuerit. Et quia sunt, qui ullam illi cum Stoicis affinitatem negant, age veniant illi mecum ad lib. 2. de abdit. rer. caus. cap. 7. videantque distinctionem inter *spiritum Dei & spiritum Naturæ*. *Dei spiritus*, inquit, *occultam Dei majestatem potestatemque præferens, per omnia sparsus permeat, ubique præsens omnia complectitur: Naturæ spiritus is est, quem Philosophi juxta & Poætæ celebrant, quem Plato mundi animam, Galenus mentem huc ex superioribus deductam appellavit, &c.* Quæ Stoica esse negabimusne? Sed accipe hæc quoque, ex cap. 18. sequenti: *Quicumque animantibus aut spiritus à prima origine aut calor insidet, totius formæ custos aut propugnator, ab illo totius mundi generali spiritu (qui unus animam mundo consociat, & omnes virtutes continet) excitatur, conservatur, & augetur.* Is enim omnium genitorum seminales rationes, omnesque omnium occultas proprietates complexus, omnia implet, per omnia diffusus, in animantia, in stirpes, in metalla propagatur. Et mox: *Si efficientis causæ vires spectabimus, spiritus ille cœlitus quoquo versus defluens, licet semper & in omnia, nec tamen similiter, nec pari mensurâ, illabitur. sed definitis spherarum coitionibus cumulativissimè.* Et quid? si, quod Fernelius unicè agit in toto illo opere, anima tota est è cœlo, nec quicquam ejus in semine fuit, quid hæremus de spiritu Stoico? Ita ergò argumentatur ille, 4. *Physiol.* 1. & passim in opere laudato. I. In Elementaribus actio debetur Elemento prædominanti. At verò in multis Elementis prædominatur frigus. Quo ergò modo calori Elementari ascribi potest actio? Minor probatur. Senes, ex omnium consensu, sunt



sunt frigidi, senes tamen agunt. Oportet igitur actioni illi aliam assignare causam quam Calorem Elementarem. Serpentes, pariter de communi sententia, sunt frigidi, qui tamen vivunt. Oportet igitur aliunde habeant vitam, quam à Calore Elementari. Ita plantæ multæ temperamento sunt frigida, ut papaver, mandragora, quas tamen vivere nemo negat. Ut ita liceat uti argumento: Ubi frigus dominatur, ibi vita esse non potest. At in senibus, serpentibus, plantis quibusdam, dominatur frigus. Ergo vel non vivunt, vel vivunt alio calore quam Elementari. II. Si vita est à temperamento, servato temperamento servabitur vita. At consequens est falsum. Ergo & antecedens. Connexum probatur: In cadavere superest temperamentum, cadaver tamen non vivit: In pipere vis superest calefactoria, licet non amplius vivat. Vita igitur aliunde fluit quam à temperamento. III. Si vita est à temperamento, omnia mista vivent. At consequens est falsum. Ergo. Connexum probatur: Mista etiam inanimata habent actiones quasdam, & quidem à suo temperamento: illa tamen non vivunt. Arsenicum v.g. sulphur, alia, eò usque calent, ut urant: non vivunt tamen, quia calore cœlesti destituta sunt. IV. Si inanimata absque Sole nec generantur, nec quicquam agunt, quantò magis animata? V. Si in generatione *ἐκ τῆς φύσεως*, quæ fit ex putri, Sol præstat formam, quantò magis præstabit in *ἐκ τῆς φύσεως*? In hoc argumento magnum robur ponit, *1. de abdit. 6.* VI. Nisi forma dici possit divisibilis, non potest dici fuisse ejus aliquid in femine. At prius dici non potest: Forma enim apud Aristot. subitò, & in *τῷ ὄντι* adest, & quidem tota. Ergo non præfuit, sed supervenit rei factæ, postquam debitas præparaciones suscepit. E. non potest aliunde esse quam à Sole. VII. Aristoteles id ipsum non uno loco docuit. Quæ enim causa est, cur mortem definiverit, non per oppositum calori frigus, sed per caloris extinctionem? quæ causa est cur caloris nostri originem ascribere noluerit igni, ascripserit autem corpori Elementis diviniore? Hæc ferè ille, de quo in biviis canitur:

*Jusserat Jatrix mysteria Delius artis*

*Scribere, Fernelius scripsit, & occubuit.*

Huic video à magnis Viris dupliciter obviàm iri, altero quidem modo, prolatis absurdis, in quæ dogma hoc cœleste incurrit: altero autem, adductis responsionibus ad argumenta. Argenterius *lib. 1. de somn. & vig. cap. 5.* tria illi objicit. 1. Si calor est cœlestis, quid fit quòd intereat à frigore Elementari? 2. Si calor est cœlestis, quid potest augeri & conservari à sanguine, qui ex Elementis est? 3. Si ex femine est, ut fatetur ipse, quid cœlestis est? Plura in hanc rem vide apud ipsum, *Comm. 2. in Artem. c. 10.* Ab hoc non longè discedit Curæus, qui *lib. 2. de sensu & sensili, cap. 29.* hæc illi objicit. 1. Si calor animalium est cœlestis, quomodo animalia calent actu? Certè corpora cœlestia non calent actu. 2. Calor noster subjacet mutationibus, & tandem extinguitur: at corpora cœlestia sunt æterna. 3. Si omnino Calor hic est cœlestis; anima autem (de sententia plerorumque) etiam est cœlestis; jam in corpore animato duo erunt corpora cœlestia & immortalia. Mercenarius in *Dilucidationib.* tria etiam illi objicit. I. Ubique natura potest, semper præfert unitatem multitudini. At per calorem Elementarem potest natura exercere opera sua. Ergo per illum exercet, nec quærit alium.

f

Mino-



Minorem latè declarat, esse scilicet calorem illum attemperatum & refractum, adeoque imperio animæ subjectum, variisque gradibus distinctum, pro cujuscunque viventis aptitudine. II. Si maximè concedendum sit, calorem animale esse è cœlo, est ille tamen ejusdem cum Elementari naturæ. Calor enim cœlestis nihil aliud est, quàm dispositio materiæ pro generatione ignis Elementaris. Et in universum omnes calores sunt ejusdem generis: differunt autem accidentibus tantum. III. Si maximè calor sit cœlestis: tamen habet contrariam frigiditatem. Agit enim in frigiditatem, ideò non potest non contraria illi esse. Stupans in *de Spirit.* pariter tria illi objicit. 1. Si cœlestis est, quomodo *πένικα* habet à sanguine, qui Elementaris est? 2. Si cœlestis est, quomodo non movetur circulariter, ut cœlum? At movetur tantum à centro ad superficiem, Galeno auctore, *de trem. & palpit.* 6. *de Caus. sympt.* 5. 3. Si cœlestis est, quomodo pati potest ab Elementis? Cœlestis enim non patitur, *Generat. & corrupt.* 7. 1. *de Cœlo*, 3. Idem Stupans repugnantiam illi ostendit. Si enim (quod docet *Physiol.* 4. c. 2. ex Alexand.) spiritus est medium illud, quod jungit animæ cœlestis substantiam densæ corporis nostri moli, quomodo spiritus ille non est Elementaris? Bertachius *de Spirit.* 8. aliam ei ostendit, quòd nimirum non consentiat in eo, quòd sit ætherium seu cœlestis? Ostenderunt etiam alii alias, exiguas, ut puto, cum fructu. Quid enim facilius est, quàm malè-cautum falsi convincere ex propriis dictis? Quamobrem venio ad alterum caput, & ostendo, quid responderi possit, & debeat argumentis istis. I. Hic subito mire ris hominis facilitatem. Quo enim respectu senes sunt frigidi? Juvenum. Quòd si simpliciter essent frigidi, ne viverent quidem. Quo respectu serpentes & alia animalia, quæ per hyemem latent? Aliorum, quæ non latent. Habent enim calorem tantillum, qui erigendo corpori satis non est, nisi augeatur à Sole. Interim vivunt, & quidem beneficio caloris sui, non cœlestis: quo respectu plantæ quædam sunt, quid dico autem? dicuntur potiùs frigidæ, quia refrigerant hominem. Hoc autem quid ad rem, quam agimus? Ut inficiandum sit assumptum secundi Syllogismi, In senibus, serpentibus, plantis: quibusdam dominari frigus: imò verò nisi dominaretur calor, neutiquam viverent. De communi enim omnium hominum sententia, calor est vitæ, frigus est mortis. Interim scire oportet, gradus quosdam esse caloris vitalis, ut hæc quidem insignem habeant, illa autem exiguum. Hinc enim est actionum illa varietas secundum species & individua. Et hoc est, quod Mercenarius ait, differentiam esse in animatis secundum gradum, non autem secundum virtutem & potestatem agendi. II. Hic multò magis mireris hominis oscitationem! Si enim cogitasset distinguere inter mistum & animatum, inter duplex temperamentum, inter mortem & putredinem, non occurrisset nobis talia. Ut enim jam aliquoties dixi, duplex est viventium omnium temperamentum: Alterum proprium est singularum partium, quibus hoc competit ratione elementorum, è quibus temperata sunt partes. Hoc habent à sanguine materno, & differunt inter se, quòd aliis quidem plus caloris est, aliis minus. Omnis enim calor hic, dicitur *σύμφυτος*, & communis illis est cum mistis inanimis. Quamobrem cum sermo est de hoc temperamento, dicimus, competere rebus, quæ mistæ sunt, & hoc ipsum constituit formam



formam mistorum, quā mista sunt, cujus etiam ratione agunt, quod agunt, & huic temperamento opponitur putredo. Alterum temperamentum est commune partibus omnibus, sedemque habet in certa parte, Corde, aut Cordis analogo, à quo in reliquis omnes influit, facitque calere actu. Hoc habent à semine paterno, aut quod ei analogia respondet: recipiturque calor hic pariter in omnes quidem partes, licet non omnes eodem modo ejus capaces sint. Hic dicitur *ἐμφύτῳ*, propriusque est animatis tantum. Igitur competit rebus, non quā mista sunt, sed quā animata. In hoc temperamento consistit vita, cui opponitur mors. Jam igitur argumentum totum est de calore *συμφύτῳ*, qui multis differt ab *ἐμφύτῳ*. Atque hæc subobscure indicat Mercenarius quoque. III. Hic iterum mireris hominis facilitatem! Accidit enim Arsenico, sulphuri, aliis omnibus, quod corpori animato applicata, urant illud. Interim non minor est hallucinatio, quod vitam vult tribuere illis, quæ vitam non habent. Quo enim modo idem dici potest de mistis inanimatis & animatis? Nam vel hinc est, quod quidam ignem mortuum vocant, qui in causticis nostris est. IV. Quis unquam negavit, Solis & aliorum corporum superiorum efficaciam in hæc inferiora? Interim nulla est consequentia ab efficacia ad substantiam, quæ ex cælo descendat. V. Nulla neque heic est consequentia. Quæ enim ex putri gignuntur, imperfectiora sunt, & non desiderant semen specificum, ut sic dicam. Caterum, quæ Cæsalpinus contendit 5. *Peripat. quest. 1.* valide prostermit Accoromboni lectio antiqua, Homo generat hominem, *ἐκ ὕλης ἐστὶν*, quā de re alibi. VI. Hac de re fusè egi in *sententia de formarum origine secundum Arist.* cui jam succenturiatam facio ultimam quæstionem *lib. 4. Peripat. quest. Cæsalp.* Quin verisimilitudinis aliquid illi venor ex ipso Fernelio. Is enim cūm 1. *de Abdit. 7.* concedit, in semine esse animalis essentiam, quā fronte negare potest, semen esse animatum? Nihil enim facit ad rem, quod ait, ab actionibus esse nomina, semen autem, cūm non agat, quod animal agit, non posse etiam dici animatum. Utenim ex Simplicio alibi ostendi, animatum esse, aut refertur ad corpus quod fit, aut ad corpus quod factum est. Prior sensus vel ideò à Fernelio repudiari non potest, quia, ut suprā dixi, concedit Galeno 1. *Aphor. 15.* & in fine *lib. de Format. fæt.* docenti, Unam & eandem esse animam, quæ format animal, & quæ formato utitur. Hinc enim infero: Si in semine est essentia animæ quæ format, semen est animatum. Formatio enim est actio, quæ τὸ τί, & nomen dat. Et quid? Annon in verbis ludit Fernelius, cūm semini quidem negat animam, concedit autem illi vim & potentiam quandam, per quam seipsam adornet, instruatque rebus ad formam recipiendam commodis? Profectò, hæc vis & potentia non est merè materialis, vel ideò quia actionem illi tribuit: materiam enim est pati. Hic valdè accuratus est (quod ad VII. attinet) Mercenarius, ut vindicet Aristot. à dogmate tam absurdo. Qui enim 2. *de Anim. 4. 1. 41.* docuit, Ignem esse concausam nutritionis & auctioris, quo dici potest modo præfuisse huic rei cœlestem calorem? Ita argumentatur: Ille est calor innatus, & animæ instrumentum, qui secundum veteres erat præcipua causa nutritionis & auctioris: Is autem erat calor igneus & Elementaris, quo fit ut calor hic igneus & Elementaris reipsa non sit distinctus ab Innato. Qui (pergit) *sub initium 4. Meteor.* docuit,



Qualitates Elementorum activas esse causam generationis, corruptionis, concoctionis, quo dici potest modo diversum statuiffe calorem innatum ab igneo? Qui de *Respir.* cap. 8. negavit, animam nutritivam consistere posse sine naturali igne, (in hoc enim igne, addit, natura animam ignivit) qui dici potest ab Elementis discessisse? Quod autem Fernelius ait, Aristotelem non opposuisse calori nostro frigus, fallitur manifestè. Non tantum enim *lib. de Juvent. & senect. c. 3.* sed & de *Respir. loc. cit.* duos statuit extinctionis ipsius modos, quorum alter est planè à contrariis. Et quid? Ausine aliquis experientiam negare, quæ non loquitur, sed clamat, Socratem & alios multos interiisse usu cicuræ? Et quid facilius est hodieque, quàm experimentum illud denuò capere exhibito lactucæ succo, endiviæ, aliorum, in magna copia? Quod ad vexatissimum illud locum 2. de *Generat. 3.* de corpore stellis analogo, Stoicè illum Cicero quoque 1. *Tuscul.* interpretatus est. Errat tamen in eo, quòd nomine vacare dicit, cum non Aristoteles tantum nominet τὸ ἄσπερον στοιχεῖον, sed & Plato in *Epinomide* αὐδέει. Quicquid sit, ita se expedit Mercenarius: Analogia consistit in eo, quòd calor animalis eò usque retusus est, ut jam non maleficus, sed beneficus sit, gignatque instar caloris cœlestis. Quamobrem licet naturà igneus sit: ab igne tamen contradistinguitur, & ratione gradus, & ratione virtutis. Ratione gradus, quia natura posuit illi modum, ultra citraque quem agere non potest, non secus ac coquus moderatur ignem nostrum, ne comburat, sed ut coquat. Ratione virtutis, quia habet illam aliunde, à generante scilicet, seu à generantis anima, quæ producit de se alteram ipsam. Cæterum ut non ablutunt hæc à superioribus, perinde esse, sive igneum dicas ob viciniam, sive aëreum voces calorem nostrum: ita placet mihi hic uti diligentia Erasti, qui in *11. Antiparacelsicâ* tam clarè vindicat Aristotelis locum hunc à sensu Stoico, ut cæci sit amplius dubitare velle. In tota Aristot. doctrina (docet) cum omnia habeant ex 4. Elementis ortum: verisimile non est, illum addidisse hîc quintum. Sed addiderit: non potest locus unus, & is quidem obscurus, tot aliis obesse, in quibus planè demonstravit numerum quaternum. Nihil igitur agunt, qui prætendunt, loqui Philosophum de vehiculis animæ Platonice. Loquitur enim omnino de aliquo, quod semini inest, nò quod aliunde venit. Multò minùs agunt, qui persuadere volunt, loqui illum de glutine quodam Stoico. Qui enim tam disertè docet, tam non esse quærendum, quid jungat animam corpori, quàm non sciscitamus, quid in cera retineat signum: non potuit cogitare de simili aliquo glutine. Certo certius est, non loqui illum de ullo Elemento: sed de corpore quodam generabili, corruptibili, quod aliunde esse nequit, quàm ex 4. vocatis Elementis, ut loqui solet. Quod ut clarum fiat, age inspiciamus locum ipsum. Cum ostendisset, animas potentia esse in conceptibus, priusquàm actu sint; negasset autem vel prius ortas inmitti, vel non ortas quidem ingenerari: accipit tertium modum, qui est, nec omninò fuisse, nec omninò non fuisse. Fuisse quidem Mentem à materiæ consortio alienam, quæ forinsecus accedit: non fuisse reliquas omnes, quippe materiæ semper alligatas. His positis, cum quæri posset, quæ esset ratio ingeneratarum seu inseparabilium istarum animarum? respondet, Calorem, in spiritu seminis contentum, sic movere sanguinem maternum, quo-



quomodo anima, à qua decisum est, semen moveri solebat, atque ita fieri generationis autorem. Quando igitur inter alia ait, Calorem genitivum, nec ignem esse, nec ab igne principium sumere, hoc vult, calorem illum non esse igneum, sed nobilius quid. Quid autem est? Ipse quidem non explicat: at nos ex Sacris scimus, quid reverà sit. Hoc satis est huic loco, Aristotelem non dicere, Calorem nativum, sive genitivum, esse cœlestem. Expresse enim ait, esse analogum. Non esse autem ejusdem naturæ, quæ analogiæ sunt eadem, longè est evidentissimum & certissimum. Sed quo tandem modo probat, Calorem genitivum esse igneum? Hoc modo, Quod spiritum participat, in quo est natura illa, quæ proportionem calori cœlesti respondet, id participat corpus Elementis nobilius. At omnis anima participat talem spiritum. Vis argumenti in eo est, quòd virtus divini Elementis necessariò sit in corpore Elementis præstabiliore. Virtus enim, & subjectum in quo virtus, oportet respondeant inter se. Minorem ita probat: Ille calor est similior cœlesti, cuius virtus propius accedit ad virtutem cœlestem. At virtus feminis propius accedit, quàm Elementa. Generat enim calor ille: at Elementa non generant. Hoc amplius probat de igne, quia, inquit, calor ignis non perinde suavis est & benignus, ac cœlestis: etenim nec animal ullum generat ignis, nec apparet consistens aliquid in rebus ignitis. Quid est (sic tandem concludit Eras- tus) in hac tota disputatione, quod Elementum quintum introducat? Quibus rationibus cum putem Aristotelem satis explicatum esse; Fernelius verò Galenum etiam sibi socium asciscere velit: age videamus, quomodo pro hoc quoque pugnet, non Eras- tus sed Mercenarius. I. Cum 1. Aphor. 14. & 16. definit febrim, quòd sit mutatio caloris nativi in igneum, intelligere oportet alterutro modo, Aut calorem nativum simpliciter interiisse, ejusque loco genitivum esse alium, formâ diversum, aut interiisse secundum modum seu gradum. Primo modo intelligi non potest. Nam 8. Meth. 1. explicat se, & calorem febrilem ait esse cum immodicè auctus est calor nativus, ut actionem lædat. Ergò modo secundo intelligitur. II. Cum secundum Arist. 2. de Anim. c. 4. text. 45. unumquodque conservetur & augeatur à simili: Calor autem noster perseverantiam habeat ex cibis ingestis: erit utique is Elementaris, non minùs quàm cibi. III. Cum robur accedat calori nostro ex cibis, aut potius ex sanguine, è cibis genito: oportet sit calor ejus generis, cuius sunt cibi. IV. Cum unumquodque perimatur à contrario; Calor autem noster (inter alios percundi modos) pereat à frigidi- tate Elementari, ut Gal. docet 1. de Caus. morb. oportet & ipse sit ab Elementis. Et hæc quidem contra Fernelium de Spiritu Stoico dicta sunt. In reliquis, partim bene se- gerit, partim malè. Bene, I. Cum calidum hoc nativum vocat naturam, & tempera- mentum, ex 4 Elementis conflatum, quo ipso annon conficit ipse spiritum suum cœ- lestem? II. Cum idem calidum, in actu quidem fortissimum (temperatum tamen) esse scribit, quod mediâ ætate minui ait: quo ipso annon ipse vim facit corpori suo ætherio? III. Cum quodammodo idem servari semper docet, licet animal subinde frigidius & siccus fiat. IV. Cum à causis externis vim illi fieri concedit. Malè, I. Cum calidum ab humido distinguit. Constituunt enim hæc duo unum τὸ δὲ τῇ, 2. de Nat. hum. 13.



3 de Fac. nat. 7. 2 Acut. 22. quorum alterum habet rationem formæ, λέγει, alterum materia ὁμοιοπαθητικῆς. Hæc scilicet est consentiens illa, conspirans & continuata utriusque cognatio, societas, amicitia, quam animo tractare jubet, & contemplari. Inani consilio! II. Cum sedem Calidi hujus facit omnes partes spermaticas seu solidas! Hinc enim tot sunt distinctiones substantiarum, humorum, aliorum, quibus una litura satis sit. Hinc etiam est multitudo spirituum, & consequenter Calidi nativi, quam ipsemet debilitat confessione illâ, Nullam partem sine spiritu influente perennare posse. Hinc tandem sunt jejuna illa, & reverâ è trivio petita exempla de combustis corporibus, ignisque pabulo. III. Cum tantam temperamenti, & consequenter calidi hujus latitudinem esse dicit, ut quoddam sit frigidum. Non enim distinguit locutionem comparatam à simplici, ut suprâ quoque dixi. Imò, jugulat seipsum, cum scribit, Quidquid vitam agit, salutari calore perfusum continetur & regitur. IV. Cum ratione ætatum, temporum anni & regionum, putat mutari substantiam Calidi. Quæ enim heic mutatio, aut potius varietas est, illa accidit ratione caussarum externarum, & pertinet ad spiritus potius, quàm ad Calidum ipsum. Interim, Calidum quoque recipit varietatem, sed secundum magis & minus tantum, pro ratione benignitatis & violentiæ caussarum dictarum. V. Cum instaurari ait subinde, licet nullâ vivendi lege, nec ullo quantumlibet exquisito & salutari alimento revocari possit humidum æquè bonum atque id, quod Natura ab ipso ortu elaboravit, ut Conimbricenses loquuntur, *Com. in 1. Gener. & Corr. 5. quest. 11. art. 3.* Atque hinc est pulchella illa distinctio in purum & impurum. Reverâ, ut infrâ latius deducam, nihil illi ab alimento accedit, manetque verum illud, A primo nativitatæ die incipere decrescere usque ad mortem. VI. Cum vult, seipsum Cupio enim scire, quod sit illud alterum, quod se interjicit? Nempe distinctio inter Calidum & Humidum, tanquam duo diversa entia, jam explosa est. Sed sit tolerabilis: quid tum interjicitur inter Calidum & Humidum? Immo tum enim manet principium, *Unum, quæ unum, &c.* Corollarii loco sit hoc, Qui Riolanum, insignem Fernelii commentatorem, heic sequi volet, paulò minus quàm Herostratæum quid esse ausurum, famam & applausum, unde minimè decet, temerè captando.

## C A P. XIII.

*Contra Franciscum Valleriolam.*

QVONIAM inter consortes Fernelii facilè primus est hic, erit etiam nobis instar omnium. Utitur autem his argumentis, 1. *Loc. comm. 15.* I. Calor elementaris vehementissimè agit, urit, dissipat, attenuat, disgregat, siccatur, tandemque perdit: at celestis est mitis, vivificat, &c. Hujus rei probationem petere jubet à beneficiis Solis, quæ nobis præstat. II. Calor elementaris est simplex: at noster hic est compositus. III. In omnibus elementaribus actio fit secundum prædominans: At in quibusdam, non plantis tantum, sed & animalibus, prædominatur frigus. Ergò calor, quo talia vivunt, aliun-



aliunde est quàm ab elementis. IV. In quibusdam non viventibus, qualia sunt minera-  
lia quædam, magnus est calor elementaris, qui tamen vitam illis non præstat. Oportet  
igitur calor ille, qui vitam dat, aliùs sit generis. V. In plerisque animalibus morienti-  
bus diu superest calor actualis, qui tamen perit tandem, relicto cadavere, in quo super-  
est calor elementaris. VI. Vita apud Arist. non opponitur frigus. Cur? Quia vita a-  
liunde est quàm à calore illo, cui frigus opponitur. Hæc sunt argumenta, quæ ego pro-  
positurus non eram, nisi persuasissimum haberem, Valleriolam ipsum parum, aut nihil  
illis tribuisse. An ab Adraſtea hæc sunt? Quorsum enim illa, *Calorem esse sui generis, cœ-  
lesti quàm similitimum*? Nempe enim hæc est *analogia Aristotelica*, quæ docet, Elemen-  
ti ignei (si omnino hoc est dandum) vim ita esse fractam in hoc corpore genitabili, ut  
amplius maligna non sit. Quo fit, ut nemo sanus sit dicturus, sermonem esse nobis de  
simplici elemento. Nemo etiam, qui vel inspexit *libb. de Temperamentis, & Simplicium  
facultat.* ignorat, quo respectu quædam dicantur frigida, non simpliciter, sed compara-  
tè. Ut plane *ἀφαιρόσθαι* sit, qui vitam ullius vel plantæ, vel animalis in frigore collo-  
cet! Et quâ fronte vitam quarimus in iis, in quibus vita non est? Calorem *ἡμφοτός*, in  
quibus *συμφοτός* tantum est? Quâ item fronte confundimus *μῆτιν καὶ κέρον*? mista  
cum animatis? imò verò inanima cum animatis? Annon ea ipsa experimenta, quæ de  
lucii corde, de hirundinibus, de nescio quibus aliis affert, debebant homini non ignavo  
dictare differentiam inter ista, quæ dicta sunt? Sed ita est: præconcepta opinio de sede  
Calidi huius in omnibus solidis, facit istos planè cæcos. Habet autem inter hos præ-  
rogativam quandam Noster, ut dici possit luscus. Ut enim calorem cœlestem non nisi  
timidè admittit: ita à Galeno desciscit in eo, quòd sedem Calidi huius tribuit spermati-  
eis tantum partibus, non etiam sanguineis. Quæ res facit, ut rectè doceat, Calidum hoc  
non posse ullatenus restitui alimentis. Crederim, si fuisset, qui diligenter ipsi explicâ-  
set, quæ docet *cap. 18. seq. de cordis primatu.* propius fuisse accessurum ad nos. Fortassis,  
si quisquam monuisset illum, non conciperet Calorem, tanquam rem diversam ab *Hu-  
mido radicali* vocator: non comparâset etiam calorem cum igne, humidum cum ligno,  
in quod ignis agit. Neque enim Gal. cui ille barbam vellit, tam rudis erat, hæc uti igno-  
raret. Quin habuisse illum in animo principium illud, quod jam toties produco, *Unum,*  
*quâ unum, non agit in se,* quia, *Nihil sibi est contrarium*, planè puto. Vide *l. 2. Post. cura-  
rum, 3.* Quo fit, ut ne nunc quidem intelligam, quod sit illud accidens, quod intervenit,  
facitque ut *Calidum* cum suo *Humido* bellum Cadmèum ineat. Quin planè convicium  
est apud me, quod jactant quidam, *Calidum esse tanquam gladium melle litum.*

## CAP. XIV.

*Contra Petrum Aponitanum, dictum Conciliatorem.*

**V**erum esse, quod de hoc homine censent Montanus, Champerius, alii, Ingenio qui-  
dem valuisse, sed non iudicio: patebit ex paucis, quæ de proposita materia dicentur.  
Qui enim rectè explicârat Aristotelis mentem de corporatura seminis, ad formam po-  
tius



rius quàm ad materiam pertinente, Diff. 36. qui id ipsum semen potentiâ proximâ, seu actu primo animatum esse docuerat, Diff. 38. qui facultatem vitalem Galeni prorsus Peripateticè explicârat de principio caloris in solo corde radicato, Diff. 31. & 57. qui non arterias tantum, sed venas quoque & nervos ex corde deduxerat, Diff. 41. & 47. quo modo potuit is ignorare & ἔσται Calidi innati, & τὰ ἐνσώδη ejusdem? ὅστις ignorâsse inde conjicio, quòd Diff. 57. 111. & 112. distinguit inter humidum & calorem, dicitque, *Humidum* quidem esse substantiam: *Calorem* autem non nisi qualitatem, ut alioquin accidentia inhærent subjectis. Item, inter *Calorem* & *Spiritum* realem esse differentiam, licet subjecto sint idem: item, inter *Calidum* influens & innatum: item, quòd *Calidi* hujus sedem facit in omnibus partibus spermaticis: item, quòd non bene distinguit *Calidum* hoc ἐμφύτον, ut nos vocamus, à συμφύτῳ, quod ille *Complexionale*, seu *Complexionatum*, seu *Complantatum*. Ignorâsse vel idèò etiam dicas, quòd assertiones suas tam miseris fulcit distinctiunculis, ut infans sit, qui non subito agnoscat futilitatem. Res ita se habet, *Semen* primò omnium constituit *Cor*, ut ipsemet fatetur, manetque in corde, ut coagulum in caseo. Quamobrem, quod modò *semen* erat, & fabricabat sibi domum: id jam est *Calidum innatum*, quod, tanquam proximum animæ instrumentum, regit domum à se fabricatam. Quemadmodum igitur ex uno & solo corde proficiscitur omnis calor, quæ causa etiam est, cur ex corde sit triplex illud vasorum genus: ita in solo corde est *Calidum nativum*. Et, per Apollinem, ô Conciliator, si corporatura spermatica dictæ partes? quomodo (quod ipsemet alicubi negas) aliquid est sibi ipsi contrarium? Erit autem semen sibi ipsi contrarium, si & agentis & patientis rationem habet. Semen hoc quia substantia est calida & humida: cur, quæ inde existit, substantia, non dicatur potius à calore, qui activissimus est, sed à pigro humore? Sed vocetur sanè *Humidum radicale*: cur calorem, quem in universum corpus diffundit, qualitatem vocas, & accidens? Certè, accidens sine corpore non fertur de loco in locum. Et hinc natum tibi videtur pulchellum illud, An *Calor* & *Spiritus* differant? Neque enim heic audio enucleatores istos, qui loquite ajunt, ô Conciliator, de calore & spiritu insito: immò verò agis manifestè de calore & spiritu in universum corpus didito. Hi quomodo differunt? Nullatenus. Quo modo ergò differunt *Calidum* in corde stabulans, à calore in corpus distributo? Dicam tribus verbis, Si flamma, quæ circa lignum videtur immobilis, differt à flamma illa, quæ in aëre scintillat, realiter & subjecto: differunt hæc quoque iisdem modis. At verò ut flamma serpens circa lignum est idem corpus, continuariumque cum flamma sursum elata: ita *Calidum* quoque Cordis, & *Spiritus* aliarum partium. Quæ causa fuit Hippocrati & Galeno, cur substantiam hanc vocârint modò *Calidum*, modò *Spiritum*, ut suprâ indicavi. Quo dato, quo modo non inepta est quaestio, An *Calidum innatum* plus consumat *humidum radicale*, quàm *Calidum influens*? Et quod est illud *Calidum innatum*, distinctum ab *Humido radicali*? distinctum ab *Calido influente*? Fortassis, alterum quidem Cordi ascribent, alterum autem partibus spermaticis? Quibus per me licet esse ingeniosis. Ego verò jam ostendo, neque τὰ ἐνσώδη rectè



rectè fuisse explicata. Si enim ea est Calidi in Corde origo, quæi verisimile est posse instaurari? Omnia enim ex simili suscipiunt incrementum. At Calidum cum sit ex semine, quo modo, & unde suscipiet? Quare non tantum de *Complantato* verum erit, non restituit sed & de *Innato*, quod proprium Cordis est. Rursus, si calidum cum humido constituunt unum τὸ δὲ τῷ: quo modo calidum agit in humidum? Ipse enim negat, ut modo innui, aliquid sibi ipsi contrarium esse. Aliunde igitur pendeat oportet corruptio ipsius. Sed ego jam dimitto hominem, coronidis loco verbis Montani, *Com. in 1. Aph. 14.* superadditis. *Quemadmodum, inquit, flamma, quæ lignum comburit, eadem semper est, licet modò fumosa sit, modò lucida, modò prorsus deficiat, deficiente scilicet ligno: ita calor in pueris est vaporosus, ob multam humiditatem, in juvenibus est acrior usque ad æxulæ, posthac paulatim deficit.* Et mox: *Calor innatus est forma ultima, quæ quò plus amittit humiditatis aëriæ, plusque acquirit siccitatis, eò magis amittit nomen Caloris innati, quoniam Calor innatus stat in humido aërio, cui quamdiu conjunctus est, tamdiu edit optimas operationes, &c.* Ex his intelligitur, Quid sit sentiendum de quaestionibus illis, *Pueri, an adolescentes sint temperatores? utriusque sint calidiores?* Omnino, pueri, quippe nativitati suæ propinquiores. Intelligere verò oportet heic caliditatem naturalem, quæ omnino non longè abest à temperie. Quod ipsum expedit nos ex difficultatibus, quas necunt quidam de mutationibus per ætates. Semper vergit in pejus.

## CAP. XV.

## Contra Joh. Baptistam Montanum.

**A**D hunc quia, Fortunæ ductu, devoluti sumus, videamus, quatenus scopum attigerit. Hæc enim ipsius verba sunt, *Aph. loc. cit.* Ego, ut ingenuè fatear, profitebar me Doctorem esse, & vix: tandem senex cognovi, quid esset Calor innatus. Hæc felicitas an verè contigerit illi, videamus paucis, non, inquam, vagantes per omnia, aut etiam pleraque ipsius scripta: sed inspecto hoc loco solo, additoque, explicatoris doctrinæ gratiâ, altero, ex præf. *Comm. in lib. ad Glau.* Quod maximè huc facit, est. Calorem vult esse duplicem, Alium, *Complantatum* seu *Complexionalem*, qui sit in singulis partibus, quarum temperamentum, adeoque formam constituat, licet per eum sint in esse imperfecto, & in potentia, quippe per quem disponantur tantum ad recipiendam ultimam formam. Alium, *Influentem* à corde, qui ponat actum vitæ (sic loquitur) in singulis partibus, addatq; illis ultimam perfectionem, vivificando & actuando calorem *Complantatum*, quo fiat, ut competat illi definitio Animæ, ab *Arist.* tradita. Hæc quàm pulcrè explicant diversitatem Caloris *μὲν ὁ καὶ τοῦ φύτου*, ut nos loquimur; quàm rectè distinguunt mistum ab animato, stabiliuntque duplex temperamentum, proprium & commune: tam malè confunduntur in sequentibus. Mox enim agens de triplici spiritu, *Naturali, Vitali & Animali*, docet, Naturalem esse eundem cum *Complantato*, cujus origo sit ex semine & sanguine, Calidum, humidumq;: Vitalem in corde esse, cui à Deo peculiariter tributa sit hæc vis, ut possit generare hunc spiritum: Animalem in cerebro, ex vitali in Reti mira-

g

bili



bili factum. Et quia hæc omnia proposuerat, ut quæstionem à Conciliatore habitam melius tractaret ipse: respondet tandem, *Calorem* quidem *naturalem* seu *Spiritum* esse idem, sed differre secundum nomen *συνόνομα*: *Calorem* autem *vitalis* & *animalem* dici *Spiritum*, propter communionem naturæ, formæ, & operationum. Ita enim intelligo, si modò intelligi possunt à quoquam. Quâ in re si quis mihi opem ferret, & ostenderet, quâ ratione dici possit hæc esse Arist. & Gal. sententia: magnam gratiam apud me iniret. Et quæ spes? Cum uterque tantoperè dissentiat in doctrina de Anima: quo modo in proximo animæ instrumento concordare esse possunt? Omnino, ut Gal. triplicem facit animam: ita triplices oportet fabricet *Spiritus*, triplexque *Calidum innatum*, siquidem, ut ipsemet docet, ejusdem rei duo hæc sunt nomina. Quam verò longè abest à Gal. Montanus, cum spiritum naturalem dicat esse eundem cum *συνφύτω* nobis dicto? Notum enim est, & deducetur infra, Galenum petere spiritum naturalem ex solo hepate, quamvis etiam dubitet de illo. Notum etiam pariter est, quæ sit consequentia dogmatis, Partes spermaticas esse ex corporatura seminis masculi. Notum non minùs est, quæ sit sequela dogmatis alterius, Cor esse principium & fontem *Calidi nativi*, & consequenter *Spirituum*. Si in partes dictas abijt semen, quomodo simul in *Calidum nativum*? Tantillum scilicet. Quæ causa est, cur Montanus non possit dicere, unde sit vis Galeni vitalis. Quare, factum quidem ipsum coincidit cum Comico-rum & Tragico-rum consuetudine, quæ est, Deum quendam è machina producere, postquam mentiendo tam longè processerunt, ut tacendum sit: locutio autem cum tergiversatione eorum, qui simpliciter à Natura esse dicunt. At verò, quemadmodum Naturæ nomen ignorantia peperit: ita effugium illud Montani aliunde non est, quàm quia nesciebat originem *Calidi*. Scimus, Deum omnia fecisse: sed scimus hoc quoque, destinasse illum singulis rebus suam materiam. Quam qui non exprimit in hoc negotio, illum ego dico ignorare & originem & substantiam *Calidi*. Vide hac de re pulcherrima apud Huartem, *Essame de gli ingegni*, c. 2. Mirum autem est, vidisse Montanum originem animalis in cerebro: naturalem in hepate involvisse tantis tenebris! Quam verò pulcra est determinatio, Calorem & Spiritum non differre nisi nominibus! Profectò, quæ differunt nominibus, non differunt: imò absurdus sermo est, differre nominibus. Quamobrem dicere debebat ex simili à se dato. Ut flamma alia occupat superiorem locum, alia inferiorem: ita *Calidum*, quod inhæret fomiti, dicitur *Calidum*; quod per corpus se expandit, *Spiritus*. Et hoc est, quod ipsemet docet loco altero, Calorem esse ex solo corde, & ibi dici quoque calorem: ubi autem in alias partes translatus est, ibidemque alteratus, mutat nomen, & dicitur spiritus, modò naturalis, modò animalis, ut infra dilucidabitur. Vide Cratonem, *Epist.* 114. & 115. qui profitetur se sequi Præceptorem.

CAP.



## C A P. XVI.

Contra Don. Ant. Altimarum.

**A**git ille hoc de negotio duobus locis, altero in lib. de Alteratione, altero 1. Febr. 6. & seq. Priore compilatorem agit, satis se egisse ratus, si multa afferat Gal. loca. Quæ quia nuper redegi ad suos fontes: non video quid superesse mihi possit, nisi fortè clypeum parare mihi velim ex illis, Calidum innatum, ex intentione Medicorum, esse Animam, nosque (ait) citra controversiam fatemur, etsi, ut Christi affecula, atque ut rei veritas est, aliud de nostra anima sentiam, quam incorruptibilem & immortalem firmiter teneo. Eadem est Thomæ à Veiga sententia, comm. in 3. Loc. aff. 6. cum docet, Medicos considerationem formatum sistere in Calore innato, & nihil de ulteriori formâ speculari, nec in eo, quia Medici agunt, condemnationem mereri. Ut enim (addit) scribit Galenus lib. de Subst. facc. 3. nihil interest tractationis Medicæ, sitne functionis opifex temperamentum, an superior forma, temperamento imperans? Non enim ea forma vel servari potest præsens, vel restitui absens. Ut mirati subeat doctissimos quosdam scriptores, qui ex Gal. formas substantiales, præter temperamentum, concedunt, quas Gal. ne animalibus quidem tribuit. Hæc illi. Quæ commendata esse volo Philosopho hæstro cuidam parvulo, cui ridiculus olim eram publicè, quod dicerem, *Non esse vitio vertendum Medico, si in sua cathedra dicat, Animam esse mortalem.* Nam & heic & alibi multum refert, distinguere posse τὸ πρὸν ἄνθρωπος ab ipsa ἄνθρωπον, τὰ πρὸς ἀπὸ τῶν ἄνθρωπων. Hujus rei ignorantia immane quantum omnibus terrarum locis tenebrarum parit! ausim dicere etiam Θεομαχίας! Sed hæc quidem alius sunt loci & temporis: posteriore loco Altimarus tria agit tribus continuis capitibus. I. Vellicat Platonem, qui Calidum vocat Ignem, & ait, dissentire hac in parte ab Arist. At Mercenarius in Dilucid. suprâ laudatis, ex 2. de Anim. text. 41. item ex lib. de Respir. 4. ostendit, aded nullam esse dissensionem, ut Arist. ipse animam vocat ignem. Ego factum id esse dixi, ob viciniam ætæris & ignis. Reverà enim, & apud accuratè loquentes, Calidum nostrum est ærium. II. Postquàm multa aliena de primâ corporum constitutione ex elementis & humoribus dixit, relabitur ad consuetudinem suam, confusamque doctrinam Galeni inculcat de Calido συμφύτω & ἐμφύτω. III. Multus est in eo, ut probet, Calorem adscititium, qui sæpe à Gal. dicitur, alium esse à nativo, ut nomine, sic etiam substantiâ, qualitate, & operatione. Et hoc se demonstraturum esse ait. Huic respondeo, διὰ τὰς εἰσὶν τῷ θεῷ, quas Gal. 1. Aphor. 14. dicit esse in pueris & adolescentibus, intelligendas esse non de uno individuo, sed de duobus, in quorum altero dicatur Naturalis, in altero Adscititia, quia accesserit illi aliquid, quod ab initio non erat. Hoc si morosior aliquis accipere nolit, dicam, Posse institui eandem comparisonem in uno individuo. Ubi enim ratione ætatis, non quidem accessit illi aliquid, si fortè verba captare tibi libet; sed corpori ipsi aliquid decessit, quò minus calidum videatur esse, quàm erat: jam dici posse adscititium. Hoc ita esse, persuadet definitio febris, quæ statim sequitur.



Si enim est προπλητῆς ἐμφύτης θερμότης ἐπὶ τὸ πῦρ ὡς δέ: non certè est introductio novæ substantiæ. Persuadet id ampliùs declaratio, quæ ex 8. Meth. i. peti potest, cum ait, febrim existere, εἰς τοιαύτην ἀμετέριαν ἀγομένην ἢ θερμότης ἐμφύτης ὅτι ἀνθρώπων, ἐνέργειάν τε βλάπτειν: certè non alia heic quæri debet substantia. Dubitationi omni ansam præcident quinque causæ, à quibus homines febricitant, 1. Diff. febr. 3. Neque enim ulla illarum importat novam substantiam in corpus: omnes autem incendunt calorem in corde, quâ in incensione consistit essentia febris. Quod si Galenus dixit eodem Aphor. Corpus quoddam, naturaliter se habens, vehementer posse esse calidum, licet substantia calidi nativi sit paucissima: ἀκυρολογία est, ut suprâ monui. Idem cum loquitur de exsiccatione corporum naturali: interpretandus est, non de calido nostro ἐμφύτῳ, sed de συμφύτῳ, 1. San. i. n. 2. Quo fiet, ut dici neutiquam possit, Calidi nativi substantiam quidem esse æriam & aqueam: adscititiæ autem terream & igneam. Natura enim ipsa dicit nobis, alterum de hoc calido accipiendum esse, alterum de illo. Quod si idem Gal. adscititium hoc calidum, factâ comparatione cum calido innato, δεύτερον vocavit, καὶ νότον: est id referendum ad locutiones Medicas, de quibus suprâ. Ut ego quidem putem, Altimarum, neque probasse, neque in æternum probaturum esse, Calida hæc duo differre substantiâ. Quod si Gal. differre dixit qualitate & operatione: est id accipiendum cum explicatione ab ipsomet datâ.

## CAP. XVII.

## Contra Joh. Argentarium.

Quod magni viri censent, hominem hunc, neque in propriis constituendis satis firmum esse, neque in amoliendis alienis satis cautum: id hinc quoque doceas. Ut enim verè dicat, Fernelium non probare sua, sed legislatoris more ponere, multa fingere, & si quæ sunt alia: veras tamen responsiones neque ipse affert, neque satis apertè proponit, quas affert. Tale mihi videtur illud, cum distinguit inter calorem, qui necessarius est, ut corpora sint composita: & inter influentem, qui causa sit vitæ. Ille enim est συμφύτης noster, qui solis mistis competit: hinc ἐμφύτης, qui animatis. Hoc indicat magis quàm docet, cum ait, Deceptum sibi videri Fernelium, quod non videat, quid calori sit concedendum, quid animæ relinquendum. Contra Montanum licet quædam non incommode dicat: sine causa tamen illum vexat, quod dixerat, Calidum nativum esse animam, vel potius animæ instrumentum, Calidum pati febres, & si quæ sunt alia. Quibus omisiss, venio ad ea, quæ de Somn. & vigil. 6. & seq. (quod se refert comm. in 1. Aphor. 1. 4. & rursus de Calidi signif. 1. 1.) scribit. Quod verò vel inprimis miror, in latissimo illo discursu hoc est. Putat homo Veritatis inquisitioni deditissimus, ut videri vult, omnia quæ Gal. scripserit, salvari posse solâ distinctione quadruplicis Calidi. Quod ut non valde nego, quia semper & ubique æquitatem præfero juri: ita rei naturam heic pati nullus credo. Ac primùm quidem vehementer miror, cum tam profusè liberalis sit in Gal. ejusque clientes, cur dare:



dare hoc illis nolit, Calidum hoc rectè appellari aliquando nomine qualitatis suæ? Certè Hippoc. hoc fecit in elementis, ut suprâ dixi. Theophrastus hoc fecit in *lib. de Cal. & frig.* ut autor est Gal. 1. *Aphor. 14.* videmusque adeò in communi loquendi more sapissimè hoc occurrere, ut qui reprehendere velit, meritò dicatur supra alios sapere velle. Quin Hippoc. in hoc ipso negotio, adeò favet huic consuetudini, ut in *Aphor. laudato* & substantivâ & adjectivâ utatur locutione. Verùm, agamus cominùs. Quatuor, inquit, modis Gal. accipit vocabulum Calidi. 1. pro semine & sanguine, ex quibus constituimur. 2. pro calidiore substantia, quæ in partibus constitutis superest. 3. pro sanguine & spiritu, qui in nobis ex victu gignitur. 4. pro substantia quadam, ex nativâ partium caliditate, & sanguine, spirituque è corde influente, compositâ. Heic cupio intelligere, quo modo semen & sanguis possint dici Calida innata, cum, ut ipse loquitur, factis corporis partibus desinant esse semen & sanguis? Explicatione igitur opus habet Galenus, quam ipse Argent. præ se fert, Calidiorem (tu adde & humidior) seminis & sanguinis partem mereri hoc nomen. Id verò annon tollit prius membrum? Reverà ita est, Sanguis & semen apud Gal. non possunt dici Calida innata: quia utrumque habet rationem materiæ. At verò Calidum nativum ad formam pertinet, vel ipsomet Galeno indice, qui modò *Animam* vocat, modò *proximum animæ instrumentum*. Quo sensu quo modo imaginari nobis possumus plura uno Calida, nisi plures animas imaginari nobis voluerimus? Sed nec expositio Argenterii locum habet, quod calidior & humidior illa pars ad materiam pertineat, uno verbo sit Calor *σύνθετος*, de quo non agimus. Rursus, quo modo spiritus & sanguis possunt dici Calida innata cum post nativitatem in nobis proveniant? ut iterum loquitur Argenterius. Indiget igitur Galenus aliâ excusatione, sed non Argenterianâ illâ, verùm hac, Quoties Galenus ita loquitur, intelligit spiritus: calidum, inquam, non fixum illud, sed per totum corpus expansum. Quæ verò Chimæra est illa, quam ex insitâ partium caliditate, & influente fingit? Concurrent quidem ad actionem edendam calor *ἐμφυτός* & *σύνθετος*: at quia naturâ & origine sunt distincti, non oportet etiam confundere, & in unam massam consistere. Præterea, cum *spiritum* à *calore* tam superstitiosè distinguat, quo modo ex calore & spiritu fit unum Calidum? Atque hujus rei occasione sub mentem mihi venit dogma Argenterii, quod ex *comm. 2. in Art. 9.* producemus infra, Nonnisi unum esse Spiritum, quia nonnisi unum sit calidum nativum. Quo loci cum non dubitem, exceptione usum quendam ex amicis. allaturumq; Calidum insitum & influens: cui ut ne rusticè me opponam, veniam cum illo adsequentia, quæ de fontibus caloris, calidique nativi (ita enim loquimur) agunt, visurus quàm bene ibi se gerat. Equidem non valde dubito, gratam illi fore distinctionem, explicaturumque duo prima calida de insito, duo secunda (inprimis tertium) de influente: Sed cur non diserte docuerit, hoc verò est, quod valdè miror! Sed inspiciamus. Primi calidi negat esse fontem, quod non ampliùs sit. Quid hoc rei est? Non-entis non sunt accidentia, dicunt Philosophi. Cur igitur fatigamur? Alterius calidi fons nullus est, inquit, sed locus, partes videlicet solidæ, in quibus relictum est. At verò, ô Argenterii, tu de



fontibus promiseras te dicturum! Veruntamen, dimisso rigore, admittamus calidum insitum. Id verò *σύνφυτον* est, & materiale, à semine foemineo, non masculo, de quo jam non agimus. Influentis (pergit) præcipuus fons est cor. Est tamen & hepar, & testes. Agnosco heic vestigia Galenica: sed desidero cerebrum, quod cur non numerarit, causam nullam dicere potest. Sed sit causa aliqua probabilis: hepar, quo modo est fons caloris? Quia sanguinem cum spiritu conjunctum, nativum calidum nuncupamus, cum credatur sanguis ibi gigni, qui per venas in omnia membra fertur. Assertio tam debilis, ut ad solum conspectum ipsa sua sponte corruat. Quare cupio audire, quo modo testes sint fons caloris? Quid à testibus influat, nunc docere non instituo. Nec competentem esse puto, &c. Assertio multò debilior, parumque differens ab ingenuâ ignorantie confessione. Caterum ita puto, Neminem unquam docuisse hoc, neque competentem fuisse ulli, quid testes præstent corpori, præterquam soli Jacchino, *quest. natural.* 28. è quo protraxi ego in *libb. de Generat. hom.* Nunc sufficiat nobis illud, Cor, de confessione Argenterii, non tantum præcipuum esse caloris fontem, sed & solum & unicum. Unde fortassis facilius evadet doctrina de vi & officiis caloris nativi. Fatetur Argenterius, Galenum fuisse varium eâ de re: sed adhibitâ distinctione suâ intelligi, quid debeat calor, quâ calor: quid, quâ instrumentum: quid, vel aliis det, vel ab aliis accipiat. Hac de re novem texi capita, quibus diversis Galeni locis promittit lucem. I. Quod Galenus 1. *Aphor.* 15. scribit, Calidum esse id, quod & à principio nos efformavit, & in progressu nos alit conservatque: non debetur calori, quâ calor, sed quâ instrumentum. Et quis uquam hoc negavit! Non enim consideramus calorem heic simpliciter, sed ut instrumentum animæ. II. Quod *ibid.* dicitur, Calidum esse causam actionis usque ad *ἐκπέλω*: pariter de instrumento intelligendum est. Naturalis enim facultas concoctrix in causa est, non ulla alia vis. Quid dicam, nisi verba illum captare? Calidum enim auget, usum facultate animæ, ad id destinatâ. III. Mortis autor est Calidum insitum, quod sibi subjectam substantiam perpetuò digerit, & sumitque. Hoc verum non est, sed neque à Galeno doctum. De calido enim nativo omnes homines id dicunt. Et de hoc locus est in *de Marasmo* supra adductus, ubi clarissimis verbis negat, calidum nativum perimere se ipsum. IV. Robur est omnium facultatum, cum & insitus & influens calor bene se habet. Calor *ἐμφύτων* præsupponit *σύνφυτον*, animatus mistum, & habent se ut forma ad materiam. Robur itaque soli *ἐμφύτων* debetur. V. Calor non est essentia vitalis facultatis: facultates enim animæ sunt. Si explicatoris partes sumere sibi volebat, debebat dicere, Facultatem vitalem absque hoc calore, ut instrumento, agere non posse. Interim, nobiscum est, cum negat facultatem vitalem Galeni, quâ de re alibi. Ego verò heic intelligo caloris è corde in universum corpus effluvium, sine quo pars nulla calet actu, seu, quod idem est, vivit. Atque hoc est VI. in quo nobiscum sentit, Calorem esse primum & commune instrumentum. Videat autem ipse, cur *comm. in Art. loc. cit.* concedat, Commune quidem esse: neget autem *primum* esse. VII. Arterias caloris beneficio moveri non credit: credit autem facultatis beneficio id fieri. Ego accipio hoc, Galenum aliquando concessisse, pulsus esse à calore ebulliente, quæ



quæ sententia est Arist. De totâ autem lite fusè egi alibi. VIII. Calorem asserere esse naturam nostram, est ignorare rerum formas. Hei mihi, quoties impingit in eundem! Interim monendus fuerit, ex lib. de Calidi signif. cap. 13. Licentiam quandam Medicam esse, animæ essentiam in calore ponere. IX. Præcipuum caloris officium esse, quod nos alat, rectè fortè creditur: sed illud quidem primum non est. Iterum ad eundem! Ut ne quidem verbis aliis sit opus, nisi fortè illis, quibus hoc ipsum retractat, l. c. de Calid. signif. Ibi enim præcipuum ejus munus esse ait, ut se ipsum conserve. Cui dicendum puto, coïncidere hæc, adeoque verbis tantum, non re ipsa discrepare. Cæterum, quæ his subjungit laxâ & fusâ oratione, de modo, quo agat Calidum, altioris sunt considerationis, meritoque ille in posterioribus suis ad pauca redegit. Tandem, quæ addit de modis, quibus calor augeri, conservarique possit, quia, ipsomet judice, pertinent ad dextrum usum sex rerum non naturalium, suo loco admitti possunt.

## C A P. XVIII.

*Contra Archang. Mercenarium.*

**H**ic Vir statim in ipso limine offendit, inopiâ, ut credo, lectionis Galenicæ. Et primò quidem nimis quàm obscurè docet, oppositionem inter calorem nativum & acquisitum! Verba enim utramque explicationem admittunt, & illam, quæ duos distinctos calores in uno individuo agnoscit: & illam, quæ certo quodam respectu acquisitum vocat, qui reverà nativus est. At verò cum posterior tantum sensus rei naturæ congruat, fas est disertè dici, quid verè sit? Ita autem est, ut pulerè Argenterius de Calid. signif. 11. quamvis ne is quidem satis se explicet. Calor acquisitivus est duplex, alius in latitudine sanitatis, alius in morbis, præcipuè febribus. Ubique & semper unus numero est calor: dicitur autem acquisitivus, in statu sanitatis quidem, quatenus in adultis alium habet gradum, aut certè ad tactum acrior apparet quàm olim: in morbis autem, quatenus ita exauctus est, ut lædat actiones. Deinde, cum ait, Impropiè fieri, quoties calor innatus pro eodem cum influente habetur: ostendit, quàm parum versatus sit in Galeno! Licet enim pugnare videatur, insitum esse, & influere: convaluit tamen iste mos in Schola Medica, inde usque ab Hippocr. ut ita loquamur. Sed & pugna reverà nulla est, cum insitus dicatur calor, quatenus in Corde focum laremque habet: influens, quatenus ex corde in totum corpus se effundit. Verum, quantum video, tenebræ inde sunt, quòd caloris sedem facit, non solum cor, sed universas partes solidas. Tertiò, ostendit inutilem ἀντιθεσιν, cum tres ipsius appellationes distingui scribit habitudine. Putâ, ut innatus dicatur, & primogenius, in ordine ad generationem, ut loquimur: naturalis, quatenus opponitur putrido: proprius, quatenus in singulis speciebus & individuis proprium quandam gradum habet. Re enim verà hallucinatur in eo quoque, quòd σὺμφυτον habet pro ἰμψύτον. Hoc verò inde clarum fit, quia habet pro eo, cui opponitur putredinosus. Is verò ad mistum pertinet, quâ mistum. Interim, sine ullo crimine Innatum appelles licet, Naturalem & Proprium: sed ita, ut ad formalem calorem oculos diri-



dirigas, non ad materiale. Quartò, iterum impingit in receptam antiquissimam consuetudinem, non distinguendi in Medicina inter substantivam & adjectivam locutionem, ut jam non semel dixi. Quamobrem etiam parum cautus est, cum dicit, se agere de calore, non de calido. Quali Calidum illud, non verè sit id formale, sine quo calor nullatenus subsistit. Porro autem heic aberrat janua, cum qualitati, non substantiæ tribuit esse, non quidem animam, sed Animæ instrumentum! Amplius etiam aberrat, cum substantiam, caloris fundamentum, cum Galeno quærit in omnibus solidis partibus! ex semine & sanguine factis! Ex primo, illud absurdi est, quod in descriptione caloris sui, qualitati nudè tribuit sustentationem animæ, munerumque ejusdem exercitationem! Ex altero illud, quod in definitione calidi cogatur admittere consequentiam, quæ directè it contra fundamenta philosophiæ Peripateticæ, Animam esse dispersam per totum corpus, & totam in qualibet ejus parte! Cæterum, quæ contra Hippoc. (is enim procul dubio est, contra quem Arist. agit, licet non nominet) disputat de anima, bene se habent: si hoc modò addas, quod ex Altimaro, Veiga & Argenterio (quibus jam accensio Cæsalp. de Demon. investig. 2. Bertachium, 1. de Spiritib. 6. Montanum, 4. de Morbis 30. in Ant. Erastis, fol. 13. b.) dixi, Concedum hoc illi esse, qui Medicè loquatur. Pariter, quæ contra Fernellium, de caloris nostri origine assert, bene se habent: si hoc quoque addas, aërium potius esse, quàm igneum, quamvis igneus non rarò dicatur ob viciniam. Puto verò hoc quoque illi dandum esse, Quamvis calor hic non sit cœlestis, eo putà sensu, quo Schola Stoica vult: non pessimè tamen dici cœlestem, quatenus à corpore illo dirigitur, ut loquimur. Hoc puto Cæsalpinum quoque velle, cum Cœlestem vocat, non loco tantum citato, sed & 1. Artis Medicæ, 2. ob vicinitatem cum cœlo, licet divinitas illa, non in substantia, sed in effectu simili consistat Tandem & illa bene habent, quæ de caloris interitu ex Arist. & Gal. assert, vel ideò, quia distinguit illum à calore mistorum inanimatorum. Hic enim *σύνφύτον* est: ille *ἑμφύτον*. Vellem autem ab ipso audire, si viveret, quàm daturus sit causam in animatis caloris illius *σύνφύτον*, siquidem fatetur in inanimatis quoque esse? Ait enim, Vivente corrupto, quod est, calore *ἑμφύτον* extincto, cadaver relinqui, quod postea corrumpatur, & quidem peculiari quodam modo, quem jure seorsim explicat. Usque adeò nunquam Veritas latere potest!

## C A P. XIX.

## Contra Andream Cæsalpinum.

Miretur aliquis, qui possit in hoc censu reprimi tam insignis Peripateticus! qui tantà argumentorum contentione, & cordis principatum, & sedem in eo Calidi innati defendit! Desinat verò is mirari, cogitetque, uni non esse data omnia: quin puto, deberi illi gratias gratas propterea, quia difficultatem, de quâ agemus, ab omnibus aliis (quantum ego hæcenus videre potui) intactam, voluerit protrahere in lucem. De quâ si dixero, quod mihi in mentem venit, quodque cum principiis positis meliusculè cohæret: non dabunt id mihi vitio cordati viri. De definitione febris, controversiæ sunt tantum



tantum non inexplicabiles: sed illæ merè Logicæ. Ego hæcenus consensi Cæsalpino nostro, 1. *quest. Med. 5.* diligenter id explicanti, Galenum 1. *Aphor. 14. & alibi*, rectè descripsisse, *Febrim esse conversionem caloris innati in igneum.* Et licet non satisfaciat ille mihi in omnibus: tamen, quia definitio satis esse potest Medico futuro, sino. Hanc excipit inevitabile infortunium, Si calidum innatum est subiectum februm, oportet ex calido innato sumere etiam differentias februm. Si hoc, necesse est, ut in quadam calidi parte sint *Ephemera* dicta; in quadam *Putrida*, ut vulgò loquimur; in quadam *Hectica*. Ita est, inquit noster *quest. seg.* Triplex enim est substantia calidi, apud Galenum 1. *Aphor. 15.* *Spiritus*, in quo sunt *Ephemera*; *Sanguis*, in quo *Putrida*; & *Semen*, in quo *Hectica*, quippe ex quo solidæ animalis partes fiunt. Heic nescio, an non subito miraturus sis, jaci fundamentum tam lubricum! jam enim supra audivisti, locum esse suspectum, vel ideò, quia Gal. alibi dicit, se præter semen & sanguinem non novisse tertium principium ortus nostri! Sed sit firmus, fideque dignus: ex semine masculino gigni partes solidas quo modo obtinebit? Sed neque hoc obtinere cupit, ut videre est 5. *Peripat. 7.* licet nescio quas fusorum formas comminiscatur! Sit verò hoc quoque: ex spiritu seminis, seu ex *λογος γεννητικός*, quomodo fiet aliquid seorsim! Seorsim ajo, ab *εξ κεν ου γεννητικός*! Imò ex utroque, quia est unum *τόδε τι*, sit alterum *τόδε τι*, quod calidum nativum vocamus. Sed sit hoc quoque: *Hectica* febris non fit, nisi occupata sit ipsa substantia cordis, ut ipsemet docet, *quest. 11. f. 9.* Quo ergò modo potest heic illam collocare in omnibus solidis? Video, quid dici possit: sed est inanis fuga. Verumeninverò, sint hæc omnia protenus alba: semen & sanguis quia in partes solidas abierunt, quo respectu dici possunt Calidum innatum? Concipio enim ut duo diversa, partes solidas, & calidum innatum. Alioquin dicere poteram, Partes solidas esse subiectum omnium februm: at cor est, & quidem quatenus Calidum innatum continet. Heic fortè aliquis: Quomodo cor est pars solida, quæ tamen in se continet Calidum? eo modo reliquæ etiam partes continent. Eja, bellatule! Cor præ omnibus aliis hoc peculiare habet. Ideò solum calet actu, & calent reliquæ omnes propter cor. Ideò est primum vivens, & ultimum moriens, &c. In hoc igitur loco nihil ego habeo spei obtinendarum differentiarum febrilium. Pergamus ad reliqua. Hæc Hipp. in *Epid.* (inquit Cæsalp.) appellavit *Contentia*, *Contenta*, & *impetum facientia*. Heic quis non iterum miretur saltum tam audacem! à calido innato, seu, à calidi innati partibus, ad reliquas corporis partes omnes! nisi omnes illæ partes juxta cum corde sunt sedes Calidi innati! Attu, o vir celeberrime, paulò antè invictò apud Medicos argumento probaveras, Cor esse unicum principium caloris per corpus dispersi! Si enim febris non fit, nisi affecto corde, quod Medici omnes unanimiter dicunt: præter cor alius caloris fons non est. Eandem (pergit) sententiam habet Arist. 3 *Generat. 11.* *In corpore humore, in humore spiritus, calor animalis in toto est.* Non credam eandem esse sententiam, etiam ubi dixero me credere. Loquitur enim Philosophus de generatione ex putri. Quæ quid ad rem, quam agimus? Post hæc occipiat defensionem Gal. qui de hoc negotio non eadem docuerit. In diversis locis, inquit, pro diversa exigentia, non eadem opportuna videntur. At hoc quidem præceptum in artibus

h

locum



locum habet: in scientiis non habet. Sed habeat ubique: Locus 8. *Sent. Hipp.* 7 viti-  
 osus est, ut ostenderunt alii ante me. Alter, 12. *Met.* 5: huc non facit. Aliud enim est,  
 quærere ubi, & in quibus sint vires: & tradere differentias calidi innati. Quod si omni-  
 nò coincidere contenderis, non valde pugnabo quidem: sed hoc monebo, Aliud esse  
 judicandum ex hypothesi Galenicâ, aliud ex rei veritate. Quàm verò indignum est viro  
 Peripatetico, In sanguine consistunt vires. Ergò sanguis est sedes calidi innati! Sanguis  
 est sedes spirituum, qui sunt soboles Calidi innati, dicunturque non rarò & ipsi Calidum  
 innatum. Interim apud accuratè loquentes, & in hac præcipuè controversia, distingui  
 debent: Fieri enim non potest, ut cor eodem modo sit sedes calidi huius, quo sanguis  
 est. Etannon nugatio est, In spiritibus sunt vires! Idem enim est, ac si dicam, In spiritibus  
 sunt spiritus. Ut finem faciam, venithuc tandem tota conclusio, Tria febrium genera  
 sunt in triplici Calidi innati substantiâ. At verò cùm per rerum naturam fieri non possit,  
 ut Calidum nostrum tam latè pateat, quàm latè patet triplex ordo partium Hippocrati-  
 carum: dici etiam non potest, legitimam esse hanc distinctionem febrium. Quid igitur?  
 Mihi ita videtur. Subjectum febrium non nisi improprie dici Calidum nativum: propriè  
 autem dici Cor, in quo calidum nativum, & è quo in aniversum corpus se expandit, et-  
 iam sub nomine Calidi, ut dixi. Inflammatis igitur spiritibus totius corporis, fit Ephe-  
 mera. Et hæc flamma non est dissimilis flammæ illi, quam injecto in vinum igne videmus,  
 aut etiam incensâ aquâ ardente dictâ. Inflammatis humoribus, qui sunt vehiculum spiri-  
 tuum, fit Putrida. Et hæc flamma omninò violentior est, quia unâ cum spiritibus humo-  
 res ardent, præbentque ignem stabilem. Inflammatâ tandem substantiâ cordis, fit Hecti-  
 ca. Et hæc flamma non potest non esse violentissima, licet tardi progressus sit: Febris  
 igitur rectè dicitur, Conversio caloris nativi in igneum, accepto vocal ulò, ut dixi.

## C A P. XX.

## Contra Sebastianum Paparellam.

Cum magnum desiderium attulisset ad hunc virum: ecce tibi, præter opinionem  
*ἀνδραγαθὸς ὁ δισκαυγής.* Re enim verâ, si paucissima excipias, quæque curâ indigent,  
 ut intelligas, non nisi cento est, imperitissimè sutus. Et negligere erat animus, si ratio  
 instituti, fidesque promissa ullo modo permisisset. Perstringam igitur potiora, quibus  
 subjungam uberiorem explicationem eorum, quæ declarando negotio nostro servire  
 videbuntur. Dividit is librum in tres partes, in quarum prima de igne, seu calido igneo  
 agit; in secunda, de Calido naturali, seu illo, quod rebus compositis, quâ mistis, quâ ani-  
 matis proprium est; in tertia, de præternaturali, ubi aliquam multa de putredine & fe-  
 bribus sunt. Principio secundi libri cùm ad rem venit, multa quidem Calidi significata  
 affert: at quomodo in præsentiarum accipi debeat, ne verbo quidem docet. Ut mirer,  
 quomodo subito dicere possit, Quæ sit ratio actionis & reactionis? Quo respectu tri-  
 plex, qui dicitur illi, calor, Cœlestis, Elementaris, Naturalis, non nisi unus sit? Multò  
 magis miror, Quâ fronte occipiat agere de igneo, æthereoque animatorum calore, (ita  
 enim



enim loquimur) antequam definitum sit, quis & qualis reverà ille calor sit? Neque enim satisfaciunt paucula illa, quæ dixi. Sed satisfaciant: quàm misera ibi est confusio inter calorem *συμφοτον καὶ ἰμφοτον*, subjectum & instrumentum, temperamentum & animam seu vitam! Quis enim non videt, debuisse illum ante omnia distinguere mistum ab animato, & postea unicuique tribuere sua? Sed parum hoc esto: quàm miserabilis est distractio Calidi in duas substantias, quæ differant inter se, ut perfectio & perfectibile! ut materia & forma! Hinc sunt omnia illa, quæ de substantia & accidente tot locis agit. Quà in re illud inprimis ad stuporem usque miror, Substantiam & accidens de uno & eodem dici posse! Deinde & illud, Formam dici posse accidens! Mox illud, Calorem, ut accidens consideratum, esse temperamentum partium! Ex eodem fonte sunt, quæ seorsim de gradibus caloris, seorsim de gradibus humidi radicalis scribit, deque eorundem inter se commensuratione. Ex eodem, quæ seorsim de caloris refrigeratione, seorsim de humidi exsiccatione commemorat. Videntur autem hæc omnia nata esse ex sinistra accommodatione similitudinis ab igne sumtæ. Ut enim ignis, & pabulum ignis, duo sunt: ita putat heic quoque esse. Et est quidem ita, si rectè intelligat. Pabulum ignis nostri non est humidum, in quo fundatur: sed est *σπικκανμα* supra dictum, succus alimentitius, ut ipse appellat, quo reficitur quidem, sed nunquam integrè, ut fuisse docet. Quæ de Calidi nativi latitudine affert, ut vetera sunt: ita novum videtur esse, quod ex gradibus illis facit differentias específicas. Non novum, sed falsum est, quod latitudinem illam, differentiasque, temperamentis adscribit. Commentitium est, species seu differentias illas esse quarendas in spiritibus, humoribus, & partibus solidis, & ita quidem, ut in singulis diversimodè sint, modò ut substantiæ, modò ut accidentia. Nugæ sunt, calidum, quod tribus his partibus inest, innatum seu nativum esse, quod ex corde influit, non innatum nativumve esse, sed influens: ex utroq; hoc calido fieri tertium quid, quod actuatum ille vocat, sæpiusculè inculcans. Et cogitur ipse, Cordi reddere suum honorem, cum ait, Esse primum membrum, esse sedem animæ, continere universale & commune instrumentum, calorem, qui principatum gerat in vivente *ἀεικίνητον*. quippe illa *ἐστὶν* Galeno dicta, *ἐντελέχεια* Aristoteli, qui propter formalitatem, efficaciamque agendi, nomen formæ, & agentis retineat, & quæ sunt his similia. Cæterum, ut promissa appareant, hoc unum fortè est, quod rectè traditum est à Paparella. Calor (docet) sive celestis appelletur, sive elementaris, sive naturalis, unus & idem est. Celestis aliquando dicitur, quatenus à superioribus lationibus omnia diriguntur. Rectius tamen Peripatetici, qui particularibus effectis particulares assignant causas. Quare, ut non negant vim & efficaciam celestium corporum in his sublunariis: ita malunt effectum totum adscribere formis sublunariis, quatenus perfectæ in se, numerisque omnibus absolutæ sunt. Hinc fit, ut calorem effectorem, magni opificis Dei in materiali hoc mundo materiale instrumentum, ut loquimur, Elementarem malint appellare, quæ Naturalem. Elementarem, ratione formæ, aut, si ita vis, qualitatis in misto illo corpore prædominantis, sive ætria illa sit, sive ignea. Naturalem, subintellige, huic vel illi speciei, quod naturam hujus vel illius constituat. Hac in parte placet mihi, quod perinde



ac Turnebus supra, caloris huius ex elementis constitutioni negat satis esse unam aut alteram motionem, sed necesse esse, siquidem ad terminum illum, qui animæ proportionatus est, pervenire debet, ut per plures in gradu caloris differentias decurrat. Hunc terminum, quia nullum neque alimentum, neque medicamentum, extra vel intra corpus attingere potest: mirum etiam non est, quod animal nullum immortale sit. Licet enim aliquid ab alimento accedit: non est tamen æquè bonum. Et sic quidem ille: qui in hoc posteriori sine dubio fallitur. Nihil enim prorsus illi accedit. Huic addere possis alterum. Si talis est calor noster, (vult dicere) sequitur, neque adscititium, qui ab Hippoc. & Gal. saepe dicitur, neque igneum præternaturalem, qui in febribus est novam esse, alteramque Calidi nativi speciem: sed ipsummet Calidum nativum, ab eventu sic nuncupatum. Dicitur autem adscititius, cum v.g. in Socrate adolescente acrior & vehementior apparet, quam apparebat in eodem puero. Dicitur igneus, cum gradum acquisivit ulteriorem, quo non amplius facit, quæ secundum naturam solebat, sed oppositum. Sunt igitur iidem calores, inquit Paparella, radice, fundamento, subiecto, materiâ: sed differunt secundum gradus, metasque gradus, quam distinctionem formalem multi nominant, quod ex his actiones formaliter distinctæ existant. Quâ in re circumspicte agit Paparella, ut eximat se è numero illorum, qui formaliter differre volebant. Forma enim cum det esse rei: quidni cum forma mutetur totum? Igitur ita se explicat, si rectè capio. Est terminus quidam præternaturalitatis, ut loquitur, intra quem si subsistat mutatio, bene est: sin, mors est præ fortibus. Ut enim morbus non est, nisi partium viventium: ita Calidum nativum (hoc casu) dicitur igneum, quia plurimum à statu suo decedit. Quemadmodum igitur manus morbofa, non amisit omnem actionem, alioquin mortua jam esset: ita calidum, versum in igneum, retinet aliquid nativi, quo tendit ad integritatem suam. Et hoc est, quod Cassalp. ait 1. *Quæst. Med. 5.* Febris esse *μετεωρισμὸν*, conversionem ad ignem, non ignem. Quod enim convertitur, partim est in termino à quo, partim in termino ad quem. Ideo operatio partim secundum naturam Calidi innati est, ut coctio: partim præternaturam, ut putredo, &c. Ex quibus omnibus licebit tibi mitigare duriusculas quasdam locutiones: partim expedire difficultates, à quibus magni alioquin viri victos se fatentur, cum responsiones aut explicationes afferunt tam longè distitas.

## C A P. XXI.

*Contra Salustium Salvianum.*

**E**T de hoc plura exspectabam quam eventus docuit. Immo cum multa malè apta invenerim, dicere haud possum, quidquamne boni offenderim! Initio cum calorem ait esse duplicem, *Naturalem & Adscititium*, quorum uterque in corporibus sanis sit: statim impingit. Nunquam enim, vel ex Hippoc. & Gal. vel ex natura rei docebit, Eodem tempore utrumque in eodem corpore esse, quamvis eam audaciam ausit in sequentibus, seu videbimus. Mox, cum tertium addit calorem, præternaturalem, tanquam reapse distinctum.



finctum à prioribus duobus: gravius labitur. Ut enim pariter videbimus, adscribit illum Adscititio, contra omnem omnium veterum consensum. Deinde, cum tacite carpit morem illum, quo Calidum, seu Substantiam, non raro nomine qualitatis Caloris, appellamus: non videt bonus vir, quos sibi paret inimicos. Ad rem autem ubi venit, Calidumque innatum quærit in omnibus corporis partibus, quibus innascatur: ostendit, se ex se potius judicare, quam ex re ipsa. Dicant enim mihi vel ipsi duces gregis, si & feminis masculi absumitur in partes spermaticas dictas, constituitque calidum vestrum innatum: quid in corde constituit calidum vobis dictum influens? Nec hilum valet, Cor, quatenus spermaticum, non minus, imò magis accepisse, quam reliqua spermatica. Cur enim hæc quoque non calent actu, perinde ut cor? Atque ut tecum agam, Salviane, si utriusque caloris eadem est origo, adeoque factus est, æquabiliter distributâ materiâ in omnes partes, itaque etiam cor: unde est differentia illa, quam ipsemet tradis, In partibus reliquis nonnisi paucum & debilem esse, in corde solo multum & valde intensum? Fortassis autem ab hoc loco non valde alienum fuerit disquirere, An reverâ sit duplex calor? an, inquam, omnes partes ex prædominio caleant, propter rationem superius dictam, Quia vita consistit in calido? Mihi nulla omnino subest necessitas: imò contrarium est verius. Hoc finis ostendit, qui est causa causarum. Ossa v.g. debuerunt esse frigida & sicca, ut possint ferre corpus. Ad vitam verò facit, non calor ille, qui pars est materiæ: (alioquin mista omnia viverent) sed calor formalis, qui in sexu distinctis à mare est. Propterea cadit jam alterum illud calidum, reditque res ad Cor: cujus calidum dicitur innatum, comparatione factâ cum iis, quæ extrinsecus calefaciunt, non autem, quia cordi innatum sit, licet reverâ ita sit. Cadit etiam tota illa ratiocinatio, Cur Natura duplex fecerit calidum? Unum enim & formale tantum est, illud, inquam, quod in corde hospitatur, indigetque aeris externi commercio pro sui conservatione. Huic cum Galenus 1. Aphor. 15 tam disertè tribuat vim & formandi animal, & gubernandi: valde quàm miror, Salvianum dubitare, Utri hoc debeat? imò audere affirmare, Galenum loc. cit. alteri tribuere! Amplius miror, illum innato suo calori tam favere, ut putet, Calorem cordis non posse edere ullas actiones, nisi à calore partium restringatur! Nimis enim quàm clara est doctrina Galeni, 1. Msp. 9. ubi caloris partibus insiti ne mentio quidem fit: imò tribuitur ferè temperamento, quod non necessariò calidum esse, quis intelligit. Ut vel hinc etiam robur accipiat superior doctrina. Verum enim verò quia Salvianus totis viribus hoc agit, ut probet calidum illud suum: age videamus conatum. Ille affert Galeni auctoritatem, 1. Artis. 9. ubi dicat, Quasdam partes habere calorem innatum. Optarim ego mihi Argum quendam, cujus beneficio videam calorem illum! Dicit enim hoc tantum, Quasdam partes habere insitas facultates, quibus seipsas regant. Sed & ubi videro ibi calorem, non deerunt exceptiones, hæc non exponendæ. II. Non sine apparatu introducit rationem illam, cujus memini, Omnes partes vivunt, At vita consistit in calore. Nego ego vivere sine corde. Hujus enim ignis quamprimum labascit, labascit etiam vita omnium partium. Hoc adeò indubitatæ experientiæ est, ut mirer, si quis hæsitare velit! Instat, Medici volunt, Calidum innatum partium esse:



illarum temperamentum, At partes omnes differunt temperamento. Cedò mihi, non Medicos, sed Medicorum rationes, quibus id probetur, & habeo fortè, quod dicam. III. Cùm nutritio partis hujus sit alia, hujus alia, v.g. cùm os vertat sanguinem in os, caro in carnem: quo modo non debet id fieri à diverso calore? Dico, de temperamento res succedit, non autem de calore. Os enim quia frigidum est, ideò convertit sanguinem in substantiam frigidam: caro, quia calida, in calidam. IV. In paroxysmis febrilibus, in lipothymis, videmus aliquando extrema frigere. Hoc fit ob retractionem, vel caloris innati, vel influentis. Non illius: fixus enim est. Ergò hujus. Partes verò illæ, quia non sunt destitutæ tum omni calore, (alioqui non viverent) oportet sit calor alius præter influentem. Ego hoc mirabor magis, quàm confutabo. Quis enim non videt, illum chordâ oberrare eadem! Hactenus ergo nihil probavit. Porro autem, cùm distinguit Calorem utrumque in accidens & subjectum: quàm infelix est! Cùm accidens illud, vel cœleste esse ait, vel aërium, quàm malè sibi consulit! Cùm subjectum innati quidem facit particulam aëriam & temperatam uniuscujusque partis similis; influentis autem, spiritus: quàm nihil videt! Novi ego, duo considerari in calido: sed calorem dici accidens non patiar, cùm sit forma ipsius, ne ipso quidem Salviano diffente. Quatenus calidum cœleste sit, & quatenus aërium, sapiculè jam dixi: verumtamen id non faret fluctuationi Salviani. Debebat enim se explicuisse, cum utris stare malit, Stoicis, an Peripateticis? Non dubito, singulas partes habere aliquid aërii & temperati: verùm id ad σύμφορον δεξιόν pertinet, de quo heic non agitur. Spiritus esse caloris influentis subjectum, quæ auris ferat? Spiritus enim sunt id ipsum calidum flumen, quod è corde subinde erumpit in universum corpus. Eos autem habere fundamentum aliquod in corde, quis ambigat? Ne Salvianus quidem, si bonâ cum ipsius gratiâ impetrare possemus explicationem sententiæ propriæ, Febris principale & adæquatam subjectum esse cor. Nam quo modo calor præternaturalis ex corde diditur, eodem naturalis quoque. Sed istud quidem suprâ vidimus: Nunc quoniam insciit quasi à calore naturali ad adscititium & febrilem descendimus: operæ fuerit pretium considerare, quid novi dicat noster! Primum operosè docet, Adscititium proportionem quadam respondere innato singulis partibus: sed ita, ut hujus quidem origo sit ex aëre & aquâ, illius autem ex igne & terra. Quod cùm merè voluntarium sit: nescio equidem, dignarine debeam refutatione! Ita enim se habet res in doctrina Hippoc. & Gal. Calor adscititius opponitur, non calori partibus insito: sed influenti cordis, ut isti loquuntur. Rursus, oppositio est, vel in statu sanitatis, vel in morbis. In statu sanitatis, ille dicitur calor acquisititius, qui progressu ætatis acrior mordaciorque apparet, cùm in pueris esset mitior, ratione multæ humiditatis, à qua obtundebatur. Et sic generatione posterior est: non quòd alius & numero diversus sit introductus. Cumque, quoties de hoc sermo est, referatur disputatio ad calorem illum, qui actu percipitur in animalibus, & quidem sanis; is verò indubitanter sit ex corde: quorsum aliò imus! In morbis ille vocatur adventitius, qui fit aucto gradu caloris influentis in tantum, ut actiones lædantur. Hic verò cur non dicatur igneus, & præter naturam? Id ipsum verò cùm, iudice ipsomet Salviano, fieri non possit, nisi ac-

censo



censo calore illo cordiali: quid imaginamur? Sed ita homines sumus, machinamur subinde aliquid, ut videamur sapere præ aliis. Ita Salvianus, cum præ oculis haberet argumenta, quæ persuaderent, calorem febrilem esse distinctum quid à calore naturali; grave autem esset inducere tertium quoddam caloris genus, quamvis interim reverà inducat: refert calorem febrilem, non ad naturalem, sed ad adscititium. Nos, si larvam ei ademerimus, docuerimusque, Quo modo febrilis à naturali sit distinctus, & non distinctus! fortassis nullo negotio destruemus postea novam illam opinionem. Quamvis igitur ita sit, Calorem febrilem distingui à naturali, non nominibus tantum, sed & operationibus: non sunt tamen diversi subiecto. Ut enim modò ex Paparella docui, Caloris nativi certus est gradus, ultra quem si eat, quia jam non agit ea, quæ agebat, cum in gradu suo esset: dicitur præter naturam. Auctus enim, ut loquitur is, quem produxi, præter suam naturam, eo ipso fertur extra justam metam, ut cum secundum naturam agere non possit, agere cogatur præter naturam. Tum verò, quia per actionem illam rumpitur nexus missionis, temperieque, in quo, tanquam in folio proprio consistit calor naturalis: ne vita quidem superesse potest. Quamdiu igitur vita adest, tamdiu dici potest naturalis, ratione scilicet illius particulæ, quæ superest de naturalitate ipsius, ratione cujus etiam coquit, expellit, facit omnia, quæ pro salute individui sui facere potest. Ut dici jam debeat, Calor febrilis distinctus est à naturali: quatenus sunt ab illo quædam, quæ non fierent, si natura bene se haberet. Non est distinctus à naturali: quatenus idem subiectum manet, quamdiu vita manet. Non potest autem esse obscurum cuiquam, dici hæc omnia de calore cordis, non autem de calore partium, pro quo Salvianus anxie laborat. Quo ipso concidit prima ratio ipsius. Impossibile est, calorem febrilem ad naturalem referri, cùm subiecto differant. Nego enim differre, nisi ratione Medicis omnibus acceptissimâ Calor febrilis perinde subiectatur (sic ille loqui amat) in corde, ut naturalis. Cur autem cum calore adscititio non possit esse idem febrilis, ratio alta est, non minus Medicis grata, Febris hoc modo non esset morbus cordis. Facile etiam diluitur altera ratio, quæ nititur eodem fundamento, quod calor naturalis subiecto differat. Non minus enim, imò majus symbolum est inter naturalem & adscititium. Imò, cùm adscititius hoc sensu plane sit incognitus veteribus: quomodo illi cogitare potuerunt de symbolo seu affinitate? Locus Hippoc. ex 4. in 6. Epid. 25. plane pro me est. Opponit enim calorem igneum, acrem; mordacem illi, de quo Hippoc. 1. Aphor. 14. locutus erat. Is verò nativus est, ut constat. Quod si Adscititium quoque nominat, debet id ex Galeni mente, non alterius: cujusdam explicari. Idem plane judicium est de altero ex 5. in 6. Epid. 5. nisi quod adscititii ibi non fit mentio. Quod si 4. Aphor. 37. tanquam diversa concipit, τὸ ἐμφυτον, καὶ τὸ περιεπιπλῶν *Sequeatias*: leniendum id potius benignâ interpretatione, quam novum stituendum dogma; quod cum aliis locis omnibus, ipsaque rei naturâ pugnet. Cæterum, quid responderi possit ad gravissimas difficultates, quas patitur hæc opinio: ipse viderit. Mea enim nihil interest. Hoc reticere non debeo, μετὰ λυγρὰ, hanc desinere in inanem quæstionem Logicam. Concedit enim, febrim fieri non posse, nisi accenso per consensum calore cordis. O fortia pectora bello!

CAP.



## CAP. XXII.

## Contra Jacobum Schegkium.

**T**Antò accuratiùs cum hoc agendum est, quò diligentior fuit in investigandâ veritate. Non tantùm enim disputavit de Calido & humido nativis, anno 1572. sed & septennio pòst scriptum satis fufum de iis edidit. Quin non contentus hoc ipso, fortassis, quia posterius aliquid vero affinius viderat, de Caloris vi & efficaciâ, anno 85. iterum commentatus est. His quo minùs acquiescam, facit ipse, qui negat, ulli fidem esse habendam de rebus controversis, si necessariis argumentis & demonstratione non probet, quod defendendum suscepit. Imò, licet verum sit conclusum fortassis: si hypotheses quoque non sint veræ, solidæ & consentaneæ, non esse admittendum illud verum. Atque ut eo ordine, quem ipse mihi præscripsi, progrediar. I. Videtur in ipsa inscriptione cespitasse. Cum enim apud universos homines non nisi unum tale calidum sit: unde huic soli multitudo? Novi, qui putent, versari in eorum errore, qui calidi & humidi diversa volunt esse subjecta. Verùm, exculpat se iis, quibus docet, Cum unum *σύνφύσις* sit, atque idcirco respectu sui ἀπαθείς, non posse se ipsum perficere, &c. Ratio igitur inscriptionis fuit, Cum Philosophus acutissimus videret, duo esse in corpore calida, alterum *σύνφύτον*, alterum *ἐμφύτον*: de utroque conjunctim voluit agere. Sed reverà licet ita sit: non est tamen *σύνφύτον* in omnibus partibus tale, quale *ἐμφύτον*, calidum, inquam, & humidum. Si enim, ut ipse met ratio cinatur, ignis, respectu cæterorum elementorum, habet se, ut efficiens; efficientem autem semper movet finis: utique fieri non potest, ut omnes partes sint calidæ & humidæ. Unde enim corpus habebit robur? Nec hilum valet illud, Calidæ sunt κατὰ πᾶθος. Sed sit: quid sit de humiditate? Quæ ratio fortè fuit, cur in posterioribus curis ista mutârit. II. Debetur quidem penè soli & uni Schegkio hæc solida laus, quòd calorem *σύνφύτον* ab *ἐμφύτῳ* rectissimè secreverit: sed nescio, an in omnibus assecutus sit scopum. Ita est: Calor *σύνφύτης* nihil aliud est, quàm elementum ignis, quod congregat homogenea, & disgregat heterogenea, ut Arist. docet, non tantùm 1. Cæl. 8. t. 74. sed & 2. Gen. & Corr. 2. t. 8. facitque, ut ex omnibus elementis unitis fiat substantia quædam, mistum quoddam, tamdiu durans, quamdiu calor ille, qui in subjecto suo φύσις, naturâ, ineft. Est autem calor simplex, quia ut pars concurrat ad constitutionem misti. Est etiam non vitalis, quia est mistorum, quàm mista sunt. Et est ille, qui introducit *σύνφυσιν*, primam elementorum compositorum unitiōnem seu conjunctionem, per quam quæ facta sunt, *συντεφυσία* dicuntur, ὁμοιομερῆς, &c. de quibus in libro de Partib. similarib. abundè locutus sum. Huic *σύνφύσις* (ἔξιν, etiam vocant, *habitum*, quia unitate hac introductâ cessat motus & pugna elementorum) opponitur in animatis *συνέχεα*, quæ ex multis similaribus fit unum dissimulare, quod ἐργα-vv, *instrumentum* vocamus. Hæc & alia, quæ eruditè proponit ille, de calore *σύνφύτῳ* ita se habent: at in calore *ἐμφύτῳ*, quem illi opponit, multiplex est error, nisi ipse erro. III. Facit enim tot ejus species, quot *σύνφύται*. Quod est, quemadmodum tot sunt calores



lores ἐμφύτις, quot partes similares: ita tot vult esse calores ἐμφύτις. Nimirum in hoc capitaliter errat, quod, ut Synesius alicubi loquitur, κλέθδ' ἀσυγκλάσῃ, connectit ea, quæ per rei naturam connecti non possunt. Hoc ita intelligi volo. Cum Arist. demonstret, ex corporatura seminis non constitui ulla partes, sed absumi illam in substantiam cordis, & constituere calidum nativum; cum Galenus docuerit, ex corporatura seminis fieri omnes partes solidas, exceptâ carne: conjungit ille has duas sententias, & in partibus, perinde ac in corde, quærît calidum nativum. Verumenimverò, cum ne sic quidem satisfacere posset, vel veterum auctoritati, vel rei naturæ (loquuntur enim illi subinde de calido per corpus diverso, quod spiritum vocant: testetur verò experientia, subinde illud mutari in corpore) docet: Duos esse calores, quorum alter in corde & omnibus solidis sit, dicaturque ἐμφύτις, consubstantialis, radicalis, ἀρχαίγενος, primi generis, balsamus vitæ, tinctura, &c. alter in sanguine, vocaturque ἐπικτητικός, complexionalis, influens, &c. qui φύσις quidem insit, (ratione totius corporis, puto) simul tamen ἀλλόθεν quoque, quando sanguis non ex se calet, sed ex corde. His addit tertium, febrilem, qui est παρὰ φύσιν, præter naturam. At verò in veteri Schola non nisi unum est calidum, cujus fons quidem & substantia in Corde solo est, ubi etiam à substantia nomen habet; fluvius autem in omnibus partibus, diciturque Spiritus, nomine ab ipso quoque recepto. Et hoc sensu Innatum & Influens fit idem, quamvis longè videantur à se invicem abesse. Επικτητικός autem quàm longè alius est, ceu vidimus! De febrili pariter diximus, quod res est. IV. De origine hujus calidi subtilitates affert, nescio an satis mihi intellectas: Primo enim & summo loco Animam ponit, quæ in formando animali utatur, tanquam instrumento, calore quodam ἐμφύτις, animali, qui calor sedem suâ habeat in corpore quodam cœlesti, quod αἰθερῶδες vocat, & sit αἰθέριον, æthereum, & ab omni contagio materie alienum, putatque esse illud Aristot. ἀνάλωτον τῷ τ' ἀερὶν συγκρίσει, hoc demum uti calore ἐμφύτις, qui sedem suam, tanquam in subiecto, habeat σύμφυτον, qui ἐμφύτις sit elementaris, & è quo, tanquam ex materia, formetur totum corpus. Calorem illum corporis αἰθερῶδες vocat πλαστικόν, λόγον πλαστικόν, διαμαίν πλαστικόν, quam, formato animali, dicit disparere, αἰθέριον quippè, fieri autem proximum animæ instrumentum calorem ἐμφύτις, in partes tributum, qui sit sedes formæ ἐνύλης. Hæc, si rectè capio, mens ipsius est. In quâ magni viri hoc inprimis deliderant, quod frustra multiplicet entia. Quorsum enim introducit actum in semine incorporeum, qui que dispareat postea: cum actus corporeus permanens sufficiat operi? Neque enim metuere debet, ne, quemadmodum corpus cœleste non recipit magis & minus, ita etiam non recipiat corpus analogum cœlo Omnino, in semine est corpus illud cœlo analogum, & quemadmodum semen totum format animal: ita totum fit calidum nativum, sedesque proxima animæ. Quod si totum semen est elementare, ut docet: in semine tamen est corpus quoddam cœleste, cui generatio adscribi debet: nescio equidem, quo modo non propriâ absurditate sibi obstrepat, ut de Fernelio loquitur! Ita, si seminis calor est ex συγκρίσει, concremento elementorum, & calor ille est consubstantialis συγκρίσει illi, ut loquitur: quomodo calor ille est præter naturam? non in sua, sed in aliena materia? Intelhgo equidem, calorem esse in sua materia, quatenus semen



constituit; in aliena, quatenus calidum illud semen transfertur in aliud corpus, quod informat: sed non intelligo, quomodo materia corporis v. g. humani possit dici aliena semini humano. Nisi fallor, deceptio inde est, quod calor ἐμφυτός habetur pro contrario τῆς συμφύτης, ut quæ huic conveniunt, illi non conveniant. At enim disparata sunt, non contraria. Quare, si σύμφυτος inest φύσις: non subito ἐμφυτός inest πύξις. Licet enim hoc illi sit commune cum calore illo, qui κατὰ πᾶσιν, ἢ κατὰ σὺνθεσιν dicitur, quod extingui possit, salvâ manente συμφύσει corporis, in quo est: non tamen hoc illi commune est, quod quemadmodum ille, qui v. g. in aqua est, in ferro, in carbone, in aliis calefactis, non calidis, est in aliena materia, ita heic quoque sit. An homini docto umbram fecit calor ipsius influens, qui reverâ in aliena materia est? Error enim fecundus est. Dico autem, In aliena materia, respectu cordis. Oportet enim distinguere perfecta ab imperfectis, distincta in sexûs à non distinctis. Illa, quia constant unâ σὺνθεσιν, pereunt etiam uno modo, soluto scilicet calore illo συγκρίνοντι καὶ συνορίζοντι τὰ ὁμόφυλα, ut Arist. loquitur. Hæc, quia præter σύμφυτον, habent aliud quid & superius, calorem ἐμφυτον, pereunt etiam duobus modis. Ut enim gradûs requiruntur ad esse: ita requiruntur iidem ad non esse. Quare, quia calor σύμφυτος, docente ipsomet Schegkio, est infra ἐμφυτον, & quasi instar materiæ: perire potest alter absque altero, ita tamen, ut necesse non sit, alterum propterea esse in aliena materia. Primum enim perit ἑδός, quod est ab ἐμφύτῳ, postea μορφή, quæ ἀσυνφύτως. Huc facit, quod ipsemet distinguit inter calorem sensilem, & non sensilem, inter vitalem & non vitalem, inter animam & naturam, inter animata & mista. Cumque sensilis seu vitalis omnis desideret οὐκ ἐξ ἑαυτοῦ ὅλῳ, propriam, eamque ultimam materiam: quo modo possit illa dici aliena? Ut enim in naturalibus seu mistis calor copulans aded est proprius, ut qui eum expellit, dicatur alienus: ita in animatis calor informans, non simplex quidem, ut ibi, sed compositus, tam est materiæ suæ proprius, ut alibi, quàm in sua materia, vel esse non possit, vel non ita commodè. Hoc tamen interest, ut σύμφυτος solam facit σύμφυτον: ita ἐμφυτός σύμφυτον καὶ συνέχειαν. Ita soluto συμφύτῳ perit simul ultima materia, quia compositio non nisi rudis est: at soluto ἐμφύτῳ non prius solvitur ultima materia, quàm superveniat putredo, quæ solvit quoque σύμφυτον, qui in sanguine materno præfuerat. Nempe, ut mas & fœmina concurrebant ad hominem, & mas quidem potiori ratione: ita calor, qui à mare, primus interit, quem sequitur ille, qui à fœmina. Et hæc hæc tamen: quæ quia retrò nos tulerunt ad sedem calidi innati, age, inspiciamus illam denuò. V. Substantiam calidi sui ait in θ. esse, aut in spermaticis, aut in sanguineis. Quo quid timidius! quid à tanto Philosopho alienius? Confirmatio igitur factus, & in spermaticis esse ait, & in sanguineis. Sed cum æqualiter dicere vix posset, propter ea, quæ dixerat alibi de humore spermatico in partes abeunte: In utris, quærit, præcipue est? In spermaticis. Quia (addit) sunt priores χυμοὶ καὶ φύσις, cum sanguinea non nisi παρὰ γένετα sint. Hanc si fictam hypothesein esse dicam, postulatumque quo rudes & incauti decipiuntur, loquar ex ipsius ore. Quin si dicam, ex semine non posse confieri partes ulla, utar ipsius proprio dogmate, quod principio libri de Caloris vi, non obscure, sed signifi-

can.



centissime proponit his verbis: Calor  $\zeta\mu\phi\upsilon\tau\theta$  dici consuevit, quodd  $\zeta\mu\phi\upsilon\sigma\iota\upsilon$  contrariarum qualitarum, elementorumque efficiat, mixtione unum aliquid constituens, ut  $\alpha\lambda\iota\omicron$  & passio, alteratioque desinat ac terminetur ista  $\zeta\mu\phi\upsilon\sigma\iota\upsilon$ . Et mox: Ipsa hoc modo generata substantia, propter unitatem  $\zeta\mu\phi\upsilon\zeta\iota\omega\varsigma$ ,  $\alpha\pi\alpha\theta\epsilon\iota\alpha\varsigma$  particeps esse dicitur, propterea quodd ipsum a seipso nihil pati possit, quoniam agens & patiens essentialiter inter se discrepant, nec unum per se constituere possunt. Cum autem ipsum unum, causâ substantiæ &  $\sigma\upsilon\mu\phi\upsilon\sigma\iota\omega\varsigma$  a se ipso essentialiter non possit differre, sequitur ex necessitate, ut, quod unum constituitur  $\sigma\upsilon\mu\phi\upsilon\sigma\iota\upsilon$ , ac formâ substantiali, ipsum a seipso alterari aut moveri nullo modo possit. Et: Nihil, ex forma & materia constitutum, mixtumque ex elementis, internam causam efficientem suæ corruptionis & alterationis habere potest. Omnino enim necesse est, ut quæ agunt & patiuntur,  $\delta\omega\delta\mu\epsilon\iota$  sint prædita, unum actionis, alterum passionis, quæ necesse est, ut separata sint, & ut nequaquam unum aliquid  $\sigma\upsilon\mu\phi\upsilon\sigma\iota\upsilon$  constituant. Et denique: Duo sunt principiorum genera in omnibus rebus,  $\pi\omicron\iota\eta\tau\iota\kappa\acute{o}\nu$  &  $\pi\alpha\theta\eta\tau\iota\kappa\acute{o}\nu$ , quorum alterum ab Arist *Metaph. b.* describitur, quodd sit mutans in alio, quatenus aliud. Ex his formo tale argumentum, Quodcunque  $\sigma\upsilon\mu\phi\upsilon\sigma\iota\upsilon$  est unum, non potest in se invicem agere: Semen masculum est unum  $\sigma\upsilon\mu\phi\upsilon\sigma\iota\upsilon$ . Ergo Hoc argumento cum planissime concidat altera quæstionis pars,  $\pi\acute{o}\tau\epsilon\rho\alpha\iota\eta\gamma\omicron\upsilon\eta\mu\eta\delta\epsilon\upsilon\mu\epsilon\tau\epsilon\iota\upsilon\epsilon\iota\tau\epsilon\gamma\eta\gamma\omicron\mu\epsilon\iota\upsilon\kappa\upsilon\mu\alpha\tau\theta$ : restat altera,  $\alpha\lambda\epsilon\lambda\upsilon\iota\delta\epsilon\chi\eta\pi\acute{o}\delta\upsilon\mu\alpha\tau\epsilon\delta\epsilon\chi$ . Cum enim habeat rationem efficientis, ut docent ipsimet: quomodo simul patientis habebit? maxime si separata esse debent agens & patiens? Si ergo  $\alpha\lambda\epsilon\lambda\iota\upsilon\epsilon\tau\alpha\iota$  &  $\pi\acute{o}\delta\upsilon\mu\alpha\tau\epsilon\tau\alpha\iota$  in partes: fitne æqualiter in omnes? Nam hæc superest illis fuga. Ego superius ostendi, non nisi in cor  $\alpha\lambda\epsilon\lambda\upsilon\iota\delta\epsilon\chi$ . Quâ in re consensum habeo ipsius Schegkii in posterioribus curis, Calor  $\epsilon\mu\phi\upsilon\tau\theta$ , inquit, proprius est cordi. Et: Caloris  $\epsilon\mu\phi\upsilon\tau\theta$  principatum statim esse in corde, unde cum spiritu vitali per arterias in universum corpus diffunditur, &c. Quo ipso si non refutavit priora illa, Esse quidem calorem  $\epsilon\mu\phi\upsilon\tau\theta$  in omnibus spermaticis; inter omnes autem spermaticas cor esse calidissimum & humidissimum, utrisque  $\delta\epsilon\chi\eta\gamma\acute{o}\nu\omicron\iota\varsigma$  qualitatibus: age videamus alia. E semine quia sunt partes, calidæ sunt, inquit. Itane? Ergo cerebrum est calidum? Ergo nervi sunt calidi? Ergo membranae calidæ sunt? Ergo ossa calida sunt? Quid dico autem, Non solum calidas, sed & humidas esse oportet, Si similitudo inter illas & cor est: quod quis ausit dicere, qui frontem habeat? Humor spermaticus, inquit idem, non est ipsum  $\theta\epsilon\tau\iota\mu\acute{o}\nu$   $\epsilon\mu\phi\upsilon\tau\theta$ , ut quod consubstantiale sit partibus spermaticis, adeoque materia: partes autem spermaticæ sunt subiectum  $\tau\theta$   $\theta\epsilon\tau\iota\mu\acute{o}\nu$   $\epsilon\mu\phi\upsilon\tau\theta$ . Nimitum ita in lucem protrahere oportet  $\sigma\kappa\omicron\tau\epsilon\iota\upsilon\delta\epsilon\iota$  illum! Si enim in  $\theta$ . Materiam similitarum partium vernaculam & ultimam, habere in se  $\lambda\acute{o}\gamma\omicron\upsilon$   $\epsilon\sigma\tau\iota\omega\delta\eta$   $\delta\omega\delta\alpha\mu\iota\omega\varsigma$ , manifestum est, quo præsentem animetur corpus, &c. Hinc ita infero, Si partes spermaticæ sunt subiectum calidi nativi, quomodo simul materia? Si materia, quomodo simul subiectum? uno & eodem respectu? Amplius, si humor spermaticus constituit calorem  $\sigma\upsilon\mu\phi\upsilon\tau\theta$ , quid constituit  $\epsilon\mu\phi\upsilon\tau\theta$ ? Si uterque in eodem subiecto essentialiter est, quo modo a se invicem distinguuntur? Scio, quid dicat,  $\zeta\mu\phi\upsilon\tau\theta$  esse ex semine,  $\epsilon\mu\phi\upsilon\tau\theta$  ex sanguine. Id verò quo modo quadret cum positis principiis, ne-



scio. Scio, quomodo distinguat  $\epsilon\mu\phi\upsilon\tau\omega$  partium similiarum, ab  $\alpha\lambda\theta\epsilon\gamma\omega\delta\delta$  illo corpore, quod sit organicarum. Nescio pariter, quibus oculis viderit  $\alpha\lambda\theta\epsilon\gamma\omega\delta\delta$  illud corpus  $\epsilon\mu\phi\upsilon\chi\omega\gamma$ , ut vocare solet, distinctum à calore nativo. Sed sit ita, sit, inquam, calor  $\epsilon\mu\phi\upsilon\lambda\theta$ , non in corde tantum, sed in omnibus spermaticis: quid causæ dicemus esse, cur partes illæ absque cordis calore non agant! Siquidem calor ille est proximum animæ instrumentum.  $\epsilon\pi\alpha\iota\phi$ ,  $\upsilon\lambda\theta$ , inquit, seu influens cordis calor; & proprius cuiusque partis  $\epsilon\mu\phi\upsilon\lambda\theta$ , vegetationis causâ existunt, & nutritionis. Nempe, utriusque unum  $\epsilon\alpha\delta\theta$  causæ constituentibus. Hæc quis non agnoscit calorem actuatum Paparellæ? Et cur non addit duobus illis caloribus tertium,  $\sigma\epsilon\mu\phi\upsilon\tau\omega$ ? Quin, cur non potius ex  $\epsilon\mu\phi\upsilon\tau\omega$  (quatenus ille in corde ex sanguine facit spiritus vitales, qui in partes influunt) &  $\zeta\upsilon\mu\phi\upsilon\tau\omega$ , facit calorem illum perfectum! vel ideò, quia  $\zeta\upsilon\mu\phi\upsilon\tau\omega$  subiecti  $\tau\omega$   $\epsilon\mu\phi\upsilon\tau\omega$  non diffitetur? Sunt hæc ipsius verba, de Cal. vi. 2. Differt spiritus vitalis (hunc calorem  $\epsilon\pi\alpha\iota\phi\upsilon\tau\omega$ , influentem,  $\epsilon\pi\alpha\iota\tau\eta\tau\omega$ , adscitum, complexionalem, seu calorem temperamenti solet vocare) à reliquis duobus caloribus, in corpore animato existentibus, quorum alterum  $\zeta\upsilon\mu\phi\upsilon\tau\omega$  alterum  $\epsilon\mu\phi\upsilon\tau\omega$  vocavimus.  $\epsilon\mu\phi\upsilon\tau\omega$  est, qui generat vitalem spiritum: sed  $\zeta\upsilon\mu\phi\upsilon\tau\omega$  est, quem spiritus vitalis quamdiu calefacit, tamdiu corpus illud, in quo est calor  $\zeta\upsilon\mu\phi\upsilon\tau\omega$ , vivere & vegetari dicitur. Hæc quàm hostiliter pugnant cum prioribus, in de Cal. & hum. nat. effatis: tam propè accedunt ad veritatem. Imò sunt ipsissima veritas, si exiguum verborum mutationem non respuas. Nempe, spiritus vitalis non est peculiaris calor: sed est, ut sæpe locutus sum, soboles  $\alpha\rho\chi\alpha\omega\gamma\omega\gamma\omega\gamma$  illius, in corde stabulantis, quam à matre suâ adeò non removebant veteres, ut eodem nomine vocarent. Licet igitur  $\alpha\iota\kappa\tau\eta\tau\omega$  quodammodo dici possit, quòd videlicet partes ab illo calentes,  $\pi\alpha\delta\delta$  dicantur calere: abest id tamen longissimè à veterum loquendi consuetudine, inducitq; novitates non insuper habendas. Quæ causa potuit esse, cur ipse Schegkianus l. c.  $\phi\upsilon\sigma\delta$  calidum esse concedat, ut ignis est. VI. Patet ex his, quantæ sint tenebræ apud tantum virum de sede seu subiecto calidi: non minores sunt de quæsito illo, An augeri possit, seu restitui, more aliarum partium? Primum distinctionem parat, docetque, Duos posteriores suos calores, influentem & febrilem, posse augeri & minui: primum illum  $\alpha\rho\chi\alpha\omega\gamma\omega\gamma\omega\gamma$  non posse restitui ullâ aliâ  $\phi\upsilon\sigma\delta$ , eo ipso quòd primus sit. De hoc ejusdem verba sunt: Ipsum seipsum, idem numero existens, melius & perfectius reddere nequit, cum ipsum à seipso, ut causa & effectus, non differant. Et mox: Carens alio principio, quo perfectius possit effici, & ipsum seipsum non possit efficere: sequitur, ut nec augeri, nec deperditum in integrum restitui possit. Et netu dicas: Patum referte, si à seipso instaurari non possit, modò ab alio possit: accipe hæc alia ejusdem. E sanguine generata carnes abolite renasci possunt, ac in integrum restitui: sed substantiæ spermatica materia generata, renasci aut consolidari nequeunt. Et mox: Nativa humiditas duplex est, una carnosæ substantiæ, altera fibrosæ. Illius detrimentum denuò reparari potest: hujus nutriendo restitui non potest. E quibus altera apparet distinctio, quæ confirmat prius effatum, Calidum spermaticum restitui non posse. At verò, si materiæ  $\alpha\epsilon\gamma\chi\epsilon\chi\epsilon\chi\epsilon$  nutritionis duæ sunt, nempe spermaticus hu-

mox



mor & sanguineus, uterque participans aqueo & terreo elemento, ob soliditatem partibus necessariam: mireris, Cur calidum spermaticum non æquè restitui possit, ut sanguineum? Age verò, quod est illud sanguineum calidum? Si sub triplici caloris specie comprehendi debet, non video ubi esse possit, nisi sub secunda. Hunc enim vocat *ἐπιζωτικόν*, temperamento, intelligo, quod est, ut loquitur, *πρῶτον ὡς ἔστι*. *Natura* seu substantiæ illius, quæ nos formavit. At hunc calorem vocat etiam influentem, & spiritum vitalem, quoddam beneficio spiritus huius calor ille præstetur toti corpori. Quo verò modo hæc duo idem sunt, Refici deperditam substantiam carnosarum partium, & Spiritus vitales absultos reddi? Nempè de spirituum perpetuâ restitutione adeò nemo dubitat, ut valde infantis sit, instituere de illis quæstionem: de substantia dubium est. Hanc cum dicimus, o vir eximie, cum Galeno in spermaticam & sanguineam, nimis longas ambages nobis texis, quas sine filo Ariadnæ ne tu quidem ipse emetiarius. Si enim de substantia certus eras, cur novam toties inculcas distinctionem inter quantitatem & qualitatem? Consideramus, dicis, in calido nativo ratione, & quæ *κατὰ τὴν οὐσίαν* quædam *ἰσχύς* est, & quæ est *ποιότης* quædam, vel accidens. Ratione illius, majus & minus non dicitur esse: ratione huius recipit magis & minus, quatenus in aliis atque aliis individuis, in aliis atque aliis *ἀνθρώποις* perfectius & imperfectius est. Quid hoc rei esse dicam? Volebam mihi dici, quatenus in uno aliquo individuo restituatur, ut perennare possit: tu dicis mihi latitudinē ejus secundum individua? Imò, inquis, in sequentibus doceo, In uno individuo semper decrescere qualitatem. Agnosce sed ego expectabam responsum de quantitate. De hac, inquis, pariter docui in sequentibus. foveri non nisi humido aqueo, & hoc quidem in prima ætate tantum: at verò, quia calor procedente ætate fit igneus, fomentum illud obest potius quàm prodest. Consumit enim hac ratione, & id quod naturale erat, & id quod appositum. Et hoc declaravi exemplo vini, cui aqua subinde affunditur, ex Arist. 1. Gen. & Corr. 5. t. 42. Legi equidē, putoq; huc facere illa in posterioribus, Augeri aut refici simili, aut etiam majore quantitate, potest ratione autem qualitatis, quocunq; gradu diminutū fuerit, irreparabile existit. Huc spectant illa quoq; in prioribus. *Qualitas nullum habet incrementum ad perfectius, & detrimentum humidi nativitatem nō potest amissum restitui, quàm nullo detrimento affectum non potest augeri.* Alioquin, sempiterna vita animalis esse posset, ut *ἡ ἑgyptία σοφιστὴς* visum fuit. Mihi omnia hæc merè voluntaria esse videntur, nullā quippe, ne probabili quidem ratione firmata. Nam quod solum superest, ut causa dicatur mortalitatis: ea æquè bene dici potest, si nihil accedere dicam. Imò sententia hæc melior est illā, quæ Naturæ objicit soliditatem. Auget enim calidum, ut perfundet. Ego verò dico, ne tentat quidem, quia frustraneam operam sumtura erat, & contra suum illud institutum æternandi species rerum per generationem. Hoc ipse Schegkius profitetur, cum negat, carere alio principio quo restitui possit, non posse augeri, etiam si nullo detrimento sit affectum, &c. Hoc ipsum quomodo cohaereat cum auctione illa aqueā, de qua dixi, non video! Multo minus, qui dicere possit, Durabile non esse, etiam si conveniens *ἐπιζωτικόν* nunquam ei desit! Ejus rei tres affert rationes, si bene numero, quas obiter libet inspicere. Debit, inquit, siccum elementum adesse, ut ani-



mal habeat robur. Hanc primam rationem ex Galeno esse, 1. *San. tu.* 2. paret. At verò pertinere ad calorem *σύμφυτον*, non *ἐμφύον*, suprà ego ostendi. Hoc tantò acceptabilius esse debet, quòd verius est, partes solidas ex sanguine fieri, non ex semine. Secunda ratio est, quia *calidum est in aliena materia: ideo semper absumit pabulum suum.* Hanc ego nunquam intelligere potui. Si enim comparatio bene habet, (ut habet, ex 8. 13.) dici debet. Quemadmodum ignis non est, sed semper fit; definit autem esse, cum desinitur alimento: ita Calidum hoc. Quemadmodum igitur ignis pabulum in se non habet, sed quærit foris: ita calidum non absumit seipsum, sed sanguinem, in quem agere natum est. Et quei possit in se agere, cum unum *σύμφυτον* sit, ut Schegkius ipse nos docuit modò? Durum etiam valdè est, Calidum hoc esse in aliena materia! Quæ causa esse possit, cur in posterioribus ad Jurisconsultorum *Quasi* diverterit. Sed si reverà sit in aliena materia, siue quasi in alienâ materiâ, siquidem materia illa est subiectum ipsius: ne per Schegkium quidem integrum est nobis hæc dicere. Tertia causa est, Quia *semper reparatur a materiâ in quam agit.* Hæc aliquid momenti habet, si ita intelligas, ut heic propono. At si de propria materia, de proprio subiecto, tolerari non debet. Omnino est altera illa & externa causa, quam dixi pertinere ad *παικανμα* Hippocraticum. Sed jam sensim descendimus ad VII. seu ultimum, An Calidum hoc seipsum consumat? Heic iterum distinguit cum Alberto Magno, Zimara, aliis, ut intelligo, Calidum, quatenus est animæ instrumentum, eatenus est *συστατικόν*, facit & ad constitutionem, & ad conservationem individui: quatenus concretum quid ex elementis, eatenus est *ἐκστατικόν*, corrumpit individuum. Heic nihil magis in votis habeo, quam intelligere, quo modo se ipsum corrumpat, ideo quòd elementare sit! Certè docuit ille tanto cum apparatu, & in priori, & in posteriori scripto, Quæ unum sunt *σύμφυτον*, esse *παθόν*, adeoque mutationem omnem fieri *ἐκ τῶν αἰσθητῶν αἰσθητῶν*. Mihi lubet ita jam argumentari, Calor plasticus generat tantum, non corrumpit (sunt ipsius verba: quæ ita ego sequor.) At calor plasticus reverà non est aliud ab innato. Ergò. Vult, credo, se expedire, cum in posteriori libello ait, Calidum innatum quodammodo esse simile ardori flammeo, quodammodo dissimile. Dissimile quidem, quatenus hoc calidum est instrumentum animæ: simile autem, quatenus & se, & calorem *σύμφυτον* pessumdat, ob necessitatem materiæ, quæ agens & patiens inter se conflictantur, tanquam contraria. Sed profectò incidit in eandem Syrtas. Licet enim avertat à se absurditatem, cum actionem calidi *μύτης* ait esse in *σύμφυτον*: tamen, præterquàm quod non probat illam, toties repetit actionem *ἐμφύτης* in se, ut cæci sit velle probabilem excusationem comminisci ex his. Et quæ est necessitas materiæ, loquentibus de uno *σύμφυτον* de uno, quæ unum? Tandem ad Hippocraticum illud, à Galeno laudatum in lib. de *Marasmo* venit, & explicat è superiori distinctione. At verò quia distinctio futilis est; locus ipse à Galeno reprobatus: non est, cur verba cum illo commutemus. Hoc tamen reticendum non est, Magnum robur ponit in illo Hippocratis, *ὅτι σαρκὸν* (in posterioribus, vitio scribæ, est de *Natura pueri*) *ὅδε αἰὼν ἐστὶ τὸ ἀνθρώπου ἐπὶ τῷ μέρει*, quasi intra septimum diem Calidum seipsum comedat. At ille scire debebat ex Budæi *Comm. in Græc. ling.* *ἡμέραν* significare aliquando Ætatem. Quod quia latè deduxit Talentonius 4. *Recondit.* 2. desino plura.

CAP.



## CAP. XXIII.

## Contra Andreæ Planerum.

PROpter convenientiam dogmatum, quæ discipulus cum præceptore, collega cum collega habet, obiter tantum examinabo Theses, quas Argentina 1575. disputavit vir aliqui egregius, & meritis in artem nostram summis. I. Cum calidum nativum distinguit in id quod *οικείον καὶ καθ' αὐτό*, & in id quod *ἀλλότριον, κατὰ συμβεβηκός, κατὰ πάθος*, & *συνδναζόμενον*: ostendit se ignarum esse moris vetusti, de quo jam sæpe. Debet verò is tantò nobis amior esse, quò liberior est ab illa absurditate, quæ unum & idem *οικείον καὶ ἀλλότριον, καθ' αὐτό καὶ κατὰ συμβεβηκός* esse dicit. Et licet respectu quodam differant: non possunt tamen, aut debent dici *ἀλλότρια*, vel idè quia naturalia esse conceduntur. II. Rectè dicitur, Calorem alium in corpore esse *σύμφυτον*, alium *ἐμφυτον*: non rectè autem uterque dicitur *Nativus*. Nam & hoc prohibet consuetudo prisca, quæ *ἐμφύτω* tantum id tribuit. Et debetur illi soli: quia illi soli conservando studet Medicus. Ubi verò fugit, non amplius ille quidquam agere vult. Malè, imò pessimè, quidam calor dicitur *σύμφυτος ἐμφύτος*, quidam *ἐμφύτος ἐπιδύτος*. Quis enim veterum unquam tam ineptè locutus est? *σύμφυτος* scilicet opponitur *τῷ ἐμφύτῳ*, & ille quidem à matre est, hic autem à patre: quò igitur modo copulari possunt à distinctè docentibus? Video, quò tendat: ad inanem scilicet illam distinctionem primæ thesios. Quæ si omnino admitti debet, non debet doceri verbis adeò impropriis, quæque se mutuo tollunt! Quod enim *σ'μφύτος* est, non est *ἐμφύτος*: quod *ἐμφύτος* est, non est *ἐπιδύτος*. Quanto sapientius Veteres, qui uno verbo se expediebant, Calidum in corde, & spiritus in corpore sunt idem? III. *Σύμφυτος* calor est quidem communis animatis & inanimatis: sed non eodem modo generationis & conservationis instrumentum est. In inanimatis quidem seu mistis ita est: sed in animatis *ἐμφύτος* est instrumentum generationis & conservationis. Hæc enim sunt munia vitæ, quæ ipsemet soli *ἐμφύτω* transcribit, adimit *συνφύτω*, cum subiectum *ἐμφύτου* esse ait. IV. *Εμφύτος* calor est tale corpus, quale describit: sed quia differt à *συνφύτῳ*, licet uterque sit elementaris, quæ est utriusque origo? Non potest alia tradi, quàm illa, quam dixi. Tum verò *σύμφυτος* quidem est *οικεία καὶ σχατηύλη*: *ἐμφύτος* autem forma est, aut certè formæ instrumentum. Extinguendo enim hoc calore, manet tamen propria & ultima materia. V. & VI. Cum se jungat se à Galeno, valdè velim scire, Quibus in rebus dissentiat? Certè, cum ad materiam partium similiarium confugit, cum Galeno est. Rursus, cum substantiam ejus facit aëriam: quo modo in vestigio constans est? Ita, si calidum est *λόγος ἐστρώδης διωάμωος*, quem materia in se continet: quo modo est ipsa materia? Nisi enim valdè erro, *λόγος* ille est forma, ut ipse docet. Et, si hic *λόγος* est in singulis partibus, quo modo non vivunt singulæ partes sine corde? quia propter hunc *λόγον* anima inest? VII. Triplex hæc substantia partium similiarium, non explicat, sed implicat. Si enim calor in spirituosa subsistit: quo modo in solida magis firmatur? Atramentum hoc sepiæ est, quo oblitere

rare



rare vult differentiam inter materiam, & id, quod materiæ inest. VIII. Humidi à calido distinctio ne imaginabilis quidem est: calidi in humidum actio planè contra omnem Philosophiam est. *ἡλικαυμα* enim apud Hippocr. sanguis est, ex alimento genitus, aliquid, inquam, à calido diversum, in quod agere potest, cum in se ipsum neuti quam possit. IX. Distinctio humoris in continuativum, alimentarium, & radicalem, nihil planè utilitatis habet. Quod si omnino admitti debet, ab initio debet poni, ut intelligeretur, quid sit id, de quo disputatur. X. Rectè negatur, Calidum hoc esse aërem; rectè quoque docetur esse corpus quoddam aërium: sed malè dissimulatur, Unde sit? & quia, formale quid, quomodo à materia, cui inhaeret, differat? Nam & materia habet quid aërium. XI. Rectè negatur, quidquam esse illi contrarium, quatenus substantia est: sed minùs rectè contrarietati sociatur latitudo ejus secundum individua, ætates, sexus, alia. XII. Rectè illa quoque de quotidiano humidi decremento: non rectè, quæ de calido seorsim annectuntur. Nimis enim quàm manifestum est, toti hoc competere, quod de decremento dicitur. XIII. & XIV. redintegrant nobis Schegkianum illud, de qualitatis quidem assiduo decremento, substantiæ autem augmento, quod dilutius sit. Ut pluribus non sit opus. XV. eandem cantilenam canit. XVI. Fernelianum quid habet de cognitione calidi cum humido, quod valde mihi puerile videtur. Si enim constituunt unum *τόδε τι*, quid opus est talibus? XVII. rejicit nos ad duplicem illam considerationem Calidi, quatenus elementare est, & quatenus instrumentum animæ, de qua si plura dicam, jure succenseant mihi boni. XVIII. Pariter ad *το θύο μύχοι*, Hippoc. nos adigit, Calorem scilicet perimere nos. XIX. Heic traduntur duæ veræ causæ mortalitatis, in quibus tamen desidero, quòd ipsum Calidum implicat his difficultatibus. Interim dixi, Veras esse causas, quia non respuunt explicationem verborum Galeni, i *San. tu. 2.* suprà traditam. XX. Non minùs vera causa affertur, cur tanta sit individuium diversitas in longitudine vitæ, in actionibus omnibus. Omnia enim pendent à diversitate hujus calidi. XXI. Quæ de comparatione dicuntur ratione qualitatis, quantitatis, &c. nihil admirandi habent: imò explicant tantum, quæ in XI. dicta fuerant. XXII. De calore febrili nimis hæc subtilia sunt. Licet enim Medicus pro diversis speciebus habeat: non ob id consentit illi Philosophus. Hic enim negat gradus facere species: ille ait. XXIII. & XXIV. bene se habent, quæ de similitudine calidi hujus cum igne: at pessimè, quæ de dissimilitudine, quatenus consumere etiam dicitur pabulum suum. Illa enim distinctio, Quatenus instrumentum animæ, &c. inanis est, quantumvis ad magnos autores referatur. XXV. Bene se hæc quoque haberent, nisi allitum esset illud, Quoad suam ex elementis compositionem habet. Nam etiam quoad instrumentum animæ est, dupliciter perit, naturaliter & violentè. XXVI. Omnino optimè se hæc haberent, si explicatiùs docta fuissent, hoc fortassis filo. Animatorum duplex est corruptio, altera, quæ animata sunt, quæ calor est *μφύτη*: altera, quæ mista sunt, quæ *συμφύτη*. Appendix rectissimè se haberet, si id solum dentum esset, quod de regeneratione calidi *μφύτη* dicitur. Absque enim hoc quoque si sit, mors citiùs vel tardiùs accedit, prout quisque se gerit in usu sex rerum non-naturalium.

CAP.



## CAP. XXIV.

## Contra Franciscum Vallesium.

Quam verè is docuit 6. *Controv.* 1. *Comm.* item 4. *Meteorolog.* 1. quò se refert *Comm.* in 1. *Aphor.* 14. & repetit *Comm.* in *Prognost.* cap. 2. ut ipse distinguit, aperte falsam esse sententiam illam, Calorem naturalem propriam materiam devastare, atque ita progressu temporis consumptione humidi se interimere, ut loquitur: tam malè se gessit in aliis quibusdam. Et primùm quidem in eo, quòd Hippocrati quoque, Platoni & Aristoteli adscribit opinionem tam ridiculam. Scimus à Galeno afferri locum ex Hippoc. *Calor, qui nos fecit, interficit*: sed scimus hoc quoque, rejici, non *ibi tantum*, sed & 5. in 6. *Epid.* 5. si modò eadem sententia est. Novimus in lib. de *Alim.* legi illa, *Unanatura esse, & non esse*: sed novimus hoc quoque, librum illum Hippocratis non esse. Sed sit: cur explicationis ejus in eum locum non meminit! Fortassis, quia in memoria illi erat Galeni illud, *Per obscura nihil ritè probari vel improbari*. Ex verbis Platonis, è *Timeo* prolatis, si probaverit quod vult, causâ ego discedam ultro. Est autem id, quod Arist. docet de *Respir.* 17. quod quidam de *Vita & morte* 1. faciunt, Quendam mortem esse naturalem, & sine dolore, *ὅταν σωτήκεται τὸ θερμὸν ὃ ἐαυτῷ, cum calidum à seipso colliquecit*. Hoc verò fieri, quòd calidum consumat humidum suum, illius est, qui locum non insepexit. Expresè enim ait Philosophus, accidere ob siccitatem pulmonis, ob quam prohibeatur ventilatio caloris, tam illi necessaria, quàm ulli externo igni, ut se explicat lib. de *Juvent. & Sen.* 5. Nec quenquam moretur τὸ ἀπεπνέχεσθαι, *Evaporasse*, ut Gaza vertit. Non enim à se ipso factum esse oportuit, sed ab aliis causis fieri potuit. Quo fit, ut ne id quidem obstet, quod de *Long. & brev.* 5. dicitur, τὸ φυσικὸν θερμὸν ἀναλίσκοντ' ἄλλω, ἐν ᾗ ἴσιν, *Calidum nativum consumit materiam, in qua est*. Debet enim explicari ex antecedentibus, σωτήκεται αὐτὸ αὐτῷ. Nimirum sunt hæc eadem cum illis, de *Respir.* θάνατος κατὰ φύσιν, ὅταν ὀρεχθῇ (τὸ θανέτω) ἐν αὐτῷ. Item cum illis de *Juvent. & Sen.* μάχησις ὃ ἐαυτῷ. Ut sit sensus, *Mors naturalis, quæ fit per μάχησιν, cui opponitur violenta per σέσις, accidit, cum causa non est extrinseca, sed intrinseca*. Intrinseca verò causa est, cum calidum nativum sponte, & non adhibita vi, deficit, non secus ac cum ignis deficit subtractis lignis. Consumit igitur materiam, quam habet, quamdiu habet: ubi non habet, concidit ipsum à se ipso, quasi colliquantum. Unde intelligitur, quo sensu Philosophus dixerit, Senectutem, adeoque mortem quandam esse naturalem? Accepto scil. vocabulo, ut Galenus explicat in de *Marsino*, pro eo, quod quoquo modo ad opera Naturæ sequitur. Ita, quod docet ipse Valles. (& hoc jam est alterum) senectus est naturalis ex accidenti. Quia enim Natura (loquor ex hypothesi) loco calidi-nativi boni, gignit Calidum non æquè bonum, paulatim labascunt vires. Quo loco non possum non fateri stupiditatem meam! Si, inquam, calor naturalis ex accidenti facit senectutem, cur non ex accidenti quoque facit mortem? Si enim ex bono vino fieri potest mera aqua, si semper desuper affundas aquam: quidni per-

k

petuâ



petuâ illâ calidi deterioris substitutione fieri possit, ut calidum jam non sit calidum, hoc est, tale, quod vitæ sustentandæ aptum sit? Equidem nihil video, quod obster, & à Vallesio vellem explicatum id, quod obstare putabat, quò minùs senectutis & mortis eandem rationem (hac in parte) esse censeret. Quidquid statuerit, Sententia hæc non magis potest quàm altera illa, quam vanam & ridiculam solet appellare. Rectè quidem convincit illos, cum ait, Dicere Calorem naturalem, cum deest alimentum, converti ad proprium humidum, idem est ac fudicas, Hic comedit Hodie carnes bubulas, & calor convertit se ad illas coquendas; cras ubi comederit suillas, calor itidem convertet se ad illas coquendas. Neutiquam enim his exprimuntur actiones caloris ex accidenti. Rectè, inquam: sed quid substituit? Falso modo accidentali alium falsum modum accidentalem. Neque enim, vel ex uno veterum, vel ex ratione probabili docuerit, Calidum subinde augeri, & ita, ut vitiosum sit, quod apponitur. Multo minùs ex Galeno ostenderit, Calidum hoc modo auctum dici adscititium. Quo factum esse putem, cur in *Aphor.* aliud accidens attulerit, *Quia, percibi penuriam, inquit, à majori calore magis uruntur excrementa, quæ usque urunt membrorum substantiam.* Non dubito, exemplariter illum loqui, & de aliis urentibus idem dicere voluisse, quod de inedia. Tum verò si rationem de omnibus solidis dictam, ad Cor solum adstrinxero, constituetur prima & interna seu accidentalis causa interitus nostri, de qua suprâ locutus sum. Cui adjungere licet alteram & externam, quæ per se est, quam Vallesius profitetur iis verbis, *Dissolvi calorem nostrum à rebus, quæ à Medicis dicuntur Non-naturales, quæ, inquam, perpetuò nos alterant, Aer. ambiens, Motus. & quies, &c.* Duas has causas proponit etiam illis verbis, *Si hominis membra ab ambiente nihil alterarentur, &c.* quæ vide, ut ampliùs intelligas, Vallesium rectè vindicare Calorem nativum à calumnia, quam incauti potiùs quàm mali Philosophi impingunt illi. Reverà, calor naturalis cujusque rei conservat, nutrit, auget, & perficit rem, cujus est. Non ergò idem calor consumit, qui conservat & pugnat contra causas confumentes, ut loquitur ipse. Atque utinam vir magnus adhibuisset eandem diligentiam in indaganda sede Caloris hujus!! Profectò, non spoliasset cor (quod fontem omnis caloris esse noverat, & quo non affecto, calorem febrilem per universum corpus didi posse negârât) suâ prærogativâ, & discerpisset in tot fontes, quot sunt corporis partes!! Non confudisset calorem *σύνφυτον* cum *ἐμφύτῳ*, adeoque omnem substantiam calidam & humidam, quæ ab ortu nobis inest, Calidum nativum dixisset! Non quæsiisset Naturam in Natura!! Et, per Apollinem, nisi nobis det, quod volumus, quomodo *Comm. in lib. de Alim.* scribere potest, Calidum innatum in nobis duplex esse, & ab autoribus appellari, aliquando partem substantiæ nostræ, quæ à calidis elementis est: aliquando spiritum & sanguinem, quo modo animi passionibus, iram, gaudium, pudorem, esse dicamus affectiones calidi innati? Quomodo docere potest, Hippocratem i. *Aphor.* 14. accipere Calidum innatum de substantia? mox *Aphor.* 15. *se 9. de Spiritibus?* Si interrogem illum de origine Spirituum, respondet mihi ex doctrina de Febrib. E corde esse. Si urgeam, non poterit mihi negare, In Corde esse aliquid substantiale, quod foveat spiritus. Hoc ostendo ex *1. de Palp. & trem.* 6. ubi de spiritu tantum agi, ille autumat. Ego autem.



autem inspecto loco didici, Nisi principium (& hoc verbo utitur Galenus, addendo mox *Proprium*) aliquod Caloris statuatur, non posse dari causam motus illius reciproci, qui ibi describitur. Principium autem quod aliud sit quam Cor? Idem dico de loco illo suspecto *Ep. d. Anima hominis semper sit, &c.* Ut enim verum est, priora hæc omnino accipienda esse de Spiritibus: ita posteriora, *ἐν δὲ πνεύματι*, de alio quam de substantia in corde cumulata intelligi, non facile concessero. Quæ dixisse volui, ut tantò conspectior fiat veterum mos, cujus toties jam memini, eodem nomine vocandi & Calidum, & sobolem Calidi, Spiritus.

## CAP. XXV.

## Contra Thomam Rodericum à Veiga.

Quæ ille communia cum aliis habet errata, non tangam, ne videar studio mihi conquerere hostes: quod proprium videtur illi esse, leviter castigabo, ne qui deceptos se queri possint autoritate viri. Quæstio est à Turnebo, Paparella, aliis agitata, Calores distintne specie? Noster *Comm. in 1. Diff. feb. 1.* rectè docet, non differre. Quin, cum propius ad hominem esset accedendum, *Naturale*, inquit, & *innaturale*, addit a calore, non dicunt *entia realia*: sed *solas relationes, vel intensiorem gradualem caloris*. Hæc cum accommodanda essent doctrinæ de febribus, quando quæritur, Cur Galenus calorem febrilem seu extraneum habeat pro contrario naturali, dicatque, Illum quidem putrefacere, hunc autem coquere: quid respondet? Hoc, si rectè capio, Calor consideratur, aut in abstracto, aut in concreto. In abstracto semper idem & unus est: in concreto variat pro varietate subjecti. Cum igitur in corpore humano multæ sint partes, quæ non æqualiter febricitant, in iis quidem quæ jam calefactæ sunt, calor est putredinosus: in iis autem, quæ adhuc calefiunt, coquens. Licet igitur (vult dicere) calor utrobique sit idem specie: non facit tamen unum ratione subjecti, in quo est. Verumtamen, addit, Hoc in Ephemeris tantum, & Putridis locum habere: in Hæcticis non habere, quia ibi uterque calor in omnibus partibus æquabiliter est. Et quia non dolent, nec sentiunt se febrile, signum esse, non esse pugnam, ob quam rem insanabiles sunt. Quid minùs expectes quam hoc? Ut hinc incipiam, Probabo ex ipsomet, calores etiam subjecto esse idem. Ignis à sole, mediante speculo productus, non minùs urit quam ignis è culina acceptus. Plantæ è putri gleba genitæ, non minùs calidæ sunt quam eæ, quæ ex femine sunt productæ. Id verò non aliunde habent, quam à Sole, inflammante pingue illud in gleba. Sed sit hoc nihil. Agimus de calore animali, hoc est, de calore, qui jam in subjecto est: idèò dicere oportet, Quo modo sit unus specie, & in sanitate, & in febris? Nec quidquam juvat partium diversitas, cum uterque, tam naturalis, quam febrilis, subjectum unum habeat, Cor. Quin, hæc ipsa partium diversitas introducit duos calores. Si enim heic est putridus, ibi naturalis, quo modo non sunt duo? Et fatetur in hæcticis ipse, ut pluribus non sit opus. Ut igitur defendi possit thesis Veigæ, operæ precium fuerit redire ad superiora, in quibus dictum fuit, Calorem, quamdiu vivit animal, unum



& eundem esse: apparere autem diversa opera, tanquam à diversis substantiis prodeuntia, quòd semper Natura aliquid moliatur interim, dum hostis præ foribus est. Utramque igitur actionem dum intuetur Medicus, & hanc quidem impeditam vult, illam adiutam: considerat tanquam diversos calores. Et hoc usus illi persuadet, quem pro cynosura habet, non res ipsa. Quo de discrimine alibi fortè plura dicam. De hæcticis duplex causa afferri potest, quarum altera ex principiis Peripateticis est, altera ex Medicis. Non sentiunt, vel quia caro partium (hanc enim sensus instrumentum facit Aristoteles, ut notum est) absunta est: vel quia facultas est debilior, quàm quæ ex corde tam graviter affecto prodire possit, quò debet. Ab hac causa sunt etiam maligni dicti calores, reverà magni, sed qui non apparent tales, ob facultatem læsam. Cæterum, quæ contra Fernesium assert Veiga l.c. videri possunt. Mihi si satis fecissent, pepercissem labori, quem summi in illo refutando.

## C A P. XXVI.

*Contra Petrum de Peramato.*

**H**ic cùm vellet fovere contentionem, quæ fuit inter vivos, Vallesium, & Thomam à Veiga, summi defendendum sibi illud, Calorem perimere se ipsum. Locus est de Temper. c. 15. Ibi cùm rationes ultrò citroque attulisset, Cur animal videri possit, aut non possit mortale? conatur Galenum quoque inducere in opinionem illam, ventilatque locum in de Marasmo. è quo Vallesius contrarium probârat. Non tollit, inquit, Galenus paulatinam exsiccationem, sed improbat modum. Flamma enim sic corruptione materie subjectæ: calor noster fit refectione, quam calor operatur, quâ natus, sed iterum absunit, quâ calor. Hos velle Galenum arguant verba, Hoc sanè exemplum iis, qui à febre corrumpuntur, accommodari posset, &c. Et addit: Exsiccari corpora secundum quandam naturalem consecutionem, & hoc ob calorem innatum fieri, omninò verissimum est, quemadmodum & in 1. Sanit. tu. ostendimus. Verba sunt initio cap. secundi, ubi propter insitum calorem, substantiæ fluorem in animalibus fieri is ait. Nec dissentit 7. Aphor. 57. cùm ait, Extrinsecus quidem ab ambiente, intrinsecus autem à calore nativo absumi corpus. Hæc si animadvertisset Vallesius, inquit, non dixisset, Calorem naturalem, nisi in non naturalem migret, non consumere subjectum corpus. Sed ita calidum aget in se ipsum, itaque erat actu & potentia simul? Respondet, In simplicibus ita est. At in compositis elementum prædominans semper se exserit, quamvis lentè. Sed ita calor erit se ipso calidior. Quod enim calefacit, est calidius illo, quod calefit. Respondet, Non calefacit se ipsum: sed dum servat calorem suum, facit evaporare humidum suum. Hæc ferè ille: quid nos? Antiquissimam esse opinionem, nemo dubitat: sed an ob id verior? Quamvis igitur ita senserint fortè Hippoc. quoque & Gal. tamen id nihil præscribere potest validissimis rationibus, quæ in contrarium sunt, vel ideò, quia tam frivola sunt, quæ illis opponuntur. In simplicibus, quia simplicia sunt, quomodo potest esse actus & potentia? quo modo simplicia sunt, & non sunt? In compositis, quatenus

com-



composita, quomodo admitti potest actus & potentia? Quod simplex est, non potest dividi in duo. Quod alterat, alterat aliud. Quod alteratur, alteratur ab alio, ut ex Arist. Schegkium docere audivimus. Quod compositum est, sive, ut clarius dicam, quod ad unitatem substantiae redactum est, pariter non dividi potest in contraria, in actum & potentiam. Pugna enim elementorum tamdiu durat, quamdiu misti generatio: hac absoluta, misto jam constituto, desinit pugna, adeoque corpus jam est *ἀπὸ θύς*, ut ex eodem Schegkio didicimus. Quam verò *ἑνὸς* est illud, *Non calefacit se ipsum: sed dum servat, &c.* Oportet enim sit actio, & actio inter contraria. Ad Calidum nostrum quia est unum *τόδε τι*, & consideratur heic ut unum: quomodo dividi potest in contraria? in agens & patiens? Omnino, lapides loquitur Hispanus hic, alioqui non incommodus, quales jactare solent ii, qui, ut Gal. alicubi scribit, cedere non didicerunt, similes luctatoribus iis, qui in terram prostrati non dimittunt adversarium, ne videantur victi, ut verà sunt. Vide 3. *Gen. hom. 3.*

## G A P. XXVII.

## Contra Gometium Pereiram.

QVem suprà cum Gallis junctum oportuit, jungam heic cum popularibus, quod non nisi per consequentiam quandam huc trahi possit, quatenus scilicet spiritum Stoicum defensat. Sequar autem planè filium ipsius, quod in opere suprà cit. *ne cit à fol. 353. usque ad fol. 397.* Principio de plantis agens, negat semina illarum esse fecunda. Aut, inquit, granum hordei, tritici, secales, formam hordei, tritici, secales habet, aut non habet. Si hoc, non potest conferre. Deliri enim est putare, posse aliquid facere quid, quo perfectius se sit. Si illud, cur terræ commissum, non alitur modo plantarum, sed corrumpitur? Heic statim apparet plumbeū viri acumen. Quo enim modo corrumpitur? Ut nihil sit? Non puto dicturum esse. Nec satis est, quod ait degenerare in materiam. Quæro enim, cur ex grano tritici sit triticum, non alia planta? Hæ, inquit, quid facit intybum, borraginem, acetosam, iis locis, quibus semen harum plantarum factum non est? Apud me planè dubium est, an quisquam viderit has plantas ex putri natas. Non nego ego valde, quasdam ita exsistere: sed hoc nego, subito dici posse, ex putri ortum esse id, quod crescit ibi, ubi verisimile non sit, quenquam sevisse. Quis enim nescit, casu ibi spargi potuisse semen, à vento deferri, in iis, quæ papposum semen habent? Sed & non necesse est, omnia fieri per semen. Cum enim, ut infra dicitur, plantarum propagatio non sit uniusmodi: quis spondeat mihi, in ejectis v. g. è piscinis sordibus, non fuisse radículas persicariæ, eupatorii cannabini, aliarum, quæ paludibus gaudent? maxime, quia semper aliquid terræ è vicina ripa sumitur? Sed sit ita: jam suprà dixi, non esse miscendam generationem *συνέκτιστον* cum *ἐκείνῳ*, certum cum incerto, tenebras cum luce. E grano igitur tritici, quia video non nisi triticum fieri; imò, quia video, aliquid in grano tritici, quo derafo non germinat: dico, In grano tritici esse vim quandam, quam tu spiritum genitivum non ineptè dixeris, qui ipse tam doctè



fistulet calamos triticeos, qui eosdem ita laxiget forinsecus, qui granum aliud simile producat! Si dixeris, non posse hæc talia esse ab agente, quod intellectu caret: dicam ego cum Gal. 5. Aph. 39. Deum, qui ista instituit, usum esse intellectu, adeoque reliquias has esse iussus divini, ut alibi docui. Quare, ut possis te explicare, distingue inter res fientes & factas. Granum tritici non potest ali ut triticum, quia triticum nondum est. Alitur igitur, ut semen tritici, hoc est, alimentum è terra trahit, formatque triticum. Hoc dum facit, perire ipsum necesse est. At quomodo? Ut coagulum perit in caseo, fermentum in pane. Mutat enim <sup>actum</sup> tantum, & fit calidum nativum tritici, quod erat semen tritici. Propterea etiam dici debet, granum tritici habere in se quodammodo formam tritici, potentiâ, inquam, proximâ, seu formali, de qua mox plura erunt dicenda. At ita minus perfectum faciet aliquid, quod perfectius est seipso? Dico, iterum, distingue fientia à factis. Nam quod potentiam habet ad actum, est imperfectius actu suo: interim à potentia ad actum esse viam videmus. Quin distingue rerum ordines. Ex inanimato non fit animatum, ex planta non fit animal, ex animali non fit homo. Ut hæc nus quidem in plantis nihil confectum videam, ne per absurda quidem illa, quæ sub finem colligit. De animalibus deinde ita videtur argumentari. Forma est, aut à patre, aut à matre, aut à semine patris. Non à patre: accidit enim sæpe, ut à coitu moriatur. Non à matre: quoties enim daret masculum, daret aliquid se præstantius. Ergo à semine patris. Sed neque hoc dici potest: quia semen non sentit, ne punctum quidem. Hæc quis non videat miseram colluviem, nullâ lege Logicâ fultam? nullâ ratione probabilis stabilitam? Nihil enim refert, etiam si pater non adsit, quando quidem non incubando format, ut gallina, sed misso in uterum semine. Quin in oviparis mas nihil amplius agit, nisi si fortè aliquando gallinæ vices subit in incubando. Sed & incubitus ille nihil facit ad formam, quando una avis excludere potest diversi generis pullos. Ex quibus manifestum est, semen à patre emissum, habere jam in se vim, quâ properet ad speciem suam. Ad matrem scio referre Horstium, alios, quos nihil attinet hæc refutare. Sunt enim contra illos longè fortiores rationes, quàm illud de perfectione. Relinquitur ergo semini hoc, quod dixi. Id verò ut animal (cujus essentia in sensu est) constituat, nihil opus habet sensu. Sentiet enim animal, ubi instrumenta sensui commoda habuerit. Noverat ille hanc solutionem, idè conatur infringere. Perinde est, inquit, ac si dicas, alimentum per os assumptum, sanguinemque ex alimento factum, sentire: quia, ubi in partes mutatum fuerit, sentiet. Quod enim tibi licet dicere, addit, de generatrice: id mihi de nutrice licet. Si ergo hoc falsum est, ut est, erit illud quoque. Non est par ratio, inquam ego. Semen in generatione animalis, est causa efficiens, quæ mox degenerat in formam, ut suprâ docui: at alimentum & sanguis in animali generato mera est materia. Hæc responsio cum contineat distinctionem, quâ dicitur, Semen esse animatum, non formaliter, sed virtualiter: aggreditur hanc quoque, & non sine pipulo, Esse merè verbalem, similem aliis multis, quas nemo intelligat, aut ubi intellexerit, nihil videat facere ad rhombum. Quid enim est, inquit, Virtualiter esse animatum? an habere vim producendi animam? Si hoc volunt, cupio scire, Virtus hæc sitne accidens, an substantia?



cia? Accidens non dicent, quippe quod substantiam producere non possit. Substantiam ergo dicent. De hac iterum cupio scire, Sitne minus perfecta animâ sensitivâ? an magis? an æquè? Si æquè, falsus est Aristot. qui formas comparat numeris, quorum alius alio perfectior est. Et, cum seminis facultas specie differat ab animali gignendo, quippe quæ in generatione corrumpitur: quo modo æquâ perfecta dici poterit? Si minus, sequetur absurdum antea tactum, Minus perfectum posse facere aliquid magis perfectum. Relinquitur ergo, ut sit magis perfecta, & per consequens, semen bruti perfectissimi, æquè perfectum erit atque homo, &c. Hanc ille catenam nequit, quam subito incisam esse videt, qui meminit superiorum. Addo ego, pro majori luce, hæc pauca. Dicit Aristoteles, non referre, si semen dicas generare, si patrem. Cum igitur dicitur, *Minus perfectum, &c.* accipere oportet de speciebus factis. V.g. planta non potest facere animal, animal non potest facere hominem. Et notum est ex Gal. *l. de Marasmo*, Semen habere se medio modo inter animal & plantam. Non enim sentit, ut animal: habet tamen *σπέρμα* ad animal, quod sentit. Quamobrem peculiare viventium genus constituit, ut docui *libb. de Gener. hom.* Post hæc, cum Pereira promississet *κεῖνός ἐστιν* illud Fernelianum de generatione *οὐκ ἔστιν*, stabiliisset etiam ex August. *l. 3. de Trinitate*: incipit Aristotelem, ejusque Interpretes variè lacessere. I. Quod illud *2. de Animâ, 4. r. 34. Naturalissimum est, &c.* non possit adstringi ad perfecta viventia tantum, cum & imperfectis hoc competat, & non viventibus. Quo ipso quid lucratur? Hoc enim vult Philosophus, Cum perfectorum & viventium multa sint opera, naturalissimum omnium est generare sibi simile. Si falsum esse contendere volebat, alia arma induere debebat. II. Quod alterum illud *2. Gener. 3. Inest in semine omnium, &c.* non possit accipi de generatione ex elementis. Ego verò vel ideo de illa accipio, ut dixi, quia ait, Spiritum gignitivum esse analogum cælo, non cælestem. III. ait, Aristotelem esse suffuratum sua ex *Timæo* Platonis. Ego verò certus sum, longè aliam Platonis de animâ sententiam fuisse! Quâ de re videri potest *Plut. lib. περὶ τῆς ψυχῆς φύσεως*. IV. Vellit illud *2. Gener. 1. Fortassis est, ut generatio fiat ab extrinseco, fortassis non est. Quæ ἀσάφιστα* illi visa fuisse non miror, quod neglexerit ea, quæ statim sequuntur. Quo enim modo utrumque esse potest? Quatenus pater, qui semen dedit, dicitur efficiens: eatenus generatio ab extrinseco est. Quatenus semen, à patre latum: eatenus ab intrinseco est. Ut enim alibi ex *1. Gener. 22.* docetur, semen est instrumentum intrinsecum. V. Ridet similitudinem, quam Aristoteles ab *ἀνθρωπότητος* sumit, ridendus ipse. Hoc enim vult Philosophus, Quemadmodum opus non est, ut artifex, qui traxit primam rotam, adstet, trahatque reliquas, sed prima tracta trahit reliquas omnes: ita necesse non est, patrem, qui generat, semper adesse, cum, postquam semen dedit, abesse possit, semine interim movente sanguinem maternum ad generationem animalis talis, quale erat illud, quod semen dabat. VI. Damnat similitudinem, à geometra sumtam. Quod quia accommodavi *libb. de Gener. hom.* non abutar heic tempore. VII. Apertam contradictionem esse ait in illis Aristotelis verbis, Semen habere animam & esse potentia: Quod dicturus non erat, si distinguere potuisset potentiam proximam seu formalem, à

remo-



remota, seu materiali, scivissetque, formalem illam coincidere cum actu primo. Quæ causa est, quod Aristoteles, qui semen dixit *δυναμὴ* esse, non rarò dixerit *ἐνεργεία* & *ἐντελεχεία* esse, ut ostendi *l.d.* Quamobrem desino plura, vel ideò quia ambigunt sapientes, uter stultior sit, isne, qui stultè loquitur, an is, qui stultitiam manifestam longiore impugnat oratione. Sollicitè quidem excusat se Gometius, quasi Veritatis amore faciat, quod facit, nullo in Aristotelem affectu sinistro: Ego verò nihil tale video, nisi si iudicio lapsus est, quod vix videtur dici debere de eo, qui in trigessimum annum prelesserit Margaritam suam.

## C A P. XXVIII.

## Contra Franciscum Bonamicum.

**P**rimus & leviculus hujus error est, 8. *Motus* 8.3. *Alim.* 41. & 42. quòd, contra consuetudinē veterem duos facit calores, *Alterum*, fixum, ut sic dicam, in Corde, quem primigenium vocat, & *φύξις* inesse non negabit, quòd per illum Natura fiat & maneat: *Alterum* influentem, ex corde, puta, in reliquis partes, quem *κατὰ πᾶσι τοῖς μέλεσιν* nuncupat. Ut enim jam sapiculè dixi, Utrumque (his quidem terminis) eodem nomine vocabant prisci, quos jure sequimur. Alter error, & graviusculus est, quòd distinguit calorem ab humore. Licet enim ut diversa concipi possint: tamen, quia faciunt unum *τόδε τι*, non videtur committendum, ut distrahantur. Nimirum, Calidum-nativum vocamus hoc corpus, quod ex calore tanquam formā, & humore tanquam materiā consistat. Nec me movet, quòd Arist. *de Vita*, 2. videatur separare. Per *τὸ θεμνόν* enim intelligit hoc *τόδε τι*: per *θεμνὸν ψυχῶν*, animam sensitivam, quæ in illo sedem suam habet, utiturque illo tanquam instrumento suo. Interim, valde observanda sunt, quæ *de Alim. c. 41. extr.* de origine & officio hujus Caloris affert. His addere licet, quæ *lib. 1. cap. ult.* de differentiis & varietate ejusdem eruditè disputat. Tertius, & omnium gravissimus est, quòd 7. *Motus* 36. concedit, Agere in se ipsum. Ita loquor: quia mirificè æstuat, hinc quidem vitare volens scopulum, qui immortalitatem gestat super capite ipsius, si tamdiu vivitur, quamdiu conservatur, restituiturque: illinc autem alterum, qui non permittit aliquod humidum non difflari, si agat in illud calor. Ratus igitur se medium quid invenisse, explicat rem tali simili. Finge, inquit, aquam esse in vase ad ignem, eamque continuè absumi, ut fit, tametsi partes ejus rariores fiunt exhalantque, & affluè de aqua delibatur quid, quia alteratio non cessat; nihilominus eadem aqua substantia, sed minor, in alteratione versatur: ita & humor ille, in quo vita consistit. Heic ego valde cupiam scire, quomodo Calidum-nativum, quod unum est *τόδε τι*, contendit possit cum igne & aqua, quæ duo sunt? In aqua hoc fieri mirum non est, quia ignis subiectus facit alterationem, ignis, inquam, qui revera est *ἄλλο τι*: in Calido autem nostro quei fiet? De hoc igitur omninò verum est, quod toties jam dico, & quod ipse 4. *Alim.* 20. & multo antè 8. *Motus* 41. tanto cum apparatu docuit, & quod ex Schegkio non ita pridem, quin Galeno ipso, *in præs.* erui, *Unum, quia unum, non agit in se*, quia nihil simul est



est actu & potentia, sive, nihil simul est, & non est. Quâ de re, ut dudum innui, actum est mihi, 2. *Gener. hom.* Sed sit, non *ἀγνοία*, ignorantia, sed *ἀπρόσεξις*, inadvertentia: mihi planè incomprehensibile est, quomodo obtinere se posse speret, aquam, quæ ex evaporatione minor sit, non minus! Ridebunt procul dubio pueri Pharmacopœorum nostrorum, qui decoctiones jubentur facere ad medietatem, ad tertias! Ergo, si non obtinet, quod vult, pariter non obtinet, Calidum manere idem à principio vitæ ad finem usque! Multo minus, quod *ἑστὶν* ipsius est, formam viventis servari! Ita autem se res habet, Calidum nativum decrevit: veruntamen non à se, sed ab aliis causis. Quemadmodum igitur absurdum dictum non est, Materiam humanam esse eandem, licet subinde aliquid dissipetur, & aliquid instauretur: ita absurdum non est, Calidum nativum fieri minus, quatenus scilicet pars corporis est. Interim forma manet eadem, quia, quatenus materiæ immerfa est, aliquo modo recipit magis & minus. Quin ait in hoc vestigio, Formâ variari cum materia. Non error, sed fuga est, quod quarto loco animadvertendū esse duxi. Quæstio est jam sæpe tacta, An restituatur calidum? Videbat ille, quod detrimentum rebus suis allaturum esset, si concederet restitutionem. Ideò causatus difficultatem, egere ait distinctionis cujusdam subtilioris. Ea est, Restitui, vel in specie, vel in individuo. Hæc est subtilitas digna marginatore illò Scaligeri in Cardanum. Neque enim hac de re quæstio erat: sed de individuali. Dubitare enim velle de specifica, esset de rerum generatione dubitare. Quin nego *Ἀγρίππῃ*, in individuo ullam esse restitutionem. Quinto loco excutiendum esse videtur, quod disputat in *de Motu*, oratione satis fusâ & perplexâ, Quo modo differat Calor febrilis à nativo? Ratio dubitandi est, quod in febribus appareant quædam opera hujus, quædam illius. Bonus amicus ab intio repudiat Alexandri *Comm. de febr.* sententiam, quæ est, Non differre, nisi quatenus febrilis est intensior. Contineri autem febrilem sub nativo, quemadmodum tertius gradus continet secundum, & triangulus diangulum. Hinc fieri, ut utriusque opera appareant, sed nativi quidem debiliora, quod habeat rationem secundi gradus: febrilis autem potiora, quod tertii. Hanc, inquam, sententiam repudiat, quod Natura semper agat pro summo gradu virtutis suæ. V. g. si antea agebat ratione secundi gradus, postquam in tertium degeneravit, agit etiam ratione tertii. Ubi (addit) duo sunt, quæ agunt, oportet actio sit à diversis speciebus, quarum altera habet rationem materiæ. Propositurus igitur propriam sententiam, inculcat suam illam duplicem calorem, quorum alter sit inlitus, alter influens, & de utroque agit. De primo ait, Quemadmodum absurdum non est, in uno subjecto plures esse formas, ut docui l. 6. c. 33. ita absurdum nō est duos esse calores. Hoc declarat exemplo. Quemadmodum in aëre calefacto duplex est calor, alter naturalis, per quem aër est quod est, alter ascititius, à calore Solis v. g. quia hoc discedente manet ille, sine tamen novâ generatione. ita accidit in febrī. Cui respondeo, Plures esse formas in eodem subjecto, sed subordinatas, nego, ejusque rei causas dixi lib. 2. de Thor. Sed sit nunc ita. Argumentum totum consistit in similitudine, quæ quantum habeat virium ad probandum, dicendi locus heic non est. Idem dicere poteram de aëre, nisi brevior esset via. In aëre æstivo non est novus calor, sed intentio Caloris nativi. Hæc quia  
1  
asci-



ascititia est, ab it, manente statu secundum naturam. Hinc apparet, quantum tribui debeat probationi, quam ex *Categoris* sumit. Nativus calor, est  $\epsilon\zeta\iota\varsigma$ , inquit: febrilis est  $\alpha\lambda\gamma\delta\epsilon\sigma\iota\varsigma$ . Nam modi illi attribuenti, seu, ut vulgò loquimur, prædicandi diversi, non inducunt diversitatem in rebus ipsis. Ut igitur levis scientia Geometriæ non differt realiter ab habitu Geometrico: ita dici non debet, maiorem caloris gradum differre realiter à minore. Si enim differunt, jam sequitur absurdum, quod studiosè declinat Bonamicus. Absurdum hoc est, si specie differunt, differunt etiam numero: si numero, etiam subiecto. Declinatio absurdi hæc est, Numero quidem differunt: sed non subiecto, & id quidem non simpliciter. Hoc ita explicat. In materia duæ considerantur potentia, altera, quatenus recipit; altera, quatenus recipit hoc modo. Utriusque caloris eadem est materia, idem subiectum reverà: at cum consideratur, modus receptionis, alter fit in intimam substantiam, alter in superficiem tantum. Nativi caloris receptio fit in intimam substantiam: febrilis in superficiem. Hinc idem est subiectum, & non est. Heic ego perplexus in novitate dum circumspicio, meram video  $\omega\epsilon\gamma\gamma\lambda\alpha\iota\alpha$ . Modus enim receptionis non facit ullam diversitatem in subiecto. Idem manet ferrum, sive intius igniatur ad eò, ut candeat, sive calefiat tantum. Propterea etiam manet hoc, Neutiquam differunt subiecto: si hoc, non differunt etiam numero, sed intensione. Videat, credo, lubricitatem ipse: idèd distinguit inter subiectum inhaesionis & denominationis. Licet dicam, inquit, totum Calidum esse affectum: fieri tamen potest, ut illud tantum sit affectum, quod influens vocamus. Nativus igitur si in corde est, febrilis in humoribus: quo modo non habent diversa subiecta: quo modo non dici possunt numero differre? Bonus Philosophus, malus Medicus. Hoc enim de necessitate febris est, (de confessione omnium Medicorum) ut cor sit affectum. Sed sit hoc verum de ephemeris & putridis: quid fiet de hecticis? Ad eò heic nulla est differentia, ut cogatur fateri ipse, non nisi febrilem calorem esse in hecticis, quod reverà falsum est. Hinc intelligitur, quanti sit facienda responsio ad argumentum, Quæ conveniunt in materia, conveniunt etiam in forma. Semper enim se mutuò respiciunt, habentque communia attributa. Quamvis enim materia dicatur dupliciter posse recipere: non tamen inde fit potentia, multò minùs dividi potest in proximam & remotam. Intelligitur etiam, quid sit sentiendum de  $\epsilon\upsilon\varsigma\alpha\sigma\iota\varsigma$  &  $\alpha\upsilon\tau\iota\mu\epsilon\gamma\epsilon\varsigma\alpha\sigma\iota\varsigma$ , quas opponit ultimæ rationi, Magis & minus: non variare speciem. Mera enim  $\lambda\omicron\gamma\omicron\mu\alpha\chi\iota\alpha$  est: Non est major & minor calor, sed copiosior, & acrior. Quin major est, est etiam copiosior, atque idem acrior est, cujus respectu nativus est minor. Concessio mutat  $\alpha\epsilon\iota\pi\omicron\upsilon\theta\iota\varsigma\eta\mu\iota\varsigma$ . Non enim si in Ethicis ita est: (refert se ad *l. 1. c. 4.* ubi ex Arist. 8. *Eth. 8.* Theophrasto *l. 1. c. 1. παθῶν*, & Simplicio, id probat) in Physicis subitò ita etiam est. V.g. Ita in hoc gradu est virtus, in illo vitium: datio in hoc gradu est liberalitas, in hoc magnificentia, idèd differunt specie. Constat enim hæc in certa ratione, potius mediocritate, ultra, citraque quam vitium est. In Physicis non est ita. Nempe enim species heic constituuntur ex principiis internis, ut docet ipsemet *l. 2. c. 42.* Quo ex loco si Meteora afferre volet, dicam, In omnibus iis, cum alia forma aliam numero materiam esse, qualem heic nunquam probabit. Si item sanguis-



sanguinem & spiritus: negabo, Calorem illorum rectè dici adventitium, & extrinsecus adjunctum, quandoquidem calor ingreditur definitionem sanguinis, ut Aristot. docet 2. Part. 2. Sed satis de primo Bonamici calore: de altero non satis certus sum, quâ in re differre illum velit à primo. Quæ enim de perturbatione materiæ fusâ oratione disputat, nunquam mihi persuadebunt materiæ seu subjecti diversitatem. Cæterum, quæ dicuntur de majore propensione caloris ad suum opus quàm ad alienum; quæ item de latitudine temperamenti, cum qua functiones naturales conservari possunt: videntur mihi proderet totum negotium. Hoc enim est, quod jam aliquoties docui, Non perit calor natus; neque verò ita etiam premitur, ut nihil agat: sed obscuratur. Quamobrem etiam nulla est necessitas in illa *ἐν τῷ σώματι* contra Alexandrum, Actionem semper fieri ab ultimo gradu. Illud enim cogitare *ἂν* oportet, Calorem esse instrumentum tantum, quo anima utitur pro suo libitu. Quamdiu igitur anima adest, tamdiu integritatem aliquam caloris in morbis superesse necesse est. Malum, inquit Philosophi, non reperitur in universo, nisi munere boni, quod in eo servatur, in quo bonum. Quamobrem nunc ita dimitto Bonamicum, Quemadmodum aqua fervere facta habet potentiam redeundi ad frigus suum: ita calor, conversus in igneum, habet facultatem (non tamen infinitam, ut aqua) revertendi ad gradum suum naturalem. Hoc tantò dico confidentiùs, quod ipse 2. Alim. 32. videatur mutasse sententiam, & hoc ipsum docuisse. Ait enim, Calorem in febri considerari, nō ut habitum (ubi enim habitus, jam in perniciem est) sed ut actum & passionem, quarum hæc cum sit fortior illo, sola moveat sensum. Vetum tamen (addit) quod ubi superest habitus, etiam non nihil actus, licet non sensibilis, superstes est: ideo quoque non nihil à calore nativo præstatur. Cæterum, qui hanc nostram sententiam multis argumentis, præcipuè ex praxi petitis, probatam videre volet, Cardanum adeat 2. Contradic. tr. 5. c. 18. An totum hoc de duplici calore commentum, manat ex ignorantia *τῆς παρὰ εἰδός*, quam etiam *ἡγεμονία τῆς ἰσχύος* vocamus. Hic enim in artibus permittit nobis dicere, specie differre, substantiâ, operatione, qualitate, &c. quæ in scientiis & reverà differunt tantum secundum magis & minus. Hæc enim differentia tantam facit in fine varietatem, quantam in subjecto species ipsæ. Hac de re fusè egi in discursu de *Pedia*.

## C A P. XXIX.

## Contra Joan. Costæum.

Qvem videbam pleraque omnia dextrè explicare, mirabar Calorem nostrum face-  
re accidens! At cum diligentius inspicerem, cœpi videre hypothesin falsam eò per-  
pulisse virum. Si enim sedes Calidi innati, non solidæ tantum partes sunt, quod ii di-  
cunt, qui paulò pudenciores sunt, sed & spiritus & humores: quo modo dici potest, par-  
tes esse compositas ex duabus substantiis? Item, si calor alius est fixus, alius influens, &  
quidem uterque rectè dividitur in vitalem, animale, & naturalem: siquidem tot sub-  
stantialia concurrunt in uno, quid fiet denique? Quamobrem placuit retexere, quæ scri-  
bit



bit 3. *Disq. Physiol.* 3. ut certi simus, quid boni, quid mali habeant? Principiò, valde placet libera oris confessio, cum dicit, se ea prolaturum, quæ nuda dicit ratio, quæque à Veterum doctrina non dissentiant. Equidem fateor, Calidum innatum oculis obviū non esse, idèò magnas de eo, apud Veteres quoque, obscuritates esse. Interim, si quis velit intueri in rem potius, quàm in hominum *ἑρμηνείας*; deligere autem ex conjecturis honorum virorum, quæ ad rem potius, quàm quæ ad hominem: ille concludere possit, Aristotelem illa rectissimè docuisse. Quem si consulisset Costæus, ante omnia distinxisset Calorem rerum *σύνθετον*, qui in mistis seu inanimis etiam est, à calore *ἑμφύτῳ*, qui in animatis præter illum est. Tum verò si circumspexisset, quid in iis animalibus, quæ sexu distinguuntur, à patre sit, quid à matre: invenisset, ab hac quidem *τὸν σύνθετον* esse, ab illo autem *τὸν ἑμφύτον*. Denique intellexisset, *σύνθετον* quidem in solidis & humoribus esse: *ἑμφύτον* autem esse ipsissimos spiritus, quique animet & partes solidas & humores. Hac vià si ad Cor perductus fuisset, considerassetque prærogativas ejus præ reliquis partibus: fortassis nudæ rationi subrogasset demonstrationem Apodicticam, à Veterum doctrina tam nō alienam, quàm possit esse ulla alia. Et ne longè abeam, Quàm vicina est illa, quam subicit, Calidum hoc non esse cœleste, sed elementare! Quia enim, de sententia Aristot. est instrumentum animæ vegetativæ; hæc autem, de sententia ejusdem, est corruptibilis: quei dici possit, Instrumentum esse nobilius eo, quod utitur instrumento? Quamobrem jure explicat *σῶμα* illud *θεώτερον*, non de alio quodam corpore, quàm elementari. Et rursus non de simplici, quod urendi, corrumperique vius habet: sed de composito, quod ad eam mediocritatem redactum est, ut cum cœlo conspiret in virtute vivifica. Hoc corpus si in cor recipi, ut coagulum in lac, cognovisset: vidisset utique, non de accidenti, sed de substantia sermonem esse debere. Cum enim corpus sit, & non possit in nihilum redigi, si (quod alibi probatur) partes, tanquam ex materia, non sunt ex eo: necesse est aliud quid fiat, siquidem impossibile est, ut semen maneat semen. Alia enim pertinent ad rerum generationes, quatenus generantur: alia, quatenus per generationem producta sunt. Ergò, quod in generatione erat semen: in generato est calidum illud, de quo agimus. Et quia semen erat corpus ex elementis compositum, ad eam mediocritatem redactum, ut *γόνιμον* sit: calidum nativam similiter erit corpus, cujus officium sit à priori non longè distitum. Illud quemadmodum erat *ἡλικία* & *ἰσχύς*, doctore ipso Gal. in superioribus: ita hujus est *ἡλικία* & *ἰσχύς*. Hæc *ἡλικία*, quia est *διόκησις* & *ζῶσις*, ut sæpe se explicat Gal. non potest proficisci à nuda qualitate. Ut frustranea sint argumenta, quibus illam asserit. Non enim si in elementis accidens est: in elementatis quoque esse oportet. Sed & noverat Costæus, Philosophis. Qui ipsi, sine magna difficultate, sed formas statui substantiales à gravissimis & æris. Nāmis enim illa longè abest ab instituto meo. Ex iisdem discent, quatenus calor noster sit igneus: reverà enim ærius potius est, ut cum aqueo elemento societatem habere possit. Quæ porro subjungit, ex superioribus lumen accipere possunt.

CAP.



## CAP. XXX.

## Contra Jacobum Martinum, Scotum.

Quæ articulus hic *totolib. de rerum generatione* delirat, confundendo τὰ πρῶτα cuncta τὰ στοιχεῖα; quæ item de Elementorum inter se mixtione, aliisque eò pertinentibus crepitat: ea hujus loci non sunt. Sunt autem, quæ *cap. 13.* contra Fernelium & Argenterium, præceptores suos, uti vocat, agit. Horum neutrum attigisse ait scopum. Illum quidem, quod Calorem fecerit cœlestem: hunc autem, quod Elementarem. Esse enim præter hos duos calores tertium quendam, Animalem vocandum, qui sit is ipse, de quo hoc loco agendum. Triplicem hunc calorem cum probasset, ut illi quidem videtur, ex nobili illo Aristotelis loco, 2. *Generat. 3.* incipit docere differentiam, quæ sit inter *Animalem*, quem asserendum sibi duxerat, & reliquos duos, quos repudiatos volebat. *Cœlestis*, inquit, non potest esse animalium calor: quia neque actu calor est, neque alimento indiget, quorum utrumque de animali dicendum est. *Elementaris* pariter esse non potest, quia heic nihil gignere potest. In Fernelio hoc imprimis desiderat, miraturque ab Argenterio, inter justas alias reprehensiones neglectam fuisse, Quod cœlestem suum urgendo, obliviscatur & elementaris & animalis. In Argenterio manifestam falsitatem ostendit, Quod calorem nostrum ideò elementarem statuat, quia ex elementis augeatur, cum terræ frugibus & animalibus vescamur, quæ non ex elementis, verum ex seminibus unumquodque suis producantur. Tantæ molis erat! Amæ qui desiderat ullum verbum, non legit superiora. Hoc solum ajo, quod ipse quoque ait, Non esse quidem calorem hunc, vel cœlestem vel elementarem: & tamen cum utroque ratione quadam & similitudine convenire. Puto ego, cum cœlesti quidem, quia eodem modo genialis est: cum elementari autem, quia non est simplex Elementum, sed ad mediocritatem quandam, cœlo analogam, perductum. Hoc, nisi fallor, voluit sibi Alberti Magni illa, quæ citat Rumbaum, *Exercit. 102. de fetus gener.* Ignem hominis esse *συνθετον* quidem, sed virtute triplicem, Elementalem, animale, & cœlestem, cum una eademque substantia elementari, animali & cœlesti formæ serviat & subiciatur. Hoc ex toties allato loco, 2. *Gener. 3.* deducit Pacius, *Comm. in 1. Meth. 6.* ubi præcipue probo expositionem verbi *ἐμμελὲς ἀναπαύειν*, quod ait hoc velle, Corpus illud divinum, intra semen complexum harena. Quem sensum, me volentissimo inducit etiam in illum locum 3. *Gener. ult.* de generatione ex putri, ut *ἐμμελὲς φθῆναι* sit, *Ubi calor comprehensus fuerit, συνίσταται, cogit.* Invenias enim hoc verbi sæpissimè in hoc significato, adeoque inde est prima *συνιστάειν*, de qua alibi. Tu vide hunc Pacium, conatumque ejus pulcherrimum in vindicando Aristotele à corruptelis Fernelii, discipulorumque. Epidorpidis loco, hoc etiam habero, Si Martinum hoc sensisse evictum fuerit, nihil penè fore mihi cum illo negotii.



## CAP. XXXI.

*Contra Duncanum Liddellium.*

**E**T in Collegio, quod vocant, *Disp. 4.* & in *Arte Medica*, quæ inde exstitit, l. 2. c. 5. rectè quidem distinguit Calorem  $\sigma\upsilon\mu\phi\upsilon\tau\omicron\varsigma$  ab  $\epsilon\mu\phi\upsilon\tau\omicron\varsigma$  malè autem ab  $\epsilon\mu\phi\upsilon\tau\omicron\varsigma$  τὸν ἐπ' ἄρ-  
 τος, siquidem, quod docet ipse,  $\epsilon\mu\phi\upsilon\tau\omicron\varsigma$  non differt apud Veteres à spiritu, ut quidem  
 heic accipitur vocabulum. Rectè etiam animadvertit, Calidum & Calorem apud eos-  
 dem indifferenter sumi pro uno & eodem: sed malè infert, Solum calorem, & non etiam  
 calidum, è quo calor seu spiritus diffunditur, ut formam intelligi. Totum enim hoc  
 formale potius, quàm materiale quid denotat, ut alibi ostendi. Non minùs rectè Cor  
 facit fontem & originem Calidi seu Spiritus insiti: sed pessimè eundem in omnibus ani-  
 mati corporis partibus collocat. Fons enim est alicujus fons: quid verò erit aliquid  
 illud, si non est calidum influens seu spiritus? Rectissimè pariter à vitali spiritu derivat  
 & animale & naturalem: sed non satis constanter, cùm utrique tribuit peculiarem  
 fontem, Cerebrum & Hepar. Et que fieri potest vitalis è naturali, nisi hepar potius  
 est fons & origo calidi innati? Sed in has, similesque angustias perpellit illum hy-  
 pothesis Galenica, è quibus in æternum non exibat, nisi Ari-  
 stotelem acceptarit.



CASPA-



CASPARI  
HOFMANNI,  
SYSTEMATIS  
De Calido Innato & Spiritibus,  
LIBER POSTERIOR:

*De Spiritibus.*

CAP. I.

*De Nominibus.*

**A**ir Latinum *Spiritus*, quàm Græcum πνεῦμα, quinque apud Medi-  
cos significat: I. Aërem in quo vivimus, quinimò ventum quoque.  
Ad prius significatum pertinet illud Hippocr. *l. de Arte*, Cibus, po-  
tum, aërem, esse tria quibus vita hominum continetur. Ad idem il-  
lud *lib. de Flatib.* Ignis alimentum est spiritus. Illud item 3. in 6.  
*Epid.* 24. ubi tussis malignæ distinguuntur ab iis, quæ fiunt ab aëre per  
respirationem attracto frigidiusculo. Ad posterius spectant Aquilonares venti, *lib. de*  
*Sacro morbo*. Item illi spiritus, quos *lib. de Flatib.* opponit flatibus in corpore genitis.  
Ut enim mare turbatur ob violentiam venti, ceu loquitur *ibidem*: ita in corpore fit.  
II. Flatus (ut hodie ferè Medici loquuntur) in corpore genitos. Scribit enim Gal. 3. *de*  
*Diff. resp.* 12. item in *glossis*, τὸ πνέουσαν non rarò significare Hippocrati *Inflatum*,  
quod exemplis ex eodem *lib. de Flatib.* item ex *lib. de Vet. Med.* Foësius confirmat in *Oe-*  
*con.* & Eustath. in *Erotianum*, uterque in φούρα. III. Totam respirationem, ut scribit:  
Gal. 1. *Acut.* 2. 4. *Acut.* 34. 1. *Progn.* 24. 4. *Aphor.* 68. 4. in 6. *Epid.* 4. 3. in 1. *Epid.* 1. Con-  
sentit Galeno Eustathius in πνεῦμα. IV. Difficultatem spirandi, ut multis exemplis ex:  
4. & 5. *Epid.* probat Gal. 3. *de Diff. resp.* 12 & 13: viderique in eam rem possunt Foësius, &:  
Eustathius in πνεῦμα. Hoc modo ut simpliciter denotat omnem præter naturam re-  
spirationem: ita sæpissimè additur differentia gratiâ *Spiritus magnus, sublimis, sursum*  
*tractus.*



*tractus, densus, manifestus*, & his similia, quibus opponitur *spiritus sine signis*, &c. Item, *spiritus offendens, quasi quis revocetur*, & alii, quorum explicationem petere oportet à diligentissimo Foëlio, non in *Oecon.* tantum, sed & *Annot. in Hippoc.* V. denique tertium membrum divisionis omnium partium, 8. in 6. *Epid.* 7. 1. de *Differ. febr.* 1. de *Tremore*, 5. Quæ enim Hippocr. *ὀνομαζόμενα* vocavit (subaudi *μῆεν* aut *μωγία*, cum impetu euntes partes) Galenus uno verbo *πνεύματα* appellat. Sunt enim, ut ex 3. de *Fac. nat.* 4. definire licet, *Corpora præ aliis omnibus in corpore levissima & tenuissima*. Quamobrem subinde etiam huc illuc eunt, nec quicquam in corpore est, quod non pervadant. Cæterum, qui superiora legit, tam ineptus non est, ut imaginetur sibi fortuitam lationem ipsorum esse, quin imo sunt instrumentum proximum animæ, nec alibi sunt, quam quò ablegantur ab anima. Anima autem quia in Corde est, erit quoque *ὀργανή* illorum in Corde, & ex Corde. Ut vel hinc intelligatur ratio, quæ moverit veteres, cur *Calidum* in Corde hospitans vocarint sæpe *Spiritum*: & contrà, cur *Spiritum* sæpe appellarint *Calidum*. Seminalis caliditas, inquit Mocenicus 4. *Contempl.* 3 c. 16. ut manens nihil aliud est quàm *Calor naturalis & innatus*: ut diffunditur, est *Calor naturalis delatus* & extensus per totum corpus. Seminalis exhalatio, ut manens, est idem *Calor*, quatenus fons est *spirituum*: ut diffunditur, complectitur eos *spiritus*, qui singula animalis membra vivificant. Non minùs intelligitur hinc, cur Stoici aliiq. *Spiritum* vocarint *Animam*.

## CAP. II.

*An sit Spiritus.*

Videri possent esse inepta hæc. Cum enim Medicus artifex sit sensitivus, & inquit partes, quæ non minùs in sensus incurrere debent quàm totum, cujus partes sunt: non videtur committendum esse, ut dubitetur. Rursus, cum Arist. in *libr. plerisque legitimis* in censu partium non habeat, videtur ratio probabilis dubitandi esse. Dico *legitimis*: quia quæ ex *libro de Mundo* afferuntur, itemque ex *libro de Spiritu insito*, ut quidam inscribunt, pro legitimis haberi non possunt. Ita autem habet se res, Spiritus debent esse, aut inter similes partes, aut inter dissimiles. Inter dissimiles nemo collocabit. Aristoteles cum 2. de *Part.* 2. iniens numerum simularium addat, *Et aliorum talium*, facile est intellectu, accurationem ab illo expectari non posse. Imò, cum in *sequentibus* non explicet planè ea, quæ 3. de *Hist.* 2. & *segg.* explicarat: ratio alia est, cur æquitate quadam opus hîc sit. Interim, cum præter vulgò dictas partes similes sapissime meminerit Calidi & Spiritus: fas non est, ut de mente ipsius dubitemus. Quatenus Medicus sit artifex sensitivus, alibi explicatur. Et quî possit hoc ita simpliciter accipi, cum Gal. rationem utrobique agnoscat pro altero Medicinæ crure? Quod huc facit, est, incurrit aliquid in sensus, aut mediâtè, aut immediâtè. Mediâtè, quæ per effecta sua se produnt; v.g. ut ne longius abeamus, incidit aliquis in *lipothymiam*, è qua revocatur: quid causæ fuit? Perieratne *anima*? ita revocatus non fuisset. Perieratne *facultas* aliqua



qua anima? Facultates nihil aliud sunt quam anima ipsa. Fortassis corruptum fuit Cor? A privatione ad habitum non est via in tota rerum natura. Fortassis temperies Cordis fuit labefactata? Nec tam subito id fit, nec tam subito redit. Fortassis humores Cordis fuerant effusi? At unde tam subito illorum refluxus? Restant igitur soli spiritus, quibus etiam attestatur Curatio. Atque hoc est primum argumentum ex 12. *Metb. 5.* quo probare licet spiritus. Accidit autem ferè duobus modis, quorum alterum *μεγαλυνος* vocat Gal. ibi, *Gaudium nimis magnum*: alterum *ἐν πλεονεξίᾳ*, *stuporem*, ex subito tristis rei nuntio. Gaudii exempla 4. sunt apud Gellium, *l. 3. c. 15.* de Polycrate, de Philippide, de Diagora, denique de anu quadam Romana: quam quidem postremam historiam dicit Gellius accidisse post pugnam Cannensem: ego verò invenio apud Livium *Dec. 3. l. 2.* contigisse post pugnam ad lacum Thralymenum in agro Piceno, anno antè. Causa est, quòd flamma tantilla exstinguatur, si nimium dilatetur pori, ut effugiat: si ve nimium obcuatur ipsa ab introcedente sanguine, ut Gal. *2. de Caus. sympt. 5.* docet. Alterum argumentum ab ira peti potest. Unde enim est vehemens illa mutatio, putà in pulsu, in colore, in aliis, nisi à reciprocatione spirituum cum sanguine? *Nihil sub Sole est*, dicebat Scherbius, *quod ita moveat humores atque ira*: Et videmus quid accidit tandem iracundis, præcipuè si subito comedant, bibant, laborent, antequàm motus humorum sedatus sit. Tertium à structura arteriarum accipiunt quidam. Cum arteriæ (dicunt) quintuplo crassiorem tunicam habeant quàm venæ, quæ causa ejus rei esse possit, nisi cum sanguine veherent substantiam quandam tenuem? Hanc sententiam valde adjuvat sententia Arist. pulsus fieri docentis, non à peculiari aliqua facultate, quam Gal. *Vitalem* dicit, sed ab ebullitione sanguinis, adeoque pulsus non esse principaliter in arteriis, sed in sanguine. Ubi enim magnus calor agit in multum humidum, fit inæqualis quædam partium humoris sublevatio, qualem in aqua videmus ebulliente. Esse autem in Corde fat magnum Calorem, docent Anatomiz vivorum. Quin esse eum talem in quibusdam animalibus, ut manus illum vix ferre possint, docent quidam ex Haly Rodoam. Sed etsi non obtineat Aristotelis sententia, cum consensus sit Medicorum, facultatem absq; spiritu efficacem non esse, vel hinc stabilitur conjectura de arteriis. Quartum petunt alii ex principiis ortus nostri. Cum enim semen *γεννητικόν* sit id, quod spirituosissimū est; semen autem illud, tam de Aristotelis quàm Galeni sententia in generato maneat: non possunt non in illo esse spiritus. Quintum ex confessa omnium hominum notione est. E Corde Calor in omnes partes effertur. At Calor, qui Qualitas est, sine subjecto non it. Quod possit autem Calor subiectum comodius habere quàm spiritus? Sextum depromūt Medici ex eventis quibusdam. In Anatomiis cur pulmo nunquam ita inflari potest, ut impleat totum thoracis capacitatem? Quia in vivo erat aliquid tenuius externo illo aëre, qui per follem impellitur, poteratquè se penetrare, & tumorem facere, quod aër non potest. Cur volutates nobis non sunt perpetuæ ut Deorum, quod ille conqueritur apud Terentium? quia substantia quædam facilè reparabilis disperit: ita de laboribus omnis generis, ita de vacationibus tam spontaneis, quàm artificialibus. Quid enim facit, ut urina rivulosè, & in arcum fluat? Spiritus. Ita de sanguine, lecta venâ fluente. Quid facit,

m

ut



ut aqua in hydropicorum paracentesi tantâ cum vi prorumpat? Spiritus. Ita quid facit illam decantatam faciem Hippocraticam, 1. *Progn. 6. & 7.* Amissio spirituum. Quid facit in paralyfi salutaris sensum illum repentinum quasi formicarum? Reditus spirituum. An ab alimento potius iterum se insinuante? Quid facit in inæquali brachiorum aut pedum positu molestiam illam, quam nos vocamus *somnum illius partis*? Prohibitio spirituum influxus. Septimum peculiariter ex oculis sumitur, quippe omnium maximè spirituosus. Docet enim Gal. 10. *de Us. part. 5.* inter humorem crystallinum & uveam, non aqueum duntaxat humorem contineri, sed & spiritum, his argumentis. I. In vivis oculi sunt densi & pleni, in mortuis flacidi. II. Oculo discisso, ac effuso humore aqueo, iterumque inflato, Corneæ spatium fit majus quàm opus sit aqueo humori. III. In senibus pupilla corrugatur, non ob siccitatem tantum, sed & defectum spiritus visivi. Idem Gal. non tantum *l.c.* sed & 7. *de Sent. Hipp. 4.* docet, Compresso seu clauso alterutro oculo, manifestè dilatarì alterum: & mox, eodem aperto, priorem redire ad suam magnitudinem. Hoc unde fit nisi à substantia? Substantia autem illa quæ sit alia quàm spiritus, per nervum Opticum influens? Argenterius quidem vocat hoc postèrius in dubium, & ait, Influxum fieri per arterias. Hunc refutat Peramatus *l. de Facult. 11.* his rationibus. I. Tantillum spiritus in magna ista cavitate disperiret, aut certè sui sensum non faceret. II. Quoties arteriæ in pulsu distenduntur, toties oculus fieret major. III. Cum arteriæ oculorum non cœant instar nervorum, quomodo fieret communicatio? IV. Arteriæ eadem in vicinas quoque partes eunt, in quas facilè dilabi possent spiritus. Hic addere licet V. ex Stupano, 9. *de Spirit.* Oculus ruberet. Idem Gal. 6. *de Sent. Hipp. 4. 7. de Sent. Hipp. 4. & 6. 16. de Us. part. 3. 1. de Caus. sympt. 5.* vult persuadere, nervos Opticos ad sensum esse cavos. In illa verò cavitate quid eat, præter spiritum? Huc facit, quod veteres docuerunt, Oculos esse igneos. Cum enim triplex sit ignis significatio, oportet una ex illis oculo conveniat. Non convenit autem prima, quæ ignis dicitur flamma cœlum petens: sensus enim id negat. Non convenit etiam altera, quæ est ardens: quid, ut pruna: nam & hoc repugnat sensui. Restat igitur tertia, dicunturque oculi ignei, quia splendent ut ignis. Hinc quidam definiunt spiritum, quod sit substantia lucida & perspicua. Si enim bona est argumentatio Galeni, ex structura nervi Optici ad alios nervos translata, licèt in aliis minùs clarum sit, bona quoque erit hæc argumentatio. Sed & confirmant illam *φαινόμενα* quædam. Animalia, quæ de nocte vident, ut feles, oculos habent aureos, flammantesque. Duo Scaligeri, de quibus alibi id docui, habebant etiam tales oculos. Siquis oculos fricet, videt flammæ micantes. Spiritus enim visivus fricitione illâ attenuatus, quasi ardens in aërem prodit, ut loquitur Alex. Aphrodisi. 1. *Probl. 6.* Expergefactis è somno, lux ante oculos observatur. Spiritus enim per somnum retentus & condensatus prodit affatim, ut habet idem, 1. *Probl. 69.* testaturque de se idem Gal. 7. *de Sent. Hipp. 4.* Huic fundamento inniti videtur sententia Platonis, quam sequitur Gal. & alij, Visionem fieri per emissionem lucis. Porro, quoniam hæc ad solum animale spiritum (ut quidem Gal. distinguit) pertinent; ejus verò clarissima omnium demonstratio est, ut penè loquitur Gal. *Meth. l.c.* videamus ejus rei documentum.



tum. Scribit 7. de Sent. Hipp. 3. si cerebrum vivi animalis vulneretur usque ad ventriculorum aliquem, aut etiam, si magna fiat collisio, ut ventriculi concidant: subito privatur animal, & sensu & motu, qui vel redeunt, vel non redeunt, prout malum magis minus grave est. Jam hæc sensus & motus abolitio unde est? Non ab intemperie: hæc enim non fit subito, sed successivè: at verò abolitio illa accidit subito, & tantum non in instanti. Non ab unitatis solutione: ita enim à quovis cerebri vulnere fieret. Adde, quod sanetur symptoma hoc, antequam sanetur solutio continui. Si solutio continui fuit causa, cur durante causâ, tollitur effectus? Quia igitur ad inducendum animali subitum stuporem, necesse est vulnus & collisionem penetrare ad ventriculos usque, necessariò in Ventriculis est aliquid, quod vel tutatur, & ab opere suo retrahitur, vel vacuatur. Quid illud verò est? Non humor aliquis: præterquam enim quod in sanis ventriculi omninò sunt inanes, jam dictum est de intemperie, non posse illam fieri subito. Eodem modo non subito vacuatur humor, si maximè adsit, aut subito restituitur. Non etiam anima ipsa à corpore separatur. Ubi enim semel à corpore discessit, non redit. Reliquum igitur est, ut talis aliqua substantia sit, qualis descripta est, levissima, tenuissima, ad motum paratissima, cujus essentia sit in fieri, non in facto. Non potest autem vel fingi vel pingi alia, quam spiritus. Idem Gal. & ibi, & alibi hæc quoque urget. Cui bono in cerebro sunt istæ cavitates, nisi servandæ substantiæ cuidam? Substantia autem hæc quæ possit esse alia quam spiritus? Hunc tantum apparatus si dixerò esse frustraneum, dixerò, quod res est. Non nego fieri tale aliquid in magnis cerebri contusionibus, sed inclamo illud: μή ποτε τὸ. Ut enim jam non repetam, quæ obstant elaborationi spirituum in ventriculis cerebri, qui scis stuporem accidere propter evacuationem spirituum è ventriculis? Certè adolescens ille Smyrnaeus, cujus Gal. meminit duobus locis, 8. de Us. part. 10. 6. Aph. 18. procul dubio tamdiu non laboravit stupore, quamdiu vulnus fuit apertum. Nec movet me fuga, quæ beneficium ad alterutrum ventriculorum refert. Patent enim in se invicem. Spiritus semper petit superiora, si nihil prohibeat. Sed sit hoc ita: cum stupor adsit non in vulnere tantum, per cujus foramen spiritus exire potest: sed & in casu, in contusione, quos ibi dicat spiritus evacuati? Nec iterum me movet fuga, quæ causam refert in collapsum ventriculorum: Quis enim vidit hoc? Et quia non paucos tales contingit sanari, quis fornem illum collapsum iterum erigit? Accidit igitur stupor, propter spiritus quidem, sed non propter ventriculos, adeoque frustraneus est Galeni conatus propterea, quia omnia refert ad ventriculos. Itaque accipio hoc quidem φανεύον: sed aliter explico, & formo inde Octavum argumentum, In magnis cerebri contusionibus stupent partes inferiores, quia vasa cerebri in se concidunt, ut spiritus descendere non possit. His *Ἰννοῦ* loco addere possis Alexandri Aphrod. argumentum, quo Fernelius utitur 4. *Physiol.* 2. admittendos esse spiritus vel ideò quoque, ut ratio reddi possit unionis animæ & corporis. Cum enim substantiæ sint toto genere à se invicem discrepantes, conjungi non possunt, nisi per mediam quandam substantiam, qualis est spiritus, nec planè corporeus, inquam, nec planè incorporeus. Atque huc pertrahere possis Platonis in *Timæo* ratio cinium, quo



Gal. utitur 8. de *Us. part.* 9. Sed reverà est ita, ut Stupanus in *Thef. de Spir.* ait: Elegans quidem est hoc argumentum, sed verisimile tantum. Cum enim ignoremus, quæ sit animæ essentia, ignorare etiam nos necesse est, quâ ratione cum corpore uniatur. Verum autem est hoc de scientia à priori: à posteriori enim scimus animam uniri corpori per spiritum, quippe quo servato, servatur anima. Quamobrem pro argumento Medico & hoc admitti potest. Videte hac de re Nemesium *cap. 3.* & *Orationem* Andree Schattonis, Wuttembergæ habitam.

## C A P. III.

*Quid sint Spiritus.*

PAtet quidem id ex superioribus: At quia quæstionem *Si est*, excipere debet *Quid est*; & verò loci quidam Arist. & Gal. sese intromittunt, qui opus habent explicatione; dicendum omnino est aliquid. Corpus esse spiritus hos, citra controversiam esse puto: est enim unum ex tribus Elementis, corpus constituentibus, ut Stobæus vocat *firm.* 99. Sed quale? Antiqua & barbarica Philosophia, quam postea excepit Stoica, cœleste dicebat esse, immortale illud quidem, & rotundum, sed ubi in plantam vel animal aliquod receptum sit, ad figuram & motum corporis recipientis sese accommodans. Ubi enim corporis illius vita amplius durare non possit, elabens, & in pristinam formam rotundam migrans, ut ex Zoroastre Ficinus docet *l. 18. Theol. c. 4.* Eadem Philosophia dabat huic corpori in singulis viventium speciebus peculiare indumentum seu vehiculum, in homine, inquam, æthera illi jungebat, in brutis aërem, in plantis terram. Hinc adeò factum est, ut Stoici, quos præ cæteris delectatos fuisse minutis rerum divisionibus constat, etiam non inibus distinguerent. Utenim, cùm *alibi*, tum *5. in 6. Epid. 5.* Galenus scribit, Spiritum hunc in plantis quidem naturam vocabant, in animalibus autem animam. Differre etiam dicebant Qualitatibus, plantarumque humidiores esse, animalium sicciorem. Et *lib. Quod animi mores. c. 4.* naturæ spiritum non humidiores tantum, sed & frigidiores statuisse scribit, quemadmodum animæ, non sicciorem tantum, sed & calidiores. Nimirum, cùm aërem & ignem quidem continere dicerent seu agere, terram autem & aquam contineri, seu pati: in plantis plus materiæ agnoscebant, in animalibus plus formæ, ut ex *l. de Pleth. 3.* doceri potest. Ex his intelligitur error authoris *lib. apud Gal. qui Medicus*, seu *Introduktorius* inscribitur: Cùm enim rectè dixisset, Veteres direxisse τὰ στοιχεῖα Hippocratica in spiritus naturales & animales: malè subjungit, Stoicos tertium invexisse ἐκτικόν. Cùm enim veteres illi sint ipsissimi Stoici, ut ex dogmatum convenientia apparet: cur denuò addantur? Fortassis additamentum illud est illegitimum. Nam & vitium est in scriptura, ἐκτικόν προσηκτικόν. Utrumque probâris ex seqq. quibus ait, Athenæum quatuor Elementis Hippocraticis addidisse ex opinione Stoicorum spiritum cuncta penetrantem, à quo omnia contineantur, & gubernentur. An aliùs error ibidem est, cùm Medicos πνευματικὸς à spiritu Stoicorum continente dici ait? Licet enim non ignorem,

Puc.



Pneumaticos plerosque fuisse Stoicos, ut Gal. scribit 3. de Diff. puls. 5. videor tamen mihi ex cap. 2. seq. & aliis locis ostendere posse, Sectam Pneumaticam ad solam pulsus doctrinam pertinuisse, adeoque Peripateticos per risum ita dictos fuisse. Ut enim in aliis, sic in his Stoicos accessisse ad Arist. placita, ex 2. de Sent. Hipp. 8. & de Format. fœt. 4. patere potest. Quod si verum est, vehementer falluntur illi, qui Pneumaticos eos dici volunt, qui omnium morborum causas ad flatum referunt. Ubi enim hoc scribitur, & à quo? Quod ad rem nostram, Gal. 7. de Sent. Hipp. 4. & 7. 4. de Loc. aff. 2. 1. de Caus. sympt. 2. spiritum hunc vocat lucidum & quasi æthereum. Et dubitans addit, Vel esse animam, vel animam uti illo, tanquam principali vehiculo. Cæterum, quod addit in de Sent. Stoicos cum Arist. necessariò confiteri debere, Spiritum hunc esse animam, paulò liberaliùs dictum est. Ut enim de Stoicis (quos certum est hoc voluisse ex 5. Simpl. 9.) non dicam, ubi Aristoteles vel spiritum illum Platonicum (sic enim nunc loquar) agnovit, vel animam esse dixit? Quin totam illius Philosophiam planissimè dissentire, tam certum est quàm quod certissimum. Atque utinam Gal. tam longè abesset ab hac culpa, quàm ab est Arist. Quod ad spiritum ipsum, non profectò absolvit ipsum τὸ αἶον, quod Berrachius putat, lib. 1. de Spir. 8. Multo minùs absolvit illum locutio alternativa, quæ usus fuerat cap. 3. quoq; Si enim verè dixit Epid. 1. cit. se temerariè & sine firmis rationibus de animæ substantia pronunciantem affirmasse, spiritum hunc esse animam: verè etiam sciri potest, utram sententiam seriò probaret? Quin, si ad superiora reditum facere tibi libuerit, invenies loca, quibus spiritum clarè vocat animam. Aristotelis innocentia ut fiat manifestior, inspiciamus nunc unicum tantum locum de Commun. animal. motu. 10. Ibi enim cum docuisset, cognatum spiritum esse corpus, & quidem tale corpus, quod sit pars corporis animatæ subjungit, ut explicat Crippa, & paraphrasi 18. quia quicquid virium in spiritu ingenitum est, id totum ab anima derivatur, & fluit: at ipsa anima (quæ est principium motus per se immobile) ita dependet, ut cujusque inferioris partis (in motu versantis) signum, quod in aliquo flexu, quia ejus partis principium est, & movet, & propter continuationem cum illa movetur, ab alterius & superioris partis signo, quod in eodem flexu quiescit, & immobile manet, pendere videtur. Quemadmodum mobile signum in flexu ab immobili habet, ut, dum ipsum movetur, reliquam sibi continuatâ partem movere possit: sic spiritus, cum ab anima, quæ immobilis manet, ad movendū adsciscitur, ab eadem omnē vim ac facultatem movendi cæteras corporis partes consequitur. Hæc Crippa, quæ libet declarare hoc exemplo. Cubitus unâ cum manu moveatur supra brachium seu humerum: signum mobile est punctum illud, quo cubitus tangit brachiū: signum immobile est punctum illud, quo brachium contingit cubitus: movetur cubitus totus cum manu propter continuationē quam inter se habet, immobili manente brachio. Jam igitur spiritus responder cubito, anima brachio. Quid hinc censes? Primò omnium quasi in Sole meridiano vides, Aristotelem habere spiritus in censu partium, quæ de re supra dubitabatur. Deinde, non minùs clarè vides, Aristotelem distinguere spiritum ab anima. Ut fatendū tibi sit, nisi malo omninò ingenio sis, Aristoteli cum dogmate Platonico & Stoico nullam esse cōmunionē. Agedum autē, quæ res est magni momenti, & à



paucis explicata, regrediamur ad Cap. 7. ejusdem libri, videamusque quomodo fiat ille motus. Et quia Crippa valde dilucidè ἐκφράζει, utamur verbis illius. Ut horologia & simulachra (inquit) quedam ludicra sponte sua à se moveri posse cernuntur, modo in eis initium vel exiguum motus extrinsecus fiat, dum compages & quasi vincula laxantur, & è laxatione & solutione machina ipse usque omnes deinceps compages compellunt & agitant, dum tota ex se moveri conspiciantur. Vnde aliud exemplum? Ut vehiculum cuius rota ex altera parte minor sit, nec ab equis trahatur, sed à vehente aliquo modo agatur rectà, & impellatur rursus, ob rotarum inequabilitatem ipsa à se in orbem agitur: siquidem minor rota tanquam centrum efficitur, quemadmodum in cylindris, qui dato aliunde motus principio, ipsi facili mobilitate versantur: sic animalia moveri à se putandum est. In ipsis enim similia quedam ad motum apta instrumenta naturaliter sunt constituta, qualis ossium & nervorum natura. Ut enim machina ille ferro & lignis sustentantur, compagibus & vinculis constrictis tenentur, illorumque laxatione & solutione moventur: sic animalium corpora constituta molli ac tenera carne, ossium duritie & soliditate fulta tenentur, & nervorum implicatione & ligatione ad omnes artus & commissuras singulatim juncta cohibentur, & eorundem intensione & remissione moventur. Hac ille. In quibus fortassis quæpiam cupias esse explicatiora. Ut per πῶδες ἄγαν, Cui sit verisimile, τὸ ἀμάξιον esse hinc curriculum, aut potius plostellum, qualia sunt vulgaria illa, quæ rotis aguntur? Quo enim modo ulla rota possit esse in medio, & instar centri, quomodo in cylindris est? Quamobrem non credo etiam, τὸ προχῶς rectè verti rotam, quin puto legendum esse κύκλος, circulos. Ita enim fuerit plostellum ludicrum, quod à circulatoribus aut etiam pueris motum primò rectà procurrebat, postea in orbem rapiebatur. In prioribus iure scire desideres, quid sint αἱ σπείλαι Aristoteli, illisque deinde opposita νεύρα: Quo minùs credam esse Hesychii ναῦνιον ligna, quibus conglutinantur, facit contextus, qui cum nervis confert, atque intendi & remitti posse. Ex quo quia patet, loqui Philosophum de talibus machinis, quales erant νευρώματα veterum, de quibus Gal. 1. de Us. part. 17. fortassis hæ σπείλαι Arist. erunt funiculi Gal. quibus tractis & laxatis moventur idola illa, de quibus Comm. in dictum locum fusè egi. Quo sit ut iterum dissentire incipiam à Crippa, qui negotium illud transfert ad operosas illas machinas, quibus diem metimur. Caterum apparet ex hoc, quid sentiendum sit de nervis illis Arist. Omnino, si hæ σπείλαι sunt funiculi, quibus lignea & ferrea νευρώματα trahuntur, τὰ νεύρα ejusdem fuerint musculi Gal. Ut jam ne opus quidem sit operosa illa Crippæ digressionem, qua probat, Aristoteli musculos illos non fuisse notos. Res enim fuit illi notissima, licet nomen non fuerit. Quicquid sit de verbis, sensus denique hic est, Anima, quæ est immobilis, & proportionem respondet primo motori in μακροσμία, utitur spiritibus è corde effusis, pro instrumento motus. Cor enim in μικροσμία est Sol, spiritus sunt radii Solares. Unde obiter intelligitur, quatenus principium motus in animalibus, vel mobile sit, vel immobile. Si de toto animali loquaris, anima est principium immobile: si de partibus animalis, tam non potest prima & princeps illarum esse immobilis, quàm Sol in μακροσμία. Quæ enim incommoda hinc sunt à quiete Solis, illa ibi sunt à quiete Cordis. Intel-



Intelligitur etiam, quid spiritus præsent corpori. Vulgò dicunt *vivificare*, sed quid sit vivificare non dicunt. Discendum igitur id est ex analogia. Quid illud est beneficii, quod à cœlestibus corporibus proficiscitur in hac Elementaria? Dicat Erasius in *Antiparacelsicis*, Nihil aliud quàm augere calorem rerum omnium nativum. Hoc videmus in uvis, (inquit) Cur enim non maturantur, nisi ætas sit valida? Cur maturantur cum valida est? Ideò (addit) per se nihil facit, facit autem, ubi cum calore hoc illòve junctus fuerit. Et hoc est, quod Philof. docet 4. *Meteor.* 2. Initium perfectionis esse à nativa cuiusque rei caliditate, licet perfectio nunquam adsit, nisi accedat aliquid aliunde, quod ille vocat *συνεπιτελεῖν*, *simul perficere*. Ita concoctio prima fit à Ventriculo, sed adjuto balneis, vestibis, stragulis: ita in reliquis operibus Medicis, nisi natura adsit, frustra sumus. Quemadmodum igitur lumen & motus cœlestis in unoquoque agente naturali agit, pro agentis illius natura & conditione: ita spiritus animalis est *ὡς κατ' ἕρθε*, ut Hipp. appellat, hoc est, ut ego intelligo, ut nuntius aliquis, qui, allato superioris magistratus mandato, dat momentum aliquod rei. Nisi enim spiritus hic afflueret Ventriculo, non coqueret: nisi hepatis, non sanguificaret, &c. Intelligitur quinetiam, quomodo spiritus sit instrumentum animæ, & vinculum facultatum. Quod Sol facit radiis suis, id Cor spiritibus suis. Ut igitur Sol animat immisione radiorum: ita spirituum, Cor. Ut sublunaria non possunt dici expertia esse Caloris cœlestis, licet calorem illum in se non habeant, sed aliunde accipiant: ita partes solidæ. Quod dico propter eos, qui cum Bertachio 1. *Spirit.* 6. miserè sudant, ut doceant, quomodo partes etiam solidæ sint instrumenta animæ? Spiritus est primum & commune, partes solidæ sunt secundaria, quippe quæ alstringunt animam hanc huic parti. Unde rursum hoc Corollarium patet, æquitate quadam opus esse in sensu illorum, quæ Gal. scribit 12. *Meth.* 5. Vires consistere non in spiritibus tantum, sed & in solidis. Vires primariò consistunt in spiritibus, in iisq; solis & unis causa est syncopes, ut argumentum primum concludebat. At verò quia spiritus non possunt valere, nisi valeant solida quoque, fit ut secundariò vires in solidis quoque consistant.

## CAP. IV.

## Quot sint Spiritus.

Hic multæ sunt ambages, quas (ut summatim dicam) unus texuit Galenus duplici falso dogmate: Postquàm enim tres in corpore genuit animas, debuit etiam gignere tres spiritus, animabus suis famulantes. Postquàm partes solidas fecit ex corporatura feminis masculi, debuit etiam spiritus quosdam illis concedere. Illos Medici vocare solent *Influentes*, hos *Infitos*. Et quia anima est triplex apud Gal. in tribus regiis, Cerebro, Corde, Hepate hospitans: tres etiam sunt spiritus influentes, Animalis ex Cerebro, Vitalis ex Corde, Naturalis ex Hepate. Partium solidarum quia ingens est numerus, fiunt etiam numerosi spiritus infiti. Sed & hos duùm generum esse oportet, seminales alios, alios sanguineos: quoniam, ut toties dictum est, partim solidæ partes ex se-  
mine



mine sunt: partim ex sanguine. Mihi in hac rerum omnium confusione (quidni ita lo-  
 quar?) sic videtur: Infiti spiritus nulli sunt, ut nec Calidum insitum nativum, tu puta in  
 partibus solidis, excepto Corde. Si enim circumspicias, nec in Philosophia locum in-  
 venient, nec in Medicina. A Philosophia tam longè absunt, quàm longè abest totum  
 illud *σοφισμα* de corporaturâ seminis, in partes solidas absunt. Quod cum Galenus  
 nullibi probârit, quin locis suprà allegatis dixerit expressè, mutationem nullam fieri  
 nisi inter duo, adeò quidem ut præter rationem esse fassus sit, aliquid agere in se ipsum:  
 non est, cur cordatum aliquem ea res moveat. Non oportet formidare multitudinem,  
 inquit ipse *lib. de Constit. art. c. 9.* ab janua Veritatis aberrantium, sed si quis omnium  
 demonstratione conficiat rem, illi credendum est. Quin fugiendi sunt omnes ii, qui  
 absque demonstratione loquuntur, non minus quàm barathra inquit idem *ibidem*. Ut  
 plurimum enim trahunt secum illos, qui cum illis versantur: quin sordibus suis egregiè  
 commaculant, nisi quis in Logicis sit exercitatus, possitque videre fraudes illorum. Sed  
 & absque hoc si sit, non video, quomodo vel ipse loquendi modus careat absurditate.  
 Dicere enim in animali spiritum insitum, est dicere, virginem corruptam, nummum a-  
 dulterinum. De spiritus enim essentia est, ferri de loco in locum, quod ipsum de in-  
 fluentibus docent omnes. Quod si inanimatis quoque tribuuntur spiritus, ut magneti,  
 succino, non sit id nisi improprie, & ad explicandum potius actionis modum, quàm  
 quod reverà in natura ita sit. Nam licet ibi quoque sit aëreum quid, pertinet id tamen  
 ad materiam: at spiritus, de quo nobis sermo est, ad formam pertinet, estque animato-  
 rum, quàm animata sunt. Si etiam apud Veteres calidum innatum, quod stabile est, dici-  
 tur quandoque Spiritus; contra si spiritus, per corpus lati, dicuntur quandoque Cali-  
 dum innatum: non ob id prodest hoc quidquam adversariis. Et quid? si partes solidæ  
 habent spiritum, cur non calent actu sine influente? Dicunt, Est minor quàm ut sensum  
 feriat: quibus ego, est nullus, quia ne ratio quidem ulla persuadet esse illum. Quo loco  
 si plantas mihi ingesserint, dicam, longè aliam esse illarum rationem: sunt enim imper-  
 fectiores. Constat autem, nō erro, imperfectio in eo, quod non, ut in animalibus, Cali-  
 dum nativum est in uno loco, è quo vim suam emittit in reliquas partes: sed ubique, &  
 in omnibus ramulis est Calidum illud, propterea etiam ramuli in transplantatione & in-  
 fertione vivunt. Sed sit eadem ratio: Spiritui plantarum respondet spiritus naturalis  
 Galeni. Is verò tantò altioris originis est, quò altior est facultas animalium vegetatrix  
 vegetatrice plantarum. Hac de re actum est *lib. 2. de Thor.* Manet igitur prius illud, quod  
 jam pertinet ad Medicinam, de qua dictum est, esse quædam, quæ coëgerint artifices ad-  
 mittere spiritus, licet in sensus non incurrant. At quid, quæso, est, quod cogat nos fa-  
 teri spiritus infitos esse? Reverà sunt nugæ Stoicæ, à Fernelio invecæ, quin nihil aliud  
 nobis pariunt, quàm *Causam continentem*, cumque eâ frustraneam artis longitudinem.  
 Cujus rei ut exemplum sit præ manibus, age videamus quò perduxerit eares illustres  
 quosdam Medicos. Dicunt, solius Cordis calorem esse actu, reliquarum omnium po-  
 tentiâ. At verò si potentia illa frustrà est, quæ non aliquando erumpit in actum, seque-  
 tur, spiritus quoque infitos esse frustrà, si non aliunde sint actu. Si ergo aliquando sunt  
 in



in actu, tum videlicet cum ab influentibus actuatur, jam prodibit Calor actuatus Paparella, quem tantoperè illimet averfantur: Et prodit certò: quin trahit secum dogma longè absurdus, plura esse principia uno. De testibus enim hæc ipsius verba sunt: Communicatur iis à Corde Calor sibi proprius, qui non ex duobus caloribus conflatur, sed ex potentia, quæ insita est, & actu, qui insitit à Corde. Non est etiam absurdum, ut inde, tanquam ex altero principio, in totum animal spargatur, quod exsecta testantur. Frigidiora enim redduntur, altera insiti caloris origine privata. Sic hepar (addit) aliud principium evadit, &c. Quæ cum intueor, non invenio colorem, quo tegam illa, cum dicitur, In hepate suum esse calorem, quo sanguis gignitur, non esse ita accipiendum, ut alterum fontem caloris. Multo minùs video, quomodo constare sibi possit Galenus, qui i. de Temp. ult. dicit, sanguinem à Corde recipere Calorem suum: de Format. fat. 3. Hepati tribuit calorem proprium. Quæ enim dici potest, Galenum hoc asserere de fœtu, qui Cor nondum habeat, cum tertio statim die in Oviparis Cor adsit? Omnino spectant illa Galeni Chimæram animæ triplicem, de qua alibi. Plerique omnes dicunt, Spiritus insitos esse alimentum influentium, quod quia nullo φαινόμενον probant, dico liberè: Nulli sunt partibus insiti spiritus, & nulla alia partium potentia est quàm illa, quam habent à temperamento, in quo qui residet Calor, σὺμφυτὸν est, & ad materiam spectat, ceu nuper innui. Et ita quidem de insitis censeo. De influentibus cogor assentire Philosophis, Cæsalpino, Mercenariò, Zabarellæ, quibus è Medicis addo Avicennam lib. de Virtut. Cord. c. 1. Turrisanum Comm. in Artem, Montanum Veronensem, & Argentarium, Reverà non esse nisi unum spiritum influentem, licet in diversis partibus diversimodè appelletur. Hujus assertionis unicum, idque solidissimum fundamentum est, in unitate animæ, eiq; proxime serviente uno Calido innato. Si enim anima non nisi una est, quod præstantissimi quique inter Medicos quoque fatentur, si animæ hujus est unicum instrumentum, Calor, è Corde influens partibus, quod adeò certum est, ut Galenus ipse multis locis fateri cogatur: utiq; non nisi unus etiam erit spiritus, vel ideò, quia spiritus à Calore nativo realiter non differt, ut toties jam dictum est. Rursus, si animæ facultates sunt plures; obeuntur enim illæ in certis partibus, quas ob id principes vocamus: utique non omnino absurdum erit, præcipuè in Medicina, si aliter appellemus spiritum qui in Corde est, aliter qui in Cerebro, aliter qui in Hepate, aliter fortè qui in Testibus. Atque hoc est, quod Cæsalp. dixit, i. quæst. Med. 5. unicum esse principium, secundum Arist. quia unicus est fons calidi innati, Cor. Sed & quodammodo plura sunt principia, quatenus instrumenta proxima facultatum plura sunt. Quia enim (quod Montanus Veronensis ait) Spiritus è Corde in alias partes influens, induit ibi novam substantiam, novam qualitatem, mirum non est, si mutet etiam nomen. Hoc intelligetur ex simili, quod supra etià allegavi, Quod Cælum est universo, id Cor est animali. Quemadmodum igitur Cælum omnibus quidè sublunaribus dat unum quid, sed quod pro diversitate recipientium subjectorum diversificatur, ut hinc maturatio dicatur, hinc generatio, hinc aliter: ita Cor dat omnibus partibus facultatem Vitalem Galeno dictam, sed quæ hinc quidem dici possit naturalis, hinc autem animalis. Et rursus: ex animalibus quædam



dam visoria, quædam auditoria, &c. Et hoc est quod Conciliator docet *Differ. 57.* Virtutem animæ secundum suum subjectum unam quidem esse: differre autem ratione officiorum, quæ in membris obeuntur, secundum quæ si diversa illi dentur nomina, præcipue ab eo, qui usum respicit: non est id superbe rejiciendum. Ut enim Philosophus, alicubi ait, Quod ad multa æquæ se habet, nihil particularium movet & efficit, nisi ad aliquam rem certam ab aliquo trahatur & restringatur. Ab eo igitur, a quo contrahitur, si denominetur, sine vitio id fieri potest, modo non lateat fraus aliqua. Nempe enim pertinet hoc ad *ἡπαρ* & *ἡεβόδω*, ut Aristoteles appellat *ultimis verbis 1. Part. 1.* Nimirum ita est, ut post Casalpini Turnebus docuit, Calor recipit differentias ex materia subjecta. Ut enim ignis aliud agit in ferro, aliud in ligno, aliud in stramine, aliud in aliis: ita calor animalis aliud agit in Cerebro, aliud in Hepate, aliud in aliis partibus. Cerebrum quia frigidum, profecto aliter afficit vitalem dictum spiritum, quam Hepar, quod est calidum, idque propter finem. Hepar debuit quasi inflammare calorem, ut domando chylo satis esset: Cerebrum contra debuit sanguinem refrigerare, ut sensibus edendis aptus esset. Quando igitur in hepate spiritus fit, non *αἷμα*, sed *αἷμα*, quidam alio dicatur nomine: etiam à Philosopho, ut hoc quoque addam: ita de cerebro, ita de aliis partibus. Sed ut de principibus partibus solis loquar, obscuriuscula est res in hepate, manifestissima in Cerebro. Illud fecit Galenum fluctuare, 12. *Meth.* de Spiritu naturali: hoc tam audacem fecit illum, de animali, ut triumphet ante victoriam. Mireris autem, quoniam de peculiari hepatis anima, & de ortu venarum ex hepate: tam certus erat, cur de spiritu hepatis tam dubius fuerit? Nisi fallor, ideò, quia focum caloris nativi non nisi in sinistro Cordis ventriculo statuebat. At si in toto Corde statuisset, licuisset illi copiam spiritus Vitalis per venam cavam ad hepate derivare. Anne hoc quidem volebat? Quamvis enim per rerum naturam non possit Cerebro adimere spiritum Vitalem: conatus est id tamen *multis locis*, ut principatus Cerebri absolutus tantò esset firmior. Quo magis mireris, cur in Hepate non fecerit idem? Quia amplior illi occasio erat: Sed ita fit, cum scortum illud famosissimum, Mendacium comere volumus. In rei veritate sic habet. In animali est *πολλὴ* quædam, ut Aristoteles comparat *lib. de Commun. anim. mot. 10.* Cor est Rex, imperiumque habet omne: sed ut Rex agit quædam ipse, quædam per ministros: ita Cor agit quædam per Cerebrum, quædam per Hepar. De officio Cerebri scripta est mihi peculiaris Diatribes, de *Ufu Cerebri secundum Arist.* Hujus enim aureum dictum (verba sunt Montani, *extremo Aph. ult. cit.*) ita intelligunt imperiti, quasi Cerebrum sit factum ad refrigerandam Cordis caliditatem!! Sed decipiuntur miseri. Nam ita dicendum est, quod per Cerebri frigiditatem spiritus vitales contemperentur, quibus contemperatis fit postea, ut homo rectè judicet, recteque omnes partes intellectus exerceat. Videmus enim in illis, qui satis habent calidum Cerebrum, spiritum non posse ad temperaturam redigi: qui verò frigiditatem. Unde fiunt stabiles tales homines in spiritu animali, & bene judicant. Et propterea divinus ille Vir dicebat, magnam Cerebri copiam (tantum esse uni homini, quan-



quantum duobus bobus, dicunt Anatomi in homine respectu ceterorum animalium esse, ut prudens fieret, &c. quæ videte. His si addideris liberam (quamvis fortè invitam) Galeni confessionem, spiritus animalis propriam materiam esse Vitalem, intelliges fortè, quæ de spiritu *ἀλλοίω* dixi. Eadem *ἀλλοιότης* in Hepate fit. Et hucusque pervenire possumus in sermone de actionum diversitate, Unum est efficiens omnium, Spiritus, qui idem est unus *ἐποκειμένης*, ut Philosophi dicunt, *subiecto*. Plura enim sunt efficientia, pluresque spiritus, ratione quadam, eâ scilicet, quâ efficiens differt ab effectu, actus primus à secundo, forma permanens à transeunte, ut Philosophis loqui mos est. Unde obiter intelligitur, quomodo Anima, in uno Corde sedem habens, conservet partes omnes? Quod enim Illustr. Scaliger *Exerc. 76.* tantoperè urget, fore, ut homo sit unus non nisi per accidens: justam meretur reprehensionem. Nec enim sufficit, quod in aliis à Corde partibus est, aut Substantia, aut Accidens. Non est Substantia. Ergò est Accidens. Reverà medium quid inter hæc est, quod *ἐπισυνάδου*, seu actum secundum dicunt, v.g. visio in oculo: & hæc quâ fronte à quoquam dici potest accidens? Tu vide, si vis, Montecatinum, Mazonium. Ego enim aliò eo, illuc putata, ut ostendam, moderatione quadam opus esse. Qui enim (inter hos Actuarius est *l. r. de aff. spir. anim. 7.*) in singulis Cerebri partibus singulos faciunt spiritus, quorum hic memoriæ præsit, ille rationi, ille alii; illi longius procedant, quàm hominem procedere fas est. Quòd si pertendere volent, dicam ego, necesse fore, ut, quia Cerebrum alitur quoque, in morem ceterarum partium, sit ibi etiam spiritus attractivus, alterativus, expulsiuus. Atque hoc responsum volo illis quoque, qui realem spirituum distinctionem trahunt ex latione actionum particularium: v.g. memoria læditur sola, absque ratiocinatione. Ergò spiritus ille tantum læditur, qui memoriæ serviebat: ita in Ventriculo læditur retentrix tantum. Ergò. Dico enim subtiliora esse hæc, quàm ut quisquam capere possit. Quin addam de Ventriculo, si quidem Vesalius altique valde verisimiliter docent, præter quatuor facultates publicas, quibus chylum pro toto corpore elaborat, habere etiam facultates 4. privatas, quibus seipsum nutrit, habebit ventriculus octo spiritus. Quod quid aliud est, quàm frustra multiplicare entia, & in iis, in quæ oculi nostri nihil juris habent, imò quò se ratio penetrare non potest?

## CAP. V.

## De Generatione, seu Nutritione Spirituum.

Vetus doctrina est in *lib. de Alim.* sive is Hippocratis sit, sive alterius cujusdam, Spiritus diverso ab omnibus partibus alimento uti. Reliquæ enim cum velint sibi simile, hos velle contrarium. Similitudinem illam in substantia dicunt esse: contrarietatem in qualitate. At verò cum iidem dicant, aërem (hic enim contrarium illud alimentum est) præbere spiritibus materiam, non video quomodo consentiant sibi-ipsis. Nec verò expedire se possunt vocabulo *Præcipue*, quo indicant, aërem habere usum duplicem, alterum quidem ad attemperationem sanguinis, alterum autem ad nutritionem.

n 2

Ita



Ita enim non tantum contrarium erit alimentum, sed & simile. Quin attemperatam dici nutritionem, apud me valde insolens est. Intelligitur ex his, assertionem hanc Hippocratis pertinere, ut vulgo creditur, ad vetustissimam controversiam, An ingrediat aer Cor in substantia, an potius sufficiat sola qualitas? Ex Aristotele utrumque doceri posse, doceo ego *lib. 3. de Us. Thor. c. 5.* At verò cum rationes firmissimæ persuadeant, genuinam Arist. sententiam esse de qualitate sola: in eadem firmavi me quoque, non ibidem tantum, sed & *Comm. in de Us. part.* Vidisse Galenum Veritatem, generari scilicet, seu potius subinde restitui spiritus ex sanguine, adeoque nihil aliud esse spiritus, quam benignam sanguinis exhalationem; noluisse tamen deferere Hippocratem, facile probatu esset. Quamobrem ita pingit errorem illum, Nutri quidem spiritus aëre, sed non frigido illo, qui attrahitur, sed alterato, hic quidem in pulmonibus, ibi autem in ossibus narium spongiosis. Si quæras, utrius substantiæ, sanguinis, an aëris major sit copia? dicet tibi *12. Meth. 5. de Us. respir. 5.* aëris. Ligatis enim Carotidibus, inquit, manent sensus & motus, quod indicium est, spiritus restitui ex attracto per nares aëre. Ego verò perquam dubito, an quicquam horum concedi illi possit. Si enim, quod ad spiritum Vitalem, aër, antequam ad Cor venit, in pulmonibus alteratur & coquitur, quomodo refrigerat? Sed sit sanè hoc nihil; Si per pulmonum substantiam dispergitur, quid cogit denique illum redire ad Cor? Quod ad animale, non potest illi tribui aër, nisi concedatur motus Cerebri, qui quia (ut planè mihi persuadeo, propterea, quæ dixi in peculiari digressionem *Comm. in de Us. part. 8.*) commentitius est, non vereor etiam dicere, necessitatem hanc aëris commentitiam esse. At Galeno tantoperè placebat, ut propterea, nisi fallor, dubius fuerit de spiritu naturali. Quamobrem etiam, ubi concedit, aut diaphragmatis ventilationem causatur, aut rami arteriæ Celiacæ ingressum in hepar, à quorum neutro cum aër adduci possit, fuerit etiam per hæc spiritus ille nullus. Quod ad Carotidum ligaturam, experimentum Galeni planè fallit. Quamvis enim liget externas: non ligat tamen internas, per quas dum fit *ἀνασπύρασις*, non tantum non falsa, sed & vera etiam sententia illa *6. de Us. part. 17.* spiritum esse exhalationem quandam sanguinis benigni. Ut si propriè loqui velis, dicendum sit, spiritus perpetuò generari, nunquam autem nutriri. Hoc enim illorum est, quæ sunt in esse: at spiritus sunt perpetuò in fieri. Atque hanc etiam definitionem spiritus volo esse, certus, quicunque alias comminiscuntur, frustra se conicere in difficultates Logicas. Hoc duntaxat affero, Galenum *11. Meth. 3.* explicare τὴν ἀνασπύρασιν per alias has voces, aërationem, sanguinis alterationem, ejusdem in vapores solutionem. Etest, si hoc quoque vis, definitio causalis, per quas Philosophi quoque non rarò definiunt. V.g. Eclipsis est interpositio terræ: imò interpositio est causa eclipsos.

CAP.



## CAP. VI.

## Quæstio de Spiritibus.

**H**ic I. magno cum molimine agitur otiosa quæstio, An sint pars corporis? Consi-  
stet enim tota his super definitione partis. Si enim recipiatur definitio Ferneliana,  
frustrâ est, non possunt esse partes propriè dictæ, ut ipsi loquuntur, quando non vivant,  
non sint animati, non edant actionem, sed præstent usum tantum. Erunt igitur partes  
sui generis, ut Vallesius definit 2. *Controv.* 4. Sin (quod omnino faciendum est) accipi-  
mus definitionem Galeni, 1. *Meth.* 5. omnino erunt partes: faciunt enim ad constitutio-  
nem & conservationem totius. Adite Scaliger. *Exerc. contra Cardan.* 80. n. 2. Vicina  
huic, & tantum non inepta est II. quæstio, An sint animati? Uno verbo, Id est animatum,  
quod est organicum, totum, inquam, compositum, quod constat ex anima & corpore.  
At Arist. *lib. de Mundo*, c. 4. vocat essentiam animatam, *ἐστὶν ἐμψυχον*. Resp. Liber ille  
non est Aristotelis, sed Stoici cujusdam. Rursus, de *Comm. animal. motu*, 4. & 6. vide-  
tur *ἐμψυχον* facere quia ab alio moveatur. Resp. Longè alius loci sensus est, hic nimi-  
rum, Quæcunque ab alio moventur, inanima sunt. Hoc de partibus animalium intelli-  
gi non potest, alioquin ne partes quidem solidæ essent animatæ. Quo ipso cadit argu-  
mentum vulgare, Anima utitur spiritibus, tanquam instrumento. At anima utitur illis  
tantum, quæ actu sunt animata. Nego enim Minorem. Inò corpus totum, quo anima  
utitur, per se est inanimatum. Ita Valles. *Comm. in lib. de Alim.* non omne, quo quis utitur,  
est de essentia illius, qui utitur. Ego utor clavo, pennâ, & tamen clavus non est de essen-  
tia mea. Et licet hoc simile sit aliquatenus dissimile: constat tamen in iis, in quibus sibi  
constare debet. Ex his intelligitur, quanti sit facienda determinatio Costæ i, *lib. 6. Disq.*  
*Phys.* Spiritus veras esse quidem partes, sed inanimatas. III. quæritur, Si omnino  
sunt partes, quod est ipsorum temperamentum? Quidam magni nominis Medicus  
negat hoc sciri posse, quod tactu non percipiantur: Galenus autem 2. de *Temper.* 3. di-  
cat, Medicum sensu judicare temperiem eorum, quæ in corpore sunt. Miror pro-  
fecto judicium viri! Si enim ita universaliter vult accipere, Medicum ea tantum perse-  
qui, quæ sensus docet, negabit pariter spiritus dari, quos tanto cum apparatu astruit.  
Sed particulariter loquuntur de Temperamentis tantum. Est quod illi objiciam ex eo  
ipso Galeni loco. Ait is primis statim verbis, Ergò Calidi & frigidi judex est solus sen-  
sus: humidi autem & sicci, cum tactu ratio. Sed non faciat hoc ad propositum, quia spi-  
ritus sunt exhalatio sanguinis benigni, fuerint fortè ejus temperamenti, cujus sanguis  
est? Omnino. Ut igitur sanguis est calidus & humidus: ita spiritus quoque, sed in ulte-  
riore gradu. Quamobrem consentio quidem illis, qui calidissimos omnium in corpore  
partium statuunt: at non consentio, cum subito addunt, siccissimos quoque esse, quia ne-  
siccos quidem esse dico, sed humidos. Hac de re legere potestis Bertachium, studiosè se-  
diffundentem 2. *Spir.* 13. & 14. IV. Quærent Practici, An spiritus etiam morbis sint ob-  
noxii? Vulgò nec spiritibus, nec humoribus ullum morbum tribuunt: sed ipsi se jugu-



stant suis gladiis. Cur enim febres humorales distinguunt ab Ephemeris, & has ab Hecticis? Locus est apud Gal 3. de Loc. aff. 5. ubi agnoscit duplicem intemperiei motum, alterum in humoribus, alterum in solidis partibus. Ibi cum taceant duo summi Viri, Valles. & Thom. à Veiga, monebat, atque adeò urgebat Medicos Scherbius, causam dicerent, Cur si in humoribus est intemperies non sit etiam morbus? Similis locus est 3. Progn. 37. ubi considerare jubet Gal. utrùm solida aliqua pars (hic enim sensus est) insigniter sit affecta, an potius morbus sit in vasis? Unde infero ego, Si vos, ô Medici, consideratis Cor, non ut in macello venundatur, sed ut actuosum est; est autem actuosum, non soliditate tantum suâ, sed & humoribus, spiritibusque: quidni in his duobus pariter morbus sit? Si per Galenum & intemperies est morbus, quid tenetis nos illo solo, Causas tantum morbificas ibi hæere? Et quoties idem Gal in l. Pract. morbi sanationem collocat in concoctione humorum? Atqui si ibi sanatio est, oportet quoque ibi morbus sit. Deceptio inde est, quod dicunt, morbum necessariò lædere actionem. Ita est: Morbus semper lædit actionem aliquam Organicam. At quia actio illa fit à duabus, & genere diversis partibus, quarum hæc quidem agunt, illæ autem agentibus subserviunt, sive, ut loquuntur, usum habent: necessarium non est, ut semper lædantur partes, quæ agunt. Visio v.g. fit à multis partibus, è quibus solus fortè CrySTALLINUS agit, reliquæ omnes usum habent tantum. Læditur autem visio, non minùs læsis his partibus ministris, quàm illâ principe. Ita, licet humores nihil agant, hoc est, nullam perfectam actionem edant: læsio tamen illorum lædere potest perfectam actionem. Quid si dicam, agere? annon ex sanguinis differentia Aristoteles, & omnes rectè sentientes sumunt differentias robustarum, debiliūque actionum? Si dixeris, fermentatione spirituum: dicam ego, recidere in idem, quin favere id quoque huic rei, quam ago. Quæ causa est, cur Actuarius inter recentiores Græcos peculiariter scripserit de Affect. spir. animal. Et quid? Annon ab omnibus Galenicis tribuuntur his morbi, stupor, tremor? Annon vitali spiritui syncope, seu lypothymia? Jam enim non distinguo. Annon soni quidam in auribus fiunt ob nimiam spiritus auditorii, sive, ut aliis placet, æris implantati tenuitatem? Quæ de re Solenander, 1. Consil. 3. Et rectè, nisi fallor, Bertachius, 2. de Spir. 11. vitium spirituum quoque agnoscit in copia & tenuitate. An autem quod Costæus contendit, Notis in Avic. morbi spirituum sint alii ab iis, qui vulgò scribuntur in Libb. Practicorum, nescio. Puto autem ex Methodo potius medendi faciendum esse iudicium, quàm ex Catalogis illis Empiricis. V. quæstio. Dissidium etiam est de putredine spirituum. Sunt qui negant illis contingere: sunt, qui asserant. Si enim Aristoteles 4. Meteor. 7. rectè dicit, Omnia præter ignem putrescere: spiritus certè non erunt immunes. Nec obstat natura illorum ignea, quam quidam jactant. Ego enim æream esse dico. Quare cum symbolum habeant, non fiet tam difficulter quàm ipsi putant. Et ær cum putrescere possit, quod præter experientiam Aristoteles docet, spiritus non possint? maxime si ær ad constitutionem illorum requiratur, ut isti volunt. Sunt, qui nodum in scirpò quærunt, & dicunt, Vapores putridos misceri illis posse: putrescere in substantia non posse. Credo equidem, si prorsus ignei sunt: hoc verò inter postu-



postulata est. Aërei igitur quia sunt, si contigerit misceri spiritibus inquinamenta, profecto putrescent. Putridum enim serpit. Sed non fiat, tam debet Medicus esse occupatus in everrendis illis sordibus, quam si substantia ipsa esset affecta. Utrobique enim fiet Ephemera pestilens, intra paucas horas fortè lethalis. Hanc omnino spiritus putredinem negabit, quicumque cum Fernelio Spiritum Stoicum affirmarit: imò ne causam quidem mortis reddiderit. An paucis defungi possumus? Cum spiritus secundum naturam sint exhalatio sanguinis benigna: utique sanguine corrupto erunt exhalatio maligna. Hæc ratione vitabimus illud quoque telum, Putredo eorum est, quæ sunt: at spiritus sunt in fieri.

## C A P. VII.

## De Spiritu Vitali.

Poterunt fortassis universalia hæc enus allata sufficere futuro Medico: at verò quia semel ingressi sumus hanc viam, afferendo in medium aliorum quoque cogitationes, non oportet ab illa desistere, priusquam promissis satisfactum sit. Utor autem hic compendio, cenleoque singula non secundum capita, uti pridem, sed secundum triplicem spiritum; ab omnibus terè assertum hodie. Initium igitur facturus à Vitali, hoc moneo, Retinere me nomen Galeni, huc usque in schola Medica retentum, licet de re ipsa longè aliter sentiam, doceamque. Addo hoc quoque, Ponere me illum loco priori, ob prioritatem; ut sic dicam, Cordis. Quæ ut rectè intelligantur, atque inde spiritus Vitalis agnoscat, utar discursu Turrifani, 2. in *Artem* 12. Quæritur (vult dicere) utrùm partes principes dictæ sint æqualiter principes, ut nulla illarum sit altera præstantior? an potius principatus debeat uni ex illis, ut Regi; reliquis, ut Ducibus, seu Vicariis regis? Dico ergo, Impossibile est, ut æqualiter dominantur. Sicut enim anima in quolibet animali est una essentia, secundum se impartibilis, multas tamen & diversas habet facultates: ita oportet corpus humanum esse unum, multa & diversa habens organa, subservientia illi. Sicut autem omnes facultates habent se ad unam essentiam: sic omnes partes organicas connexionem habere oportet ad unam partem Organicam, cæteris principaliorē. Hæc pars Organica, seu hoc Organum deputatum est substantiæ Animæ, in quo illa sedem habet, & è quo tanquam fonte in alias partes profecta, regit totum corpus, perficitque. Propter Animam enim cujuslibet animalis unam secundum essentiam, oportuit esse unum principale membrum, à quo principaliter pendeat. Ipsum quoque inter membra primò generari oportet, & vitam in ipso primò inveniri, & ultimò ab ipso auferri. Hoc membrum non esse aliud quàm Cor, constat ex longâ Anatomicorum experiētiâ. Hoc ipsum aliâ etiâ ratione demonstrari potest. Manifestum est, quod anima regit corpus, & perficit per actiones & motus, quos per corpus facit. Sed actiones omnes, & motus impedit frigus, adjuvat calor. Non enim est sentire, aut moveri, aut aliquāter vegetari, sine calore, inquit Philosophus; Calor quippe cæteris qualitatibus activior est, ut Galenus quoque docet. Ideò ignis, cujus præci-

pua



qua qualitas est Calor, activior est, & formalior inter Elementa, minus corpulentæ materiæ participans, unde ferè ignis non est calidus, sed calor. Ex quo quidam ausi sunt dicere, Animam esse ignem. Sed errârunt, ut dicit Philosophus, non secùs ac si quis dicat, malleum esse fabrum. Ergò si Anima utitur aliquâ qualitate, ut instrumento, Calore utitur. Quare illud membrum, quod Caloris fons & principium est, erit præstantissimum, adeoque pendeant ab eo reliqua membra, quæ anima ipsa. Sed hoc esse Cor, palàm est. Cor enim & spiritus sunt membra omnium calidissima, inquit Avic. 1.1. doct. 3. c. 2. Spiritus autem generatio in Corde est, & ejus virtute calent reliqua. Testatur hoc Gal. quoque 2. de Temper. 3. de Inaq. in temp. 3. Si introniseris digitos in ventriculum Cordis, dum animal vivit, senties in eo majorem caliditatem, quàm in ulla alia parte. Unde rectè Philosophus 3. Part. 7. necessariò ponendam esse aliquam partem, quæ sit veluti caminus, in quo ponatur vivificans, τὸ ζωνογόν, & hoc bene custoditum, veluti arx civitatis. Est autem hoc vivicans, anima, quæ facit hoc per operationem, quæ manat à calore. Quare rectè Arist. Oportere primum membrum vivificans deputatum esse, veluti caminum igneum. Præterea Cor est sanguinis principium, sicuti dicitur 3. de Part. 4. Non enim, ut in hepate, vel aliis sanguis continetur in vena, &c. Invenitur etiam Cor in embryone sanguinem habere, non ut distinctis venis, sed sanguis ita est calidus, ait Philos. 1. cit. ut constituat essentiam ipsius, & ingrediatur definitionem ejus, non secùs ac si aquam fervidam velis definire, aut si hominem album: albedo ingrediatur oportet definitionem ipsius. Non est autem ipse tantum calidus, sed & membra alia calida sunt magis & minus, prout sanguinis habent plus & minus. Dicit enim Gal 1. Temper. 9. unumquodque membrum tantum habere caloris, quantum sanguinis. Si ergò calor, qui in membris est, principium est in sanguine, sanguis autem est à Corde. Hoc ita esse ostenditur, & lib. de Respir. & de Somno, in quibus docetur, Cor indigere refrigeratione. Nisi enim ibi esset abundans Calor, non opus esset refrigeratione, quæ fit per respirationem & pulsum, quorum in ipso, & ab ipso principium est. Unde concludere licet, Si unum est membrum, quod reliquis omnibus antecellit, tria vel quatuor non possunt æquè excellere. Cor igitur quia est ut Rex, reliqua erunt ut Duces. Hoc Philosophus in lib. de Comm. animal. motu, circa finem, manifestè significat. Volens enim ostendere, Animam in uno aliquo principali membro esse, in reliquis aliis per facultates & virtutes, ait: Existimandum esse, constare animal, quemadmodum civitatem bene legibus & Regibus rectam: In hac enim cum stabilitus sit semel ordo, nihil opus est separato Monarchâ, quem oporteat altare singulis, cum quilibet faciat, quod muneris sui est, & veluti per consuetudinem. In animalibus hoc idem fit per Naturam, quia natum est unumquodque facere officium suum, ut nihil opus sit, in unoquoque esse Animam radicaliter. Cum enim sit in quodam corporis principio, vivunt per illud alia quoque, quia adnata sunt illi principio, faciuntque opus suum per naturam. Vocat ergò Philosophus Animam, seu essentiam animæ, sicut Monarcham quendam, qui singulis membris injungit proprium opus, propter facultatem quæ ab Anima influit. Ipsa autem per essentiam suam Cordis arcem occupavit, sicuti Monarcha in medio civitatis habi-



habitat, cujus essentiam ad extrema civitatis extendi nihil necesse est. Quare videntum jam est, quid singulis partibus detur ex Corde: Si enim Cor est principium omnium virtutum, quod non diffidentur Medici, dum Cor Caloris principium faciunt: non potest esse principium unius solius. Ergo, cum Cor sit deputatum essentiae animae, oportet omnes facultates animae in Corde sint, quanquam confusae. Propterea recte ait Averrh. Quod Cor est potentia faciens omnes operationes, non facit autem omnes actu. Impossibile enim fuit, ipsum organizari ad omnes actiones particularium virtutum, sed quoniam potentiae sunt in ipso, semper potuerunt restaurari in aliis membris, servata ipsorum potentia in radice. Actiones autem, quae in ipso Corde eduntur, sunt nutritio, & sensatio propria: quae in aliis partibus eduntur, effluunt à Corde, ab essentia animae, quae Cordis hospes est, & ita effluunt, ut à principio. Hae potestates cum sint Organicae, effluunt à Corde, beneficio Organi cujusdam universalis, sicut super vehiculo. Et hoc est Organon spiritus. Quod verum sit, spiritum esse Organon actionum, ostenditur argumento isto: Obstructio venarum & arteriarum ex copia sanguinis, naturaliter alioquin se habentis, prohibet effluvium potestatum illarum ex Corde. Item: Constrictio arteriarum cervicis facit animal insensibile & immobile, ut Philosophus docet *lib. de Somno*. Neutrum horum fieri posset, nisi virtutes illae cum corpore aliquo emanarent. Non est autem hoc corpus humor, sed spiritus. Nam obstructio nervi Optici adimit visum. At nervus Opticus non vehit ullum humorem. Vehit ergo spiritum. Ergo ubi est principium spiritus, ibi quoque oportet sit principium facultatum. In Corde autem Spiritus esse, manifestum erit ex dicendis. Nempe spiritus se habet ad facultates animae, sicut manus architecti ad facultates artis, quae sunt in mente architecti. Quemadmodum igitur manus ferrat, dolat, terebrat, sed beneficio & ministerio serrae, dolabrae, terebrae: ita spiritus facit omnia, sed per propria naturae instrumenta. Hic spiritus, ut Avicenna docet *lib. ult. de anima, c. ult.*, temperamentum habet proprium, quod mutatur in propriis instrumentis, v.g. temperamentum spiritus, quod appetit, non est idem cum eo, quod sentit: temperamentum spiritus visivi, non est idem cum temperamento spiritus mobilis. In universum, si temperamentum spiritus esset unum, facultas etiam esset una, & consequenter actio una. Quare, dum à Corde in alias partes influit, incipit partibus illis appropriari, hoc est, temperamentum ipsarum induere, unde etiam facultas appropriatur, à qua denique fit actio, mediante parte. Mutatur igitur spiritus ad mutationem actionis, non secus ac manus artificis aliter atque aliter apprehendit dolabram, ferram, aesciam, malleum. Et haec quidem Turrisanus: qui in subsequ. fusè explicat, quomodo Cerebrum & Hepar sint partes principes, scilicet quod spiritum à Corde acceptum faciunt suum, hoc est, actionibus suis aptum, & utitur praecipue similitudine à corporibus coelestibus captà, Quemadmodum Solis calor, in Luna, v.g. receptus, aliud facit: ita spiritus Cordis ab Hepate, &c. Quae vide, si placet. Mihi enim videntur sufficere posse haec, ut duo inde melius intelligantur: Alterum, Cur & quo sensu spiritum fecerim non nisi unum. Alterum, quo sensu plures esse concesserim. Haec quia subito desiderantur notitiam facultatum certam, oportet



ex aliis locis pauca huc conferre. Tot sunt facultates, quot sunt viventium ordines. Sunt autem non nisi tres, plantarum, animalium, hominis. Ergo non nisi tres sunt facultates, Vegetativa, seu Nutritiva, quæ plantarum est: Sensitiva (& hæc includit Locomotivam) quæ animalium brutorum est: Rationalis, quæ hominis. Dicis: Quid ergo fit de Vitali Gal. quam tu ipse hîc non obscure profiteris? Nihil aliud est, quam *Vegetativa exaltata*. Hoc ita intelligas oportet: Calor, quo plantæ vivunt, est in gradu remissiore, quàm ut sensum nostrum ferire possit: Calor, quo animalia, præcipuè sanguinea, vivunt, est in gradu intensiore, qui incurrit in sensus nostros. Plantæ enim quia terræ sunt affixæ, trahunt inde alimentum utile, quod indiget tantum assimilatione, illâ, inquam, coctione, quæ proportionem respondet tertiæ in animalibus concoctioni. Animalia quia alimentum sibi quærunt, & tale quidem, in quo utile ab inutili junctum nondum est, indigent pluribus coctionibus, & idèò calore ampliorem, qui separat id, quod alere potest, ab eo quod alere non potest. Unde fit, ut illud Vegetativæ, quod in animalibus ad sensum se exhibet videndum, & tangendum, Vitale dicatur, à Medicis præsertim, qui propter usum quædam latius diducunt. Ergo, quod unum est in plantis, & alimentum conficit, fit quasi duplex in animalibus. Illud, quod in plantis proportionem respondet Cordi, unicam tantum facultatem habet, *ἡ ἐν τῷ εἶναι τὸ φυτὸν, ut perennare possit planta*: Cor in animalibus, quasi duplicem habet, alteram, *ἡ ἐν τῷ εἶναι τὸ ζῷον*, alteram, *ἡ ἐν τῷ σωτηρίᾳ τῆς κατὰ φύσιν*, ad conservationem refrigerationis, calori illi intenso debitam, ut Arist. loquitur, *de Respir.* 2. Licet igitur in rei veritate non nisi unica sit facultas, unicum scilicet constituens viventium genus: possumus tamen, in gratiam Medicorum, habere pro duplici, & illi quidem nomen vulgare relinquere: huic autem per mittere nomen à Galeno illi datum. Igitur si quæras, Quid facit Vitalis illa facultas, aut potius spiritus, de quo agimus? Dicitur tibi, duo agere, Respirationem & Pulsum. Illa (*respiratio*) molitur refrigerationem caloris in fonte suo: hic (*pulsus*) propellit calorem, non tantum in partes principes, à quibus appropriatur: sed & in universum corpus seu habitum, in quo fit alter refrigerationis modus, qui *ἀναπνοή* dicitur, cum alter ille *ἀναπνοή* vocari soleat. Ex his jam ampliùs intelligitur, quantus spiritus in animalibus sanguineis, vel unus, vel plures sint. Quod si spectavit Argenter. lib. 2. de Somn. & vigil. 8. & seqq. item Comm. in artem, c. 9. bene se res habet: fin, quod valde puto, diversitatem in nominibus tantum agnovit, adeoque spiritum, qui v.g. in hepar fertur, non accipere voluit ab illo hepate alterationem ullam, jam admitti non potest. Quo sensu etiam metu in nullatenus potest confusio spirituum. Ea enim confunduntur, quæ sunt in esse: at spiritus sunt in perpetuo fieri. Cæterum, si hac ipsa expositione uti volent triplicis animæ patroni, fatebuntur illi se deceptos esse. Cum enim de mente Galeni, tres partes principes tradant invicem mutuas operas, idque fiat mediantibus spiritibus; quomodo non confundentur spiritus, si in hepate v.g. conveniant naturalis, vitalis, animalis? Atque hîc omninò facit similitudo, quâ Aristoteles utitur, 5. de Generat. ult. spiritum esse similem instrumentis quibusdam muki usus, ut in arte fabrilis malleus est. Utenim alii fabri alios habent malleos: ita spiritus idem diver-



diversos induit habitus, pro diversitate operum, quibus ministrant. Sunt qui petant hoc à diversitate spirituum insitorum, quos *ἐξ ἰδιοσυγκρασίας* partium, cui unica debeatur actio, elici oportere dicunt. At verò cum spiritus illi sint commentitii, & calor *συνφυττός* præstet nobis id ipsum, non est opus pluribus. Hoc modo vitamus absurdum, quod Argenterius objicit, Si plures sunt spiritus, plura sunt calida innata. Reverà enim, si pluralitatem Galenicam admittis, admittas quoque oportet plura calida, & consequenter plures animas. Vellem autem audire, quomodo Argenterius ipse effugiat absurditatem plurium calidorum, quando quidem spiritus insitos agnoscit: imò, quomodo uti possit valido illo alioquin tormento, Diversæ partium facultates, aut potius diversæ actiones non possunt uniri, nisi per spiritum id fiat. Spiritus est verè unicuſ, quomodo malleus constituit unicum instrumentum fabrilis. At verò ut malleus differt à malleo, ratione materiæ, quam tractat: ita spiritus. Et ita quidem comparari spiritus potest: cum sanguine non potest. Est autem merè passivum quid. Non potest etiam comparari cum partibus Organicis, v.g. Ventriculo, qui unus cum sit, plura agit, concoquit, expellit. Pertinent autem & ipsæ ad materiam, nec quicquam fieret, nisi accederet activum quid. Id verò an uniforme sit, non est facile dictu: V.g. qui sit, quod lædatur in Cerebro alia atque alia actio, illaſis aliis? Qui sit, quod in partibus nutriendis lædatur agglutinatio, salva appositione? modò appositio, salva attractione? Et sic de cæteris. Novi, Actuarium in Cerebro facere tot spiritus; Novi Colicæum in partibus nutriendis idem cogitare: ego verò *ὑπέχω*, ut supra quoque innui. Ex his si quis velit, distincè proposuerit causas Vitalis hujus spiritus. Efficiens est *ἀεικίνητος καὶ αὐτοκίνητος* illa *ἁρμία* Galeni, quam cum *ἐντελεχεία* Aristotelis, imitatione Ciceronis, dico esse eandem, licet non ignorem, quid Monlorius, alii objiciant. Hæc enim cum more perpetuò mobilis ignis, ut Gregorium Nyssenum loqui audivimus, semper est in motu, & quidem non sine materia, in quam agit, facit necessariò exhalationem. Hæc non est materia spiritus, ut quidam ex 7. de Sent. Hippoc. docent: sed est ipsissimus spiritus. Materia autem sanguis est, ex hepate sursum ad Cor translatus. Qui volunt, non sanguinem hepaticum, sed spiritum naturalem dictum cum sanguine illo euntem, esse materiam spiritus hujus, nimis illi accurati videntur. Sed & incauti sunt, dum contendunt, dici ob id spiritum illum 4. de dign. puls. 2. materialem. Opponit illi quidem *τὸ σύνφυτον πνεῦμα καὶ ζωτικόν*: at verò cum ait, æreum & materialem hunc spiritum esse in majoribus cavitatibus, non satis se explicat. An quia agit contra Agathinum Peripateticum, de pulsu pleno, materialem spiritum vocat, quem Aristoteles simpliciter spiritum, qui in arteriarum cavitate sit, non in membranarum substantia? Ab hoc enim ut se jungeret suum, quem in ipsis membranis arteriarum ire vult, peculiare dat illi nomen, ita tamen, ut non neget, Agathinum de Vitali spiritu locutum esse. Quo ex loco intelligi potest, quid sentiam de illis, qui spiritum hunc Vitalem dicunt esse duplicem, alterum in Corde, alterum in tunicis arteriarum. Reverà enim nititur ea res ludicro illo experimento, ex lib. An sanguis in arteriis, cap. ult. de quo quid sentiam dixi, in lib. de Thorace. Porro, qui ærem etiam pro materia spiritus hujus agnoscunt, illis jam satis-



factum est. Instrumentum est ipsum Cor, & est non secundum sinistrum ventriculum tantum, quæ vulgaris opinio est, sed secundum utrumque. Cum enim dexter quoque pulset, sensus etiam testimonio; cum idem conficiat sanguinem, ut Galenus disertè docet: quidni spiritus quoque faciat? Quod si aeris substantiâ opus haberemus, meliori jure ad dextrum deduceremus, quàm ad sinistrum. Hic enim vena est, si substantiam spectes; ibi, in dextro, arteria, si eandem. In sinistro igitur Cordis ventriculo confectus spiritus Vitalis, diditur per totum corpus in arterias. In dextro, sursum quidem in pulmones, præcipuè in caput fertur: deorsum autem ad hepar, & consequenter in totum corpus, per venas: In quibus vis ejus augetur ab adjacentibus arteriis per *ἀνασύνωσιν* junctis. Quæ cum ita sint, non potest non *usus* ejus latissimè patere. Quem cum alibi explicuerim, eruerimque ex angustiis illis, in quas Galenus illum compegit, non eronunc longior.

## CAP. VIII.

## De Spiritu Naturali.

Naturalem intelligo, non illum, qui aliàs singulis partibus insitus esse dicitur, aut, ut commodius loquar, qui idem est cum *τὸ δέξιον σπυφύτω*, ut quosdam velle patet ex superioribus: sed illum, qui de Galeni sententiâ ex hepate influit in partes nutriendas. Ita loquor, quia si hepar est sedes animæ vegetativæ, oportet animam illam administrum habeat spiritum, ut ut de illo dubius sit Galenus, 12. *Meth.* 5. Hic subito (ut fieri solet, ubi falsa defendimus, studio sectæ) immanes procellæ existunt, præcipuè autem duæ, Altera est, sitne hepar origo alicujus virtutis influentis? Quod idem est ac si dicas, sitne hepar radix & fons animæ Vegetativæ? Altera, sitne spiritus aliquis naturalis? Quivis videt, alteram ab altera pendere. Si enim hepar est origo Virtutis, aut, si mavis, facultatis alicujus, erit etiam aliquis spiritus naturalis: facultas enim sine instrumento non agit. Vallésius 2. *Controvers.* 16. & 17. de utraque agit, sed ita, ut postquam legeris, æquè incertus sis ac anteà. Quod ad primam, dubitandi ratio inde est, Si naturale est id, quod unumquodque à natura sua habet, quomodo dici possunt partes nutrientes habere aliud (ab hepate, inquam) facultatem illam, quâ vegetantur seu nutriuntur? Et ne tu faciliè hoc contemnas, attingit controversiam Præcticam, quæ est, An partes nutriendæ possint etiam per consensum affici? quatenus, inquam, nutriuntur? Nam quoad Virtutem Vitalem & Animalem, per consensum affici posse extra dubium est. Ratio dubitandi ferè nititur autoritate Galeni, 1. de *Loc. aff. ult.* ubi instrumenta naturalia ab animalibus ita distinguit, quod quicquid habent naturalia, habeant *σπυφύτων, connatum*: quicquid animalia, *ἐνσπυφύτων, influens*. Quare illa quidem per consensum affici non posse, hæc autem posse. Erant, qui distinguerent, Aut loqueris, dicebant, de facultate sanguificatrice in universum: aut loqueris de facultatibus ministrantibus dictis. Illa procul dubio ex hepate influit in venas, autoritate Galeni, 6. de *Sent. Hippoc.* 3, 8. *ejusd. operis*, 1. 2. *Acut.* 47. de *Cur. per sang. miss.* 6. hæc



hæ insitæ sunt omnibus. Quid hic Vallesius? Negat distinctionem hanc Galeno posse esse acceptam, quod indistinctè docuerit in *de Loc. aff.* quicquam naturalium operum esse aliunde: quo de si certus non fuisset, non dubitasset de spiritu naturali, *Meth. l. c.* quia 1. *de Caus. sympt.* 7. non copulasset vim animalium vegetatricem cum plantis. Tandem, cum multa dixisset Valles. contra quendam, qui influxum ab hepate asserbat, Dicitur hepar, inquit, virtutis illius origo, partim, quia ea virtus potissimum ibi viget, partim, quia venarum radix & origo est. Quæ porro dicit de venarum vi sanguificatrice, planè produnt rem, ut mihi quidem aliud dicendum non sit, quàm quod Galenus ipse 6. *de Sent. Hippoc.* 3. paulo ante verba à Vallesio laudata, Hepate debilitato sensim animal, moraque temporis, læsionem contrahit in alimento percipiendo, & calore. Quæ cum è diametro pugnent cum iis, quæ in *de Loc. aff.* docet, boni viri fuerit considerare, non quid Galenus hic aut ibi dicat: sed quid in rei veritate sit. Ita loquor, non ignarus, quid *Comm. in dictum locum* comminiscatur Vallesius. Quo enim modo transmissio materiæ sine facultate imaginabilis est, vel ideo, quia hepati debetur principatus quidam, ut mox ex Peramato audiemus. Et hæc quidem de prima quæstione. In alterâ distinctionem parat idem Valles. nescio an satis commodam huic loco. Non datur, inquit, spiritus naturalis, si de hepate loquaris: at datur, si de Testibus. Hi enim semen conficiunt, è cuius crassamento factæ partes spermaticæ habent spiritum naturalem seu complanatum. Sed & si commodissima sit, docuit nos ad spiritus insitos, & quidem alius individui, de quo nobis sermo non est. Thom. à Veiga, *Comm. in dictum loc. de Loc. aff.* quò se refert *Comm. in Artem*, c. 38. cum docuisset, quis verè sit status controversiæ, absolvit se nimis quàm facilè, dicendo, Galenum docuisse, Hepar quidem esse sedem facultatis nutritoriæ, sed ita, ut toti corpori communis sit. Quibus ex verbis quàm clarum est, conjungere illum utriusque partis sententiam: tam obscurum est, quomodo id probet. Primam quidem partem rectissimè deducit, hepatis principatum consistere in eo, ut communiceet facultatem suam toti corpori: alteram autem tanquam probatam assumens, quæstionem instituit, fu'equè tractat, Cur ea sit inter naturales facultates & anima differentia, ut hæc quidem insitæ, illæ autem insitæ sint. Si rectè intelligo, responsio evertit problema. Si enim partes non habent opus influxu, quorsum institutus est pulsus, adeoque tota arteriarum structura? Non aliter, inquit, arteriæ calorem membrorum continent, dum arteriali sanguine, spirituque, demum calore aluntur, eundemque per tunicarum distensionem ventilant, quam nos ignis diuturnitatem, affuso alimento, parataque ventilatione molimur. Hinc ita infero, Si partes nutriendæ habent facultates insitas, & non aliunde communicatas, quid sit, quod sine hac Cordis facultate non perennant? Agedum autem, Vir magne, si hepar principatum quendam habet, ut ais, probasque insuper autoritate Galeni tui, in *Arte*, c. 9. 95. 5. *de Loc. aff.* 1. 7. *Meth. ult.* quo, quæso, modo simul dicere potes, superfluo hepar ad usum præstandæ facultatis naturalis? Superfluit autem, ut tecum loquar, habentque partes calorem suum à Corde per cavam communicatum, annon prodis Galenum tuum? Nec quicquam me tenet, quòd non secus ac Valles principatum ponis, non in facultatis, sed materiæ transmissione.



Dico enim materiam, sine spiritu delatore, ire non posse. Nempe enim, tu ipse me docuisti, alimenti per membra progressum operari animam. Omnino video hic id, quod alibi dixi, Hispanum hunc velle cautum lectorem, qui decipi nolit: sæpe enim videtur velle hoc, cum revera rationes prægnantiores sint ab adversa parte, præcipue contradictionis evidentia. Et ita quidem in prima quæstione labascit ille: Videtur verò labascere quoque in secunda, cum spiritum quidem naturalem negat, addit autem, Nisi quis ita appellet partem sanguinis tenuissimam, &c. Peramatus *l. de fac. c. 3.* videtur sequi velle præceptorem, cum duplicem in venis agnoscit vim, alteram ab hepate, alteram infinitam. Nimirum, cum venis jungit reliquas partes omnes, ex *1. de loc. aff. ult.* accedit ad communem illam toti corpori facultatem nutritoriam. Hepatis facultatem ostendit ex *2. Acut. 47.* item *7. Meth. extremo*, quibus locis Galenus tres principes partes vocat *χρηματὶς διυδαίνους, quæ præbent facultatem.* Item ex *lib. de Cur. per sang. miss. c. 6.* ubi expressè ait, Cerebrum quidem & Cor facere hoc; Hepar autem bonam nutritionem præstare, bonumque colorem. Item ex *6. de sent. Hipp. 4.* ubi penè eadem verba sunt, illa, inquam, quæ modò objeci Vallesio. Ostendit etiam hac ratione. Si hepar potest communicare venis vim sanguificam, oportet ipsam habeat. Habere probat iterum ex Galeno, qui *4. de Us. part. 12.* carni hepatis primatum ascribit in sanguificatione. Quin *6. de Sent. Hipp.* refutat eos, qui venas ex se volebant sanguificare, cum id ab hepate habeant. *5. item de Loc. aff. 7.* hepatis refert accepta sanguificationis vitia. Et paulo ante *c. 6.* hepar frigidum dicitur refrigerare venas. Rursus, venarum facultatem probat ejusdem testimoniis, quorum primum est illud, toties allatum ex *1. de Loc. aff. ult.* Quod confirmare licet ampliùs ex *6. de San. tu. 2.* ubi (veluti explicat Peramatus *de Facult. c. 6*) per *σωματικὰς ἐσθλας* intelliguntur naturales facultates, quippe quæ corpori insitæ sunt, & non aliunde influunt. Alterum est, ex *4. de Us. part. 2.* ubi ait, Venas mēsaraias non deducere tantum alimentum, sed & præparare, non secus ac hepar, quippe cui & substantiâ similes sint, & è quo nutriantur. Tertium est, ex *eiusdem lib. c. 12.* ubi non tantum affirmat, inesse venis quibusdam vini sanguificandi, sed & naturalem inesse. Quartum est, ex *eiusdem lib. c. 17.* ubi secundarium venarum usum esse ait, coquendi materiam quam vehunt. Quintum est, ex *1. de Fac. nat. 7. primis verbis*, cum ait, Venas agere ex proprio temperamento. His possis addere ex *lib. de Cibis boni & mali succi, 3.* ubi utrumque est, vitiosos succos coqui à facultate, non hepatis tantum, sed venarum etiam. Et quia objici poterat, Venas, cum sint albæ, non posse facere sanguinem rubrum: Respondet, Quemadmodum hepar dum facit sanguinem, facit quidem congeriem quandam rubram, sed in qua & pituita alba est, & bilis flava, & melancholia nigra: ita venæ. Falsa igitur est, inquit, hypothesis illa. His omnibus quid proficit Peramatus? Ut fateatur bis, Licet instrumenta naturalia regantur à natura: indigere tamen hepate (nota) & Corde, ad sui tutelam & conservationem: idèd laborare posse morbis, si desint illa, atque ita vitietur temperamentum illorum. Hoc verò quid est aliud quàm influxus? Et tantò quidem evidentius, quia concedit spiritum naturalem? Caterùm hoc rectè à Peramato animadversum fuit, fugam Vallesii & Thomæ à Veiga, quòd hepar materiam tantum



tum transmittat partibus, ab ipso Galeno fuisse derivam. Ait enim 6. de Sent. Hipp. 4. Siquis (Erasistratum hunc esse auguratur Peramatus) in eam opinionem venerit, facultatem sanguificandi à Corde esse, materiam à jecore, is per proprias hypothesen se ipsum evertit. Cum enim dicimus (addit) sanguinem ex hepate emanare, quid aliud statui-mus, quam facultatem sanguificatoriam in eo viscere esse? Quod enim membrum ma-teriam toti corpori præstat alendi, id membrum altricis facultatis principium est. At hepar, non Cor, præstat toti corpori alimentum. Ergo hepar est principium facultatis quoque nutricis. Quæ lux meridiana clarior esse possit, quam hæc argumentatio est? Quo fit, ut illa, quæ cap. 6. sequuntur, Principium esse id, quod vel vim, vel materiam sal-tem omnino suppeditat, explicari debeant per hæc anteriora. Revera enim *τὸ saltem* Interpretis, non est de mente Galeni, ut rectè animadvertit Peramatus. Sed & illud *πρὸς τὸν γυναικῆ*, non absolutè indicat solam materiam. Quare rectè Altimarus in *tract. de Spiritu naturali*, ait, Principium appellamus, non modò quod vim seu facultatem, ve-rum etiam quod materiam suppeditat. Hoc ita inverteris: Principium appellamus (de-mente Galeni) non solum quod materiam: sed etiam, quod facultatem communicat. His stantibus, non possum ego videre, quomodo non, apud Galenum quoque, natura-lia instrumenta per consensum afficiantur? An igitur ita dicendum est, Cum semper & ubique considerentur duo temperamenta, ut jam aliquoties dictum est, commune scili-cet, & proprium: in animalibus quidem actionibus affectus per consensum valde sunt evidentes: in naturali minùs evidentes sunt? An id ipsum fit, quia nutritionem partium demandamus soli hepati, cum Cordi illa non minùs, imò magis debeatur? Manardum *lib. 5. Epist. 1.* valde quàm miror concedere hepati facultatem propriam, negare spiri-tum, vel idèò, quia spiritum vitalem onerat hac molestia, cujus longè aliud munus est, stante hypothesi de principatu hepatis. Sed audiamus argumenta ipsius. *Primum* est à fine, Cum sufficiat, inquit, spiritus vitalis, quid opus habemus naturali? *Secundum* est à materia, Cum ut animalis quoque spiritus fieri debeat ex vitali; ad hepar autem non nisi parvæ arteriæ, & hæc quidem ad summa tantum eant: unde sit copia spiritus naturalis illa? ea quippe, quæ tot partibus sufficiat? *Tertium* est à loco, Cum & in Corde, & Ce-rebro cavitates sint, in quibus spiritus illi fiunt, debebat utique in hepate etiam esse ca-vitas: at nulla est. *Quartum* à viis, Cum non habeat alias vias, quàm venas; venæ au-tem, ob tunicæ tenuitatem, sint ineptæ: dici non potest naturam tantoperè delirasse. *Quintum* à defectu nutritionis, Cum aer accedere ad hepar non possit, unde restaura-bitur? *Sextum*, Sanguis ipse turbulentus & crassus est, necdum ab excrementis liber: qui ergo dici possit idonea esse ejus materia? Huic se opponit Bertachius 3. de spir. 10. sed paucis: Pluribus & tantum non operosius quàm res ipsa vult, Altimarus in *opella sin-gulari*. Non minùs enim quàm suprà de Calido, omnia congerit ex Galeno, sufficere ratus, si sectæ suæ consulat. Omnino Manardo circumspiciendus est, non tantum in eo, quòd firmior est in Galeni placitis tuendis, sed & quia videt, qui consequatur propriam hepatis animam. Ab initio statim proponit argumentum Manardi, mox ne obscuri-tas ex ignoratione terminorum existere possit, docet, quid sit spiritus? & quotuplices illi



illi sint? Ejus rei occasione affert locum Galeni, 12. *Meth* 5. quo dubitat, an detur spiritus naturalis? Tertiò, ut probare possit dari, struit hypotheses quasdam hoc ferè sensu: Ex Galeni sententiâ, 11. *Meth*. 1. partes solidæ triplici constant substantiâ, spirituosâ, carnosâ, & quæ speciatim solida dicitur. Jam quia nulla harum partium subsistere potest, nisi in locum deperditi aliquid subrogetur: utique spiritus perennabit substitutione spiritus alicujus. Spiritus influentes cum sint triplices; non possint autem, vel vitales, vel animales (jam enim his aliud officium demandatum est) id præstare: reliquum est, ut naturales præstent. At verò quia hi ipsi in controversia positi sunt, probantur his rationibus. I. Ubique spiritus innatus est, necessariò indiget ille restauratione. At in hepate, parte principe, est spiritus innatus. Ergò. II. Si hepar est principium facultatis altricis; illa verò non in sanguinis tantum præbitione, sed & spiritus, consistit: manifestum est, necessariò dari debere spiritum quendam hepatis. III. Si nihil in corpore nostro planè sincerum est, utique in sanguine quoque venoso erit spiritus. IV. Cum hepar non minùs sit principium, quàm Cor & Cerebrum; hæc autem duæ partes habeant spiritus suos: cur hepar non habeat? Hæc ille pro causâ suâ. In quibus quis non subitò agnoscit futilitatem? Nisi enim vera sit triplicitas animæ Galeni, non erit etiam vera assertio spiritus hujus. Nisi constet esse spiritus insitos, non constabit quicquam hujus dogmatis. Et vera esse potest assertio illa Galeni, 11. *Meth*. 1. ut tamen falsum sit, quod superstruitur. Intelligit autem Galenus per spirituosam solidarum partium substantiam, non spiritum ex semine reliquum, sed tenuiorem, & (ut ita dicam) acrescentem sanguinis, pro nutritione allabentis portionem. Hæc autem pro restitutione suâ non indiget spiritu hepatis peculiari, qui non magis ibi est, quàm peculiaris anima: sed satis est, si habeat sanguinem laudabilem. Hinc patet, Altimarum bonam causam malè agendo perdidisse. Datur spiritus naturalis: is tamen hepati proprius non est, eo, inquam, sensu, quo principia Galeni volunt. Fit igitur proprius, dum ex Corde, partim per venam cavam in hepar transfertur, quod Thomas à Veiga etiam concedit: partim ex arteriis in venas, per mutuas *ἀναστομώσεις* infunditur. Ex his igitur judicare licet de iis, quæ pro solutione argumentorum Manardi affert Altimarus. Ego non afferro, ne bono tempore malè abutar. Idem judicium esto de iis, quæ Costæus, Piccolominus, Laurentius, Montaltus, Ferdinandus, Bertachius, alii afferunt.

## C A P. IX.

*De Spiritu Animali.*

Planum est, ut puto, etiamsi nullus moneo, per spiritum animale me intelligere, non spiritum origine distinctum à vitali, quod Galenus vult: sed vitalem in Cerebro alteratum eo modo, quo suprà ex Montano dixi. Unde apparet, quatenus mihi conveniat, aut non conveniat cum Scheckio, qui librum peculiarem fecit, in quo docuit, Spiritum, qui continetur in ventriculis Cerebri (ita loquitur) non esse animale, sed vitalem. Scheckius enim innixus unitati animæ, cordisquæ primatui, quæ duo ob id distin-



distinctis operis explicat, verè contendit, non nisi unum esse spiritum. Quamdiu enim priora illa bene se habent, quomodo in Corpore dari possit spiritus quidam  $\alpha\lambda\lambda\omicron$ ? Ego, eundem hypothesebus usus, doceo, unum reverà esse spiritum, quiq; ex aëratione sanguinis (ut sic loquar) in Corde quidem ortum habeat: sed quia actiones à diversis formis & naturis provenientes, ita loquitur Amicus, diversa & specie differentia opera pariunt; item, quia instrumenta diversis usibus & actionibus destinata, meritò diversa statuuntur, absurdum dictu non esse, si spiritum, qui sit instrumentum hujus actionis, quæ specie differt ab hac alterâ actione, specie dicam differre ab hoc spiritu. Non quidem, quòd  $\alpha\lambda\lambda\omicron$  sit, sed quòd  $\alpha\lambda\lambda\omicron$  sit, ut suprà me explicui. Hic considerari poterat, quomodo Galenus se gesserit in asserendo spiritu  $\alpha\lambda\lambda\omicron$ ? At verò quia in lib. de Ad. & Asthorac. abundè feci; quia etiam Bertachius 4. Spir. 9. invitatus ad me accedit: non cupio molestus esse iis, qui ad Galeni contactum dolent. Operæ potius pretium fuerit videre, quid Scheckius profecerit? Primum ipsius argumentum est à causa finiente, ut loquitur. Manifestum est (inquit) Cerebrum, non minus quàm alia membra, ad obeundem munus suum, opus habere calore vitali Cordis. Quavis enim ipsum in sua substantia sit frigidius Corde, idq; propter finem, ad obeundas suas actiones, quæ apud Arist. 1. de Anima, fiunt quiete: debuit tamen à calore Cordis redigi ad justam temperiè, ad eam scilicet quæ actionibus illius est commoda. Nisi enim id fieret, perpetuò stupe- ret, perpetuò lethargicum esset, breviter otiosum & inutile. Jam verò Calor ille, à Corde ad Cerebrum elatus, non est alius ab eo Calore, qui è Corde fertur ad alia membra. Igitur quemadmodum in aliis membris non constituuntur alii calores, sed unus est, & dicitur Vitalis: ita in Cerebro. Parum autem refert, calorem dicas, an spiritum? Quod enim de Calore dictum est, de spiritu quoq; dici potest. Resp. Ita quidem est, ad Cerebrum, non minus quàm ad alias partes, ablegatur sive Calor, sive spiritus Cordis: at verò Cerebrum est pars princeps, & accipit, non pro se tantum, sed pro toto corpore. Hoc agnoscit Scheckius his verbis: Principatum interiorum sensuum Cerebro attribui- mus, quod officium & quam  $\epsilon\iota\sigma\eta\gamma\epsilon\iota\sigma\tau\omicron$  ut præstare possit, sedatum ipsum, tranquil- lumque, stabili & firmâ naturâ præditum esse oportet. Quibus verbis cum planè dica- tur, Cerebri usum Aristotelicum; is verò sit, facere spiritum  $\alpha\lambda\lambda\omicron$ , ex calido & insta- bili frigidum & stabilem, quid opus est pluribus? Secundum argumentum est à materia & efficiente. Si omninò differt animalis ille spiritus à vitali, quâ re differt? Non mate- riâ. Aut enim sanguis arteriosus est materia spiritus animalis: aut spiritus vitalis. San- guis non est. Aut enim continetur in suis vasis, aut extra illa in ventriculos Cerebri ef- funditur. Non hoc: grumescit enim, statim atque è vasis suis exiit, adeoque fit inuti- lis ulli rei secundum naturam generandæ. Non illud: quid enim faciet spiritum? Ni- mirum, ut spiritus fiat, oportet calor ad sit magnus, qualis in Cerebro non est. Relin- quitur ergò, ut materia spiritus animalis sit Vitalis ille, qui è Corde sursum elatus est. Si hoc, jam non differunt materiâ. Sed nec efficiente: Ubi enim calor qui illum facit? Resp. Omninò spiritus vitalis est, ut Gal. loquitur,  $\sigma\iota\kappa\epsilon\iota\alpha\ \psi\lambda\eta$ , propria materia ani- malis, & sit in Cerebro non per novam aliquam coctionem, quam Labarella etiam ti-



mes: sed per alterationem, ipsi etiam Scheckio non ignotam, siquidem bene cogitare velit, quæ de usu Cerebri docuit. Caterum cupio hic admonitos eos, qui frigidum aërem ad spirituum in Cerebro operationem tantis machinis attrahunt. Quid enim opus est frigore, cum Cerebrum ipsum sit frigidum? *Tertium* argumentum formare possis ex discursu illo bene longo, in quo contendit, nullam esse spiritus animalis necessitatem, quod sensus & motus fieri possint à facultate sola sine spiritibus. Cui ego hoc reddo: tolli hoc modo totam de spiritibus doctrinam, quod nescio an Scheckius ipse sit permitturus. Quod ad rem nostram, cogitur dare spiritus vel invitus. Si enim solutio contingit, est causa stuporis, qui sit quod stupor abit, manente continui solutione? *Quartum* feceris ex iis, quibus spiritus animales planè cupit è medio sublatos. Quibus breviter satisfacio: Nervos Opticos esse perforatos non repugnat omnium Recentiorum observationibus. Gemma enim lib. 2. *Cyclopedææ*, vidit foramen. Septimum Vesalii musculum facere dilatationem pupillæ, planè inexpectatum est. Cum enim in homine non sit, quomodo possit aliquid facere? Sed & iniis, in quibus est, longè alium usum habet de quo alibi. Et quo quæso modo dilatare possit pupillam, quam non attingit? Quod ad luciditatem spiritus animalis, nihil illa nobis obstat. Etiam si enim lucidus non sit, esse tamen potest. Et potest ille lucidus esse, tamen fieri visio, non quomodo Plato & Galens voluere: sed quomodo Aristoteles. Ad rete mirabile, plexusq; chorioides quod attinet, eadem facilitate dici possunt facere ad generationem spiritus animalis, quàm ille dicit ad conservationem vitalis facere. Imò pro generatione sunt similia naturæ opera, quæ testantur, ubi ubi sunt plexus, ibi novam fieri elaborationem. Et ita quidem nunc me expedit, satis habens, si Scheckio satisfacio. Concludo ergò totum negotium de numero spirituum: Duo cum sint extrema, quorum alterum non nisi unum spiritum admittit, alterum tres esse condentit: visum fuit neutram amplecti sententiam absolutè, sed utramque secundum quid. Dico igitur, Non sunt tres spiritus, quia tres essent animæ: non est unus spiritus, quia ab uno tam diverse actiones oriri non possunt. Ergò unus est origine, is scilicet qui è Corde in omnes partes influit: plures autem vi & efficaciâ, prout scil. in hac vel illâ parte recepti, appropriantur, & ministrant partis illius actionibus. Hos plures, si negaveris differre specie, sed accidentibus tantum, temperie, tenuitate, crassitie substantiæ, aliis fortè, firmiori in Philosophia niteris vestigio: sin specie etiam differre voles, ob specie differentes actiones, accommodatiùs ad artem loqueris. Ita malleus est malleus, sive faber ferarius utatur, sive lignarius, sive alius quicumque artifex, quia unum habet usum tundendi. Interim malleus huius artificis, dici potest differre specie à malleo illius artificis, quia alii operi destinatur, quod non rarò figurâ variat, aliquando materiâ. Imò unus & idem artifex diversos habet malleos, quorum ille pertinet ad hoc opus, ille ad ceteros usus.

ss(o)ss  
8

CAP.



## CAPUT ULTIMUM,

## De Spiritu Genitivo.

Rem obscurissimam, & tantum non miraculo dignam obiter explicaturo, hinc visum fuit facere dicendorum exordium. Vetusta est controversia, An testes sint in censu partium principum? Quod minus sint, multa illis obstant in Philosophia Peripatetica. Cur videantur esse debere, unicum facit problema, quod Gal. 1. de Sem. 15. adeo extulit, ut testes cum Corde contenderit. Et est profecto res mirabilis, quomodo rem tantillam sequatur tanta corporis mutatio, rem (inquam) ad vitam non necessariam! Verum enim vero scitissime resolvit problema Jacchinus, *Quaest. natur.* 28. è quo protraxi ego, 1. *Gener. hom.* 4. & 19. Uno verbo, fallacia est, quæ dicitur *μη παρὰ τὸ το*. Accidunt hæc, sed non accidunt ratione testium: verum motus illius vehementis, qui in libidine est. Hinc (1. *Gener.* 20.) quidam Eunuchi etiamnum viros agunt, & tam non sunt foeminae, ut fuerint qui furis accensueret tales. Ex hujus rei explicatione pendet alterum, non minus vetustum, An semen dicatur ex toto corpore? Notum est, quot & quanta obstant parti affirmativæ in eadem Philosophia Peripatetica. Interim quam causam dabimus ingentis illius voluptatis, quâ totum corpus exultat? Ego *disti operis & libri cap.* 12 conjuxi me cum illis, qui sciunt, duo in semine considerari, Spiritum & Corpus. Hoc in solis partibus spermaticis preparari, dubium, quod sciam, nullam habet: illum non in his solis fieri, sed in ipso actu ex omnibus partibus, in primis principibus, & inter has maximè de Corde, ad illas corrivari, puto credi posse propter indicibilem illam voluptatem, de qua dixi. Hic spiritus, ut iterum *l. cit. cap.* 7. docui, apud Arist. dicitur *λόγος περιματικός, ψυχή, ἀνέμα τῆς ψυχικῆς ἀρχῆς, ἀρχή, ἀρχὴ κινήσεως, ἢ κινήσεως ἀρχὴ, ἢ ψυχῆς, θερμότης ψυχικῆ, τὸ ποιεῖν, τὸ δημιουργεῖν, τὸ καλούμενον θεῖμα, ἀνάλογον ὅν τῳ τῶν ἀστρον στοιχείῳ*, Ratio seminalis, forma, anima, semen principii animalis, principium, principium motus, principium anima, calor animalis, id quod movet, quod fabricat, quod facit, nempe Calidum illud ab aliis Philosophis vocatum, quod proportionem respondet Elemento stellarum. Postquam enim una cum *ὁ κρῶσπερματικῶ*, cum corporatura seminis, quod apud eundem *σῶμα τῶ γονῆς*, corpus seminis, in uterum bene dispositum venit, cum purissima sanguinis materni parte coit, constituitque cum illo *τὸ πρῶτον μίγμα ἐκ θήλειου καὶ ἀρρενικοῦ*, primam miscellam ex femina & mare, quod *κῆμα* Græci, conceptum Latini vocare solent. Et hoc *κῆμα* in Viviparis respondet proportionem in Oviparis ovo fecundo, in plantis semini fecundo. Utrouque verò conjunctum est utrumque principium activum & passivum. Hic spiritus genitivus, quia est *ἀρπαγμα, ἢ δόττασμα*, particula spiritus paterni, adeo idem agit, quod pater, ut nihil referat, patrè mne dicas generare, an semen? Hinc fit, ut loco suo receptus, debitaque materiâ non destitutus, *ἐχὼ τὴν κίνησιν, ὡς ἐκείνῳ κίνησιν*, eo motu moveatur, quo moveri solebat ipse pater, hoc est, ad generationem, v.g. hominis, 2. *Gener.* 5. Quomodo autem motus ille progrediat, non potest sciri melius, quam suppositis viginti aliquot ovis gallinæ, singulisque diebus animadversâ molitione, quâ de re actum est mihi, 2. *Gener. hom.* 12. Toto hoc



tempore spiritus genitivus cum subiecta sua corporatura, cum qua constituit unum  $\tau\epsilon\tau\iota$ , habet tantum rationem principii activi, quod 3. *Gener. hom. 3. & 4.* demonstrasse me puto. Absolutâ generatione hoc  $\tau\epsilon\tau\iota$ , mutato habitu, dicitur Calidum nativum, in Corde sedem habens, ut toties jam dictum est. Hæc pauca ego dixisse volui, cum sponse, si Philippi de Soldevilla labor de hoc spiritu ad me pervenerit, meliusque aliquid persuaserit, continuo me mutaturum sententiam. Idem dictum volo de omnibus, hic in medio positis, in quibus si qui erunt, qui vitio mihi vertent, quod quædam aliter docuerim atque olim, illos scire velim, contigisse mihi quod Menandro, cujus liberam oris confessionem hic facio meam:  $\text{Εἰκόνη μὲν ἐστὶν ὧν, ἐφ' ὧν ἔδδεν.}$

### In furem hujus Operis.

MERCVRIO sate furvo, nocturnaque LAVERNA,  
Ni malis Noctis filius esse tua,

Quàm bene te novi, tam nolo hac gratia detur,  
Differat ut nomen publica fama tuum.

Ecce autem hanc tabulam suspendo in Palladis arce,  
Posteritas ut te conspuat omnigena.

HOFMANNUS.

